

პ. მ. საყვარელიძე

# მისტერ სმიტის გაკვეთილები

სახელგამი -- 1930 — ტფილისი

---

ს. ს. მ. უ. ს. პოლიგრაფ-  
ტრესტის 1-ლი სტამბა.  
პლეხანოვის ქროსპ. № 91.  
მთაწარლიტი № 1344. შე-  
კვეთის № 1916. ტ. 2000.

---

## წიხასწარ.

იტყვიან: „ — კაცი ბჭობდა, ღმერთი იცინოდაო!“ ღმერთის რა მოგახსენოთ. მას სიცილისათვის, მგონი, აღარ უნდა ეცალოს, მაგრამ კაცს, მართლაც, ხშირად ემართება საჯაყი საქმე. გულში ერთს ამოიჭრის, აპირებს ერთი რამ გააკეთოს, ცხოვრება კი სულ სხვა მხრით მიათრევს.

მეც ასეთი საქმე დამემართა.

შემთხვევით საზღვარ-გარეთ მოევხედი, მაგრამ სრულე-ბითაც არ ვაპირებდი ამერიკაში წასვლას. გარემოებამ სრულებით მოულოდნელმა, ჩემმა გულუბრყვილობამ და ზოგიერთი ადამიანების დაჟინებულმა აკვიატებამ კი ამე-რიკაში ამომაცოცხლა თავი.

ჯერ წასვლისას და მეტადრე მოსვლის შემდეგ ბევრმა გამაგონა:

„ — ბედნიერი ხარ, ამერიკის ნახვის ღირსი გახდიო!“ . ამერიკა მართლაც ბევრად საგულისხმო და საინტე-რესო ქვეყანაა, თუმცა — ესეც სათქმელია — ბედნიერება იქ ბევრი არ ჰყრია. ხშირად მკითხავენ ხოლმე — გვითხარი, მოგვიყევი რა ნახე, როგორია შენი შთაბეჭდილებებიო? კითხვა პასუხზე უფრო ადვილი საქმეა, მაგრამ ესეც რომ არ იყოს ზეპირად სახელდახელოდ, სადმე გზაზე მიმავა-ლი, აბა ვის რას ეტყვი, რამდენს ეტყვი, ვის რამდენათ და-აკმოყოფილებ.

ვისაც ამერიკის შესახებ ჩემი შთაბეჭდილებები აინტერესებს, ამ კრებულში ამოიკითხავს.

დაწერილია ის სხვა და სხვა დროს ჩემი ამერიკაში ყოფნის განმავლობაში.

ეს არ არის მეცნიერული ნარკვევი, ეს ახლად მოსული კაცის დაკვირების შედეგია.

ციფრები და ცნობები, რაც იქა-აქ მაინც მოიპოვება ამ კრებულში, შემოწმებული და შეთანხმებულია სტატისტიკურ სახელმძღვანელო წყაროებთან.

ჩრდილო-ამერიკის შეერთებული შტატები ეს უაღრესად განვითარებული ქვეყანაა. მეცნიერება და ტექნიკა სწრაფი ნაბიჯით მიაქანებს აქაურ ცხოვრებას.

საითკენ მიდის ამერიკა?

კაპიტალის უზომო დაგროვებისაკენ, ქვეყნის სიმდიდრის სულ უფრო და უფრო მცირე რიცხოვან მილიარდერების სრულს გაბატონებისაკენ, ეს კი თავისთავათ ნიშნავს მრავალ მილიონი მუშათა კლასის გაღატაკებას, უმუშევრობის უაღრესად გამწვავებას და სხვა თანაბარ მოვლენების უმწვერვალესად გააღმასებას.

ეს უკანასკნელი საფეხურია, ამას იქით კაპიტალის ბატონობას სავალი გზა აღარ აქვს. კაპიტალისტური წესწყობილების განვითარების გზები ილევა—ამას უნდა მოჰყვეს კაპიტალიზმის დამნგრევი და გამანადგურებელი ძალების აშკარა შეტევა და ამ ძალთა გამარჯვება. ეს უდაბო და აშკარაა, ისე როგორც აშკარა და აუცილებელია, რომ ბნელს ნათელი მოჰყვება, ღამეს დღე. როდის დადგება ეს დრო, როდის დაიჭექებს ამერიკის კაპიტალისტების თავზე ეს საბედისწერო მენი — ამის მოქმელი, ამის წინასწარმეტყველი არავინაა.

ვინც დღევანდელს ამერიკის ცხოვრებას დაუკვირდება, ვინც ზერელეთ არ შეხედავს აქაური სინამდვილის რთულს სახეს, უსათუოდ შეამჩნევს, რომ კაპიტალის გამანადგურებელ ძალთა თავის მოყრა, რევოლიუციონური სულისკვეთების დაგროვებაც სწრაფად იზრდება და ვითარდება.

თუ ჩემი შთაბეჭდილებათა კრებულის მკითხველი შეამჩნევს და დაინახავს, ისე როგორც ეს მე დავინახე, ამ ორი მიმავალი და მომავალი ძალთა არსებობას და იმ თავისებურ ურთიერთობას, რომელიც საბოლოოდ უკანასკნელი ბრძოლით უნდა დათავდეს, მაშინ უსათუოდ მეთქმის, რომ ჩემი შრომა ამ კრებულის შედგენაზე დახარჯული უქმათ დაკარგული არ ყოფილა.

პ. მ. საყვარელიძე.



## ჰამბურგიდან ნიუ-იორკამდე.

7 დეკემბერი.

ჰამბურგიდან გემი ნიუ-იორკისაკენ დილით მიდის.

— საათის ცხრაზე გავა ნავთსადგურიდანო, ასე მითხრეს ბერლინში, როცა ბილეთს ვყიდულობდი. ჰამბურგში კი სხვა მითხრეს.

— გემი აქედან კი არა, კუკს-ჰაფენიდან გადისო.

— სად არის ეს კუკს-ჰაფენი?

— აქედან მოშორებითაა, ორი საათის სავალი გზაა რკინის-გზითო.

როგორც იქნა მოვნახე ამ დალოცვილ კუკს-ჰაფენისაკენ მიმავალი მატარებელი. ჩავჯექი.

გზას, დაახლოვებით, მართლაც ორი საათი მოუნდით. ბოლოს, გაჩერდა მატარებელი.

— ბარგი ვაგონში დასტოვეთ, ყოველიფერს ჩვენ მოგიტანთ და ჩაგაბარებთ თავ-თავის ადგილზეო, გვითხრეს. მე სხვა ვარ წეს-რიგსა ვარ მიჩვეული. ჩემი ნივთები მივატოვო და ისე გავუდგე გზას ცარიელ-ტარიელი? არა, ასე არ სწერია ჩემს კარაბადინში.

გუნებიერთა მოვუჯექი გვერდში ჩემს ნივთებსა და ვაპირებ კვალ-და-კვალ გავყვე.


— თქვენ სად მიემგზავრებით?

— ნიუ-იორკში.

— აქ რას უცდით?

— ნიეთები მიწყვია აგერ, მინდა თან გავყვე, დაკარ-  
ვკის მეშინია.

— მაგისტანა მაგალითი ჯერ არ ყოფილა. თქვენ წაბრ-  
ძანდით და თქვენი ნიეთები, თქვენი იქ მისვლის უმალ იქ  
დაგხვდებათ.



ჰამბურგის ნავთსადგური.

სჯობს დაუჯერო, თორემ ნიეთებიცა და მეც აქ დავრ-  
ჩებით, ისე ვატყობ საქმეს. გავყევი იმ გზას, საითკენაც  
სხვები მიდიოდენ.

— პასპორტი? კითხულობს გასაველელ კართან ატუ-  
ზული ვილაც მოხელე. შორი-ახლოს დახედავს; მგზავრე-  
ბი შეუჩერებლივ მიდიან წინ..

მეც სხვებს მივყევი.



გავედით ზღვის ნაპირზე.

ჩვენს წინ ვეებერთელა გემია. ნაპირიდან მიდგმული აქვს კიბე. ამ კიბეზე ავყევით ნელა-ნელა.

— თქვენი ბილეთი?

შევაგებე; მომარჯვებული მაქვს ხელში.

— აქეთკენ წამობრძანდით.

გავეყვი.

შემიყვანეს ერთ პატარა ოთახში. მართლაც. რომ ოთახია. ორი საწოლია შიგ. არის პირისაბანი, სხვა მორთულობა; შკაჟი, სავარძელი. ერთი სიტყვით, ყველაფერი, რაც ოთახში — ჩვეულებრივს ბინაზე.

— ეს გახლავთ თქვენი ბინა.

— ნივთები?

— აგერ თქვენი ნივთები.... პირდაღებული დავრჩი. ყველაფერი თავის ადგილას დამხვდა.

12 საათი.

ჩვენი გემი სწორეთ და ზუსტათ 12 საათზე დაიძრა ადგილიდან. არ ვიცი, ასე ჰქონდა განკარგულებული დრო, და ასე უნდა წასულიყო, თუ ეს უბრალო შემთხვევის შიშით მოხდა.

ნაპირზე დარჩა ერთი წყება ხალხი. რომელიც კარგა შევარიათ ხანს აქნეოდენ ცხვირ-სახოცებს. გემზე მუსიკამ დაუწყებინა რაღაც უაზრო და უგემო. ამისთანაობაში გერმანელებს, რაც მართალია-მართალია — დიდი შნო და უნარი არ გამოჰყოლიათ.

ნელა, თითქმის შეუმჩნევლათ ეშორდებით ნაპირს.

ჯერ მხოლოდ რაძოდენიმე გოჯით დავცილდით ნაპირს. მარჯვე ბიჭი კიდე მოახერხებს გადახტომას.

რამდენი, ვინ დასთვლის, რამდენი ასეთი მანძილი გვაქვს ჯერ კიდევ გადასათელი.

ვზივარ ჩემს კაბინაში. — სახელი ეს ქვია ამ ოთახს.

წყნარათ მიდის გემი; არ ირყევა.

ნეტავი ასე იქნებოდეს მთელ ამ მგზავრობის ხანს.....

თითქოს, გულმა მიგრძნოო, დაჰბერა სადღაიგანაც ქარმა. ჩვენმა გემმაც იკადრა და აყუნტალდა ჩვენებური სოფლის აკვანივით.

მეშინია ამ რწყვის. მახსოვს — ოცი წლის წინათ იყო ეს ამბავი — ერთხელ ისეთი დღე დამაყენა რწყევამ, რომ ნალველი აღარ დაუტოვებია. — ხელიერთპირათ ამომანთხევია.

ზღვის რწყევას არაფერი წამალი არ უდგება. ერთად-ერთი რამ, რაც მას შველის ისაა, რომ უნდა წაუწყვე. მეც ასე ვქენი. მგონი ასე აჯობოს.

გაუხდელათ დავგორდი ლოგინზე...

ჩამძინებოდა. წამოსვლის წინათ იმდენი ვირბინე, ისე მოვიქანცე, რომ ამ რწყევამაც ვერაფერი დააკლო ჩემს დადლილობას.

გამოვახილე თვალი.....

თავი აღარ მტკივა, მაგრამ სიმშილი მაწუხებს. გავუდექი გზას. სასადილო ოთახში ერთი სული ადამიანი აღარ ჰქანებს.

-- არ შეიძლება ცოტა რამ საკმელის შოვა?

— დაგვიანებულთა. დღეს სადილი აღრე გვქონდა...

— მე ეს არ ვიცოდი... თუ შეიძლება, მე მზათა ვარ გადავიხადო, რაც ეღირება.

— რა უნდა ღირდეს, ჩვენ ვალდებული ვართ. კეთილი, ეხლავე მიიღებთ ყველაფერს. დაეჯექი მაგიდასთან, მაგრამ ვაი იმისთანა დაჯდომას. გემის რწყევამ კვლავ უმა-

ტა და მეც მთვრალი ადამიანებით ამერია გული. რალა მე-  
კმება?

· მომადგა ვილაც საფრანგეთის რესპუბლიკის პრეზი-  
დენტით გამოწყობილი.

— ამოირჩიეთ, რას მიირთმევთ?

— რაც გაქვთ მზათ, ის მომიტანეთ, მე მაინცა და მა-  
ინც ამორჩივის გუნებაზე არა ვარ.

— რაც გენებოთ... ყველაფერს მოგართმევთ.

ალარ მახსოვს, რა ამოვირჩიე. მომიტანეს, მარა ვისა  
აქვს ჭამის თავი? როგორც იქნა გადავყლაპე ორიოდე ლუ-  
კმა, წამოვდექი ზეზე და ბარბაც-ბარბაცით გავუდექი გზას.

დიდის ვაი-ვაგლახით გავიხადე ტანზე და გავწივი ლო-  
გინში. ლელვა და რწევა არ დაწყნარებულა, მაგრამ წამო-  
წოლილი როცა ვარ, როდი ვგრძნობ ასე მწვავეთ ლელვის  
ზეგავლენას.

### 8 დეკემბერი.

დღეს საუცხოვო ამინდია. ზღვა სარკესავით დგას. გემი  
თითქმის სრულებით არ ირყევა, რასაც თვით მანქანების  
მუშაობა არ არყევს. ჩავიცვი და სულ ზემო ბანისაკენ გა-  
ვეშურე.

მე, როგორც წარჩინებულს წოდებას და განსაკუთრე-  
ბულს მდგომარეობას შეეფერება, პირველი კლასით გაი-  
ხლებით. აქ მგზავრები ძლიერ ცოტაა.

მეორე კლასშიაც ნაკლებათაა მგზავრები.

ჩვენს გემს აქვს ერთი განსაკუთრებული განყოფილება.  
ეს არის „ტურისტების“ კლასი. არც იქ არის მაინცა და მა-  
ინც ხევით მგზავრები. საზოგადოთ ამ ხელათ გემი თით-  
ქმის ნახევრათ ცარიელია.

გემზე ჰყიდიან წიგნებს, ჰყიდიან ტკბილეულობას, ტანისამოსს, ერთი სიტყვით ყველაფერს, რასაც კი მოისაჭიროებებს ადამიანი. აქვე არის მოწყობილი რადიო. შეგიძლია გააგზავნო ტელეგრამა საითკენაც გინდა; შეგიძლია კიდევ მიიღო.

ვიყიდე ერთი უბის წიგნი. ვიყიდე, გარდა ამისა, სტუფან ცვაიგის „ამოკი“ გერმანულ ენაზე. შევიარე რადიოსადგურისაკენ და ბერლინში შევეუთვალე ჩემს მეგობრებს:

— „მშვილობიანათ ვიმგზავრებდი. ცოტას გვარწევს. მე კარგათ ვგრძნობ თავს“.

11 ს. 40 წ.

ჯერ კიდევ კუკს-ჰაფენიდან ჩემთან იჯდა ერთი რგვალი ადამიანი. იმ სიმსხო იყო, რომ თავის ჭიპს ისე შესჩერებოდა, როგორც მთებში მოგზაური იალბუზის მწვერვალს. აი იმას გადავეყარე ბანზე. ის ცოტათი, ჩემი არ იყოს, გერმანულს ამტვრევს. შევებით მუსაიფს.

— ჩქარა მივალწევთ ნავთსადგურს. ეს საფრანგეთის სადგურია ბულონი. — მითხრა მან.

— დიდ ხანს გავჩერდებით იქ, თუ არა?

— არა, მხოლოდ ფოსტას გადაცემთ და მივიღებთ.

იქნება მგზავრებიც ჩამოჯდეს კიდევ ვინმე.

ჯერ კიდევ ერთ კვირაზე მეტი გზა გვაქვს. ამას გაძლება არ უნდა?

ვინ იცის, რა ამინდი გვექნება გზაში?

1 ს. 38 წუთი.

გავჩერდით ბულონში. ეს ქალაქი და ნავთსადგური ლამანშის სრუტესთანაა. ხვალ კიდევ გვექნება ერთი გასაჩერებელი ალაგი ინგლისის რომელიღაც ნავთსადგურში და

მხოლოდ ამის შემდეგ — ნუ დაივიწყებთ — შევეუდგებით გზას ოკეანეში.

ლამანსშის სრუტე ყოველთვის მყარალ გუნებაზეა. არსად რომ სიო არ ჰქროდეს, სრუტეში მაინც კორიანტელი სდგას. ეხლა, ვინ იცის, იქნებ დაირცხვინა — ლამანში პატიოსნათაა.

მოაწია სადილობის დრომ. ეს სადილი არაფერი, მაგრამ ვახშმის დროს დამადგება უბედური დღე. ერთი ხელი ტანისამოსი უნდა გაიხადო და უსათუოთ შავ ტანისამოსში უნდა გამოეწყო.

ვაპირობ, თუ არ დამავიწყდა — ღია ბარათების ყიდვას. ხვალემდის კიდევ დრო გვაქვს. ხვალ ნავთსადგურში გადასცემენ და გააგზავნიან დანიშნულების მიხედვით.

ბანზე უკვე ნაცნობები გავიჩინე. ვმუსაიფობთ. მე არაფრათ მომწონს ჩემი გერმანული ენა. მაგრამ. თურმე — მე არც კი ვიცოდი ეს ამბავი — იმდენი მცოდნია, რომ თავისუფლათ ვემასლაათები ამ ხალხს. მათი მესმის და ჩემსას ვაგებინებ.

ნავთსადგურში გემზე ამოიბრინა ახალგაზრდამ — გაზეთების გამყიდველმა. გამოვართვი ორი ჟურნალი და ერთი გაზეთი. გულს გადავაცოლებ. ფრანგები უფრო გრძობის ამყოლი ხალხია და ამ გაზეთში. იქნებ, რაიმე ისეთს წავაწყდე, რომ დიდი ფიქრი და ყურადღება არ დასჭირდეს.

ეს ფრანგი გაზეთის გამყიდველი, ნამეტანი გამოიმასქნებელი ვილაც გამოდგა. სამი მარკა — ჩვენებურათ თითქმის მანეთ-ნახევარია — გადამახდევინა.

ვკითხულობ ბერლინიდან წაპოლებულ რუსულ წიგნებს, ვიყიდე, სხვათა შორის. ვილაც ვლ. კ რ ი მ ო ვ ი ს

წიგნი. დიდი მოხეტიალე ვინმე უნდა იყოს. ერთი კრი-  
მოვი გენერალი იყო. მაგრამ ეს არ ჰგავს გენერალს.

8 საათი.

მართლის თქმა სჯობია — არ ვიცი, მაინცა და მაინც  
რვა საათია ეხლა, თუ მეტი, ან ნაკლები. ამბობენ, რომ  
ეხლა, რომ ჩვენ „ინგლისური დრო“ უნდა ვიქონიოთო,  
შემდეგ, ალბათ, „ოკეანეს დროს“ უნდა გავყვეთ და ამის  
შემდეგ „ამერიკის დროს“. განსხვავება ამ „დროების“ შო-  
რის გვარიანა საგრძნობია.

ასეა, თუ ისე, ჩვენ ამ სალამო-ხანს რომელიღაც ნავთ-  
სადგურთან ვართ გაჩერებული. ინგლისის ნაპირია. აქ რა-  
მოდენიმე კაცი გამოგვაკლდა, ცოტა მეტი მოგვემატა. გე-  
მის მოხელე იდგა ჩემს ახლოს ბანზე (— მართალი გით-  
ხრათ, არ ვიცი რა წოდებისა და რა ხარისხის პატრონია—)  
ვერ დავუწინაბე მხიარული სახე.

— ცოტაა, რაც მოგვემატა, იმდენი თითქმის კიდევ  
მოგვაკლდა. — უგემურათ ჩაილაპარაკა მან.

— მართლაც და. ამ გზობას თქვენ, რაღაც ცოტა ხა-  
ლხი გყავთ მგზავრები, დავემოწმე მეც.

— არა, ჩვენ ყოველთვის ბევრი ხალხი გეყავს ხოლ-  
მე, — იწყინა მოხელემ, მაგრამ ეხლა რაღაც მეტის-მეტათ  
ცოტა ხალხი გეყავს.

— ალბათ, ამინდმა დააფრთხო ყველა. ხომ გახსოვთ,  
რა საძაგელი ამინდი იყო?

— მართალია, დასტურ და რა საშინელი ამინდი იყო  
მთელი ერთი თვის განმავლობაში. მთელი თვე არ ჩამდგა-  
რა ქარიშხალი.

— საშიშია, ხომ ამისთანა ამინდში?

— საშიში არაფერიც არაა, მაგრამ სასიამოვნოც არაფერია.

— ეს გემი გაჩერებული იყო, თუ არა ამ ქარიშხლის დროს?

— არა, ჩვენ არ შეგვიწყვეტია ჩვეულებრივი მგზავრობა.

ნავთსადგურიდან ჩვენ გემს მოადგა პატარა გემი. ამ გემს ვინტი როდი აქვს: მას გვერდებზე დადგმული წისქვილის თვალის მზგავსი გოგრები აქვს გაკეთებული. ახლომახლოში სასიარულოთ ასეთს გემს არა უშავს რა, მაგრამ შორს კი მითი წაქსვლელი უსათუოთ დაზღვეული უნდა იყოს — დაღუპვა ხელში უნდა ეკაოს.

შემოიბრინა ვილაც ახალგაზრდამ. ხმაურობს, დარბის. ინგლისურათ მარიჯათობს. ვერაფერი ვერ გაუუგე—რა უნდა. გამოვიკითხე, თურმე — ტელეგრამის გაგზავნა, ხომ არავეის გინდათო, ამას კითხულობს.

ეჰ. შემოძველებულია მაგ ამბავი. თუ ტელეგრამის გაგზავნა ვინმეს უნდა — რადიო-სადგური აქ არა გვაქვს გემზე?

წავედი ოთახისაკენ.

ჩვენი გემი — მისი სახელი. (— უკაცრავათ, მისი სახელის დაგვიანებისათვის —) „ა ლ ბ ე რ ტ ბ ა ლ ი ნ ი“ გახლავთ — ჯერ კიდევ სდგას და არ იჩქარის. მოსული გემი კი კარგი ხანია გაუდგა გზას.


ვკითხულობ ნ ი უ-ი ო რ კ ი ს აღწერას გერმანულათ დაწერილს. პატარა წიგნაკია — საუცხოვოთ შედგენილი. რამდენი ჩინებული ცნობებია ამ პატარა წიგნაკში.

ძილი ჯერ აღრეა, საქმე კი არაუერია.

საკვირველი ამბავია! რაც უფრო ვშორდებით გერმანიას, მით უფრო ნაკლებათ ისმის გერმანული ენა, თუმცა

ხალხი, რაც იქ იყო — ის აქ არის. ჟრუანტელი მივლის, როდესაც ამ ინგლისურ მუსაიფს ვუგდებ ყურს.

ინგლისელი პირშეკრული ლაპარაკობს. კბილებს ერთი მეორეს არ აშორებს და ენა ამ დაკეტილ პირში ტრიალობს. ისმის იქედგან რაღაც ღმუილი, მაგრამ ისეთი რამ, რაც უფრო ჯამბაზურ ოსტატობას უფრო ჰგავს, ვიდრე ჩვეულებრივი ადამიანის ჩვეულებრივ სიტყვის თქმას.



გემი „ალბერტ ბალინი“. რომელიც ჰამბურგიდან ნიუ-იორკამდე დაიარება.

— როდის მივალთ ნიუ-იორკში? — ვეკითხები ოთახის დამლაგებელს.

— დღეს ხომ შაბათია, არა? მაშასადამე ჩვენ ნიუ-იორკში მხოლოდ გადაღმა კვირის ორშაბათს ჩავალთ.

კარგი დაგემართოს — კარგი ამბავი მაგ ჩემთვის იყოს! ერთ კვირაზე მეტი ამ უძირო და უნაპირო წყალზე. ვინ იცის, როდის ამოტყდება ქარი და გრიგალი!...



არა-და — შე ოხერო ჩემო თავო. რა დაგარბენინებს, ერთ ადგილზე რომ ვერ ისვენებ? ბაბუაჩემი, ალბათ, სვირის სანაოს იქეთ არსად არ ყოფილა. მამა-ჩემი სულ რამოდენიმეჯერ იყო თბილისში — იმის მეტი მას ქვეყანა არ უნახავს, დედა-ჩემის ნატვრა და ოცნება წყალტუბოს აბანოს არ გაშორებია... მე რომელი მოგზაური და მკვლევარი გამოვედი, რომ ერთს ადგილზე ჩემი გაჩერება არ იქნა? როგორი ამინდი გვექნება ამ გზავრობის დროს?

ამის მთქმელი და გამომცნობი არავინაა.

ამ ბოლო-დროს მაინც ბუნებაც რაღაც არეკილია: — ხან „ციკლონი“ არ გვასვენებს და ხან „ანტი-ციკლონი“.



რუსები იტყვიან: „ქაჯს რასაც ხატავენ, ისეთი საშინელი როდია“-ო. სწორეთ მენიშნა ეს თქმულება. ბერლინში ყურები გამომიქედეს:

— „არამცა და არამც არ გაგიწყრეს ღმერთი და სალამოს შავ ტანისამოსში რომ არ გამოეწყო ისე არ წახვიდე სასადილო ოთახში“-ო.

განგებ ვნახე და საგულდაგულოთ გამოვეკითხე ამერიკაში ნამყოფ ხალხს. ყველამ ერთხმათა და ერთპირათ ერთიდაიგივე მითხრა.

ღ დავიჯერე. ვიყიდე შავი ტანისამოსი, თან კიდევ ბლის ქერქივით გაშეშებული პერანგი და საყელო.

სალამოს იჯრის დროც მოვიდა!

ეს ოხერი, თითქოს კუქმაც იგრძნო. აქნამდე არ მშობდა. ეხლა კი ისე შემომმღერის, ვითომც, ერთი წლის ნაშარსულევი ვიყო.

დიდის სიმწროთა და ვაი-ვაგლახით შევეუდექი ტანი-სამოსის ჩაცმას. რამდენი ვაგინე ამ სისულელის გამომგონ-სა და შემომღებს.

როგორც იქნა, გამოვეწყვე.

ჩავიხედე სარკეში, ჩემი თავის მე შემეშინდა.

--- ვაჰ, რა ჯოჯია, ჩვენებურს წელ-ღია ბლუზას? უცებ გადაიცვამ, შეიბნეე ლირკილო, მორჩა და გათავდა.

შეველი სასადილო ოთახში და რა ვნახე? თურმე იქ, ვის როგორც უნდა ისე აცვია.

— მომცა ნეტავი ეხლა ის, ვინც მე გამაბრძოლა. კბი-ლით დასახევათ არ დავზოგავ.

გათავდა ესე ამბავიც.

ძილსა და წოლას ვერსად გაექცევი. ვწეები.

ვინ იცის, რა ამინდი იქნება ხვალ?

რა საუცხოვო ყოფილა ეს ჩემი კაბინა, თუ რაღაც ღეთის წყალობა; მე აქნამდე არც კი შემიმჩნევია.

### 9 დეკემბერი.

დილაა. საათს აღარ ვწერ, იმიტომ რომ, არ ვიცი რამ-დენათ შართალია ჩემი საათის დრო. ჩემს საათზე რვა საათია, მაგრამ ერთი საათი, თუ არა 45 წუთი მოპარული გვექნება — ამიტომ არ ვიჩქარი.

მოვესწრები კიდევ ამ კეხის და უნაგრის დადგმას კი-სერზე.

წუხელი საძაგლათ მეძინა.

რაღაც მძიმე და ძნელი სიზმრები მქონდა. ალბათ, სიც-ხე მაქვს. გვიან დავიძინე. ვკითხულობდი — ჩამიყოლია ვერესაევის „კ რ ა ს ნ ი ჰ ა ი ა ც ი ს“ კითხვამ. ეს გამა-სხარავებული გმირი მურავიოვი გახლავთ. — იყო ერთი ასეთი, მართლაც, 1917 წლის შემდეგ. ერთს ხანს ბევრი

ბაქა-ბუქი შემოეხარჯა და შემდეგ. როგორღაც მოწყდა....  
ნამდვილი მისი თავგადასავალი მე არ ვიცი. არც ამ ბა-  
ტონმა ვერესაემა იცის. როგორც ჰგავს, მაგრამ მას ამ-ეა  
მათ ისეთი ხელობა აქვს, რომ მურავიოვისთანა გმირები  
უნდა გამოიყენოს.

რაც სწერია სისულელეა, მაგრამ დაწერილია ოსტატუ-  
რათ და ხალისიანი საკითხავია. ძველი ოსტატია, კალამი  
უჭრის და, თუმცა ნაგავში კოტრილობს, მაგრამ ამასაც  
შნოიანათა და გემოიანათ ახერხებს. შნო აქვს, მაგრამ,  
სვინდისი... ან კი რალა საჭიროა ან მისთვის, ან მისიანე-  
ბისათვის ეხლა სვინდისი. მათთვის ეს სვინდისი სრულები-  
თაც არ არის „კარგი საქონელი“.

დღეს უკვე ამინდი ველარ არის ისეთი. რაც გუშინ  
იყო. გემი ცოტა არ იყოს, შეზარხოშებული მსმელივიც,  
ბორძიკობს. ნამყოფი და გამოცდილი სალხი ამბობს:

— ეს ამინდის ბრალი არ არისო. შეიძლება მართა-  
ლიც იყოს — შეიძლება ეს იმის ბრალიცაა, რომ გემმა.  
ცოტა არ იყოს, მოუჩქარა სვლას.

ასეა, თუ ისე. უნდა შევუდგე სამოსელის ჩამოლაგებას.

მხოლოდ ჯერ პაპიროსი უნდა მოვწიო. ესაა ჩემი პირ-  
ველი და თავი-დათავი საქმე-დილ-დილობით.

11 და 12 დეკემბერი.

თავი არ წამომილია ზევით.

შოთივით ვიყავი გაწოლილი ლოგინზე.

საშინელი რწევა და ლელვა იყო შეუწყნარებლათა და  
შეუწყვეტლათ. საქმელი ოთახის დამლაგებელს მოჰქონდა  
ხოლმე და ისიც ისევ უკან მიჰქონდა. თითქმის სრულებით  
ხელუხლებელი.

ლამის სამი საათია — 11-დან 12-სკენ — როგორც იქნა წამოვიღე თავი ლოგინიდან. ამინდი ცოტა დაწყნარდა.

თავი კიდევ მტკივა, მაგრამ ისე აღარ, როგორც აქნამდე. საშინელება ისაა, რომ კიდევ 'ხ უ თ ი' დღე დაგვრჩა-აბა დაითვალე:

ერთი.

ორი.

სამი.

ოთხი და მხოლოდ ამის შემდეგ არის

ხ უ თ ი!.. რა გაუძლებს ამდენ ხანს ამ საშინელ ამინდს-მაგრამ. ვინ იცის. იქნებ კიდევ გამოიღაროს?

უბედურება იმდენათ თავის ტკივილი კი არ არის — ამას გაუძლებს კიდევ, როგორმე ადამიანი. საშინელი ისაა, რომ ამ დაუსრულებელი წოლის დროს ადამიანი ვერც კითხვას ახერხებ, ვერც წერას, რასაკვირველია, და 'ფიქრის თავიც კი აღარა გაქვს.

რას არ იგონებ ადამიანი! რა უკირდათ მამაცხონებულებს, გამოეგონებიან ისეთი რამ წამალი, რომ ადამიანი დაეძინებიათ ამ ზღვაზე მოგზაურობის დროს და მხოლოდ მოსვლისას გამოღვიძებოდა.

12 და 13 დეკემბერი.

დილაზე კვლავ შემოუტყენა:

ისევ შეიქნა რწევა და ღელვა.

კვლავ ვიწვევი მთელი ეს ორი დღე და ორი ღამე.

ოთხი დღე და ღამეა, რომ ვწევარ. ისე შემძულდა ლოგინი და წოლა, რომ, მგონი, სულ აღარ დავწვევ არასოდეს.

გამომღვიძება ხოლმე ღამე. საათი კედელზე მაქვს მიკიდებული. გავანათებ ელექტრონს, დაუხედავ — ამისა-

თვის საჭიროა თავის ოდნავ ზევით წამოწევა, მაგრამ ესეც საკმარისია, რომ თვალთ დამიბნელდეს და თითქმის უგრძნობლათ დავეშეე უკან.

14 დეკემბერი.

დღეს საუცხოვო ამინდია.

საზოგადოთ, ზღვაზე ამინდით იწყება და თავდება ყველაფერი. გლახა ამინდის დროს აქ სულია შეწუხებული. კარგი ამინდის დროსაც არ არის. ზღვა ნამეტნავათ საინტერესოა. გარშემო თვალ-უწვდენელ სივრცეზე მხოლოდ წყალს ხედავ — მეტი არაფერი არის. ნაპირების ახლოს როდესაც მისცურავს გემი, მშინ, ავთათა-თუ კარგათ, კიდევ რამეზე შეაჩერებ თვალს, მაგრამ ამ ჯურღმულ ოკეანეში არაფერი აღარ მოსჩანს, ვერაფერს ხედავ!

მგზავრებს რომ ჰკითხოთ,

— დღეს ჩინებული ამინდია.

ჩინებულის რა მოგახსენოთ, მაგრამ ისეთი კი არის, რომ ფეხზე დგომა შეიძლება. გავუძალდი, აღარ დავწევი.

სალამოზე ვაპირობ ვახშის დროს სასადილო ოთახში გასვლას. ჩემი ლაქია — ხალხო, გესმით — ლაქია და მე! — დიდი მოკრძალებით მთხოვს, რომ დღეს ვესტუმრო. ვიცი, რისი მუცლის ტკივილიც აწუხებს, ეშინია, წასვლის დროს ფულს აღარ მაჩუქებსო. აქ კი ყველა ამ საჩუქრის შემყურე და მომლოდინეა.

მირჩიეს

— ექიმთან მიდი და მას ერთი უებარი წამალი აქვს, აბებია — გადაყლაპავ, უსათუოთ მორჩებო. მე ექიმების არაფერი მწამს და მით უმეტეს ისეთი წამლის, რომელიც ყ ვ ე ლ ა ს უხდება და ყველას არჩენს.

ადამიანი მაინც წამხედურა ცხოველია, თანაც, მოგეს-  
სენებათ, „იმედიც კარგი საქონელია“. წაველი ექიმთან.  
ენაზე დამხედა, მაჯა გამისინჯა.

— მუცელში ალხათ ხომ არა ხართ?

— არა.

— გული გერევათ?

— მე ყველაფერზე უფრო თავის ტკივილი მაწუხებს.  
ასე მგონია, რომ ყველაფერი ტრიალებს და ორი ნაბიჯის  
სწორეთ გადადგმა არ შემძლია.

— კეთილი. აი მიიღეთ ეს აბები დღეში სამჯერ ჭამის  
შემდეგ. გაგივლით.

ამ ჩემს ნატვრის თვალს „ე ა ზ ა ნ ო“ რქმევია. თითო  
აბს კი არ გადაცულაპავ, მთელ ერთ ბათმანში რაც ჩაეტე  
ვა იმდენს, თუ კი რამე საშველი დამადგა. სალამომდი ორი  
აბი გადავყლაპე. თავი, მართლაც ნაკლებათ მტკივა, მაგ-  
რამ — დავიჯერო, რომ ეს ამ „ვაზანოს“ გამოისობით?

ვინც იცის, იქნებ უკვე მივეჩვიე. ადამიანი ხომ ყველა-  
ფერს ეჩვევა?

გარდა აზისა, კარგი ამინდი რომაა, ამას განა არა აქვს  
მნიშვნელობა?

მე კარგი ამინდის დროს. საზოგადოთ, არასოდეს არ  
მტკივა თავი.

მაშ, რა შუაშია აქ ვაზანო?

ამ ლამესაც თუ მივათვლით. კიდევ გვრჩება ს ა მ ი  
ლამე. სამ შემდეგ იქნება ორი, შემდეგ კიდევ ერთი, მერე?  
ალარაფერი.

არა არს რა დასასრულის გარეშე!

ბავშობისას ერთი ახირებულნი მასწავლებელი მყავ-  
და: — უკულმა თვლას გვასწავლიდა. მე ეს თვლა ჟამივით

მეჯავრებოდა, ალბათ აძიტომ, რომ არ მეხერხებოდა. ეხლა გამახსენდა ეს უკულმა თვლის ამბავი.

სამი, ორი, ერთი. არაფერი!!!

სამი, ორი, ერთი, არაფერი!!!

კეთილი და პატიოსანი, მაგრამ ეს არაფერი, რომ, მართლაც და. აღარაფერი სათვალავია?!

7 საათია. ვახშობობის დროა.

კიდევ გადავწიეთ უკან საათი 30 წუთით. ამერიკაში მივდივართ. ეს ის ქვეყანაა, სადაც ჩვენში რომ ლამეა. იქ მაშინ დღეა და პირიქით.

15 დეკემბერი.

ლამის თორმეტ საათზე მეტია, მაშასადამე, სათვალავით, ეხლა 15 კი არა — 16.

სათვალავი კირს წაუღია: უბედურება ისაა, რომ ამინდი კვლავ გაფუჭდა. ნაეახშმევს ჩავწევი თუ არა ლოგინში — ერთ ხანს კიდევ ყუდრო ამინდი იყო, შემდეგ კვლავ შემოიუბერა.

აკენესდა გემი!

ყუნტალობს და კენესის, თითქოს ერთ ადგილზე შედგა. მანქანების ღრიალი და ტალღების შეხეთქება ისეა არეული ერთმანეთში, რომ მართლაც, მართო ამითი აგერევა ადამიანს გული, სხვა რომ არაფერი იყოს.

ეხლა ისევ უკლო. ხვალ რომ დილა გათენდება — ეს ხომ 16 რიცხვი იქნება. კიდევ ერთი დღე და ღამე და ბოლოს მივალწევთ დანიშნულ ალაგს.

კარგი გადასახდელი გადამხდა მე ამ მგზავრობაში. ისე ვარ მოშვებული, როგორც გლახა ღვინის მსმელი ლოთობის შემდეგ.

ეს ჩემი ცოდვით სავსე, „ვაზანოა“, თუ რაღაც ოხრობა, ბევრი ველაპე, მაგრამ, ჰგავს, ის მხოლოდ კარგი ამინდის დროს შველის, მაგრამ კარგი ამინდის დროს ვის რა ოხრობათ უნდა ეს საკენკარი?!

დღეს უკვე შაბათია. მაშასადამე, ნიუ-იორკში ორშაბათს გიახლებით. ამ დღეს მისვლასა და გადასვლას მოვუწოდებთ. საქმეზე, სადაც ვარ მისასვლელი. რასაკვირველია, ველარაუფერს ვერ მოვასწრებ. ან კი დრო რამ შევკამა — ორშაბათს ვერ მოვასწრებ? — სამშაბათს მივალ.

რა კარგი იქნება, რომ ვინმე შემხვდებოდეს სადგურზე!

რუსები იტყვიან: „ასი მანეთის ქონებას. ასი მეგობრის ყოლა სჯობსაო!“ გულუბრყვილო ხალხის მეტი ამას არავინ იტყვის. ასი მანეთი რა ფულია და, განა ფულათ რომ მეგობარი იშოვებოდეს. ას და თუნდა ათას მანეთს დაზოგავს ვინმე ასი კი არა — ერთი მეგობრისათვის?

.. მერე ეს „ასი მეგობრის ყოლა“ — ვის რათ უნდა ამდენი მეგობარი?

..რა რომ ტურფა გაიაფდეს — აღარ ღირდეს არცა ჩირად!“

აღბათ, ესაა ჩემი უკანასკნელი სტრიქონები ამ მოგზაურობის შესახებ. ხვალინდელი დღე ბარგის თავის მოყრასა და ჩილაგებას მოუწოდება. ამ წარამარა ჩაცმა-გახდამ მიინც მთლად ამირია დავთარი — ყველაფერი მიბნეულ-მოხნეულია მთელ კაბინაში.

16 დეკემბერი.

დღევანდელ ამინდს არა უშავს-რა; თვალი არ ეცეს.

დილითვე გამოვძვერი ლოგინიდან. კიდევ ერთი ღამე გვაქვს, ხვალ? ხვალ ხომ 17-ია, ხვალ 2 საათზე ამერიკის მიწაზე დავადგამთ ფეხს. ასე ამბობენ, მაგრამ მე მაინც



იმედი არა მაქვს. რა ვუყოთ, რომ აქ უკვე ამერიკაა — აქ ხალხი და ადამიანი არ ცხოვრობს თუ? ასეთს შემთხვევაში დაგვიანება, ხომ. თითქმის აუცილებელი ამბავია.

დღეს რამოდენიმე გზავრს გავყევი — სამანქანო განყოფილების დასათვალისწინებლათ.

გზა და გზა ვნახე გემის სტამბაც. აქვე ყოფილა ფოტოგრაფიც. ერთი სიტყვით ყველაფერი მოწყობილობა აქვს ამ გემს. აქვეა პარიკმახერი, სახაბაზო, მკერავი, მგონი ერთი მღვდელიც უნდა იყოს.

სამანქანო განყოფილება. მართლაც, რომ დიდსა და წაუშლელ შთაბეჭდილებას სტოვებს. პირველ ყოვლისა, ადამიანისათვის. ვინც არ უნდა იყოს — მეტადრე ჩემთვის — გასაკვირალი ისაა, რომ ამ ვეება მანქანებთან ხალხი თითქმის სრულებითაც არ სჩანს. ყველაფერს მანქანის ძალით აკეთებენ. ადამიანი თვალ-ყურს ადევნებს მხოლოდ — საამისოთ კი მთელ განყოფილებას სამი-ოთხი კაცი ჰყოფნის.

ჩვენი გემი ნახშირს არ წმარობს. მაზუთით საზრდოობს.

ეს ბევრათ უმჯობესია. ჯერ ერთი სისუფთავეა შესანიშნავი. ნახშირმა კი სისუფთავე არ იცის. გარდა ამისა, არც ის ჯოჯოხეთის სიცხეა; არაა საჭირო არც კაჩეგარის მუშაობა. ჩვენ გემის მთავარი ინჟინერი გაგვყვა გზის მაჩვენებლათა და ასახსნელად. ეს ინჟინერი ერთი ჩია-კაცია. ჩვენში ასეთების შესახებ იტყვიან:

— „გზაში რომ შეგხვდეს ცივი ქადის ლუკმას არ მოუტეხაო!“

ამ ვეებერთელა რთული მანქანების ამბავი მან ისე იცის, როგორც თავისი ხუთი თითი. დაგვაინტერესა საჭის მოწყობილობამ. უწინ ხომ ასე იყო: — იდგა სადღაც მალდა

კაცი და საგანგებოთ მოწყობილ ბორბალის საშუალებით აძლევდა გემს მიმართულებას.

მე რა დამეძრახება, მაგრამ არც აქაურ ხალხს სცოდნია. რომ. თურმე, ასეთი საქე ეხლა მხოლოდ ძველი საგნების საწყობებშია დალაგებული. არის ელექტრონის საშვალე-ბით მოწყობილი რაღაც ძლიერ რთული და, თანაც, ძლიერ უბრალოთ მოსახმარი აპარატი, რომელიც მშვენივრათ მუშაობს. მისი საშვალეებით გემი შეგიძლია ისე წაიყვანო, როგორც გინდა.

კაპიტანს აქვს ზევით მთლათ მალლა ბანზე ერთი ისეთი ადგილი, საიდგანაც გაჰყურებს ზღვას და იქედან იძლევა განკარგულებასო. ასე ამბობდენ, ასე გამიგონია, მეც ასე მეგონა.

ჩვენი გემის კაპიტანი, არ შეგუქამოს ჭირმა, ის თავისათვის არხეინათ ზის მშვენივრათ მორთულს ოთახში, ხანდახან ჩამოივლის გემს, მგზავრებს მიესალმება, ყველას-თითო-ოროლა სიტყვას ეტყვის და შემდეგ ისევ მიიმალე-ბა. ადგია, ალბათ, იმასაც გასაჭირი, მაგრამ ეს იმ დროს, როდესაც გემსაც უჭირს წინ წასვლა. ასეთი შემთხვევები მეტათ იშვიათია.

შევათვალე რე სტამბაც.

მე სტამბას რომ ვნახავ, სული როგორ დამიდგება, რომ გუნებიერათ არ დავათვალე რო? სტამბა ერთობ ვიწროა და პატარა, მაგრამ აქ მაინც სდგას რამოდენიმე ასაწყობი ყუთი, სდგას გვარიანა მოზრდილა „ამერიკანკა“ (სტამბის ხალხმა იცის, რას ჰქვია ეს სახელი), ატრიალებენ, მუშაობენ.

მე კიდევ აქ საგულდაგულოთ ერთი რამის გაგება მინდოდა.

გემზე ყოველ დღე გვირიგებდენ გაზეთს:

— გემზე იბეჭდება, ამბობდენ.

მე ვერ დავიჯერე, თუმცა გერმანიის ტექნიკას, როგორ შევწამებდი თვალთმაქცობას? თურმე საქმე სულ სხვანაირათ ყოფილა. გემს ის გაზეთი (სულ რაღაც ასიოდე ცალი თუ „იბეჭდება“ ყოველ დღიურათ) უკვე დაბეჭდილი და გამზადებული წამოულია ხმელეთიდან ზღვაში. დატოვებული არის მხოლოდ ერთი გვერდი (გაზეთი, რვეულის ფორმით გამოდის) და ამ სტამბაში იმ ერთ გვერდზე ბეჭდავენ ხოლმე რადიოთი მიღებულ ახალ ამბებს.

ჩვენი მგზავრები....

ან კი რას ვერჩი მე ამ მგზავრებს, ყველას თავისი საქმე აქვს, ყველას თავისი გასაჭირი აწუხებს.

აი ამ მალღათ აწოწილ გერმანელს ცოლი უცდის საშობაოთ ჰოლივერდში. მისი ცოლი იქ, ერთი პატარა „ვარსკვლავთაგანი“ ყოფილა. ეს ყმაწვილი, ალბათ, იმ თავისი მეთულის ხარჯზე დასეირნობს.

მე შეგონა ამერიკელი კინო-მსახობები მარტო ქართველ აზნაურებს, ამერიკაში გათავადიშვილებულ მდივნებს წყალობდენ, თურმე გერმანელებსაც გამოუჩენიათ შნო ამ საქმეში.

აგერ მეორე, უნგარელი, რომელიც ეხლა რუმინეთის სამბრძანებლოში ცხოვრობს. გულკეთილი ყმაწვილია. ცოტა გულუბრყვილო, მაგრამ ზედმიწევნით დარწმუნებული, რომ ბოლშევიკები ქვეყანას სარგებლობას არ მოუტანებენ. რუმინეთი არ მოსწონს.

— მე მთელი ამ ომის დროს რუმინეთის წინააღმდეგ ვიბრძოდი.....

— როგორ, თქვენ. სალდათი იყავით?

— არა, ოფიცერი, ეხლა სათადარიგო ჯარის შემადგენლობაში ვარ ჩარიცხული.

— დიდ ხანს იყავით ომის დროს სამსახურში?

— თითქმის მთელი ომის დროს, დაწყებიდან ბოლომდე.... მთელი ომის დროს რუმინეთის წინააღმდეგ ვიბრძოდი, მაგრამ ჩენი საქმე ისე კარგათ წავიდა, რომ დაბოლოს, ჩემი კუთხე გამარჯვებულმა „ანტანტამ“ რუმინეთს არგუნა....

— წააგეთ რამე ამით?

— თქვენ წარმოიდგინეთ მეც წავაგე პირადათ, მაგრამ უნგრეთი ხომ მთლად დაიღუპა. მას ისე სქლათ ჩამოათალეს გვერდები, რომ უნგრეთი ეხლა სახსენებლადაც აღარ დარჩა.

— რა ამბავია თქვენს რუმინეთში?

— ჩემი რამ ჰქნა, კირს წაუღია მისი თავი და ტანი. ქურდობა ძალიან არის განვითარებული, საქმიანობის კი რა მოგახსენოთ. ყველა ქურდობს, ყველა ქრთამს ღებულობს, ალებ-მიცემობა დავრდომილი და დაქვეითებულია. მე ხე-ტყის ვაქარი ვარ, მაგრამ, ვის რათ უნდა ხე-ტყე? არაფერი შენდება, არაფერი კეთდება. რაც რამე იყო აშენებული, ისიც ინგრევა და ფუჭდება...

— იცით. თქვენ, სად არის ბესარაბია?

— ვიცი. როგორ არ ვიცი!

— ჩვენ წაგვართვეს, ვითომც, თავიანთი გუნებით, მაგრამ არა მგონია რომ შერჩესთ...

— რა თქმა უნდა არ შერჩებათ, მაგრამ უკეთესი კია, რომ მაინც ისევ რუმინეთს დარჩეს. საბჭოთა ხელისუფლებას ისევ რუმინეთის მთავრობა სჯობს!

— რატომ?

— თქვენ არ იცით, რატომ?

— არა, აკი რუმინეთი არც თქვენ მოგწონს.

— რასაკვირველია, არ მომწონს, მაგრამ ყოველივერი ასარჩევია. კარგზე უკეთესი ბევრია. გლახაზე უარესიც არ დაილევა.

— რატომ, ასეთი უარესზე უარესია განა საბჭოთა ხელისუფლება?

— მაგას არ ვიტყვი, მაგრამ იქ ხომ ქონების ჩამორთმევა იციან?

— იციან, მართალია!

— მერე?

— მერე და მერე. მდიდრებს ართმევენ. კაპიტალისტებს, ბურჟუაზიას!

— სად არის მერე გარჩევა? მე იქნება მდიდარი ვარ, მაგრამ ეს სიმდიდრე ჩემის შრომით შევიძინე? აი, მაგალითად: ჩვენ ორი ძმა ვართ, მამამ ორთავეს ერთნაირი ქონება დაგვიტოვა. მე ვიშრომე, ვიჯახირე. ვიმუშავე და ქონებას კიდევ ქონება დავუმატე. ვთქვათ, თუნდა კიდევაც. მილიონის პატრონი შევიქენი, ჩემი ძმა კი მხარ-თეძოზე იყო წამოწოლილი....

ათასჯერ და ათი-ათასჯერ გამიგონია ეს ზღაპარ-არაკი.

მინდა გამოვკითხო ჩვენ ბანის მოსამსახურეს.

ჰო, მართლა, ბანსაც თავისი მოსამსახურე ჰყავს. ის აჭირავებს ბანზე დასაჯდომ სკამებს. საქმე იოლი აქვს, უსაქმურათ დაიარება ბანზე მთელი დღე.

— მაშ, ხვალ ვიქნებით, რალა, ნიუ-იორკში? — შევეკითხე მას.

— დიად, ხვალ, საათის, ასე — 2-ზე.

— როდის შემდეგ დავინახავთ ნაპირს?

— მე მგონია, 12 საათის შემდეგ უკვე გამოჩნდება ნაპირი.

— პირველად, ალბათ, იმას დავინახავთ, რა ჰქვიათ, ერთი — დამავიწყდა:— ჰო, იმას, თავისუფლების ძეგლს...?

— რის ძეგლს. „თავისუფლებისას“?!

— ჰო, განა აგრე არ ეძახიან?

— რასაკვირველია, ეძახიან. მართალია, მაგ სახელი ჰქვია....

— არ მოგწონთ აქაური თავისუფლება?

— არაფრათ, ან სადაა აქ თავისუფლება?

— გერმანიის თავისუფლება სჯობია?

— არც ერთი არ უქნია ღმერთს! ერთიც და მეორეც ჭირს წაუღია.

როგორც არ უნდა თქვა, დიდი რამაა ადამიანისათვის მისი კლასობრივი ვინაობა. აი ეს მგზავრების ხელში შემჩერე: — იქნებ ვინმე მდიდარმა რამე მაჩუქოსო, აი ესეც ხანდახან ახერხებს და საჭიროებს ამაყი და გაბედული სიტყვის თქმას.

კვლავ დაიწყო ლეღვა. რომ იცოდეთ, რა მეზარება ლოგინისაკენ პირის მიბრუნება. მგონი მისდღემში აღარ დავწვე. ამ უბედურებას მაინც ვერსად გაექცევი. ერთად ერთი ხსნა საშველი ლოგინია, მოდი შენ და ნუ დაწვები, თუ ძალიან გინდოდეს.

მგონი უკლო, ნეტავი არ იქნებოდეს და მთლათ დაწყნარდებოდეს?!

ბედო მაშორე კვლავ განსაცდელს!!!

ვიყიდე გემზე — აქ ხომ ყველაფერს ჰყიდიან — რამოდენიმე წიგნი ამერიკის შესახებ. მე ჯერ-ჯერობით პრაქტიკული და „წვრილმანი“ რამეები უფრო მესაჭიროება.

სიძვირეა, თუ არა, საზოგადოთ. მაინტერესებს ყველაფერზე უფრო ბინის საკითხი. სხვა რამეების ყიდვას არ მივსდევ. სად არის მაგის თავი და ფული?

ჩემი კარაბადინიდან რაც ამოვიკითხე, სანუგეშოს ვერაფერს მაჩვენებს — სიძვირე დიდი უნდა იყოს ამ კურთხეულს ქვეყანაში.

ამასაც ვნახავ.

წიგნებს ყოველთვის როდი დაეჯერება. მით უმეტეს. როდესაც გემზე ყიდულობ, მეტადრე კიდევ, როცა ამერიკის შესახებ ამბავს გერმანელებს ჰკითხავ.

დღეს ფრანგულ ჟურნალებს ვათვალიერებდი. ამ რამოდენიმე დღის წინათ ვიყიდე, მაგრამ შიგ ჩახედვა არ დამცალდა.

აი ჩემს წინ სძევს ერთი იმათგანი. კონტათ გამოიყურება, ლაზათიანი საფერავები აქვს შეხამებული, სახელიც კოპწია აქვს „ლა სური“ — ლიმილი ჰქვია. ყდაზე, მართლაც, კოპწია ჰაეროვანი რამ არსება არის გამოხატული და მაცდურათ ილიმება.

ეს გარედან, ჩავიხედო რა სწერია შიგ?

ფრანგებს, — ვინ იცის, შეიძლება მარტო ფრანგებს კი არა, ყველგან ასეა — ასეთი ჟურნალებისათვის არ უყვართ სერიოზული და მძიმეთ შესათვისებელი მასის შემზადება. არის რამოდენიმე კარიკატურა, არის კანკებ და შიშვლებულ ქალების სურათები, არის რამოდენიმე ნამეტნავათ გადამლაშებული ოხუნჯობა, დანარჩენი ადგილი კი განცხადებებს უკავია.

განცხადება გაზეთში არასოდეს არ ყოფილა ჩემთვის საინტერესო, მაგრამ ამ უსაქმობის დროს, გუნებიერად ჩავუჯექი. ჩვენ ეხლა გულუბრყვილობა არ უნდა მოგვ.

დგამდეს, მაგრამ აქ ყველაფრით „შემკულ“ დროშიაც კი გაგაკვირებს ის ამბები, რაც მე იქ ამოვიკითხე.

ბურჟუაზიას არ უყვარს მორცხვობა.

ფულის პატრონი — აქ ყველაფრის პატრონია. ეს, ასე ვთქვათ, ყველგან, თვითეულ ბურჟუაზიული ქვეყნის, წესი და კანონია, მაგრამ მეტ-ნაკლებობა, დაწინაურება და ჩამორჩენა აქაც ეტყობა.

საფრანგეთის ბურჟუაზია, უსათუოთ. სხვებზე უფრო „დაწინაურებულა“ ამ საქმეში. აბა, რას ჰგავს ეს?

განცხადებები სხვა და სხვანაირია, ზოგი ქალებისაა, ზოგი მამაკაცების.

— კარგი ტანი მაქვს. შემიძლია კარგი სიამოვნება ვაგრძნობიო ჩემს მუშტარს ოლონდ ჟულის დახარჯვას ნუ დაიზარებთო. თითქმის ყველგან და თვითეულს განცხადებაში ესაა სხვა და სხვა კილოზე და სხვა და სხვა სიტყვებით განმეორებული.

— „რა საჭიროა პირობის მოცემა და შეპირება. ვერავის შეეპირდები ხანგრძლივ კავშირსა და ერთგულობას. სამაგიეროთ იმ მოკლე კავშირის დროს, რომელიც მე მზათა ვარ დაეიჭირო მასთან, ვინც ფულს დახარჯავს ამის გულისათვის. თქვენ იგრძნობთ, მას, რაც არასოდეს არ გიგრძენიათ. გამოცდით მას, რაც არასოდეს არ გამოგიცდიათ. მე პატარა კოპწია გოგონა ვარ. ვერავინ იტყვის, რომ მე სილამაზე მაკლდეს. ჩემს სილამაზეს ესპანური იერი დაჰკრავს. ჩემი მისამართი“ და სხვ.

ეს ერთი, აგერ კიდევ მეორეც.

— „მე ახალგაზრდა ვარ, ლამაზი, მესაჭიროებთ დახმარება. ყოველთვიურათ მჭირდება 200 ფრანკი \*). უპირატესობას მივცემ მოხუცს, მაგრამ მდიდარს.

\*) ფრანკი რვა კაპიკს უდრის.



ამ ახალგაზრდა ქალბატონს, ალაბათ, ანგარიში შეშლია. 200 ფრანკი არც ისე დიდი ფულია, რომ ეს მარტო მდიდარმა გაიმეტოს. შესაძლებელია, რომ ამწყობის შეცდომაც იყოს.

აი კიდევ ერთი; შესანიშნავი აქ ისაა, რომ განცხადების მიცემაში თვითონ აცხადებს, მე ფრანგი არა ვარო. ვინ იცის, იქნებ ფრანგული საქონელით გულმომსუყებულმა არამზადებმა არა ფრანგის წინადადება უფრო ადვილათ მიიღონ.

— „ოსმალო ქალიშვილი, 20 წლის. მე საუცხოვო სილამაზის პატრონი ვარ. კეთილშობილი და განათლებული ოჯახის შვილი. ვეძებ მეგობარს. 40 წლისას, ანდა უხნესს, მეგობრობას გავუწევ მხოლოდ ძალიან მდიდარსა და დარბაისელს, რომელიც ყოველთვიურ დახმარებას აღმომიჩენს. დახმარების თანხა დიდი იქნება, ამიტომ, ვისაც ამის შეძლება არა აქვს, ტყვილა უბრალოთ, მარტო ცნობის მოყვარეობისათვის, ვთხოვ, თავს ნუ შეიწუხებს.“

ამას იქეთ გზა აღარ არის. ყველაფერი ცხადია, აშკარა და დაუუარავი.

ამასაც დაწინაურება ჰქვია!

მაგრამ. არა, — არ მოტყუვდეთ, ეს ჯერ სადა და უბრალო საქმეა. ყველა ესენი უბრალო „შინამრეწველობის“ წესით მუშაობენ. განა ეს საქმე, ასეთ წერილმან რამეთ ეგულებათ, რომ მას ნამდვილი სამრეწველო ხასიათი არ მისცენ?

აი ინებეთ კიდევ!

— „ჩვენი მუშტრები კარგათ იცნობს ჩვენს დაწესებულებას. ამიტომ დაგვიჯერებთ. რომ ამ უამად ჩვენ ბევრს საყურადღებო რამეს ვაჩვენებთ, ვისაც არ დაეზარება ჩვენთან შემოვლა“. იქვეა მისამართიც.

-- „ჩვენ კარები ყოველთვის ღია გვაქვს. ჩვენი დაწესებულება არ იკეტება არასოდეს: არც დღე, არც ღამე. რადროსაც არ უნდა შემოხვიდეთ ჩვენთან, ყოველთვის მზიარულათ გაატარებთ დროს“.

დავიჯეროთ ჩვენც, რომ იქ „იმართან“ ყოველთვის მზიარულება სუფევს!

ნუ ვკითხავთ, როდემდის გასტანს ეს „მზიარულება“?

— სულ ერთია ამის პასუხს ისინი ჩვენ არ მოგვცემენ.

გემზე არის ფოტოგრაფი, გადავიღე სურათი. სამნი ვიყავით ერთად, ყველა, ვინც ჰამბურგიდან შემთხვევით ერთს კუბეში მოგხვდით, ერთია, მგონი ნორვეგიელი, მგონი შვედი. კოლოტივით არის გაბერილი, მაგრამ მას ვერც ზღვა და ვერც ღელვა ვერაფერს აკლებს. ამერიკაში ცხოვრობს, მაგრამ გზაზე დაკრული მუდამ ფოშტის ცხენივით. მეორე ის უნგარელია, რომელსაც ბოლშევიკები არ მოსწონს. ან სხვას კი. ვის მოსწონს ამ ჩემს თანამგზავრებში?

უკვე 4 საათია. ზვალ ამ დროს ნიუ-იორკში ვიქნებით. ვნახო, ერთი, რას ჰგავს ეს საკვირველების კუთხე?

ამ ქალაქს არ ჰყავს ტოლი და ბადალი მსოფლიოში. რაც აქ ოქროა თავმოყრილი. იმითი მგონი მთელ ევროპის ავლა-დიდებას იყიდის.

მაინტერესებს ეს ცაში აყუდებული კოშკების ნახვაც. დღეს საღამოს გემზე კინო გვექნება. წავალ. ალბათ. თხელახლა ტანისამოსის გახდა და ჩაცმა არ დამკირდება.

16 დეკემბერი.

23 საათი, ამას ჩვენში უბრალოთ. რომ ვსტყვათ. საღამოს 11 საათს ეტყვიან.

• ვიყავი და ვნახე კინო, მაგრამ ჯერ ერთი რამ მაქვს სა-  
თქმელი.

თურმე გემზე ასეთი წესი და ჩვეულება არის შემოღე-  
ბული: სანამ გემი სადგურს მიაღებოდეს, ერთი დღით  
ადრე, მგზავრები სკამენ „გამოსათხოვარ პურს“ და ამის  
შემდეგ გემზე ისპობა ყოველივე წესით დაკანონებულ,  
ჩაცმა-დახურვა.

ისემც კარგი დაგემართოს, ამას რაღა სჯობია!?

აღბათ. ოდესმე ამ წესს, რაიმე უფრო მკაფიოთ გამო-  
სახული მიზეზი და სარჩული ჰქონდა, ეხლა კი ეს უში-  
ნაარსო ჩვეულებაა და მეტი არაფერი.

ეხლა იმის შესახებ, თუ რა გვაჩვენეს კინოში. •

იყო რაღაც კისრის მტკრევა, უშინაარსო. უაზრო რამ,  
მაგრამ მგზავრებს ეს ძალიან მოსწონდათ და დიდი ამბით  
ხრიალობდნენ სიცილისაგან. გარდა ამისა, გვაჩვენეს თვით  
ამ გემის აშენების სურათი.

ჩვენი აქ გადაღებული სურათი უხეირო გამოვიდა. ფო-  
ტოგრაფი დაგვიბრდა ერთხელ კიდევ მოვასწრებ გადაღე-  
ბას და ხელმეორეთ. უსათუოთ. კარგი გამოვაო.

დღეს სადილობის დროს — მე ჩვენებურათ ვლაპარა-  
კობ, თორემ აქ სადილობა ვახშობისას არის მოქცეული  
— მომართვეს პატარა უბის წიგნაკი.

ძღვენს მიჩვეული არა ვარ, არც გაცემა მიყვარს, არც  
მიღება, მაგრამ უარის თქმა ველარ მოვახერხე და წიგნა-  
კი ჯიბეში ჩავიდევინე. ძღვენისათვის კი მაღლობა გადაუ-  
ხადე.

ამინდი წყნარია.

საუცხოვოა ასეთ ამინდში ზღვა. სარკესავით დგას ეს  
კილით-კიდე თვალ უწვდენელი უნაპირო სივრცე.

ამალამდელი ღამე — უკანასკნელია ზღვაზე.

ხვალ ამერიკაში ვიქნებით.

ჯერ, ვინ იცის, როგორ დაგვხვდება, რა პირობით შემოგვეგებება ეს უცხო და უცნაური ქვეყანა?

ვწვები, თუმცა წოლა და ლოგინში ყოფნა უამბივით მძულს.....

ნიუ-იორკი. 17 დეკემბერი. საღამოს 7 საათი.

ეს-ესაა ჩამოვირეცხე ტანიდან გზის ქუჩკი და ზღვის სუნნი.

სასტუმროში ვარ.

ძილის დრო ჯერ არ მოსულა და მინდა ჩემი მგზავრობის უკანასკნელი ამბები, სანამ არ წაშლილა მეხსიერებაში, ჩავწერო, ქალაქს მივანდო.

ჩემი შთაბეჭდილებები, რასაკვირველია, ზერელეა. ღრმად ჩახედვა და აწონდაწონა იმის, რაც მე ვნახე, ძნელია, საქმეა. ამას დრო უნდა და მოცალეობა...

დღეს დილით ადრე ავდექი და შევუდექი ნივთების ჩალაგებას:

უკანასკნელ დროს გერმანიაში ვცხოვრობდი და წარამარა ვიცვლიდი ბინას. ჩემი მოსაწონი ბინა ვერსად ვიშოვე და ამიტომ სულ ახალ-ახალი ბინის ძებნაში ვიყავი.

არ ყოფილა შემთხვევა, რომ ერთი ბინიდან მეორეზე გადასვლის დროს რომელიმე საგანი არ დამრჩენოდა. იქ ეს არ იყო ძნელად მოსაგვარებელი საქმე, მიაკითხავ და მოგცემენ, აქ კი გემს რაღას მიაკითხავ?

მთელ ოთახში მობნეულია ჩემი ნივთები, როცა დღევანდელ მომისწრებდა ხოლმე, თუ რამე მქონდა ხელში, იქვე დავაგდებდი და ლოგინისაკენ ვეშურებოდი....

კარგა გვარიან ხანს მოვეუნი ნივთების თავის მოყრას, ჩალაგებას, ბოლოს, როგორც იქნა, ამასაც მოვრჩი.

დამრჩა ესლა ის, რაც ჩემთვის მეტის-მეტათ საძნელოა. ყველას უნდა ჩამოვუარო, გემის მოსამსახურეებს და ვისაც ჩემთვის გამარჯვება მაინც უთქვამს, ყველას უნდა ვაჩუქო რამე. ეს საჩუქარი ისეა დაკანონებული, რომ მის წინააღმდეგ წასვლა წარმოუდგენელია.

იმ მოსამსახურეს, რომელიც ჩემს ოთახს უწვლიდა ხუთი დოლარი შევადლიე.

იუკადრისა, ეცოტავა.

— მე, თქვენ რომ, იწევით თქვენ გემსახურებოდით... დაიწყო მან ენაზე კბილის დაბიჯებით.

არ მინდოდა, რომ ის გულდაწყვეტილი დამეტოვებია. რაც არ უნდა იყო, ეს იყო ერთად ერთი სულდგმული; რომელიც დღეში ორჯერ მაინც შემოაღებდა ხოლმე კარებს ჩემი ოთახისას და ორიოდ სიტყვას მეტყოდა. ჩემთვის მაშინ ესეც დიდი შეღავათი იყო.

— მე, ჩემო ძმაო, გემით არასოდეს არ მიმოგზაურებია. აქაური წესების მე არაფერი მესმის. მითხარი, რისი მოვალეცა ვარ და სიტყვის უთქმელათ გადავიხდი.

— მაგის თქმა მე არ შემიძლია. ეს თქვენი სურვილის საქმეა. თქვენ ვალდებული არა ხართ. შეგიძლიათ სრულებით არაფერი არ მომცეთ...

მივეუმატე კიდევ ერთი დოლარი.

— სამყოფია, თუ არა?—საუფლეს გახსნილი მეკავა, ის ხარბი თვალით ჩასჩერებოდა შიგ...

— ასე უთქვამთ, არც იმდენია, მაგრამ... გაუჭირდა სიტყვის ამოღება.

კიდევ დავუმატე 10 გერმანული მარკა.

— გეყოფათ?

— რასაკვირველია, სამყოფია, დიდათ გმადლობთ, სახე გაუბრწყინდა და ენაც ამოდგა.

-- მადლობა ღმერთს!

სხვებთან ამდენი ბოდიში არ დამეჭირებია, რაც მივეცი, ის იმყოფინეს. საერთოდ ამ უბედურებაში დაახლოვებით 20 დოლარი დამეხარჯა. კარგი ერთი კვირის საღზალია ჩემისთანა ხელმოკლე ადამიანისათვის, მაგრამ რაღა აქ მოვედი და ამ ხალხში გავერიე, ეხლა გვიანლაა „თითებზე კბენანი“.

რა საძაგელი წესია ეს ჩუქება, ადამიანის ღირსება მთლად წაშლილია. მომუშავე ადამიანი მათხოვრათ იქცევა — ეს კიდევ არაფერი, უბედურება ისაა, რომ ეს „ადამიანიც“ ველარ გრძნობს თავის დამცირებისა და გათანსირების ამბავს — აი ესაა ყველაფერზე უფრო საშინელი.

დილა ადრიაან შეუდგენ გემზე სამზადისსა და მუშაობას. ერთი რამ გამიკვირდა. მთელი ამ რთული მუშაობის დროს მე არ გამიგონია და არ დამინახავს არავინ, რომ განკარგულებები გაეცეს.

ჩვეულებრივ ხომ ასე ხდება: ასეთს შემთხვევაში შეიქნება ხოლმე ერთი ფუს-ფუსი, შეხლა-შემოხლა, ყვირილი, უთავბოლო რბენა და ნერვების მომშლელი ალიაქოთი.

აქ ყველა და თვითიული თავის საქმეს აკეთებდა, ყველა თავის ადგილზე იყო, არავის ხელს არ უშლიდა და არავინ მას არ ეჩრებოდა საქმეში.

შეუდგენ საფოსტო ბარგის ამოღებას. ეს ბარგი, თურმე, სულ ძირა სარდაფში ყოფილიყო და ეხლა ზედა სართულში გადმოალაგეს.

ამინდი წყნარია, არ იძვრის ჰაერი. ზღვა გადაწმენდილია, მაგრამ საშინელი ნისლი წევს.

არ გაუელნია დიდ ხანს. ატირდა ცა. გადმოჰყარა კურ-  
ცხლები, შემდეგ შედგა და დაეინებით გადმოუშვა წვრი-  
ლი, წვრილი ყიყმატი ორთქლი.

ჩვენ ესლა ზღვის ნაპირას ვართ. ამიტომ წარა-მარა  
გვხვდება სხვა და სხვა გემები. ვინ იცის რომელი სად მი-  
დის. ჩემმა ნაცნობმა ნორვეგიელმა ერთი რალაც გემი და-  
ინახა, სახე აუთაშაშდა. პირზე ნერწყვი მოადგა.

— ჩვენი გემია, ჩვენი ბაირალია ზედ...

— თქვენი საკუთარი?

— არა, ჩვენი — ნორვეგიის.

ზომიყვა და გადამიტანა თავის ნორვეგიის ქება-დი-  
დებით.

— თქვენ ის მითხარით. როდის დავინახავთ ნაპირს? —  
მინდა შევაწყვეტინო ეს მქერმეტყველობის ჩანჩქერი.

— ნაპირს ჯერ რა უნდა? ნაპირს ჩვენ ორი-სამი საა-  
თის შემდეგ დავინახავთ.

ესეც კარგი იმედია; იყო დრო, როდესაც ნაპირამდე  
სამი და ოთხი დღის სავალი გვექონდა.

მე იმ ქალის ჯაფრი მკლავს, რომელიც პატარა კუნძულ-  
ზე არის წამოყუნტებული და ხელში ანთებული ჩირალდა-  
ნი უკავია. ეს ძველი ფრანგების დადგმულია და შემდეგ  
ამერიკისათვის ძღვნათ მირთმეული, სახელიც ლამაზი  
აქვს. ეს ქალი ანთებული ჩირალდანი — თავისუფლების  
განსახიერებაა.

იყო დრო, ბურჟუაზია თავისუფლებას ეარშიყებოდა,  
თავისუფლება ეკრა ენაზე. ამ საქმეში ფრანგებმა ყვე-  
ლაზე მეტი ხმაურობა და ალიაქოთი ასტეხეს. ესლა კი თა-  
ვისუფლება და ბურჟუაზიას არვითარი თავისუფლება არ  
ესაჭიროება. თავისუფლება, რომელიც იმისთვისაა საჭი-

რო. ეს მას უხვათ აქვს, სხვაგვარი და სხვანაირი კი... კირს წაუღია.

იყოს ამ ზღვაში აყუნტებული. ეს თუჯის ჯირკი. ვის რას უშლის. შეხედავს ვინმე, იქნებ, მართლაც იფიქროს, რომ აქ თავისუფლება სუფევს.

მე მაინც მინდა ამ ქალის დანახვა. თვითეული წყალის ზედაპირზე წამოშვერილი კუნძი ამ ქალის შორეულ აჩრდილად მეჩვენება და ყოველთვის ვკითხავ ვინმეს.

— არა. ის ჯერ შორსაა, — მესმის ყოველთვის პასუხად.

გემი გაჩერდა. მიადგეს მას კიბე. ვუცდით ნაპირიდან მოსასვლელ გემს. რომელსაც მოჰყვება სანიტარული ინსპექციის მოხელეები. ამერიკელებს არ უნდათ. რომ მათ ქვეყანაში ვინმემ გადამდები რამ სენი შეიტანოს.

მართლაც. არ გაუვლია დიდ ხანს. რომ ჩვენ გემს ამოუდგა გვერდში პატარა რალაც; ეს არც გემია — ვინაიდან თუ ჩვენი ხომალდი გემია, მაშინ ამას გემისას რა უგავს. ისე არ ჰგავს ერთმანეთს, როგორც კოლო და არწივი. მაგრამ ეს არც ნავია. ვინაიდან მას შუაგულში ბოლის ამოსასვლელი მილი აქვს დატანებული და იქაც მანქანები სდგას. ნავზე ამისთანა რამეები ხომ არ არის?

კიბეს ამოჰყვა რამოდენიმე თითქმის სამხედრო ტანი-სამოსში გამოწყობილი კაცი და ერთიც ქალი.

კარგა გვარიან ხანს დარჩენ გემზე. მაგრამ ჩვენთან ისინი არ მოსულან.

ასეთია აქაური წესი და კანონი.

პირველი კლასის მგზავრთან ავადმყოფობას რა უნდა?

ბოლოს ისინი ისევ თავიანთ გემზე გადაჯდენ და მოუსვენ ნაპირისაკენ.

გემი მაინც ერთს ადგილასაა გაჩერებული.



დრო მიდის. ჩვენ კი ადგილიდან არ ვიძვრით. რა უბედურებაა? მეჩქარება, მინდა, ბარემლაც, გავიარო ყოველივე ეს დავიდარაბა: პასპორტის გასინჯვა. ბარგის გაჩხრეკა და სხვ.

— რაღას ვუცდით, — შევეკითხე გემის მოსამსახურეს, რომელიც ჩვენ ბანზე გაწკაპულ სკამებს დარაჯობდა.

— საემიგრაციო ინსპექცია მოვა, იმას ვუცდით. პასპორტებს გასინჯავს.

ბოლოს, როგორც იქნა, ისინიც გვეწვიენ. დაგვიბარეს ქვევით, სასტუმროში.

— „გულო მოდი საგულესა, სულო მოდი სასულესა!“ გამახსენდა დედა-ჩემის სიტყვები. ასე იცოდა ხოლმე გამოლოცვა უემურისაგან დედა-ჩემმა.

მართალი გითხრათ, არ ვარ სრულებით დაწყნარებული და დამშვიდებული. აი იქ კუთხეში რომ ვილაც უცხო ხმელ-ტანა, ჩამოგძელებული და წამწვეტილი ცხვირი და ცივად შეკრული წარბები რომ აქვს. იმაზე ჰკიდია ყველაფერი. არ მოეწონება და გოჟრავს თავს იმ მშვენიერ კუნძულზე, რომელსაც აქ „ცრემლების კუნძულს“ ეძახიან.

ჩაჯდები რიგში. არ მინდა მთლათ ბოლოს მოვხვდე. ვინ იცის, დაღალული, რა გუნებაზე იქნება?

ბოლოს მოვიდა ჩემი რიგიც.

რაღაცას მკითხავს.

რა პასუხი, მივცე?

ვეუბნები გერმანულად. რომ ინგლისური არ მესმის. მას გერმანულიც სცოდნია.

— თქვენი სახელი?

ამის პასუხი მაშინათვე შევაგებე.

— რა ხელობის ბრძანდებით, რა საქმისათვის მოსულხართ ამერიკაში?

— კომუნისტური ინტერნაციონალის დავალებით —  
მინდა ასე უთხრა, ვნახო რა გუნებაზე დადგება. მაგრამ რა  
ღროის ხუმრობაა და ისიც მაშინ, როდესაც ჩემ საქმეს  
არავითარი კავშირი და დამოკიდებულება არა აქვს არა-  
ვითარ პოლიტიკასთან.

დავუსახელე ჩემი ჩამოსვლის მიზეზი და მიზეზი .

— რამდენი ხნით აპირებთ აქ დარჩენას?

ამის პასუხიც მივეცი.

ამასობაში, ის რალაცას სწერდა თავის წიგნში, შემდეგ  
დაარტყა რალაც ბეჭედი ჩემს პასპორტსა და ვიზას და  
გადმომცა.

მორჩა და გათავდა!

ეს იყო და ეს!

წვედი ზევით ბანზე. ეხლა თავი სანახევროთ მარჯლა  
რომ თავისუფალი მგონია. დავიჯერო, რომ ეს იმ „ქალის“  
წყალობა იყოს?

გემი მაინც გაჩერებულია.


ღრო მიდის.

აღარავის არ უდგება გული ამ გემზე. ყველას ნაპირი-  
საკენ მიეჩქარება.

ნაშუადღევის ორი საათი იქნებოდა, როცა ჩვენი გემი  
კვლავ შეტორტმანდა, აუშვა ბოლი და ორთქლი, კვლავ  
გაუდგა გზას.

აჰა, გამოჩნდა ის ქ ა ლ ი!

დავინახე ხეირიანათ-თქო ვერ ვიტყვი. ნისლს ეხლა  
ბინდიც ერთვის. ზამთრის დღე მეტათ მოკლეა, ნისლიც თა-  
ვისას შერება. დიდია, როგორც ჰგავს ეს მანდილოსანი.  
ისეთი დიდია. რომ შიგ, თურმე კიბეა გაკეთებული და  
ასვლა-ჩამოსვლა შეიძლება. მსურველები დადიან, ფულს  
იხდიან და ნახულობენ იმ ქალსო, ამბობენ გემზე.



ეგრედ წოდებული თავისუფლების ძეგლი, აშენებული ერთ  
პატარა კუნძულზე ნაპირის ახლოს.

შთაბეჭდილების რა მოგახსენოთ, რაც არ დამინახავს ხეირიანათ. აბა, რა მეთქმის?

გამოჩნდა მალალი სახლები. ყველა ენაზე რალაც გარკვეული სახელი ჰქვია ამ სახლებს: გერმანელები ამ სახლებს ვოლკენკრააცროს ეტყვიან. ეს თითქმის იგივეა, რაც რუსული ნებოსკრიობი, ოლონდ გერმანელები ცის (ნებო) მაგივრათ ღრუბელს ხმარობენ, ასე რომ რუსები იტყვიან. ცას ფხეკსო, გერმანელები — ღრუბელს კაწრავსო. თვით ამერიკელების სახელი რალაც იმის გამომხატველია, რომ ეს სახლები სიმალლით ეტოქებიან ერთმანეთსო. ჩვენში, ქართულად არ ვიცი, რა სახელი დაარქვეს ამ სახლებს...

ერთი სიტყვით, იმ სახლებზე მაქვს ლაპარაკი. რომლებიც მალლა არიან აწვდილი და თვითეული მათგანი რამოდენიმე ათეულ სართულათ არის დაყოფილი.

ჩვენ ძალიან გვიჭირს ამ სახლების სიმალლის ხეირიანათ გათვალისწინება როცა ჩვენ გვეტყვიან:

— არის სახლი. რომელსაც 45 სართული აქვსო, რალაც თვალუწვდენელ რამეთ გვინდა წარმოვიდგინოთ.

ასეთი სახლი, რასაკვირველია, ნამეტანი მალალია. მაგრამ არც ისე. როგორც ჩვენ გვაქვს წარმოდგენილი. ოთახის სიმალლე აქ მეტად მცირეა. ჩვენებური სახლის ერთს სართულში, სიმალლით თუ ორი არა. აქაური სახლის ერთი და ნახევარი სართული გამოიჭრება. ამის კვალობაზე მთელი ამ მრავალ სართულიანი სახლებიც შეკვეცილია.

ჩვენ უკვე ვხედავთ გემიდან ასეთს სახლებს.

- ეს მე შემდეგში შევამჩნიე. როცა ამ ჩემი 24 სართულიანი სასტუმროს მე 505 ოთახში დავბინავდი.

ნავთსადგურზე აუარება ხალხია. თითქმის ყველას, ვინც კარის ამ გემზე ამ ხალხში ჰყავს, ან ნათესავი, ან ნაცნობი.

მე არავეინ მგეგულება იქ; მე იქ არავეინ მიცდის. ამერიკაში არ არის არც ერთი ძე ხორციელი, რომელიც მე მიცნობდეს, ან და მე ვიცნობდე.

ეს ახალი ქვეყანა ჩემთვის დასტურ რომ ახალი და უცნობია — მე იქ არავეის ვიცნობ. ვგრძნობ მე ამ ახალი მდგომარეობის სიმძიმეს. ადამიანს ერთი თვისება მოდგამს ძველთაგანვე — ის „საზოგადოებრივი ცხოველია“. ძნელია ყოფნა ადამიანთა შორის და იმავე დროს მათ გარეშე ყოფნა. ასეთს მდგომარეობას უდაბნოში ყოფნა სჯობს. უმჯობესია სულ ვერავეის ვერ ხედავდე.

ადამიანისათვის საჭიროა ჰაერი, მზის სხივი. ტანი. უენი. სასმელი, საკმელი, მაგრამ ეს მარტო არ კმარა; საჭიროა აგრეთვე ალერსი, სიყვარული, ადამიანის სიახლოვე. ადამიანი გაშმაგებული იბრძვის სიმდიდრის საშოვნათ, შოულობს კიდევ სზირათ ყოველივე ამას, მაგრამ ის, თითქმის, ან არ აქცევს დანარჩენს ყურადღებას, ან, თუ აქცევს, ამ „დანარჩენის“ შოვა უფრო ძნელი და მიუწვდომელია მისთვის; ვიდრე ოქროს მილიონების დაპატრონება.

დაახლოვებით ასეთსავე მდგომარეობაში ვიყავი მე ამ ნახევარი წლის წინათ, როდესაც ბერლინში მივდიოდი. შემდეგ ამ ექვსი თვის განმავლობაში მივეჩვიე ხალხსა და ქვეყანას. ეხლა თითქოს გულდაწყვეტილი ვარ. რომ გერმანიას მოვშორდი.

რა გაეწყონა. აქაც ხალხი ცხოვრობს. ადამიანი ადამიანის დაახლოვებას ყოველთვის მოახერხებს. მაგრამ ყოველთვის ხელახლა დაწყება? — ძნელია ეს. ამ სიძნელეს მე ეხლა ამ წუთში განსაკუთრებულათ ვგრძნობ....

გულის ფანჯრალით მოველი ნივთების გაჩხრკას.

დალოცა ღმერთო, აშანაც ჩაიარა. მე ან კი რა შექვს გასაჩხრეკი, და საძებნელად რომ ღირდეს, ისეთი? — მაგ-

რამ, ვინ იცის, გადაგეკიდება ვინმე და ედავე ამ მამაცხო-  
ნებულს, რომ შენ აქლემი არა ხარ.

ზერელეთ დახედა მოხელემ ჩემს ნივთებს და და-  
კრა ზედ რაღაც პატარა ქალალდი. ეს იმის ნიშანია, რომ მე  
შემიძლია ამ ნივთების წაღება.

ეს თითქმის ყველგან ერთნაირათ კეთდება ყველა ქვე-  
ყნის საზღვარზე. ამერიკაში კი ერთი რამ არის სხვანაი-  
რათ მოწყობილი.

ნივთებს თქვენ სტოვებთ გემზე. მგზავრები მიდიან  
პირდაპირ საბაჟოში. იქ, ვეებერთელა, თვალუწვდენელ-  
დარბაზში, კედელზე აწერია ერთი მეორეს მიყოლებით  
მთელი ანბანის ასოები. ნივთებს თავ-თავისათ აწყობენ  
იქ — იმ ასოს პირდაპირ, რომელი ასოთიც იწყება თქვენი  
გვარი.

ამრიგათ მე არ გამქირვებია ჩემი ნივთების მონახვა.  
სხვებს მით უმეტეს არ გაუჭირდებოდვ, ჩემისთანა ხა-  
მი და გამოუცდელი ამ ხალხში. ალბათ, არავინ იყო.

ნივთების გასინჯვაც გათავდა. თავისუფალი ვარ, სა-  
ითკენაც გინდა, იქეთ წაბრძანდი. მაგრამ არა, აგერ მო-  
ვიდა ვიღაც, წამოუსვა ჩემს ნივთებს ხელი, მოაგორა  
ორთვალა, პატარა, ხელით საგორებელი და გაუღდა გზას.

ამას რაღა სჯობია.

გაუღეკით გზას.

გზაში კიდევ შეგვხვდა ერთი მოხელე; მან იმ პაწაწა  
ქალალდებზე, რომელიც ნივთებზე იყო დაკრული, ბეკე-  
დი დაუსვა. ამის გულისათვის არც კი შეეჩერებულვართ.  
ეს ისე — გზა და გზა მოხდა, შეუჩერებლივ.

ჩვენ, თურმე მეორე სართულზე ვყოფილვართ, ეს ეხ-  
ლა შევამჩნიე. ეხლა როგორ გინდა ამ ნივთების ჩაგორე-  
ბა. ამაზე მე დიდ ხანს ფიქრი აღარ დამქირვებია. ბარგის

წამლებმა წამოუსვა ჩემს ჩემოდნებს ხელი და სადაც ამოკრილ ხვრელის პირას დასდო. თვითონ ერთი პატარა ჩემოდანი დაიკავა ხელში, ვილაცას რაღაცა ანიშნა. რაღაცა მოწყდა, რაღაცა ახმაურდა, დაიწყო ხრიალი. ვხედავ ჩემი ჩემოდნები დაეშვა პირქვე. ჩვენ. მე და ნივთების წამლები კი მეორე მხრივ კიბეს ჩავყვეით. ჩვენც ჩავედით გზის პირას და ჩემოდნებიც იქ დაგვხვდა.

გავოვედით ქუჩაში. მინდა სასტუმრო. ადრესი? ადრესი აგერ მაქვს ქალაქლზე დაბეჭდილი. დღეს დილაზე ზღვაში შემოგვაგებეს აქაური გაზეთები. გაზეთები უფასოთ დაგვირიგეს. მაგრამ თვითეულ გაზეთზე ისე, თითქოს, სხვათა შორის, მიკრული იყო რომელიღაც სასტუმროს მისამართი.

შოფერი ვილაც ისეთი შემხვდა, რომ ორიოდ სიტყვა სცოდნია გერმანული.

— სასტუმროს ყველა ენაზე ერთი სახელი ჰქვია, მაგრამ როგორ ვანიშნო. რომ მე საგულდაგულო ესა და ეს სასტუმრო მინდა?

— ნიშნება და ლაპარაკი საჭირო არ არის, ეს ქალაქი აჩვენეთ. მე ქალაქი მართლაც, ჯიბეში ჩავიდევი და დიდის მოწიწებით ვინახავ. ეს ლაპარაკი ამ დილაზე მქონდა გემზე ჩემს ნაცნობ უნგარელთან.

— მისამართი? — მკითხავს შოფერი.

გავუწოდე ქალაქი, წადიკითხა. არ ესიამოვნა. დიდის ამბითა და ვაი-უშველებელით მანიშნა, რომ ეს სასტუმრო ძლიერ შორს არის. რომ მან იცის უკეთესი სასტუმრო, რომ იმ სასტუმროში ყველაფერი უკეთესია; სადაც მას შეუძლია მიმიყვანოს.

კისერი უტეხია. რა მაგის მცხელა, ოღონდ კი მიმიყვანოს სადმე და, განა, სულ ერთი არ არის, სადაც მივალ?

ვანიშნე, რომ ყაბულსა ვარ, - მიმიყვანოს, სადაც მას უნდა.

მართლაც. არ გაუვლია დიდ ხანს, მივაღეჭით ერთ. სასტუმროს. გადმოვალაგე ნიეთები. ძირს მხოლოდ გვარი მკითხეს, არც პასპორტი, არც სხვა რამ. საზოგადოთ აქ პასპორტის ხსენება არ მესმის.

დავბინავდი ამ ოთახში. ეს მე-505 ნომერია, მაგრამ ვინ იცის, რამდენი ასეთი ოთახია ამ სასტუმროში.

ოთახი სამ ნაწილათ არის გაყოფილი. შემოსავალში ვიწრო დერეფნისებური რამ აქვს დატოვებული. რომ მოდიხართ, მარჯვნივ პატარა საკუქნაო არის. — იქ ტანისამოსის შესანახავი ალაგია. მარცხნივ ვანა და... თქვენთან ბოდიში..... ფეხის ალაგია.

გავათავე წერა, უკვე 10 საათია ღამის. იქნებ დავწვე და დავიძინო. დილის ფიჭვი სჯობია საღამოს საქმიანობას. იქნებ დამეძინოს, ვინ იცის. თუმცა მე ძილი და წოლა არ მაკლია.

18 დეკემბერი. 6 საათი და 22 წუთი.

დილაა, ჯერ ხეირიანათ არც კი გათენებულა, მაგრამ მე ლოგინში მოცდა მიქირს.

გავალე ფანჯარა და გადავჩერებივარ ქუჩებს.

რა ვნახე და რა შევნიშნე?

პ ი რ ვ ე ლ ი. საშინელი ხმაურობაა. ეს ხმაურობა არ შეწყვეტილა მთელს ღამეს. ძილშიაც კი მესმოდა ეს განუწყვეტელი ღრიანცელი. ქუჩა გაქედილია ავტოებით.

ეს სასტუმრო ქალაქის შუაგულშია, ბროდვეის — ესაა აქაური რუსთაველის პროსპექტი, — ახლოსაა, ალბათ.



ცოტა მოშორებით უფრო წყნარი და მყუდრო ადგილებიც იქნება.

ოთახში სიცხეა, თუმცა მაინცა და მაინც არ იწუხებენ თავს გათბობით. ნიუ-იორკს, ალბათ, ქარხნების და ფაბრიკების ბოლიც ყოფნის სითბოთ.

წუხელი წვიმა მოსულა და გარედან გრილი ჰაერი შემოდის.

მ ე ო რ ე. ქუჩებს არ ატყვია ბერლინისებური სისუფთავე. აქ, როგორც ჰგავს, ქუჩებს არ რეცხავენ. ან კი როდის უნდა გარეცხონ, როდესაც შეუწყნარებელი მოძრაობაა დღე და ღამე?

ჩვენ სასტუმროს წინ რალაც დიდი მალაზია არის. ათი სართული. ხალხი ბუზივით ირევა ყველა სართულებში. შე აქედან ამას ისე ვხედავ, თითქოს ყველაფერი ხელის გულზე მქონდეს.

ტრამვაი დაიარება ჩვენს ქუჩაზე, მაგრამ ძალიან იშვიათად. ვის აქვს მოკლილი დრო, რომ ტრამვით ისეირნოს? ტრამვაი ძალიან ნელა მიდის, ანკი როგორ წავა ამაზე ჩქარა, როდესაც ქუჩები გაქედლია ხალხითა და ავტოებით.

მ ე ს ა მ ე. ჩვენ ყველას ბევრი გვსმენია აქაური მექანიზაციის შესახებ. ეს როდია ასე პირწმინდათ დასაჯერებელი. აი აგერ რამდენს ვხედავ, რომ ხელით მიაგორებენ პატარა გოგრებზე შედგმულ ხელის ურმებს.

დროგებიც ბევრია, ისეთები, ცხენი რომ უბიათ შიგ.

ცხენები ვერ არის ისეთი, როგორიცაა. არამც თუ ბერლინში, არამედ. თუნდა ისეთი, როგორიც მოსკოვში მინახავს. იქაური ცხენები ლომებს ჰგავს, აქაური ჩვენებურ აზნაურის ჯაგლაგს უფრო მოგაგონებთ.

სიჩქარეო. ამბობენ, მართალია, ტყუილა მოსიარულე არავენ არის, როგორც ჰგავს, მაგრამ არც ისე ძალუმათ ეჩქარებათ. ზოგი კიდევ ჩერდება ხოლმე მალაზიების წიხ და კარგა ხანს ათვალეიერებს გამოწყობილ საქონელს.

ამას ვხედავ მე ჩემი სასტუმროს ფანჯრიდან, ქუჩაზე მე ჯერ-ჯერობით ფეხი არ დამიდგამს. ხალხსა და ქალაქს არ დავკვირებნივარ. აი დღესვე, რამოდენიმე საათის შემდეგ უნდა გავუდღე გზას.

### მომცდათერთმებე კრეზიდენტო.

მე ამ წერილს 3 მარტს ვწერ ნიუ-იორკში; საქართველომდი დიდი გზა არის. ამიტომ მისტერ ჰუვერს—ჩრდილო ამერიკის შეერთებული შტატების მე-13 პრეზიდენტს, რომელიც ხვალ ნაშუადღევს იტყვის თავის პირველ სიტყვას, უკვე დიდი ხნის ნათქვამი და მოთავებული ექნება არამც თუ პირველი სიტყვა, პირველი თვის საქმიანობაც.

მაგრამ დღეს 3 მარტია და მთელი შეერთებული შტატების ქალი და კაცი დიდი და პატარა მოელის ხვალინდელ დღეს.

— იტყვის: ჰუვერი!

— ჰუვერი იტყვის!

ამ ორ სიტყვას ათასნაირათ ატრიალებენ ზოგი პირველ სიტყვაზე უმაღლებს ხმას. ზოგი უკანასკნელზე.

უცდიან, მოელიან.

გასაგებია, საერთოდ ადამიანის თვალსაზრისით რომ გავზომოთ ეს ცნობისმოყვარეობა, მაგრამ სხვა და სხვა ხალხი, ხვა და სხვაა მოლოდინიც;

-- ვინ რას მოელის, ვინ კიდევ რას!

არსად დედამიწის ზურგზე არ არის გავლებული კლასთა სხვადასხვაობის ხნული ისე ღრმით და მკაფიოთ, როგორც ამერიკის შეერთებულ შტატებში.

საუცხოო სანახაობას წარმოადგენს ჩრდილო ამერიკა ან მხრივ, მაგრამ ამ საგანს განსაკუთრებული ყურადღება სჭირდება; ამას როდესმე ცალკე შევეხებით.

ჩრდილო ამერიკის კაპიტალისტებს მთავრობა-პრეზიდენტი უბრალო მოჯამაგირეთ ჰყავთ დაყენებული, მაგრამ ეს საქმე მათ ისე აქვთ მოწყობილი და მოკაზმული. რომ დღეს-დღეობით ჯერ კიდევ ბევრს სჯერა:

— ჩვენი მთავრობა ხალხის მთავრობაა, მთელი ხალხის მიერაა არჩეულიო.

ბევრი თვალთმაქცობა და ოსტატობა სჭირდება ამ საქმის ასე მოწყობას, მაგრამ თვალთმაქცობა, ცბიერება და პირმოთნეობა — ეს და ბევრი სხვა ასეთი თვისებები ბურჟუაზიული ბანაკის განსაკუთრებულ საკუთრებას შეადგენს, ბურჟუაზიის ბრძოლის განსაკუთრებული ხერხი და საშუალებაა.

მიუხედავად ამისა, უკეთ რომ ვთქვა. შეიძლება. სწორედ ამის გამო... ყველა უცდის, ყველა მოელის, თუ რას იტყვის ჰ უ ვ ე რ ი.

მართლაც და რას იტყვის ჰ უ ვ ე რ ი?

იტყვის, რასაკვირველია, სიტყვას მის მომვლინებელთა.

ბურჟუაზიამ — ჩრდილო ამერიკის შეერთებულ შტატების მსხვილ კაპიტალისტურ წრეებმა, ვოლ-სტრიტის ხაზინებმა იციან, რასაც აკეთებენ. ისინი კარგად იცნობენ ჰ უ ვ ე რ ს.

ის არ არის თავიდან ფეხებამდე მათი „შინა“ კაცი. არ არის იმიტომ, რომ თვით მისტერ ჰუვერს ჯერ-ჯერობით არა აქვს მრავალი მილიონის ქონება. ამბობენ ერთ-ორ მილიონს იქნებ მოუყაროს თავიო. ამბობენ..... ვინ იცის, რას არ ამბობენ. მაგრამ სწორი და მართალი ისაა, რომ მილიარდების (მილიარდების და არა მილიონების) პატრონთა წრეში ჰუვერს არა აქვს თავისი უფლება.

ვოლ-სტრიტის მილიარდერები, მიუხედავად ამისა, ფრიად აფასებენ ჰუვერს. სხვადასხვა თვისებებითაა შემკული ჰუვერი და ეს თვისებები ისეთი თვისებებია, რომ ვოლ-სტრიტის მილიარდერებს სწორეთ ის უნდა დაესვათ პრეზიდენტის სავარძელში.

როგორია ეს თვისებები, რატომ მაინცა და მაინც ჰუვერზე „ამოუვიდა მზე“ კაპიტალისტური ბანაკის განმკარგულებელთ?

- ამის პასუხი ჰუვერის თავგადასავალშია ჩაქსოვილი.

ის, რაც იყო დღევანდლამდე ჰუვერი, რა გზაც მან გამოიარა თავის ცხოვრების სარბიელზე — აი აქ არის პასუხი, აქ არის ამოცანის ახსნა.

### ვინ არის ჰუვერი?

ჩაიხედეთ აქაურ გაზეთებში და დაწვრილებით ამოიკითხავთ ჰუვერის თავგადასავალს. ჩრდ. ამერიკის გაზეთებმა ყველაფერი იციან. მათ არაფერი არ გამოეპარებათ. არამც თუ თვით ჰუვერს, ცხონებულ მამა-მისს რამდენი ფოლაქი ეკრა კვირა-უქმე დღეს გარეთ გამოსასვლელ ხალათზე, ისიც კი დაუთვლიათ.

- გავყვეთ ამ ცნობებს გზა და გზა.

ჰუვერი დაიბადა აგვისტოს ათს 1874 წელს.

მამა მისი ხელობით მჭედელი ყოფილა.

პუვერი აღრე დაობლდა. 6 წლისას მამა მოუკვდა, 9 წლისას აღარც დედა ჰყოლია. ობოლი ნათესავეების კარზე გაიზარდა. ნათესავეები პურს არ ამადლიდენ, მაგრამ არც მუქთად აკმევდენ. პატარა ბავში მუდამ საქმეში იყო გაბმული და თავის ხნის კვალობაზე შესაუფერ სამუშაოს ასრულებდა.

პუვერის ერთს ბიძას (ნამა მისის ძმას) სოფლათ მამული ჰქონდა, მეურნეობას ეწეოდა. ობოლმა მიწას შეაფარა თავი. პატარა ჰერბერტი — ესაა ახალი პრეზიდენტის სახელი — ეზო გარემოში ტრიალებდა, ხან სხვებს ეხმარებოდა მუშაობაში, ხან თვითონ ასრულებდა უფროსების დავალებას. ყანაში ყოფნამ ბავშს სამეურნეო მანქანების სიყვარული აღუძრაო, ასე სწერენ გაზეთები. დავიჯეროთ, რომ ეს მართლაც ასე იყო.

12 წლამდე ამ ბიძასთან დარჩა ბავში. ზამთრობით ფეხით დადიოდა სოფლის სკოლაში, რომელიც ბიძა მისის სახლიდან ორი ვერსით იყო მოშორებული.

შემდეგ ბავში მეორე ბიძამ (დედის ძმამ) წაიყვანა.

აქ დიდი ხანი არ მოუთევია ბავშს, ორი წლის შემდეგ ბიძამ ჰერბერტი მახლობელ პატარა ქალაქში (ამ ქალაქს სახელად ს ა ლ ე მ ი ჰქვია) წაიყვანა და აქ ერთს კანტორაში მიაბარა. მომავალ პრეზიდენტს ამ კანტორაში ფრიად მცირე თანამდებობა ექირა. ბავშს იქეთ აქეთ არბენინებდენ; ხან ფოსტაში გააგზავნიდენ, ხან ადგილობრივ სადმე წერილს გაატანდენ, ხან კიდევ მოსამსახურეები თავის საკუთარ დავალებას დაასაქმებდენ.

არც ისე ტკბილი იყო ეს ცხოვრება, მაგრამ აღრე დაობლებულ ბავშს, ალბათ აღრე ჩაახედვა ცხოვრებამ ადამიანის ჭირ ვარამის სიღრმეში. ამ ერთი ნათესავიდან მე-

ორეს კარზე თრევის დროს, ჰერბერტმა იმდენი ყუათი გა-  
მოიჩინა, რომ სწავლისათვის თავი არ გაუნებებია. სულ-  
იმის ცდაში იყო, საშვალო სკოლის სწავლა შეესრულებია.  
რომ შემდეგ უმაღლესი სწავლისათვის გზა გახსნოდა.

ბოლოს თავისი მიზანის პირველ ნახევარს მიაღწია  
საშუალო სკოლა დაასრულა და შეუდგა უნივერსიტეტში  
შესვლის თავდარიგს.

ბევრი სიმწარე გამოიარა ახალგაზრდა ჰუვერმა სტუ-  
დენტობის დროს.

სწავლის ფულს გადახდა უნდოდა, თავის შენაბავაც  
არ იყო იოლი საქმე. ჰუვერი არავითარ სამუშაოს არ თა-  
კილობდა. ახლად შემოსულ სტუდენტების საბუთების მო-  
წესრიგება, ამ საბუთების წარდგენა, შემოწმება, ჩაწერა—  
აი ასეთი საქმის ასრულებაში ის შოულობდა ცოტაოდენ  
გროშებს. მოსული წერილების ამხანაგებისათვის ჩამო-  
რიგება და მათგან მიღებული საჩუქარი — აი მისი შემო-  
სავლის წყარო წლიდან წლამდე.

უნივერსიტეტში მდიდარი შეძლებული ჯალხის შეი-  
ლები ყოველთვის უფრო მეტია. ამ მდიდარ ყმაწვილებს  
ცხოვრებაში და სწავლაში დიდი შნო და ლაზათი არ აქვთ.  
ჰუვერი ყველას ეხმარებოდა, შველოდა ყოველგვარ საქ-  
მეში. ხანდახან ასეთი სტუდენტების საცვლები კი დაჰქონ-  
და გასარეცხათ და გარეცხილი უკან მოჰქონდა ხოლმე.

1895 წელს ჰუვერმა თავის მიზანის მეორე ნახევარ-  
საც მიაღწია; — ჩაიდვა ჯიბეში ინჟინერის დიპლომი.

ამიერიდან მის წინ გახსნილი იყო ფართო გზა, მაგრამ  
სიძნელე ამ გზაზე კიდევ ბევრი უნდა შეხვედროდა  
მას წინ.

„ამერიკაში საქმის მცოდნე ადამიანი სიმშლით არ მო-  
კვდებოა“, ასე იტყვიან და ასე ამბობენ აქ. მაგრამ სინამ-

დვილეში სულ სხვა სურათია. რამდენია ინჟენერი ამერიკაში, ყველას საქმეს ვინ მისცემს?

არც ჰუვერისათვის დაუხვევიათ კალთები.

არავის უთქვამს რალაი ინჟენერის დიპლომი გაქვს მობრძანდი, მიირთვი დიდი ჯამაგირი და დიდი თანამდებობაო.

პირიქით, ჰუვერი თვითონ დადიოდა სხვადასხვა დაწესებულებებში და ეხვეწებოდა:

— იქნებ, რაიმე საქმე გექნეთ, თანახმა ვარ პირველ ხანებში უკვასოთ ვიმუშაო. შემდეგ კი, როგორც გენებოთ — შეხედეთ ჩემს გარჯასა და უნარს, თუ დაგიჯდეთ, დამტოვეთ, თორემ ყოველი სიტყვის შემობრუნების გარეშე წავალ, თავს აღარ შეგაწყენთო.

ბევრგან უარით გამოისტუმრეს. ერთს ალაგას ჰუვერს ბუდმა გაულიმა. დაყაბულდენ.

— იმუშავე. თუ გინდა; ჯამაგირს ვერ მოგცემთ. ჯამაგირის მაგივრათ, რასაც გამოცდილებას შეიძენ. ისიც გეყოფაო.

ეს სან-ფრანცისკოში მოხდა. ჰუვერი ქვა-ნახშირის მალაროების პატრონთან დადგა ამ პირველად სამუშაოდ. საქმის პატრონი თვითონაც გამჭირახი გონების პატრონი კაცი იყო და ამიტომ ჩქარა შეატყო, რომ ახალგაზრდა ინჟენერს დიდი ყუათი ჰქონდა მუშაობაშიო, ასე ამბობენ ჰუვერის თვგადასავალის ეხლანდელი მთხრობელნი და მლაღადებელნი.

ჩქარა ჰუვერს უკვე ჯამაგირიც დაუნიშნეს, მაგრამ პატარა ხნის შემდეგ მალაროების პატრონს დასჭირდა ავსტრალიაში გასაგზავნათ ამერიკელი ტენნიკის მცოდნე ინჟენერი და არჩევანი სწორეთ ჰუვერს ერგო.

ავსტრალიაში ჰუვერმა სწრაფათ გამოიჩინა თავისი მუშაობის მარიფათი, სახელი გაითქვა, როგორც საზრიან-მა და მარჯვე მუშაკმა.

რალაი ერთხელ მოიკიდა ჰუვერმა ფეხი ფართე სამუშაო ასპარეზზე, ის ჩქარა დაწინაურდა. ავსტრალიაში ყოფნის დროს მას სახელი გაუფარდა, როგორც კარგს მომუშავეს.

19 წლის იყო ჰუვერი, როდესაც მან უმაღლესი სწავლა დაასრულა. 26 წლის ჰუვერი უკვე სახელგანთქმული ინჟინერი და საქმის კაცი იყო, როდესაც ის იმდროინდელმა ჩინეთის მთავრობამ მოიწვია ქვა-ნახშირის მალარობის მოსაწყობათ და ზღვის ნაპირის გასწვრივ რკინის გზის გასაყვანათ. ეს დიდი საქმე იყო, ჰუვერს უნდა მოეწყო და გაემართა ეს მეტად რთული და დიდი გეგმით წამოყენებული საქმე.

ჯამაგირი დიდი შეაძლიეს. ჰუვერი დასთანხმდა.

სწორეთ ამ დროს ითხოვა ჰუვერმა ცოლი.

ცოლის შერთვაც ამერიკელ წესზე მოხდა. ჰუვერს სიყრმიდანვე ჰყავდა საცოლე, მაგრამ ეს ქალიშვილი ამერიკაში ცხოვრობდა. ჩინეთში სანამ წავიდოდა, ჰუვერმა მას ტელეგრამა გამოუგზავნა.

— თუ თანახმა ხარ. ტელეგრამით მაცნობეო.

საცოლემაც ტელეგრამით შეუთვალა პასუხი. ამ პასუხის შემდეგ ჰუვერის მომავალი მეუღლე ჩაჯდა გემში და გაუდგა გზას. მისი მეუღლე ერთი საშვალო შეძლების და ქონების ბანკირის ქალიშვილი იყო.

ჩავიდა ეს ქალიშვილი ავსტრალიაში; იმავე დღეს გადაიწერეს ჯვარი და დაუყოვნებლივ გაუდგენ გზას ახლად შეუღლებული ცოლ-ქმარი.



ჩინეთში ჰუვერს 25.000 მუშა ჰყავდა დაყენებული სხვა და სხვა სამუშაოებზე. საქმე მართლაც რომ დიდი და რთული იყო, მაგრამ აქ მას დიდი ხნის მუშაობა არ დასცალდა. სხვა და სხვა ქვეყნის კაპიტალისტების შევიწროებით, შეწუხებულმა ჩინეთმა მოინდომა უცხოელების მიერ დადგმული უღელის კისრიდან გადაძრობა.

იფეთქა აჯანყებამ. ეს მოხდა 1900 წელს. ეს იყო ევროეთ წოდებული ბოკსერების აჯანყება. ამ აჯანყებამ ბოლო მოუღო ჰუვერის ჩინეთში მუშაობას. ის იძულებული შეიქნა ისევ ჩრდილო ამერიკაში დაბრუნებულიყო.

ჰუვერი სან-ფრანცისკოში დასახლდა და კერძო ტენსიკური საინჟინერო კანტორა გახსნა.

საქმის სათავეში მან გამოცდილი ხალხი ჩააყენა, თვითონ კი შეუდგა მოგზაურობას. ეს არ იყო თავის გასართობი მოგზაურობა. ყველგან საქმეს ეძებდა ჰუვერი, ყველგან მოლაპარაკება ჰქონდა გაბმული. ამასობაში, ჰუვერმა მოიარა თითქმის მთელი ქვეყანა: იყო რუსეთში და თვით რუსეთის სხვა და სხვა ადგილები პირადად აქვს დათვალიერებული, იყო აფრიკაში, მექსიკაში, იტალიაში და სხვ.

მთავარი მამოძრავებელი ძალა. რომელიც მოსვენებას არ აძლევდა ჰუვერს, რასაკვირველია პირადი ინტერესები იყო. ამ საქმეში ჰუვერი, მართლაც, რომ თვალსაჩინო დაწინაურდა. საერთაშორისო ომის დაწყების წინ უკვე შრილიონის პატრონი ადამიანი იყო.

არც ომის გამოისობით შეშლია ხელი ჰუვერს.

ჩრდილო ამერიკამ საზოგადოთ საკმარისათ მოითხო ხელი იმპერიალისტური ომის დროს. ყელამდე ოქროში ჩამჯდარი მილიარდერების სიმდიდრე ელვის სისწრაფით იზრდებოდა. ამ დროს ჰუვერს მიანდევს „დამხმარე კომი-

ტეტის“ („რელიფ ადმინისტრეიშენ“) მეთაურობა. ოქრო-  
თი გამაძლარი მილიარდერები „მოწყალეებს“ არ იზურებ-  
დენ „დაზარალებულ“ მეგობრებისათვის. შემოწირულე-  
ბა დაშხმარე კომიტეტში გროვდებოდ და უნაწილდებოდ.  
ევროპის სხვა და სხვა სახელმწიფოებს.

ამ ბოლო ხანებში კულიჯის პრეზიდენტობის დროს.  
ჰუვერს ვაჭრობის მინისტრის ალაგი ეკავა.

ასეთია ეს ამერიკელი, რომელიც ვოლ-სტრიტის ქუ-  
რუმებმა პრეზიდენტის სავარძელის ღირსად იცვენეს.

ამბობენ ჰუვერს დიდი გავლენა და პატივისცემა აქვს  
დამსახურებული ამერიკელ საქმიან ხალხის წრეშიო.

აქ ჰუვერს „სელფმედმენს“ ეძახიან. ქართულად ეს ერ-  
თი სიტყვით არ ითქმის, დაახლოვებით ეს სიტყვა ასე გად-  
მოითარგმნება: — თავის თავად დაწინაურებული ადა-  
მიანი.

ფეხშიშველა ობოლი სოფლის მკედლის ბიჭი — კაცი  
გახდა, მილიონის პატრონი შეიქნაო, ამაყათ ამბობენ ხო  
ლმე ამერიკაში ჰუვერის შესახებ.

რამდენი სოფლის მკედელია ამერიკაში, რამდენი მკე-  
დლის შვილი და შთამავლობა მამაპაპისეულ სამკედურის  
კედლებში დალევს თავის წუთისოჯველს.

რამდენი ობოლი და უპატრონო ან სიმშვილის წერა უნ-  
და გახდეს. ან და მძიმე, შავი მუშაობით უნდა გაიტანოს  
თავი.

ასეთების რიცხვი უთვალავია; მით უფრო თვალის მო-  
მკრელია ჰუვერის მაგალითი. ბრწყვების გასაგონათ და გა-  
საცრუებლად ასეთ მაგალითს დიდი მნიშვნელობა აქვს.

— აი, შეხეთ, რა ქვეყანაა ჩვენი ქვეყანა. თუ ადამიანს  
მუშაობის შნო და უნარი ექნა, მისთვის გზა გახსნილია.  
წინ არავინ დაუდგება, ხელს არავინ შეუშლისო.

საქიროა ასეთი ცოცხალი მაგალითები ბურჟუაზიისათვის.

ჰუვერი არ არის უნიკო ადამიანი. ის კარგათ ერკვევა თავის დანიშნულებაში. იმას კარგათ ჰქონდა და კარგათ აქვს შეფერებული თავისი როლი.

ჰუვერი ეხლა პრეზიდენტი ბრძანდება.

მთელი შვიდი წლის განმავლობაში ის იქნება ჩრდილო ამერიკის შეერთებული შტატების მომვლელი და გზის მიმცემი. ის ილაპარაკებს ამ ქვეყნის სახელით, ქვეყნისა და ხალხის დასანახავათ მას დიდი უფლებები აქვს ჩაბარებული, მაგრამ, შეიძლება სხვამ არ იცოდეს, ოღონდ თვით ჰუვერმა ჩინებულათ იცის, როგორ და რა ოსტატობაა მისთვის საჭირო, რომ თავის მომვლინებელთ განუწყვეტილვ თვალის წამწამში შეაჩერდეს და თვითუფლს მათ, თვალის დაფახურებაზე მიხვდეს და შეასრულოს მათი განზრახვა და სურვილები.

ჰუვერმა დაუმტყიცა ბურჟუაზიას, რომ ის ღირსია ამ ბანაკის საპატიო თანამდებობის, ბურჟუაზიამ იცნო და მიიღო ჰუვერი, როგორც თავისი ახლათ შეძენილი და ღირსეული წევრი.

მაინც რას იტყვის ჰუვერი?

მის სანადიმო გამოსვლაში, ამბობენ, 3.500 სიტყვა იქნებაო.

ეს პირველი მისი გამოსვლა, არამც თუ გამოანგარიშებული და გამოკოპიტებულია კაკლა-კაკლაა დათვლილ, თვითუფლი სიტყვა. იქნება 3.500 სიტყვა არც მეტი არც ნაკლები.

ამერიკას (ჩრდილო ამერიკის შეერთებულს შტატებს) დიდი უშნო და ულაზათო პრეზიდენტი ჰყავდა. კულიჯი არ იყო საპრეზიდენტო კაცი. ის არც არავის აურჩევია

ბრეზიდენტათ, მაგრამ გარდინგი უდროო-დროს მოკვდა და კულიჯიც ანაზღეულად საპრეზიდენტო სავარძელის პატრონი შეიქნა.

კულიჯს არ უწონებდენ ენის მკვევლს. სიტყვის ამოღება უჭირსო, ამბობდენ ხოლმე იმის შესახებ. მართლაც რომ დიდი მარიფათის პატრონი კაცი არ იყო ეს კულიჯი, ეს სრულიად შემთხვევით გაპრეზიდენტებული ხელმოკლე ჟურნალისტი.

ჰუვერი უფრო, შეიშნობს პრეზიდენტობას.

გამოცდილება მას არ აკლია. შნოც მეტი ექნება მას, ვიდრე კულიჯს.

დღეს ის თავის 3.500 სიტყვას ჩამოალაგებს.

ის, უეჭველია, ოსტატურათ გადმოალაგებს ხაზინებისაგან დაბარებულს, როგორც თავის საკუთარს.

ასეა, თუ ისე, ჰუვერი ხვალ ამეტყველდება.

იტყვის მას, რაც ესაჭიროება ვოლ-სტრიტის მილიარდერებს.

თავისას, თუ სხვისას, მაგრამ ის მაინც იტყვის და ამ სიტყვებში იქნება მომავალი წლების პოლიტიკის ხაზი.

რას იტყვის ჰუვერი, ჩრდ. ამერიკის მეოცდათერთმეტე პრეზიდენტი რა გზას ადგია ვოლ-სტრიტი?

მოვესწრებით ამის გაგებასაც.

3 მარტი 1929 წ. ქ. ნიუ-იორკი.  
ჩრდ. ამერ. შეერთებული შტატები.

## Have you business?

12 აპრილი 1929 წ.

სათაურში რომ სიტყვები მიწერია, ასე ითქმის: ჰ ე ე ი, უ ბ ი ზ ნ ე ს? "ოლონდ ხმის ასამაღლებელი ყოველთვის პრველ მარცვალს დაატანეთ!

რას ნიშნავს?! — ამის პასუხი შემდეგ: ჯერ ამბავს მო-  
გიყვებით.

— რაღაი ბედმა და გარემოებამ ასე მოიტანა, რომ აქ  
უნდა იცხოვროთ. ბარემ ენის შესწავლას უნდა მოკიდოთ  
ხილი, — მიიჩნია ერთმა მეგობარმა, რომელსაც ხუთმეტი  
წლის წინათ დავეშორდი ერთ უდაბნო ქვეყანაში, სადაც  
არც მე და არც ის ჩვენ ჩვენი ნებითა და სურვილით არ  
ვიყავით მისული.

— კეთილი, ვისწავლი, რა გაეწყობა. ნათქვამია: „სიბე-  
რემდე სიქაჩლეო!“ ჰგავს უნდა მოვიკიდო ხელი მაგ საქმეს,  
მაგრამ ისეთი მასწავლებელი მიშოვე, რომ. რაც შეიძლება  
ჩქარა გამიკვეთოს ის, რაც ყოველ-დღიურ მიდგომ-მოდ-  
გომაში არის საჭირო და გამოსადეგი. მიუფე მე.

მეგობარი შემპირდა, სწორეთ მაგნიარ მასწავლებელს  
გიშოვიო. ორი, თუ სამი დღის შემდეგ მე უკვე პირველ  
გაკვეთილს ვლებულობდი.

— პრაქტიკულ საქმიანობაში საჭირო სიტყვები და  
გამოთქმები გინდათ დაეიწყეთ? მესმის. ჯერ ერთი რომ  
აქ ინგლისურ ენას დამახინჯებულათ ლაპარაკობენ, მაგ-  
რამ ეს არაფერია, ყურს შეაჩვევთ. ამერიკელი პირველ  
ყოვლისა ადამიანს იმდენათ კი არ აფასებს, რამდენათაც  
მის გამპირიანობას, მის დოვლათს, მის მარიფათს. უიღბლო  
და უხეირო ადამიანს აქ ფასი არა აქვს. რაც მეტი გაქვთ  
ქონება, რაც უფრო კარგათ მიდის თქვენი საქმე, მით უფ-  
რო მეტია მოწონება და დაფასება. ეს დაიმანსოვრეთ. ამი-  
ტომ არსად არც ერთს ენაში არ არის ისეთი სიტყვა. რო-  
მელიც აქაური *business* უდრიდეს. რას ნიშნავს ეს სიტ-  
ყვა? რასაც გინდათ, ხელობა, საქმე, მუშაობა, მოქმედობა,  
ვაქრობა, მოღვაწეობა, — რომელი ერთიც გნებავთ და კი-  
დევ მრავალი სხვა მნიშვნელობა აქვს. ერთი სიტყვით ამ

ერთს პატარა გამოოქმავია თავმოყრილი ყოველივე ის, რასაც ასე აფასებენ და აღიღებენ ამერიკელები. ამერიკელი რომ შეგხედება პირველ ყოვლისა იმას გკითხავს:

— Have you business? ეს იმას ნიშნავს, რა ხელობის კაცი ხარ, რას მუშაობ. რა საქმეს ადგისარ, ვაქრობ. საზოგადო მოღვაწეობას ეწევი, თუ კიდევ სხვა რამესო?

დაფასებაში ის კაცია. რომელიც ასეთს კითხვაზე პასუხათ შეაგებებს — Yes, sir, I have good business! კი, ბატონო. ჩემი საქმეები კარგათ მიდის!

ჩემი მასწავლებელი ხანში შესული კაცია. მას ეამსა შინა რუსეთის მცხოვრები; ერთს დროს აყრილა მთელი ოჯახით, დიდის ვაი-ვაგლახით მოულოწევია ამერიკისათვის. ბევრი უხეტიალებია გზაში, მაგრამ ბოლოს აქ დაუდევს ზავი, აქ დაბინავებულა. ჩრდილო ამერიკის შეერთებული შტატების მოქალაქე გამხდარა.

მას ძალიან აინტერესებს ჩვენებური ამბები. მოსწონს ბევრი რამ, მაგრამ გული წყდება.

— მოვხუციდი, სადღა შემიძლია კიდევ ამ სიბერის დროს გზას გავუდგე და ახალ ცხოვრებას მოვკიდო ხელს; თორემ დღესვე მივატოვებდი აქაურობას და ახალი რუსეთის შემხედვარეს კიდევ ერთი პირი სიცოცხლე და სიქაბუკე მომემატებოდაო, — ამბობს ხოლმე ის გულდაწყვეტილი.

სახელი საბჭოთა კავშირი მას არ ემარჯვება. მე ვუსწორებ, ვეუბნები.

— რუსეთი, ეს სიტყვა ჩვენში აღარ არის.

— როგორ, რუსეთი აღარ არსებობს. თუ?

— როგორ არა. მაგრამ უწინ რუსეთი ერქვა ყველა იმ ქვეყნებს, რომელიც რუსის მეფეებს ჰქონდათ მოტა-

ცებული და თვითმპყრობელობის უღლის ქვეშ ჰყავდათ დაყენებული. ახლა ს ა ბ კ ო თ ა კავშირი გვაქვს.

— კეთილი, მე ძველი სახელისათვის მაქვს ყური და ენა შეჩვეული. აგრე იყოს. სახელმა რა დააშავა?

ჩვენი გაკვეთილები კარგათ მიდის. გავიკვეთე ამოსა-  
ლები, სიტყვების კითხვა აღარ მიჭირს, გამოთქმას შიწუ-  
ნებს ხოლმე ჩემი მასწავლებელი, მაგრამ მე ამას ყურად-  
ღებას არ ვაქცევ. რა ჯანდაბათ მინდა აქაური გამოთქმის  
შეთვისება მე შენ გეტყვი, ჰუვეერთან არ დამქირდეს პუ-  
რის ქამა და მისი სადღეგრძელოების დაღვევა?

გაკვეთილების შემდეგ მოხუცი მისტერ სმიტი და მე  
გავაბამთ ხოლმე გრძელ მუსაიფს. მან ამერიკა კარგათ  
იცის. მოვლილი აქვს თითქმის ყველა კუთხე. არ ეზა-  
რება ძველი ამბების გახსენება. მე მას ჩვენებურ ამბებს  
ვუყვები, ის ყურებ დაცქვეტილი მისმენს. არ უნდა არც  
ერთი სიტყვის დაკარგვა. სამაგეროთ მისი აქაური ამბებიც  
საინტერესოა. საინტერესოა ჩემთვის და მე ვფქირობ ჩვენი  
მკითხველებისთვისაც.

---

მისტერ სმიტი ჭანში შესული კაცია. მეტის მეტად ხმე-  
ლი. ტანისამოსი თითქოს ჩამოკლებულია მის ხმელ და მა-  
ლლად აწოწილ ძვლებზე. სახე მოგრძო აქვს, თვალები  
შიგნით შეწეული. გრძელი—კეხიანი ცხვირი და ოდესღაც  
შავი, ეხლა კი ერთთავათ გათეთრებული ხუჭუქა თმა.

— ეს ჩემი ძღვენი და მოსაკითხი იყო,—მითხრა გაკ-  
ვეთილის გათავების შემდეგ მისტერ სმიტმა და რალაც  
ბრტყელი და სიგრძეზე შუა-გაზნექილი თუნუქის ქურ-  
ქელი შემომავება ხელში.

— მადლობელი ვარ. მაგრამ მე სრულებით არ ვიცი,  
რა არის ეს?

— ეს ისაა, რაც აქ აღკრძალული გახლავთ!

— ესე იგი?

— ესე იგი კონიაკი!

კონიაკი, არაყი და საზოგადოთ მაგარი სასმელები, მართლაც აღკრძალულია ჩრდილო ამერიკის შეერთებულს შტატებში. მე სახტათ დავრჩი.

— მერე, აღკრძალული რომაა?

— რა ვუყოთ აღკრძალული რომაა, არის საქმე და გარემოება, რომელიც კანონის ნებადართვას არ საჭიროებს და აღკრძალვის არ ეშინია. ღვინო, არაყი, კონიაკი... გამიგონია, განა შეძლება. რომ ამერიკაში ამის სმაზე ხალხმა ხელი აიღოს. სისულელეა. არსად იმდენს მაგარ სასმელებს არ სვამენ, რამდენსაც აქ. მე რომ მკითხვით ესეც აქაური ხრეკია. ამერიკული ბიზნესია და მეტი არაფერი. უწინ არაყს, ღვინოს, კონიაკს მარტო სასადილოებში და რესტორანებში ჰყიდდნენ. ეხლა გნებავეთ თვალდახუჭული შედიო სადაც გნებადეთ. რომელ სავაჭროშიაც მოისურვებთ და ყველაჯერს იშოვიოთ. მართალია. ხამს ადამიანს არ მიჰყიდნიან, მაგრამ ასეთი ათასში ერთი თუ გამოერევა.

— რალასი მაქნისია ეს კანონი, ეს ამოდენა სიფხინლის აგენტები, ფარული და აშკარა პოლიცია და სხვ. და სხვა?

— ბიზნესია, ჩემო კარგო. ბიზნესი!

— არ მესმის, ხეირიანათ გამაგებინეთ.

— ინებეთ. უწინ არაყის და ყოველივე ამ მაგარი სასმელების ყიდვა ნებადართული იყო. ეხლა აღკრძალულია, მაგრამ ყელის გასოვლება, როცა დაქირდება ადამიანს კევის ღვინოთ ხომ ვერ მოიკლავს წყურვილს. კანონმა აკრძალა სმა, მაგრამ მოთხოვნილება დარჩა. დარჩა მუშტარი და, თუ მუშტარი არსებობს, საქონელი გამოჩნდება. აკრ-



ძალეა შეუშლის ხელს? თქვენ არ მომიკვდეთ! სახიფათოა? მართალია — სახიფათოა, მაგრამ ამერიკაში მშვიერი და მწყურვალნი ხალხი რამ გააწყო. ფული მიეცით და ფულის გულისათვის თუნდა ანთებულს საკირეში გადავარდება — ამის მოხალისეს აქ რამდენიც გნებავთ, იმდენს იშოვიოთ. პოლიცია? პოლიციას რაც კარგი შემოსავალი — დიად სწორეთ კარგი ბ ი ზ ნ ე ს ი აქვს ამ საქმიდან. რას მეკითხებით: ქრთამს ლებულობენო?! ლებულობენ და მერე აგრე?! ქრთამით აქ ყველაფერი შეიძლება გააკეთოს ადა-მიანმა. ყ ვ ე ლ ა ფ ე რ ი. მოხუცდა მისტერ სმიტი, მისტერ სმიტი ეხლა ამერიკელი მოქალაქეა. მისტერ სმიტს ორი უმცროსი ვაჟი ჰყავს; ორთავე აქ არი დაბადებული. მე მოქალაქე ვარ, მართალია, მაგრამ. ჩემი შვილები უკეთესი მოქალაქეები არიან. კანონით მე პრეზიდენტათ ყოფნის უფლება არა მაქვს, ჩემს შვილებს კი აქვთ — ისინი ამ ქვეყანაში არიან დაბადებული. დემოკრატიული ქვეყანაა. ამიტომაცაა, რომ აქ ქრთამს დიდი გასავალი აქვს.

მოხუცებაში წასულმა ადამიანმა ასე იცის. ბევრი დაკვირვება, დიდი გამოცდილება მძიმე ტვირთად აწევს მოხუც სმიტს ზურგზე. ის თითქოს სკდილობს. რომ თუ შემთხვევამ ხელი შეუწყო. ეს ქვირთი მოიხსნას ზურგიდან, სხვას გაუზიაროს. ამოთქვას და ამოიქარვოს გულიდან. რაც უნასავს. რაც გაუგონია, რითაც. ვინ იცის. იქნებ მწარეთ დასერილა მისი გული.

— დემოკრატია? ვაი სულელო და ბრიყვო ჩემო თავო. რა სასოებით მწამდა მე ერთს დროს დემოკრატია. რა ალტაცებით მოვეშურებოდი მე ამ „ალთქმული ქვეყნისაკენ“. კარგი ხნის ამბავია. ამაზე სხვა დროს მოგიყვებით: ეხლა იმის თქმა მინდოდა..... მაგრამ რომ აღარც კი მას-სოვს, რისი თქმაც.....!

— თქვენ აქაურ მექრთამეობაზე ლაპარაკობდით, — მოვაგონე მე.

— ქრთამი.... ქრთამი, იცით რას ლებულობს აქაური პოლიციელი?

— ჯამაგირს, რას ლებულობს?!

— არ ვიცი!

— არაფერს მაინცა და მაინც. ყოველ შემთხვევაში არც იმდენს, რომ ცოლშვილის პატრონმა ადამიანმა თავი შეინახოს, მაგრამ, აბა შეხედეთ. შეაძლიეთ აბა უბრალო პოლიციელს, ქუჩაში რომ არის სიცხეში და სიცივეში ატუხული, შეაძლიეთ დიდი, გაცილებით მეტი ვიდრე ის ლებულობს, ჯამაგირი და წყნარი, იოლი სამუშაო-სამსახური. დაგთანხმდებათ? არამცა და არამც. რატომ? იმიტომ რომ ჯამაგირის გარდა მას მშვენიერი შემოსავალი აქვს მაგარი სასმელების ვაჭრობისაგან! იქნება ასე ერთს ან ორ წელიწადს ქუჩის ყურეში ატუხული, მოუყრის ფულს თავს, მერე სამსახურს თავს დაანებებს და ამის შემდეგ თვით დაიწყებს არაყითა და ღვინით ვაჭრობას.

— გასაკვირველია, მაინც როგორ ჰყიდიან ამ აღკრძალულ საქონელს, — ჩამოვართვი მე სიტყვა მისტერს.

— ინებეთ, მოგახსენებთ. ვაჭრებს თავ-თავისი ნიშანი აქვთ. მაგალითად თქვენ იცნობთ რომელიმე ვაჭარს, რომელიც ჰყიდის მაგარ სასმელებს. რაღაი მას თქვენ თავის მუშტრათ ეგულებით, ის თვითონ მოგცემთ ასეთს წინადადებას.

— თქვენს კარგს ნაცნობებში თუ ვისმეს დასჭირდეს ეს საქონელი, ურჩიეთ ჩემთან შეიძინოს. მადლობელი ვიქნები; სამაგიეროთ თქვენ ფას-დაკლებით დაგითმობთ.

თუ თქვენ ყაბულს დაჰყვებით, ის შემდეგ გასწავლით იმ ნიშანს, რომლითაც სავაჭროს პატრონი ყოველთვის

მისვდება, თუ რა მუშტარი მივიდა მასთან და რა საქონელი უნდა რომ იყიდოს. არის მაგალითად ასეთი ნიშანი. მაგალითად თქვენ შეხვედით სავაჭროში და მისვლისთანავე მოხსადეთ ქუდი და ხელში დაიკავეთ. ეს უკვე მთავარი ნიშანია. ამის შემდეგ, თუ ქუდი მარცხენა ხელში გიკავიათ, ეს მაშინ თქვენ უბრალო არაყი — აქ ვისკის ეძახიან — ის გინდათ, თუ მარჯვენაში მაშინ, ალბათ, კონიაკის ყიდვას აპირობთ. ეხლა იმის შესახებ, რამდენი ბოთლი გკირდებათ. ქუდს სახესთან მიიტანთ და გააქნევთ, თითქოს სიცხის მოსაგერებლად. ერთი გაქნევა — ერთს ბოთლს ნიშნავს, ორი — ორს და სხვ.

ნიშნები ყველას თავ-თავისი აქვს.

ამ ნიშნებით ისეთი ვაჭრები სარგებლობენ, რომლებსაც გული საგულეს არა აქვთ მაინცა და მაინც. მათ მოქრთამული ჰყავთ, მაგალითად მახლობელი პოლიციელი, მაგრამ, ჩვენებურათ რომ პრისტავს ეტყვიან, ისეთი მოხელე პოლიციის, იმასთან არა აქვს საქმე გაკეთებული და ამიტომ ეს ვაჭარი კარგათ დაზღვეული არ არის და მარცხის მოლოდინშია. მას მეტი სიფრთხილე სჭირდება, მეტი თავდარიგი მართებს. სამაგიეროთ არიან ისეთი ვაჭრები, რომლებსაც ყველა მომადლიერებულს ჰყავთ. ასეთს სავაჭროში არც ქუდის ქნევაა საჭირო და არც სხვა არაფერი. ასეთ სავაჭროებში პირდაპირ კარებთან წააწყდებით წარწერას:

— „თუ ვერ შეამჩნიოთ ის საქონელი, რომელიც თქვენ გესაჭიროებათ, უბრძანეთ მოსამსახურეს და ის იმწამსვე მოგართმევთ!“

ეს იმას ნიშნავს: — რომელი სასმელიც არ უნდა მოითხოვოთ ლუდიდან დაწყებული და საუკეთესო შამპანიურით გათავებული — ყველაფერი აქ გახლავთ. ფულების

გადახდა ნუ დაგეზარებათ და, რასაც მოისურვებთ, იმას იშოვით.

— თქვენც ასე ქუდის ქსევიტ შოულობთ ღვინოს? — შევეკითხე მე სმიტს.

— როგორ გეკადრებათ. ჩემთვის ეგეები რაღა საქი-  
როა. მე ჩემს უბანში ძალი და კატა ყველა მიცნობს.  
აჩენილი მყავს ერთი ჩვენებური ვაქარი — ჩემი არ იყოს  
ისიც რუსეთიდანაა გადმოხიზნული ძველი დროიდან. პა-  
ტარა საწვრილმანო დუქანი აქვს. წვრილი ცოლშვილის  
პატრონია. გვიან ითხოვა უბედურმა ქალი. სანამ ახალგა-  
ზრდა იყო, ოჯახის მოკიდების თავი არ ქონდა და ახლა ამ  
რამოდენიმე წლის წინათ ითხოვა ერთი ნაქვრივალი დე-  
დაკაცი. ჰო, იმას ვართმევ ხოლმე. პატიოსანი კაცია, რა-  
საც მოგყიდის პირიანათ და ხეირიანი საქონელი აქვს ყო-  
ველთვის.

— ძვირია?

— არც იაფია, ყოველ შემთხვევაში გაცილებით უფ-  
რო ძვირია, ვიდრე უწინ იყო. სარისკო საქმე შეიქნა, აზი-  
ტომ ფასიც მოემატა. უწინაც სვამდენ ხომ არაყს, მაგრამ  
ეხლა დიდიან-პატარაიანა ყველა სვამს ზედმიწევნითა და  
ხელიერთპირად. მეტადრე მოზარდები ეტანებიან. სა-  
ვაჟაკო საქმე შეიქნა აღკრახული ხილის შოვა და მის  
გემოს გაცნობა: ჩემს მახსოვრობაში, ჩემი თვალის წინ  
რამდენმა უბრალო ასი დოლარი რომ არ ქონდა, ისეთმა  
კაცმა ქონება შეჰკრა ამ მაგარი საქონელით ვაჭრობაზე.  
ბევრი ტყავსაც აქ ჩატოვებს ხოლმე, მაგრამ. ზოგს ბედი  
გაუცილებს და მილიონის პატრონი შეიქნება.

— ბინაზე გაჩხრეკა არ იციან აქ? ვთქვათ ვინმეს შეს-  
წამეს, რომ სახლში მაგარი სასმელები ეგულებათ, არ მიუ-  
ღენ გასაჩხრეკათ?

— ძნელია მაგის პასუხი. აქ დემოკრატიული თავისუფლების ქვეყანაა. სახლში მისტომა და ჩხრეკა კონსტიტუციის დარღვევაა და მაინცა და მაინც არც არავინ გეძალდება სახლში შემოსასვლელათ და გასაჩხრეკათ. მაგრამ ესეც საქმეს და თვით ადამიანს გააჩნია. კანონით აქ ყველა თანასწორი უფლების პატრონია, პრეზიდენტიდან უბრალო შავ-დღიური ქირით რომ თავს ირჩენს — ისეთ მუშამდე. ასეთია დემოკრატიის წესი. ასე უწერიათ კანონებში, მაგრამ კანონის შემოტრიალება თუ იციან. სწორეთ აქ იციან. ერთს ამბავს მოგიყვებით.

— ეს ამბავი, — დაიწყო სმიტმა — სულ აგერ ახლა მოხდა მარტის დამლევს.

არის აქ ერთი შტატი. ილინოისი ჰქვია. ამ შტატში არის ერთი პატარა ქალაქი, ა უ რ ო რ ა. ეს სახელი, სხვათა შორის ცისკარს ნიშნავს, დაიმახსოვრეთ! აი ამ ცისკარის ქალაქში მოხდა ასეთი ამბავი.

ერთს დღეს... როგორც იტყვიან ხოლმე... „ერთს მშვენიერ დღესო“, არა? არა, ჩემო კეთილო, მშვენიერი და ბედნიერი არ ყოფილა ეს დღე აქაური ერთი ხელმოკლე მუშის ოჯახში.

სადილათ ისნდენ თურმე: ცოლი ქმარი და პატარა ვაჟი, ასე 12 წლის ბიჭი იქნებოდა. დიასახლისი თურმე, კერძს უნაწილებს ქმარსა და შვილს. მუშას სადღაც ერთი საცოდავი ბოთლი არაყი უშოვია და სასოებით მოელის ყელის გასოვლებას. მე რომ მკითხვით არაფრათ დაეძრახავ. რომ მუშამ სადილობისას თავის ოჯახში ერთი და თუნდა ორი ქიქა არაყი გადაჰკრას. აქაური მემალაროები განანვათ ერთი, მაშინ გაიგებთ აქაური მუშის ბედს. დღე და დამე ტყავს იძრობენ, რომ ორიოდ გროშს თავი მოუყარონ. ცის სინათლე მათთვის არ არსებობს, როდის იფეთქებს,

როდის ჩამოინგრევა მაღარო, კაცმა არ იცის. თან ხიფათის შიში, თან მძიმე მუშაობა, სიცივე, სიბინძურე, სიმშვილი — ოჰ, კიდევ გადაცედი, ასე იცის მოხუცებულობამ. იმას ვამბობდი. თურმე ზიან ამ სადილის ქამის დროს და უეცრათ შემოიჭრა სახლში პოლიცია. მართლა, დამავიწყდა, თურმე მუშას ერთი შემოსწრებული სტუმარიც ჰყავდა. ისიც ამ ოჯახთან ერთად იჯდა სადილად.

ეს იყო სიტხიზლის აგენტები — ეს აქაური საგანგებო პოლიცია გახლავთ.

— რა უფლება გაქვთ, არაყს რომ შეექცევით?— მიცვინდენ პოლიციელები დიასახლისს. გასაკვირალია. რატომ მაინცა და მაინც დიასახლისი ამოიღეს აგენტებმა ნიშანში.

ამ ლაპარაკსა და დავაში ქმარიც ჩაერია.

— შენ არავინ გეკითხება, შენი საქმე არ არის, — შეუტიენ პოლიციელებმა, — ხმა გაჰკმინდე! — მუშამ სიტყვა შეუბრუნა, სიტყვის შებრუნება მაგრე არ უნდაო, მისცივინდენ მას და ასე მოაქციეს უსაშველო რტყმევით, რომ საწყალი კაცი უგრძობლათ დაგორდა ძირს. მერე სტუმარიც მობეგვეს ძალზე.

ამასობაში აი კიდევ რა მოხდა. ერთმა პოლიციელმა ამოიღო რევოლვერი, ბელურასავით დაუმინა დიასახლისს და იქვე მიახალა ტყვია გულში.

ბავში, 12 წლის ბავში — შეილი ამ ქალისა და ამ კაცის, საწყალი გარეტიანებული სდგას სადღაც კუთხეში და უყურებს ამ საშინელებას.

დედა მკვდარი აგდია, მამა — უგრძობლად გაშოტილა იატაკზე და საცოდავათ ხროტინობს. შიშით აღარ იცის რა ქნას, მაგრამ შიშს ისევ გაბრაზებამ დასძლია, გაიჭრა მეორე ოთახში, საიდგანღაც მამის პატარა რევოლვერი

გამოათრია და ესროლა პოლიციელს. ტყვია პოლიციელს ფეხში მოხვდა და მსუბუქათ გაკაწრა.

რითი დათავდა ეს საქმე მე არ ვიცი, მაგრამ ვიცი ნამდვილად, რომ პოლიციელებს ამ საწყალი ქალის მოკვლა და იმ ორი ადამიანის უგრძნობლად მოქცევა ისე შერჩებათ, როგორც ხახვი.

ასეთია დემოკრატიული კანონები, ჩემო კარგო! — დაათავა სმიტმა.

— ვისაც ჰქონდეს, მას ემატოსო, ასე იტყვიან. ასეა აქ. სვამენ სენატორები, სვამენ მილიონერები, სვამენ აშკარად, მოურიდებლად, მათ ხმას ვერავინ გასცემს.

ან კი რა არის სმა. რა არის მაგარი სასმელები ბიზნესია, ჩემო კარგო ბიზნესი. დემოკრატია და სხვა რამ ასეთები, ეს უთავბოლო ლაყბობაა. ამას ვამბობ მე მოხუცი სმიტი, რუსეთის ყოფილი ქვეშევრდომი და ჩრდილო ამერიკის შეერთებული შტატების მოქალაქე.

Have you business? გესლიანი ღიმილით ჩაილაპარაკა სმიტმა; დამემშვიდობა და გაუდგა გზას.

კარებში იყო. როდესაც შემობრუნდა და მითხრა.

— მე მგონია, თქვენ ეხლა კარგათ გაიგეთ, თუ რას ნიშნავს სიტყვა ბიზნეს.

23 აპრილი, 1929 წ.

## მისტერ სმიტის გაკვეთილები.

მე და მისტერ სმიტი ძალიან დავმეგობრდით. მოხუცი სმიტი ჩინებული მასწავლებელია. მისტერ სმიტი მეტად საინტერესო ადამიანია! ერთ დღეს გაკვეთილების შემდეგ გამომიცხადა:

— ეს ერთი გაკვეთილი ხომ გავათავეთ, ეხლა მეორე გაკვეთილი უნდა დავიწყოთ!

ვერ გავიგე, გამიკვირდა.

— ესე იგი? — შევეკითხე მე.

— ესე იგი თქვენ თქვენი ქული, რომელიც, სხვათა შორის, ამერიკაში აღარც კი ვარგა გამოსაჩენათ, უნდა დაიხუროთ და გამოიყვეთ!

— კეთილი, მაგრამ, რომ არ მცალია. საღამოზე ცოტა რამ სამუშაო მაქვს, სახლში დამპირდება ჯდომა და....

— შეუძლებელია! მე თქვენ მაგის ნებას არ გაძლევთ. მასწავლებელი მე ვარ, ეს მე უნდა შეკითხებოდეს.

მისტერ სმიტის ახირებული ხასიათის ამბავი ვინც არ იცის, ეგონება მოხუცი, მართლაც, გულმოსულიაო.

დავეყვი ნებას. ჩამოვიღე ჩემი, მართლაც ძალზე შეხუნებული „შლიაპა“ და გავყევი.

— მარტო ენის სწავლა რისი მაქნისია, თუ აღამიანმა ხალხი და ქვეყანა არ გაიცნო, — თითქოს თავისთვის ლაპარაკობს მისტერ სმიტი. — ხალხი აქ საინტერესოა, ქვეყანა კიდევ უფრო მეტი!

— უკვე იწყება გაკვეთილი, — მითხრა სმიტმა, როგორც კი გამოველით გარეთ და ქუჩის გზა-ჯვარედინს მივადექით. — არსად ისეთი ქუჩები არ არის, როგორც ნიუიორკში. რა არის აქაური ქუჩების თავისებურობა?

— ალბათ, მეტის-მეტი სიბინძურე! — მივუგე მე.

— მაგაში თქვენ არ შემცდარხართ. ნიუ-იორკის ქუჩების ძუძგი და ნაგავი სწორეთ საარაკო რამ არის. ვერსად ვერ შეხვდებით ასეთ საშინელ ქუჩებსა და უსუფთაობას. ამაშიაც, თუ გნებავთ, ნიუ-იორკს პირველობას ვერავე ჩამოართმევს.



— ვერაფერი პირველობაა, თქვენ არ მომიკვდეთ!

— ნუ იტყვით. აქაც ამერიკული სიფართო და სიგანე მოსჩანს. აბა, შეხედეთ. ჩვენ ქალაქის შუაგულში არა ვართ. მაგრამ განაპირაც არ ეოქმის ამ ნაწილს. აი, აგერ ეს თხრილი. დამე აქ სიფრთხილე მართებს გამომეკლეს, თორემ აქ. თუ ფეხი გადაუცდა, საიქიოსაკენ წასავალი ბართი ხელში უნდა ეკაოს. ეს კიდევ არაფერი. შიგნით, ამ თხრილში რა არ ჰყრია? ფეხმოტეხილი რკინის ლოგინი, ავტომობილის ღერძიდან წაძრობილი მორგვეები. სკამის ნაწილი, აგერ, ვილაცას ბავშვების საგორებელი ურემიცი კი გადაუგდია.

— არ არის აკრძალული ასე უთავბოლოთ ყველაფრის უადგილო-ადგილას გადაყრა?

— რასაკვირველია, არა! ამას აქ ყურადღებას არავენ აქცევს.

— მაგეც თავისუფლებაა, მაშასადამე, არა?

— რაც არის ასე კია,—მომიგო სმიტმა.—არა, მე მაგას როდი გკითხავდით. აქვს ერთი თავისებური თვისება აქაურ ქუჩებს და ეს თავისებურება უსათუოთ დასაფასებელი და მოსაწონია. თქვენ არა ხართ მიხვედრილი. ალბათ, რას გეკითხებით.

— მართალი გითხრათ, არა!

— მაშინ, მე გეტყვით, მაგრამ ჯერ ერთი კითხვა: რომელ ქალაქში ყოფილხართ კიდევ ამის გარდა?

— ქალაქები ბევრი მინახავს. არ ვიცი, რომელი ერთი უნდა გითხრათ!

— ბერლინში ყოფილხართ?

— როგორ არა, არამც თუ ეყოფილვარ, მიცხოვრობია კიდევ.

— მაშასადამე, თქვენ ადვილათ მიხვდებით, თუ რა განსხვავებაა აქაურსა და, თუნდაც, იმავე ბერლინის ქუჩებს შორის. ქუჩები აქ ლარივით არის გაყვანილი. ქალაქი დასერილი სწორი გასწვრივი ხაზებით. ეს ხაზები ქუჩებია. ქუჩები სიგანეზეა დაყოლებული, სიგძეზე კი პროსპექტები. ეს კიდევ არაფერი. ქალაქი გაყოფილია აღმოსავლეთსა და დასავლეთს ნაწილად. არც ქუჩებს, არც პროსპექტებს საკუთარი სახელები არა აქვს. არის რასაკვირველია, თითო ოროლა გამონაკლისი, მაგრამ ეს საერთო წესს არ არღვევს.

თვითეულ ქუჩას თავისი ერთი-მეორეს მიმდევრო ნომერი აქვს: პირველი, მეორე, მესამე და ასე მიყოლებით. თვითეულს პროსპექტსაც თავისი საკუთარი ნომერი აქვს.

ვთქვათ თქვენ გინდათ რომელიმე ადგილის მიგნება. თქვენ ყოველ მისამართს ადვილათ მოსძებნით, ვინაიდან წინასწარ იცით როგორც ქუჩის, ისე პროსპექტის ნომერი. ძებნის გასაადვილებლათ თვითეულ მისამართს თან სდევს აღმოსავლეთ-დასავლეთი მხარის მაჩვენებელი ნიშანი.

— მაგ მართლაც რომ დიდი შეღავათი ყოფილა,—მე ვუბე მე.

— ოღონდაც! ბერლინის ქუჩები, რასაკვირველია, სუფთაა, მოვლილია. მართალია, მაგრამ თავსა და ბედს გაწყველინებს, სანამ იქ რამეს მიაგნებდეთ. ეძიე, აბა, თუ გიყვარდეთ, სად არის ეს, ვთქვათ, თუნდა, პრინცრეგენტენშტრასსე? აღმოსავლეთშია, დასავლეთშია, რომელ კუთხესაა, რომელ მხარეს?

გარდა ამისა, ბერლინში ქუჩა, კიდევაც რომ ნახოთ, სახლის მონახვას თან უნდა გადაჰყვეთ. იქ სახლის ნომრები ერთი მეორეს მისდევს პირწმინდათ. ეს ნამეტნავათ აძნელებს საჭირო ადგილის მიგნებას. აქ კი კენტი ნომ-

რები ერთს მხარესაა, წყვილი — მეორეს. ამით, რასაკვირ-  
ველია ნიუ-იორკი ბევრ სხვა ქალაქებიდან არ გაირჩევა.


მაშასადამე, განაგრძო, მისტერ სმიტმა დღევანდელი  
გაკვეთილისათვის პირველ ყოვლისა ის დავიმახსოვროთ,  
რომ ნიუ-იორკში გზის პოვნა ძალიან ადვილი საქმეა.

მერე, იქნება შემდეგი! ჩვენ ერთი აქ ჩავძვრეთ,—მიმი-  
თითა მან რაღაცა ხვრელს რომ ჰგავდა, ისეთს ვიწრო  
კიბეზე, რომელიც სადღაც ჯურღმულისაკენ იყო ჩა-  
დგმული.

მე გულმა არ მიქნა. ახირებული კაცია, გავივლე გუ-  
ნებაში. ამ ჯოჯოხეთში სად მიმათრევს მეთქი; მთლად  
უარის თქმაც ვერ გავუბედე, მაგრამ ფეხაკრფით გავყევი  
უკან. მისტერ სმიტი დაწინაურდა. კიბის ჩასათავებელში  
სადღაც მოუხვია. თითქმის უკან გამობრუნებას ვაპირობ-  
დი, მაგრამ ჩემს უკან სხვებიც ბლომათ მოდიოდა ხალხი,  
გზის შესავლელი არე კიბეზე არსად იყო და მეც ძალა-  
უნებურათ წინ უნდა წავსულიყავი.

— აქ ვარ, აქ. შემომეხმაურა მოხუცი და წინ შემო-  
მეგება. მე აქ სალაროსთან ვიყავი, ფულს ვახურდავებდი.  
ეხლა აქეთკენ წავიდეთ. გავყევი. წინ რაღაც ხარიხებით  
გადაღობილს ადგილს მივადექით.

შუაგულში ხარიხებს ჭიშკარი ჰქონდა. დატანებული.  
აქ კარგა მსხვილი ხის ძელი იყო დამაგრებული, რომელსაც  
თავზე ჯვარედინათ ფრთებ გაშვერილი ტარები ჰქონდა  
გაკეთებული. ეს ჯვარედინათ გასკვნილი ტარები ადამიან-  
ის წელის სიმალღეზე იყო დატოვებული. სმიტმა ამ ჯვა-  
რედინს მიაშურა. ხელში ფული მოიმარჯვა. ხარიხების  
ერთს გვერდზე პატარა ყულაბისებური კოლოფი მონახა,  
ხელი 'ხედ გააყოლა და ერთს პატარა ნაპრალში გადუძახა  
იმ გროუსს, რომელიც ხელში ჰქონდა მომარაგებული.



ჰულსონის (მდინარეა) ქვეშ გაყვანილი გვირაბი, რომლის შე-  
მწეობით ამ მდინარის გაღმა-გამოღმა ნაწილი რკინის გზით  
არის შეერთებული.

— აბა, გაჰყევით, — გადმომძახა; მიკაწევი ჯვარედინს, ის ფაყვეთ მოეშვა, სადაც შიგნი ტკაცუნი გაისმა და მეც მოაჯირის მეორე გვერდზე მოვსვდი.

სპიტმა კიდეც ჩააგდო მეორე გროში და თვითონაც გამოვიდა.

— აჰ, მეც აქა ვარ; — შემომეხმაურა და გვერდში ამოვიდგა.

— სად ვართ, ეს რა ადგილია? — შევეკითხე მე.

— სად ვართ?!, ეს განსაზღვრეთ სობვეი. ეს სიტყვაც დაიმახსოვრეთ. უამისობა აქ შეუძლებელია! ხომ ხედავთ: როგორაა მოწყობილი? ბილეთს ყიდვა არ უნდა, ჩააგდეთ ეს ხუთცენტისანი გოგორჭინა და გაუდექით გზას. ბილეთი საზოგადოთ აქ სობვეიზე შემოღებული არ არის.

— თქვენ აკი იყავით სალაროსთან? — შევეკითხე მე.

— ოჰ, სალარო?! სალარო აქ სულ სხვა რამისათვის არის მოწყობილი, იქ ფულს ახურდავებენ. ვთქვით, მაგალითად ყულაბში შაურისანი. უნდა ჩააგდოთ, მაგრამ თქვენ არ დაგესწროთ სწორეთ საგულდაგულოთ ასეთი ფული. მაშინ იქ — იმ სალაროში დაგიხურდავებენ.

ესლა ეს გზები. არის ორნაირი მოძრაობის წესი. ადგილობრივი და საგანგებო. ადგილობრივი მატარებელი თვითეულს სადგურზე ჩერდება, საგანგებო მხოლოდ ზოგიერთზე. საგანგებო მატარებელი უფრო ჩქარა მიდის, მაგრამ, თუ თქვენ შორს მიდინართ და ისეთს სადგურზე უნდა ჩამოხტეთ, სადაც საგანგებო მატარებელი არ ჩერდება, მაშინ ერთს წანს საგანგებო მატარებლით ივლით და შემდეგ ადგილობრივზე გადაჯდებით.

— ამ ჯურღმულში. რომელი მატარებელი საითკენ მიდის, რა უნდა გავიგო?

— ამაზე ადვილი არაფერია. თვითეულს მატარებელს აწერია უკანასკნელი სადგურის სახელი, რასაკვირველია იმ ქუჩის ნომერი, სადაც ის უნდა გაჩერდეს და უკან უნდა გამობრუნდეს.

გზა შუაში იყო გავლებული, სადგურის ერთი ნაწილი გზის ერთ მხარეზე იყო დატოვებული, მეორე მეორეზე.

— კეთილი, მაგრამ, რაღა მაგალითად ამ მხარეს მოადგება ჩვენი წამყვანი მატარებელი და არა იმ მხარეს. სადგურის გაღმა ნაწილს?

— ამას თავიდან უნდა დაკვირება. არც ესაა ძნელი გამოსაცნობი. ვთქვათ თქვენ რომ ქუჩაზე ხართ იმას № 10 ჰქვია, თქვენ გინდათ კი ქუჩა № 42, მაშასადამე მეტი ნომრისაკენ გინდათ წასვლა. ასეთი მატარებელი იმ მხარეს მოადგება, რომელსაც შემოსასვლელში აწერია სპ. ეს ნიშნავს „ზ ე ვ ი თ“. როცა, პირიქით, მეტი ნომრიდან ნაკლებისაკენ მიდიხართ. მაშინ იმ მხარეს უნდა უსწოროთ, რომელსაც შემოსასვლელში Dawwithand აწერია, ეს ნიშნავს „ქ ე ე ვ ი თ“.

ამასობაში ღიდის ხრიალითა და ხმაურობით მორიხინდა და ბაქანის პირას ჩამოდგა მატარებელი. ბაქანი, სხვათა შორის ვაგონში შესასვლელი კარების სიმაღლეზეა. ასე რომ კიბეზე აყოლა და საამისო დავიდარაბა არ გჭირდება აღამიანს.

ვაგონი გძელია, ფართე, მაგრამ ბინძური, ნაგავით სავსე. შავი ქუქყი მაგრათ არის ჩამჯდარი კედლებში და საჯდომებში. სისუფთავე დაახლოვებით ჩვენებურ კიათურის აშტოზე რომ ვაგონები დაიარება იმაზე უკეთესი არა აქვს.

საჯდომი ერთგვარი კილით არის მოქსოვილი: ეს კილი, ალბათ, თავისთავათ მოყვითანო ფერის უნდა იყოს,

მაგრამ ისეა გამჟღავნებული შევით, რომ ნამდვილ ფერს მსო-  
ლოთ კიდურებში თუ მოჰკრავთ თვალს. სადაც ქუქკის  
ისე ძალუმად ვერ მოუკიდია ფესი.

ჩვენ რომ ვაგონში შევედით, ისე იყო ხალხით გაქე-  
დილი, რომ საძრაობა აღარსად სჩანდა.

— მეტი ჩარა აღარ არის, უნდა ჩამოვეკიდოთ!—მირ-  
ჩია სმიტმა.

— ჩამოსაკიდებლად როდი მემეტება ჩემი თავი, —  
ხუმრობით შევუბრუნე სიტყვა სმიტს, ვინაიდან ვატყობდი  
ისიც რაღაც ხუმრობის გუნებაზე იყო.

— მე კი ჩამოვეკიდები და თქვენ, როგორც გენებოთ.

მართლაც შევხედე და სმიტმა წაატანა ხელი ვიწროთ  
წაგძელებულ რგოლს, რომელიც საშვალო ტანის კაცის სი-  
მალეზე იყო მიმაგრებული იმწემის გძელ რკინის სვეტზე.

მატარებელი საშინელი სისწრაფით მიჰქრის; ფეხზე  
დგომა შეუძლებელია, თუ რაიმე დასაყრდენი წერტილი  
არ იშოვებ. სმიტის ჩამოსაკიდებელი რგოლი, მართლაც  
ერთად-ერთი საშვალეა ყოფილა, რომ ან კედელს არ მი-  
გარეხვოს ან კიდევ სხვა რამ უფრო სახიფათო მარცხი  
არ დაგემართოს.

ვიკადრე მეც და მოვძებნე ჩამოსაკიდებელი. ჩამო-  
ვეკიდე.

სმიტმა ეშმაკურათ ჩაიციხა ულვაშებში; თითქოს მე-  
უბნეოდა: — აი, ხომ მიხვდიო!

ვაგონში მეტის-მეტი სიეიწროვება; უმეტესობა ჩემსა-  
ვით „ჩამოკიდებულია“, მაგრამ ცალი ხელით ყველას თვა-  
ლების წინ აჩრილი აქვს გაზეთი და ყველა კითხულობს.  
იშვიათია ისეთი ადამიანი, ქალი, გინდა კაცი, რომ კეცს არ  
ღეკდეს. რა საშინელი, რა გულისამრევი საყურებელია  
ეს დაუსრულებელი ულაზათო ცოხნა!

წაკითხულს გაზეთს იქვე ყრიან იატაკზე. იატაკს მთლათ ასეთი გადაყრილი გაზეთებით არის მოფარული. მერე, რას ჰგავს ეს გაზეთები. ჩვენებური პროფკავშირების ამბავი რომ ვიცი, თვითეულ დამტარებელს ორი ცალის მეტს არ მიანიჭებს წასაღებათ. „The Now-york Times“-ის საკვირაო ნომერში 500 გვერდია, გამოიანგარიშეთ, რამდენი გამოვა ჩვენებური გაზეთი ორ ცალ ასეთ გაზეთში.

მატარებელი მიჰქრის თავ-ქუდგადაღლეჯილი. თითო წუთს ჩერდება სადგურზე და კვლავ მოწყდება, კვლავ მისცემს თავს ამ შავათ პირდაღებულ გვირაბს.


შეჩერდა მატარებელი; ჩვენ შემთხვევით შუაგულ ალაგას მოვხვდით. ამავე ვაგონს მოჰყვება ერთად ერთი გამყოლი. საქმე მას დიდი არაფერი აქვს. გაჩერდება თუ არა მატარებელი, ის დინჯათ ამოიღებს ჯიბიდან გასაღებს. შეჰყოფს გასაღებს საგანგებო ნახვრეტში, შემდეგ ორ მოზდილ შავ ფოლაქებივით ამობურცებულ წერტილს და აწვება და ეს საკმარისია: — იღება მთელ მატარებელში რაც ვაგონებია, ყველას კარები. ერთი წუთის შემდეგ გამყოლი გასაღებს ჯიბეში ჩაიდებს, ფოლაქებს მოსინჯავს და კარები ყველა ვაგონებში იკეტება. თუ სადმე რომელიმე ვაგონის კარები არ დაიგდო, ისე პატარა წითელი შუშის სანათი არ ჩაჰქრება, უამისოთ კი მატარებლის წამყვანი ფეხს არ მოიცვლის.

— მივედით!—მითხრა მისტერ სმიტმა.—აქ ამოვეძვრეთ.

კარგა ხანს გვაყუნტალა მატარებელმა. აქ ჩამოძრომისას ჭინჭყლი ამინდი იდგა. წვრილი წვიმა მოდიოდა: ამოვედით, გადადარებული დაგვხვდა: მზე მორცხვად დასჩერებოდა ნიუ-იორკის მალალ სახლებიან ქუჩებს.



— ეს გახლავთ Broadway ორი სიტყვისაგან შესდგება ნიშნავს ფართე გზა.



ამ ნაწილს ამერიკელები ნიუ-იორკის საუკეთესო უბანს ეძახიან. მართლაც ამ ნაწილშია ნიუ-იორკის მთავარი ბანკები, ბირჟა და სხვადასხვა სამრეწველო დაწესებულებები.

— ფართე კია, მაგრამ ცოტა მეტი სიფართოე რომ კიდევ მისცა უკეთესი იქნება.

— თავის დროზე ეს ქუჩა ფართეც იყო და მეტიც, მაგრამ ამ ლიანგს რა სიფართოე ეყოფა,—ლაპარაკობდა სმიტი.

ჩვენში—თბილისში, დიდი რამ სანახაობის დროს რუსთაველზე იმდენი ხალხი ერთ ადგილზე არასოდეს არ მინახავს, რაც ამ ჩვეულებრივ დროს იყო ამ ერთს ქუჩის ერთ კუნკულში.

— მერე ეს ავტოებიც აჭირვებს საქმეს, შეხეთ, როგორაა გაჭედილი მთელი ქუჩა. კაი ბიჭი იქნებით და სანამ ელექტრონის სინათლის ნიშნით არ შეაყენებენ მოძრაობას და ქუჩის ერთი მხარიდან მეორეზე გადახვალთ.

— რატომ მაინცა და მაინც აქ მოუყრია ამდენ ხალხს თავი?

— რატომ?! რატომ და იმიტომ, რომ აქ არის ის სახელოვანი Wallstreet — კედლის ქუჩას ნიშნავს — ესეც დაიმახსოვრეთ. კედლები მართლაც რომ ასეთი უნდა, სიმაღლე არ აკლია. აი აქ არის მათი მთავარი ბუნაგი, აქ არის რაც სათოკე და დასტურ ჩამოსაკიდებელი ხალხია, აი ამ კედლებს ამოფარებული ზის ამერიკის კაპიტალისტური მანქანის მმართველი შტაბი.

ხალხის მდინარე არ ჩერდება. კედელივით მოდის ეს ერთპირათ შეკუმშული ადამიანის ტალღა, ასკდება ამ ცაში აზიდულ სახლებისა და კოშკების ზღუდეებს. უძირო მორევით იზიდავს თავისაკენ ეს პირდაღებული კოშკისახლები ადამიანთა მოძრავ ნაკადს. არის სახლები, სადაც 20—25.000 მოსამსახურე ზის წლიდან წლობამდე ყოველ ცისმარე დღეს წელ მოხრილი, მიათრევს თავის უღელს, ამ ვეება მანქანის რომელიმე პატარა ნაწილთან მიჩენილი, დღეში უთვალავჯერ უნდა მიახმაროს თავის ტვინის და ნერვების ძალა, კუნთებისა და მარჯვენის ღონე, რომ მანქანის მუშაობას ხელი არ შეეშალოს. ასე მიდის და მიჰყვება ერთმანეთს დღე, კვირა, თვე და წელიწადი. ერთი, ორი, სამი, ოთხი, ვინ იცის რამდენი? ყოველ შემთხვევაში იმდენი „სანამ ფეთქს გული, სანამ უღვია მკლავში ძალა და პირში სული, სანამ სიცოცხლის მისი ძაფი სულ არ გაწყდება“.

— რას გაჩერებულხართ? — გამომიყვანა ფიქრებიდან სმიტმა. — დაინახეთ, ხომ? ეხლა აქეთ წავიდეთ, ცოტა ამ ხალხს თავი მოვარიდოთ. უფრო ხალვათიან ქუჩებს გავყვით. ეხლა ერთი რამ მაქვს სათქმელი. ბავშობიდან ერთი ამბავი მახსოვს. სკოლაში ჩვენ ერთი მღვდელი გვყავდა,

„საღმრთო წერილს“ გვასწავლიდა. სწავლა მას მაინცა და მაინც ხელს არ უწყობდა. მედავითნეთ ნამყოფი იყო, მღვდლობა ქრთამით ჰქონდა ნაშოვი. მე მაშინ სამრევლო სკოლაში ვსწავლობდი და ეს მღვდელი იქ მასწავლებლათ დაგვიყენეს. თვითონ მან არაფერი იცოდა, ჩვენთვის რა უნდა ესწავლებია, თუნდა იმ „საღმრთო წერილს“, რომელიც მას, ალბათ წაკითხულიც არ ჰქონდა: სამაგიეროთ ამ ხუცესმა კარგი ზღაპრებისა და არაკების მოყოლა იცოდა.

— ბოვშებო,—გვეტყოდა ხოლმე ის ჩვენ,—საიქიოში ჯოჯოხეთია. სამოთხეც არის, მაგრამ ჯოჯოხეთი უფრო დიდია. სამოთხეში მაგრე ვაგლახათ როდი ვისმე უშვებენ. აი ჯოჯოხეთში ერთი ადგილია. ამ ადგილას კუპრით სავსე ქვაბი დგას და მას გამოუღლეველი ცეცხლი უნთია. ამ ცეცხლის და ამ კუპრის გეშინოდესთ, ვინაიდან მას არა აქვს დასაბამი და დასასრული.

ასე იტყოდა ხოლმე ის ჩვენი ხუცესი. ბავშობისას შთაბეჭდილება ადამიანს. უფრო მახვილი და შეუწყვეელი აქვს. მასუკან არამც თუ გამიგონია, ბევრი რამ ისეთი მინახავს. რომ მასთან შედარებით კუპრის ქვაბი, ბავშვების სათამაშოთ მოგონილი თავის შესაქცევია, მაგრამ კუპრის ქვაბი დღესაც მახსოვს. ეს საშინელება ჩემი მეხსიერებიდან არ ამოვა.

ამ არაკს რატომ გავყევი? კაპიტალისტური სამყაროს კუპრის ქვაბი აქ ანთია მთავარი როკაპები და ტარტაროზები აქ ბინადრობენ.

— არც მაგრე ხელიერთპირათ ჰგავს ეს ადგილი თქვენი მღვდლის არაკს. არ ვიცი, ვინ და როდის დაანთო კუპრის სადღუღებელი ცეცხლი, არ ვიცი დასტურ აქვს

თუ არა დასაბამი და დასასრული ადამიანის სიბრძნევს, რომელსაც სწამს....

— არაკი არაკია და მეტი არაფერი. დასაბამიც აქვს და დასასრულიც ექნება ყოველივე ამას, მაგრამ დღეს, რასაც ხედავთ — ესაა... აქაა ნამდვილი კუპრის ქვაბი.

— მოვესწრებით მაგის დავსებას, დაქრობას!

— რატომაც არა! მოვესწრებით. ჩვენ ვერ მოვესწრებით, სხვა მოვესწრება, ოღონდ თავისით და თავისთავად მაგ არ დაქრება. ბევრი სულის ბერვა დასჭირდება მის დაქრობას.

— ოღონდაც!!

შემოდამებული იყო, როდესაც ბინისაკენ ვბრუნდებოდით.

მისტერ სმიტი კარმაგი მოხუცია. სიბერე მაინცა და მაინც არ ეტყობა, მაგრამ დღეს ის, თითქოს ერთბაშათ, მოეშვა, მოდუნდა, ემჩნეოდა დაღალვა და ამიტომ ნელა მოაბიჯებდა ხმაგაკმენდილი.

— ასეთია აქაური ცხოვრება. საშინელი ბოროტებაა კაპიტალისტური წესწყობილება კაცობრიობის ცხოვრებაში. ეს ახალი ამბავი როდია. მეცნიერებს, პოეტებს, მქადაგებლებს, მებრძოლთ --- რევოლიუციონერებს. ყველას თავ-თავისათ სიტყვით, საქმით. თავიანთი სისხლით, სიცოცხლით უკეთებიათ და დღესაც აკეთებენ ამ ჯოჯოხეთის დამხობის საქმეს. ეს რჩეულთა საქმეა. მათ შეუძლიათ შეგრძნობა და შემეცნება, რაც თვალთ არც კი უნახავთ, მაგრამ ჩემისთანა უბრალო მომაკვდავისათვის სწორეთ ამერიკის ნახვა და აქაური ჯოჯოხეთის პირის-პირ შეხლას საქმრო, რომ ერთხელ და სამუდამოთ, ერთხელ და გულის სიღრმემდე წაუშლელად, წარუხოცა-

ვთ შეგძულდეს ადამიანის მიერ ადამიანის დასაჩაგრავათ მოგონილი ეს ჯოჯოხეთი.

გამიგონია, თქვენში, არიან, თურმე ისეთი ბრიყვები და ნურას უკაცრავათ, უგუნურები, რომ აქეთკენ იყურებიან ხოლმე სასოებით.

— მდიდარი ქვეყანააო, ამბობენ თურმე! — მართალია მდიდარია!

— მუშა და მოსამსახურე შედარებით მეტს ჯამაგირს ღებულობსო! — მართალია ღებულობს, მერე რა?! ვის რა ჯილა ადგია თავზე ამ მეტი ჯამაგირითა და ხელფასით. ჯერ ერთი აქაუოი არც მუშა და არც მოსამსახურე თქვენსაზე უკეთესათ არ ცხოვრობს. ან კი, ვინ ცხოვრობს აქ? სად არის აქ ცხოვრება?! აქ არის მანქანის დაუსრულებელი ტრიალი და ცოცხალი ადამიანი ამ მკვდარი ლითონის სათავეთ წაყოლებული დამატებაა.

შემდეგ, სად არის აქ ადამიანი? ადამიანი გამქრალია. მოსპობილი და წაშლილია მისი ვინაობა. მანქანა მეფობს აქ. მანქანა ფასობს, მანქანა მართავს და განაგებს ყველაფერს და ყოველივეს. მანქანა ამზადებს მილიონებს ერთეულებისათვის და ცივს, უგემურ ლუკმას მილიონებისათვის.

ესეც ჩვენი დღევანდელი გაკვეთილი.

ჯერ კიდევ ბევრი გვექნება სასწავლი და გასაკვეთი. დღეისათვის ამან იკმაროს.

მისტერ სმიტი აღმართს გაუყვა. მე ბინისაკენ გამოვუდექი.



მისტერ სმიტი დღეს გლახა გუნებაზეა. გაკვეთილი ისე გავათავეთ, რომ ერთი სიტყვა არ უთქვამს ზედმეტი.

თითქოს ისიც შეეატყვე, რომ ხანდახან ისეთს რამესაც კი მისწორებდა, რაც არ იყო გასასწორებელი.

გაკვეთილის შემდეგ წასვლას აპირებდა, მაგრამ, თითქოს, წასვლაც უჭირდა; ბოლოს ისევ შემოტრიალდა, ჩამოჯდა სკამზე, ქუდი მოიხადა წარბ-შეკრულმა მკაცრი კილოთი მითხრა:

— არ მომწონს, სრულებით არ მომწონს მე თქვენი დღევანდელი საქციელი!—ახირებული და თავისებური კაცია მისტერ სმიტი. ამერიკაში კაცს, რომ ახირებულობა დასჩემდეს და ისიც სიბერეში, რა გასაკვირალია? მაგრამ მე მაინც ვერ მივხვდი, რატომ იყო უკმაყოფილო მისტერ სმიტი, ვერ მივხვდი, რა არ მოსწონდა მას ჩემს საქციელში.

— მე მივდივარ, თუ არა?

— თქვენ, აპირობდით წასვლას... — დავიწყე მე.

— ხომ ვაპირობდი, ხომ?

დიახ! აპირობდით, რამდენათაც მე...

-- მაგ სიგძე ლაპარაკი საჭირო არ არის. მე მოვხუცდი და გამოვჩერჩეტდი, მაგრამ თქვენ რალამ გამოგაჩერჩეტათ? აკი ჩვენ ყოველთვის გაკვეთილის შემდეგ უნდა ვხახოთ რამე ქალაქში. ანბანას გაკვეთილის შემდეგ მე თქვენ აქაურ ცხოვრების გაკვეთილები რომ უნდა გაძლიოთ, ეს დაგავიწყდათ?

— არ დამვიწყებია, მაგრამ...

— სამაგრამო აქ არაფერია. ქუდი თავზე და მარშ, გზას გავუდგეთ. არ მცალია მე ამდენ სალაპარაკოთ!!

— დღეს მე გლახა გუნებაზე ვარ, მართალია. მაქვს ამის მიზეზი. რა ვუყოთ მერე. მოხუცი და გამოჩერჩეტებული სმიტი ცოტა შეპრეტული ადამიანია, თქვენ ამას ყურადღება არ მიაქციოთ.

— აკი არც ვაქცევ; მე მხოლოდ იმას ვფიქრობ, რომ თქვენთვის უმჯობესი იყო, რომ პირდაპირ სახლში დაბრუნებულყავით დასასვენებლად.

— სმიტდ ჩქარა დაისვენებს. დაისვენებს სამუდამოთ! აქ უნდა დაღბეს ჩემი ძვლები! დავისვენებ, მაგრამ ჯერ ცოცხალი ვარ და დასვენება არ შემიძლია.

— დღეს იმ სიშორეზე არ წავალთ. აი აქ ჩამოვხტეთ. ეს ასტორის მოედანია, ქუჩაა, თუ მოედანი სულ ერთია.

— რას ნიშნავს ასტორი?

— ასტორი არაფერს არ ნიშნავს! ასტორი ერთი მილიარდერის გვარი გახლავთ!

— ცოცხალია?

— არა, მიაკვდა ქვეყნის ძალი და ღორი სულში, ჩაღმა! მე მაგ ასტორის ამბავს შემდეგ მოგიყვებით. ეხლა კი აი რა მინდა გაჩვენოთ. წამოდით, იმ ქუჩის გადაღმა გადავიდეთ.

ქუჩაზე გადასვლა ნიუ-იორკში არც ისე ადვილი საქმეა. ავტომობილი ავტომობილს მოსდევს. ქუჩა ორ ნაწილად არის გაყოფილი. ერთი წყება — მთელი მდინარე, შეუსხლეტელი და შეუჩერებელი აღმა მიდის, მეორე დაღმა.

გადასვლა მხოლოდ მაშინ შეიძლება, როდესაც ელექტრონის ნიშანი გამოჩნდება; მაშინ სიგძის ქუჩები გაკავებულია და განის ქუჩებიდან იწყება მოძრაობა. შიგ შუა ქუჩაში გაჩერებულია მაღალი პოლისმენი. შეიარაღებულია რეზინის ტაფელათი და „სვისტოკით“.

ეს პოლისმენი უგდებს წესრიგს ყურს. ვაი, მისი ბრალი, ვინც უწესოთ, რიგის დარღვევით მოინდომებს გასეირნებას. რეზინის ტაფელა მას არ ასცდება. საზოგადოთ, ეს ტაფელა კარგი და მარჯვე იარაღია, მტერს მოხვდა

ის და ისიც ასეთი მაგარი ხელის პატრონიდან, როგორც აქაურ პოლიციელებს აქვს.

არის ერთი წყება ავტომობილები, რომლებსაც შეუძლიათ ისე იარონ ქუჩებში, რომ ელექტრონის ნიშნებს არავითარი ყურადღება არ მიაქციონ. ესაა სანიტარული და ცეცხლის მქრობელი რაზმის ავტოები.

როგორც იქნა მოვიდა ჩვენი რიგი. ჩვენი გადასავლე-ლა ქუჩა გააკავეს. ავტოების დენა შეწყდა და ჩვენც გადავასწრეთ მეორე ნაპირისაკენ.

— აი ამ ორ ადამიანს მიაქციეთ ყურადღება, — ჩუმათ გადმომილაპარაკა მისტერ სმიტმა. ეს ორი ადამიანი, მართლაც უნებლიეთ იპყრობდა გამვლელების ყურადღებას. მათ წინ გულზე და უკან ზურგზე ხურჯინივით გადაკიდებული ჰქონდათ პლაკატი, კარდონზე გაკრული.

— თქვენ რომ უკეთესად იცოდეთ ინგლისური, გაიგებდით, რას ნიშნავს ეს პლაკატი. აი რა სწერია ამაზე: „ამ უბნის რესტორანების მოსამსახურეები გაფიცულები ვართ. გაფიცვის კომიტეტი სთხოვს ყველას, ხელს ნუ შეგვიშლით გაფიცვაში“.

— მიხვდით ხომ? რესტორანის მოსამსახურეებზე გაძალღებული ცხოვრება აქ არავის აქვს. ნიუ-იორკში სადილს ათასში ერთი სჭამს თავის სახლში. 12-ზე, ან პირველის ნახევარზე აუშვებენ ხოლმე ხელს სამუშაოს; ერთი საათის დასასვენებელ დროს იძლევიან. ამ ერთ საათში სახლში მისვლა და სადილის ჭამა შეუძლებელია. იქ, სადაც ქარხნები და დაწესებულებები არის, იქ საცხოვრებელი ბინები არ მოიძებნება, ამიტომ ყველა აქვე მიდის ახლო-მახლო რესტორანებში და იქ ჭამენ საქმელს.



უსაშველო ჯაფა აქვთ, განაგრძო სმიტმა, ამ უბედურებს. ჯამაგირი კი სრულებით უმნიშვნელო. მაგათი საზრდო ისაა, თუ ვინმემ რამე აჩუქა „სამსახურისათვის“. ამითი ირჩენენ თავს.


ესენი პლაკატს რომ დაატარებენ, ეს გაფიცულების „პიკეტი“ა, უთვალ-თვალევენ, რომ მათ ადგილას სხვა ვინმე არ ჩააყენონ რესტორანების პატრონებმა.

— აი უყურეთ, უყურეთ, როგორ შეჩერებიან კანკებში იმ ყმაწვილებს ის პოლიციელები. მათ მხოლოდ მიზეზი, უბრალო რამ საბუთი სჭირდება, რომ საქმეში ჩაერიოს. პიკეტის დაყენების უფლება აქვთ გაფიცულებს, მაგრამ მათ არა აქვთ უფლება „წესრიგის დარღვევის“, ხოლო „წესრიგის დარღვევა“, თუ რომ ეს პოლიციას სჭირდება, ძალიან ადვილი საქმეა. ისე „დაარღვევ წესრიგს“, რომ შენ თვითონ ვერც კი მიხვდები. აი ჩვენ აგერ ჩამოვჯდეთ, მითხრა სმიტმა, ოღონდ თვალი იქეთკენ დავიჭიროთ და არ დაგვჭირდება დიდი ხანი მოლოდინი. ეს ყმაწვილები უსათუოთ „დაარღვევენ წესრიგს“. მე ასეთი სანახაობისათვის თვალი შეჩვეული მაქვს.

ჩამოვჯექით. სმიტმა ვეებერთელა გაზეთი იყიდა და აიფარა წინ.

— იმ პოლიციელის გარშემო რომ ხალხი სდგას, ისინი ნეტავ რა ხალხია. — შევეკითხე მე.

— აი სწორეთ მაგაშია საქმე! ორიოდ სიტყვით გეტყვი. ნიუ-იორკში სხვა სიკეთესთან ერთად არსებობს ბევრი ისეთი დაწესებულებაც, რომლებსაც შეუძლია მიაწოდონ ყველას, ვინც კი შეუკვეთავს, ავარა ხალხი. როგორც ხედავთ ქალაქი დიდია. სიმშვილით, სხვადასხვა შევიწროების გამო „გაბასიაკებული“ ხალხი აქ იმდენია,



ეს არის ის სახელგანთქმული „ცრემლთა კუნძული“, სადაც ამერიკის მოხელეები გაისტუმრებენ ხოლმე. არა სსიამოვნო სტუმრებს. ეს კუნძული ნაპირის ახლოსაა და წარმოადგენს მკიდროთ შეკრულსა და მაგრად დაცულს საპყრობილეს.

რომ სათვალავი არა დაქვს. ასეთს ხალხს ქირაობენ, რომ გაფიცულებს „წესრიგი დაარღვევინონ“.

პოლიციელის გარშემო თავმოყრილი ხალხი ხან დაიშლებოდა, ხან ისევ თავს მოიყრიდა ხოლმე. გაფიცვის პლაკატებით მოსიარულე ახალგაზრდები, როგორც ჰგავდა, ძალზე ერიდებოდნენ ისეთს რამეს, რომ პოლიციელებს მათთვის ყურადღება მიექცია. წარბშეკრული, პირდამუწული, ნელი ნაბიჯით მიაბიჯებდნენ ტროტუარზე. არ ვიცი, რამდენათ საჭირო იყო თვით გაფიცვისა და გაფიცულებისათვის, მაგრამ პოლიციელებს არ მოსწონდათ — ეს აშკარათ სჩანდა. პოლიციელების გარშემო მყოფი ხალხი ორ ჯგუფათ გაიყო, ერთი წყება ჩვენს ახლოს გაჩერდა, მეორე ქუჩის მეორე ბოლოსაკენ წავიდა.

— შენ ეი, ყმაწვილო, ცხვირი მოიხოცე, — გადაისროლა ერთმა ჯგუფიდან გაფიცულებისაკენ!

გაფიცულები სელი საბიჯით ამოკლებდენ გზას. მასსა და პოლიციელის დამხმარე ჯგუფს შორის მანძილი თანდათან მცირდებოდა.

--- ხელებიც რომ ჯიბეში ჩაუწყვიათ. რა გიწყვიათ შიგ... მაგ ჯიბეში!

გაფიცულებსა და ხულიგანებს შორის მანძილი თითქმის სულ აღარაფერი დარჩა. ამ დროს ჯგუფში მყოფებმა ერთმანეთში რაღაც ჩოჩქოლი ატეხეს და ერთმა მეორეს ხელი ჰკრა. ის კი, ვისაც ხელი ჰკრეს განზრახ ძალზე წაბარბაცდა და ერთ გაფიცულთან დაეტაკა. გაფიცულმა მარჯვით გზა უტია და ხელნაკრავი არამზადა ქუჩაში გაიშოტა.

— ეხლა, უყურეთ, ეხლა!! — მანიშნა სმიტმა.

წაქცეულს მისი მეგობრები წამოეშეეღენ და გაფიცულები წრეში მოიყრიეს. შეიქნა ხელჩართული ბრძოლა. გაფიცულები ხელს არ იღებდენ, უნდოდათ თავი გამოეშვათ, მაგრამ ეს აღარ მოხერხდა. ბოლოს ძალაუნებურათ ისინიც იძულებული შეიქნენ, რომ თავდამსხმელები მოეგერებიათ.

მაშინათვე გამოჩნდნენ პოლიციელებიც, იშიშვლეს რეზინის ტაფელები. ერთ ხანს მოჩხუბართა წრე ისე შეიკრა, რომ შეუძლებელი იყო გარჩევა, თუ ვინ რას შერებოდა.

ბოლოს, პოლიციელებმა ორთავე გაფიცული გამოათრიეს ამ პირშეკრულ წრიდან და კინწის-კვრიის გაიგდეს წინ.

--- აი ასე თავდება თითქმის ყოველ დღე ეს ამბავი.

დაქირავებული ავარების ბრბომ თავი მოიყარა და წერ-  
თად გაუდგენ გზას.

— დღეისათვის სარჩო იშოვეს. სადილის ფული და  
გადასაკრავათ რომ ეყოფათ. იმდენი ფული ჯიბეშია. დღეს  
იქეიფებენ, კარტს ითამაშებენ, ერთი მეორეს დანებით  
დაერევიან და ხვალ ან ასეთი „სამუშაო“ გამოუჩნდებათ,  
ან და უსაქმოდ ეყრებიან ქუჩებში.—ლაპარაკობდა მისტერ  
სმიტი, როდესაც ჩვენ იმ ადგილს უკვე მოვშორდით და  
აღმოსავლეთის ნაწილისაკენ დავიქირეთ პირი.

— დიდებული ქვეყანაა ამერიკის შეერთებული შტა-  
ტები. თავისუფალი ქვეყანაა, დემოკრატიის ტახტი აქ შე-  
ურყეველია, თავისუფლების ძეგლი ანთებული ჩირაღდა-  
ნით! არაფერი არ აკლია ამ ბედნიერ კუთხეს,—გესლიანად  
ლაპარაკობს სმიტი.

ვისაც მისტერ სმიტის ხასიათის, მისი რწმენის და მი-  
მართულების გაგება უნდა, ამ დროს მის თვალებს უნდა  
დააკვირდეს. ქარბათ ქალარა-ნარევი წარბების ქვეშ  
ჰკრთის და ბრწყინავს, ეს ქაბუკის უტეხი ძალით და სი-  
ცოცხლით სავსე თვალები. ხნითა და ჯაფით მოტეხილი  
ტანი და ჯიუტი სიმტკიცით სავსე სული ერთმანეთის გლა-  
ხა მეგობრებია. ამიტომაცაა, რომ სმიტის ლაპარაკი ხში-  
რათ უფრო გესლიანია, მეტად მწარე და დაურიდებელი.  
ხელებს აქნევს მისტერ სმიტი, მიაბიჯებს, თავის თავს  
ესაუბრება; არაფერსა და არავის ყურადღებას არ აქცევს.

— საითკენ მივდივართ? — მორიდებით შევეკითხე მე.

— არსად, აგერ სულ ახლოს. ერთს უბანს გაჩვენებთ.  
აქ, ამ კუთხეში, დაიწყო სმიტმა, როდესაც უფრო მყუდრო  
ქუჩებში გავედით, ბევრი რამეა საინტერესო და საგუ-  
ლისხმო. როდესაც კაპიტალისტური წესწყობილების წა-  
ქცევის აუცილებლობაში მოხუც მისტერ სმიტს ეკვის ჰია

უკენს. მე აქეთკენ მოვეშურები. მინდა ჩემი თვალით  
ენახო ეს კუთხე. ეს უბანი; რომელი უბანი, უბანი კი არა  
მთელი მეორე ქალაქია. თქვენც ნახეთ, არც თქვენთვის  
იჭნება ეს ზედმეტი.

— სახელდობრ, რა არის მაგ უბანში ასე საინტერესო?

— თქვენი თვალით რომ ნახავთ, მაშინ უკეთესია. აი  
მივედით კიდევ, ეს ძალიან ახლოსაა. ბროდვეის მთავარი  
ხაზიდან აღმა წყლის ნაპირისაკენ, მხოლოდ ექვსი ხა-  
ზია გადასასვლელი.

ჩვენ მართლაც, რაღაც ახირებულ ალაგს მივადექით.

პირველი ის, რომ ქუჩებში აუარებელი ხალხია. ამ  
ხალხს არ ეტყობოდა ამერიკული ქალაქის აჩქარებული  
ცხოვრების ზეგავლენა. ზანტათ, დიდი ჯგუფები, საძო-  
ვარზე გულ-აყრილი ჯოგით აწვებოდა ქუჩის ნაპირებს.  
ამერიკელს ისეთს ამერიკელს, რომელსაც თავის-თავი კა-  
კურ-კაცათ მიაჩნია, ისე ქუჩაში ვერ გამოიყვანთ, რომ დი-  
ლაზე პირი არ მოიპარსოს, ახალი საყელო არ გაიკეთოს,  
პალსტუკით და ყოველივე თავის მოწყობილობით. აქ კი  
სულ სხვა ხალხია.

ერთი და შეიძლება ორი კვირის უპარსავი ჯაგარა,  
ქუჩებით შექმნილი საცვლები, ფეხსაცმელები სქელი ძი-  
რით. უშნო, ვეებერთელა რაღაც — აი სწორეთ ის, რა-  
საც ჩვენში ამერიკულ ფეხსაცმელებს ეძახიან. აქ ეს „ამე-  
რიკული ფეხსაცმელი“ მხოლოდ ამ უბანში ენახე.

— აი ეს ხალხია სანახავი. ვინ გინდათ, რომ აქ არ  
იყოს. გაკოტრებული „საქმის კაცი“, უმუშევარი, ძველი  
ქურდები, ისეთები, რომლებსაც ეს ქურდობა ხელობათ  
აქვთ გადაქცეული, იმედ-დაკარგული. უიღბლო ხალხი, —  
ყველა აქ არის თავმორილი, მეუბნება სმიტი.

— „წმინდა“ ქუჩებზე მათ არც კი გაატარებენ, სამაგიეროთ, აქაც არ ეძალებიან „წმინდათ“ ჩაცმული ხალხის წარმომადგენლები. არა, როგორ არა; არიან, მოდიან ისინიც, მაგრამ მათ თავიანთი საგანგებო და განსაკუთრებული საქმე აქვთ; ისინი ამ უბანში ქრისტიანული ფარისევლობის საქმეს ემსახურებიან. არის ბევრს ალაგას გახსნილი საქველმოქმედო საზოგადოებები, სადაც არისტოკრატი-ქალები ქადაგობენ ზნეობის საკითხებზე, სიყვარულზე და სხვა ასეთს ფაქიზსა და ლამაზ საგნებზე.

— უგდებს ვინმე ყურს. მაგ მქადაგებლებს?

— როგორ არა! უგდებენ და აგრე!! არ შეიძლება, რომ არ დაუგდონ. თვითეული ასეში ქადაგებულს შემდეგ დამსწრეებს აძლევენ ერთ ჭიქა ყავას. ყავა კი არა, ეს რალაც ნარეცხია და მეტი არაფერი, მაგრამ მშიერ ადამიანს მაგის გარჩევაში შესვლის თავი ვინ მისცა? არის ამ ხალხში ისეთები, რომლებიც ისე არიან მოშლილი და მოტეხილი ცხოვრების სიმძიმით, რომ მართლა ყურს უგდებენ ამ ენა-ჭარტალა დედაკაცებს, მაგრამ უმრავლესობა და უმეტესობა ამ ქადაგობაზე სწორეთ სასურსათო მოსაზრებით დაიარება. არის აქ ერთი წყება ხალხი; ისინი უფრო განკერძოებით ცხოვრობენ — მათი მთავარი მიზანი და მისწრაფება ხეტიალია. ერთს ადგილას დიდხანს არ იცდიან, ამ ხალხს ერთგვარი კავშირი აქვთ ერთმანეთში. ეხმარებიან ერმანეთს, გაქირვებაში ერთმანეთის გატანა იციან. ბურჟუაზიის მიერ დამყარებულ კანონებს არ არღვევენ. მთავარი ფილოსოფია ამ ხალხის თითქოს ასეთია: „თავი დაგვანებეთ, ჩვენც არავის ვახლებთ ხელსო“. დღიან უმთავრესათ ფეხით, რკინის გზითაც სარგებლობენ. თუ სადმე მოახერხეს და საბარგო მატარებლის ცარიელი

კაგონი დაიმართხელეს, მაშინათვე შეძვრებიან შიგ. აა ერთად ერთი შემთხვევა, სადაც ისინი არღვევენ კანონს.

— გაფიცების დროს, ისინი არ მიდიან ხოლმე მუშების წინააღმდეგ?

— სხვები კი, მაგრამ ეს ერთი წყება ხალხი, სხვათა შორის მათ განსაკუთრებული სახელი აქვთ, „ობო“-ს ეძახიან მათ, ისინი არამც და არამც არ წაეღენ გაფიცულების წინააღმდეგ. სარგებლობენ კი გაფიცვებით და აი როგორ. მაგალითად ჩიკაგოში გამოცხადდა გაფიცვა, მაშინ გაფიცვის ჩამშლელი კომიტეტები მაგალითად ნიუ-იორკში უყრიან ავარა ხალხს თავს, რომ ჩიკაგოში წაიყვანონ. ობო უსათუოთ ეწერება ამ შემთხვევაში მოხალისეთა რიცხვში. მაგრამ რისთვის, არ იკითხავთ? — მხოლოდ იმიტომ, რომ ჩიკაგომდე წასასვლელი ბილეთი ჩაიგდოს მუქთად ხელში. ჩავლენ ჩიკაგოში და თავის გზას გაუდგებიან ხოლმე.

— ნამეტანი ახირებული და თავისებური ხალხია ეს ობო. მათ აქვთ ხოლმე თავიანთი ყრილობები; ყოველ წლისათვის გამომუშავებული აქვთ მოგზაურობის წესი და გეზი. განაწილებულია, რომელი ნაწილი როდის უნდა დაიძრას და საითკენ უნდა წავიდეს. აქვთ ტყეებში და მოტიტვლებულ ქალებში შესახვედრი ალაგები დანიშნული. აქ გამართავენ ხოლმე ბანაკს. როცა ბანაკიდან აიყრებიან, ზედმეტი კურკელი და საგძალი, თუ რაიმე აქვთ, იქვე ჩამარხავენ ხოლმე მიწაში. მათ შემდეგ მეორე წყება ხალხი მოვა; ამათაც კარგათ იციან, სად არის ბანაკისათვის დანიშნული ალაგი და ამ დამარხულ ნივთებს ამოიღებენ მიწიდან. წასვლისას ისინიც ისე ჩაფლავენ მიწაში და თავის გზას გაუდგებიან.

— როგორ მოსწონს აქაურ პოლიციას ამ ხალხის საქციელი?

— არაფრათ მაინცა და მაინც, მაგრამ არც ძალზე ერჩიან მათ, ვინაიდან სახიფათო და საშიში როდი არის ეს მშვიდობიანად მოხეტიალე ხალხი. სამაგიეროთ, დანარჩენებს პოლიცია პირდაპირ ტყის ნადიროვით დასდევს კოჭებში. ჯიბგირიდან დაწყებული ყაჩაღამდე რა და რომელი ჯურისა და სახის დანაშაულის ჩამდენი ხალხი არ არის აქ?

— აი დაუკვირდით ამ ახირებულ ალაგს. ეს აბრა წითელი და თეთრი ზოლებით რომ არის შეთსუპნული, ეს გახლავთ „დალაქების საოსტატო“. რას ნიშნავს ეს?! ეს იმას ნიშნავს, რომ აქ შეგიძლიათ შეხვიდეთ, და თქვენ იქ უფასოთ მოგპარსავენ წვერს, და გაგკრეჭენ თმას.

— ესეც საქველმოქმედო დაწესებულება ყოფილა, ალბათ.

— არა! ეს არის ისეთი სადალაქო, სადაც მოზარდ ყმაწვილებს ხელობას ასწავლიან. დალაქის ხელობა ხელის ვარჯიშია, მეტი არაფერი, ამიტომ ეს ყმაწვილებიც ამ ხალხის თმაზე და წვერებზე სწავლობენ ოსტატობას. აი შეხეთ, როგორ ჩინებულათ დაუჩეხიათ ეს ჩვენ წინ რომ დგას ამ მომავალ დალაქებს, — მითხრა სმიტმა და ერთი მართლაც ძალზე „დაჩეხილი“ მამაკაცი დამანახვა.

ამ უბედურს სამ ადგილას მაინც ქონდა მიწეპებული ქუქყიანი ქალადის ნახევი და ცალ ყბაზე გძლათ ქონდა მიმხმარი გაკაწრული ალაგიდან გამოსული სისხლი.

— აი აგერ ბალიც. ეს ბალი, როგორც ატყობთ ამ სახლის დასამშვენებლად არის აშენებული.

— რისი მაქნისია მაგ სახლი?



— ეს ერთი აქაური მდიდარი კაცის სასახლე გახლავთ, რომელიც ჩრდილო ამერიკის სამოქალაქო ომის დროს „გაკეთდა“. ჯარის იჯარები ჰქონდა აღებული და ისე პირნათლად ასრულებდა თავის მოვალეობას, რომ ომის გათავების შემდეგ მრავალი მილიონის პატრონი შეიქნა.

— რალა ამ უბანში ააშენა სასახლე, სხვა ადგილი ვერ მოსძებნა, — შევეკითხე მე.

— აქ ცოტა სხვანაირად დატრიალდა ხაქმე. იმ პატიოსან მოქალაქეს სიბერის დროს ეშმაკებმა ძილი დაუფრთხეს. იგრძნო, ალბათ, სიკვდილის მოახლოვება და მონდომა სულის გადაარჩენა. მდიდრებს ამ შემთხვევაში ერთი მეტად უბრალო და თანაც მეტის-მეტათ უყუათო ხერხი აქვთ გამოგონილი. მათ სასუფეველი ცათა შინა სწორეთ იმგვარივე წესით უნდა შეიძინონ, როგორც აქ სიმდიდრე, ესე იგი ქრთამით. აძლევენ ქრთამს მღვდლებს, ეკლესიებს და სამოთხეში პირველი ადგილი დაკვეთილი აქვთ თავიანთი გუნებით.

— ამერიკელებს ამ შემთხვევაში „ამერიკა არ აღმოუჩენიათ“.

— ოლონდაც! ოჰ, სწორეთ იმას ვამბობდი, ააშენა იმ ოჯახაშენებულმა ამ უბანში თავისი სასახლე და მფარველობას უწევდა ყველა ენა ტკბილათ მოსაუბრე მანდილოსნებს, რომლებიც თავიანთი „შრომითა“ და გართობით აპირობენ ამ ქვეყნათ ბოროტების მოსპობას. ეს ბალიც იმის გაკეთებულა. ამ ბაღს უწინ გარშემო დახაჯდოში სკამები ჰქონდა შემოწყობილი. ეხლა, როგორც უყურებთ არც ერთი სკამი აღარ არის.

— რატომ?

— რატომ და იმიტომ, რომ, ამ სკამებზე ეს ხალხი წყებოდა ხოლმე დასაძინებლად. ბატონ მილიონერს ეს

ამბავი არ მოეწონა და ასეთი ხერხი იხმარა: — ჯერ სკამები გადატიხრა ისე, რომ თვითეული ადამიანის დასაჯდომი, მეორე საჯდომიდან გადაკედლული იყო, მაგრამ გაქირვებული კაცი რას არ მოიგონებს. ტიხარი რკინის ცალფა ზოდით იყო გავლებული, დასაძინებლათ მოსული აევარები ამ სკამებს თავიდან ან ბოლოდან შემოუჩოჩდებოდნენ ხოლმე. ამანაც რომ აღარ გაქრა, მაშინ სრულებით ააღაგეს სკამები.

— ეხლა?

— ეხლა, ვისაც სხვა დასაძინებელი ადგილი არ მოეძევა, პირდაპირ მიწაზე წვებიან!

— არის კი ასეთი შემთხვევები?

— არის და მერე რამდენი! არამცთუ ზაფხულობით, პირდაპირ ზამთარშიაც ბევრს ნახავთ.

— ნუ თუ ნიუ-იორკში არ არის ღამის თავშესაფარი?

— მაგ სიკეთეც გვაქვს, მაგრამ იქ შესვლა და ღამის გათევა არც ისე ადვილი საქმეა; საქმე იმაშია, რომ ერთი თვის განმავლობაში ორი ღამის გათევის მეტის უფლება არა აქვს არავის. ვინც მესამეთ მიაღდება კარზე, მათ პირდაპირ ციხეში აგზავნიან.

— მასპინძლობა უკეთესი ღმერთმა შეარცხვინოს!

— მასპინძლობით თავის შეწუხება აქ არ იცინა!

— აქედან რამოდენიმე წუთის სავალზე აწყვია მთელი სამყაროს სიმდიდრე. ოქროთი გამოტენილია მთელი სარდაფები, რომლებსაც მაგრათ იცავს თუჯის კარები, შეიარაღებული მცველები და პირდაღებული ზარბაზნები. იქ ყველაფერი ჭარბათაა და გადაჭარბებულად, აქ არაფერი, არარაობაა! იქ განცხრომაა და ფუფუნება, აქ სიმშვილი და გაქირვება! მერე როგორი — ისეთი, რომ ადამიანის ენა და პირი ვერ გამოსთქვამს. ეხლა წავიდეთ უკან. დღე-

ისათვის ესეც კმარა. შემდეგისათვის აქაურ უმუშევრების ბინასა და ცხოვრებას გაჩვენებთ.

ისევე ასტორის მოედნისაკენ მოვასწორეთ.

— ასტორის ამბავის მოყოლა რომ დაგავიწყდათ, შევახსენებ სმიტს.

— აღარ ღირს, ეხლა უკვე მოგვიანებულია; მაგეც შემდეგისათვის იყოს. ჩვენ ისევე სობვეის ხვრელში ჩავეძვებით და გზას გამოვუდექით.

ვაგონი საესე იყო ხალხით.

ასეთი გაგიჟებული სიჭკარე მე არ მინახავს არსად, არაფერ აღვილას არც ერთს ქვეყანაში.

სმიტი დღეს მარჯვეთ არის, უკეთეს გუნებაზე დადგა. ვაგონის რყევას და ჯინგალს ის არც კი აქცევს ყურადღებას. მას, თითქოს, კიდევ უხარია ეს.

— მირბის, ცალი თვალის პაჭუნით, ჩაილაპარაკა და ცბიერათ გაიღიმა. მირბის... ასე მირბის კაპიტალისტური ჯოჯოხეთის ურემი, მირბის და თითქოს თავის ბედისწერას, ისტორიის განაჩენს უნდა გაექცეს, მაგრამ, რომ ვერ გაექცევა. ვერ გაექცევა, ვერა!!

კუთხეში ორი მუშა იჯდა.

ადვილი გასარჩევი იყო დანარჩენებთან, „წმინდათ“ ჩაცმული ხალხი იმ კუთხეს არ ეძალებოდენ და გვარიანი ფართო ადგილიც კი დარჩენილიყო თავისუფლად, თუმცა ვაგონი ხალხით იყო გაჭედილი.

— უკადრისობენ! მე მაწყინოს, მე წამიხდინოს ღირსება მუშის გვერდით დაჯდომამ, — სმიტი მარჯვეთ ჩამოჯდა მუშის გვერდით.

— ჰალო, მირბის. არა?

— ო, მირბის, უპასუხა მუშამ. თუმცა ვერ მიმხვდარიყო, რას ამბობდა ეს ახირებული „წმინდათ“ — ჩაცმუ-

ლი მოხუცი, რომელსაც არ ეთაკილებოდა მის გვერდში ჩამოჯდომა.

— მირბის, მირბის მეგობარო, და ჩქარა ჩაბარდება თავის პატრონს.

მატარებელი გაჩერდა.

ჩვენ ზევით ამოვძვერით და ერთი მეორეს დავცილდით.

— ნიუ-იორკს აქვს ფოსტა და მერე როგორი; მართლაც, რომ ღირს მისი ნახვა, მისი დათვალიერება, მისი შესწავლა, — მითხრა მისტერ სმითმა.

ეს ჩემი შეკითხვის პასუხი იყო; მე დაზღვეული ამანათის გამოგზავნა მინდოდა და არ ვიცოდი როგორ მომეხერხებია.


— არა, ფოსტა ფოსტას გააჩნია. ფოსტა ყოველ ქვეყანას აქვს, მაგრამ ამერიკის ფოსტა საუცხოვო რამ არის.

— თქვენ, ალბათ, ტენიკურ მხარეს გულისხმობთ. ხომ?

— რასაკვირველია! ისე. წერილებში ჩახედვა და სხვისი მიწერ-მოწერის გადაკითხვა აქაც იციან. იციან, ეცოდინებათ, უეჭველია; დალახვროს ეშმაკმა—თქმა არ უნდა ეს საქმეც ღინებულათ ექნებათ მოწყობილი! ამერიკის დემოკრატია იმავე ცომით არის მოზელილი, როგორც ვეროპის, იგივე სული უდგია, იმავე ღმერთებს სცემს თაყვანს. მაშასადამე, თქმა არ უნდა კერძო მიწერ-მოწერის საიდუმლოება — ეს ჩვეულებრივი მიქარვაა და მეტი არაფერი!

— მესმის, არც მიკვირს, მაგრამ მე მაინც ეს ამანათი უნდა გავაგზავნო და ამაში მჭირდება თქვენი დახმარება.

— კეთილი და პატიოსანი, მაგ ჩემზე იყოს—წავიდეთ!



ჰველანე უფრო დიდი შენობა ნიუ-იორკში. ეკუთვნის ერთ სა-  
ვაკრო საწოგადობას, რომელიც მხოლოდ შაურიან და ორ-  
შაურიან საქონელს ჰყიდის.

გავუღდეკით გზას. რასაკვირველია ისევ შიშის ქვეშ ჩა-  
ვძვერით, ამოვძვერით, ხან განის მიმართულებით ვიმ-  
გზავრეთ, ხან სიგძეს გავყევით. ბოლოს ისევ ქუჩის ზედა-  
პირზე ამოვყავით თავი.

— ესეც ფოსტა!—მანიშნა სმიტმა, როდესაც ერთს ძველ  
ბერძნულ ხუროთმოძღვრების იერით აშენებულ სახლს მი-  
ვაღდეკით. შუბლი და გვერდები გძელი მაღალი სვეტებით  
იყო გარშემორტყმული. არ ვიცი, ვერ ვიტყვი ბეჯითად,  
მაგრამ ეს სვეტები მარმარილოსი უნდა ყოფილიყო.

— გიკვირთ განა? მართლაც გასაკვირველია! დღევან-  
დელი ნიუ-იორკის სახეს ეს შენობა აღარ უხდება და  
აღარც უდგება. ეს სახლი დიდი ხნის აშენებულია, ამი-  
ტომ მას გარეგნობაც სხვანაირი აქვს. დღეს ჩვენი ხუროთ-  
მოძღვრები სახლის, გარეგნულ შელამაზებას ყურადღებას  
არ აქცევენ. დღეს, ასე ვთქვათ, მთავარი და პირველი ში-  
ნაარსია.

— არ მესმის, რას ჰქვია სახლის „შინაარსი“?

— ზე აი რას ვამბობ: როცა სახლს აშენებენ პირველ  
ყოვლისა იმას ანგარიშობენ, თუ რა დანიშნულება აქვს  
ამ სახლს. სადგომათა და სამყოფათ რომ სახლი გამოდგე-  
ბა, ის სახლი დაწესებულებისათვის არ ივარგებს და პირ-  
იქით. გარდა ამისა თვით დაწესებულებებშიაც ბევრი დ-  
დიდი განსხვავებაა. საშუამავლო კონტორას რომ შენობა  
გამოადგება, ის შენობა, ვთქვათ, ბანკისა და, თუნდა ბი-  
უისათვის არ ივარგებს.

— ყუათიანი ხალხია ამერიკელები, ვეთანხმები მე  
მისტერ სმიტს, მაგრამ მას ეს ჩემი თანხმობა, თითქოს  
არ მოსწონს.

— არც იმდენი, თქვენ რომ გგონიათ! აქაც ბევრი რა-  
მაა უთავბოლო, მაგრამ ეხლა რაღა დროს მაგაზე ლაპა-

რაკია — სხვა ღროისათვის გადავდოთ. აი ფოსტა — ჩვენ უკვე შიგა ვართ. მაგ თქვენი ამანათის გაგზავნას კიდევ მოესწრებით, დამაცადეთ!

ჩემი პასუხისათვის აღარც კი მოუცდია, სადღაც გაჰქრა თვალსა და ხელს შუა, მოკლეთ დამიბარა:

-- ეხლავე მოვალ, მანდვე მომიცადეთო.

ის მაღალ კიბეს აუყვა. ჩქარა უკან დაბრუნდა, თან ვიღაც ჩინოვნიკი მოჰყვებოდა, ალბათ ამ დაწესებულების მოსამსახურე.

— აი ამ მისტერს, მიუთითა სმიტმა ჩემზე, უნდა თქვენი დაწესებულების დათვალიერება.

— სიამოვნებით, აი აქედან დავიწყეთ. თავიდან ორი-ოდე სიტყვა ჩვენი მუშაობის შესახებ. აქ გახლავთ ქალაქ ნიუ-იორკის მთავარი ფოსტა. ჩვენ გვყავს ამ შენობაში და სხვაგან — ერთი სიტყვით მთელს ნიუ-იორკში ოთხმოცი ათასი მოსამსახურე...

— ოთხმოცი ათასი? — გამიკვირდა, ხელმეორეთ გავიმეორე და შევეკითხე — მე, ალბათ, კარგათ ვერ გავიგონე, ოთხმოცი ათასი, არა?

— დიალ, მაგდენი, არც მეტი არც ნაკლები!

გამახსენდა ერთი ამბავი; მასუკან კარგა ხანი დრო გავიდა. მე, რაღაც მარცხათ, ერთს დროს ერთ საბჭოთა დაწესებულებაში ვმსახურობდი. ერთს დღეს მომადგა კარზე ერთი ფრიად დიდი უფლებით აღჭურვილი ამხანაგი და გამომიცხადა:

— უნდა შეგამოკლოო.

შეიქნა ჩვეულებრივი, ასეთ შემთხვევებში აუცილებელი კამათი. მე ვუმტკიცებდი:

-- შემოკლება შეუძლებელია, საქმე ბევრი გვაქვს, ხალხი ისედაც არ გვეყოფნის და სხვ. და სხვ.

ჩემ მოკაშათეს არ ექაშნიკა ჩემი ამდენი ლაპარაკი და ბოლოს გულმოსულმა მიიხრა:

— მე მინდოდა მხოლოდ 120 პროცენტით შემემოკლებიე, მაგრამ რაღაი შენ ამდენს ლაპარაკობ, ეხლა უსათუოთ 150 პროცენტით შეგამოკლებო.

მაშინ ბევრი ვიცინე ამის თაობაზე. ვერაფრის გზით, ვერ გავაგებე და ვერ მივახვედრე ეს ჩემი „შემმოკლებელი“, რომ არამც თუ 150 პროცენტით, თუნდა 101 პროცენტითაც არ შეიძლება შემოკლება.

ის ამხანაგი, რამდენათაც ვიცი, ეხლა თვითონ მსახურობს რომელიღაც ერთს დიდ დაწესებულებაში და, ალბათ თვითონ ამტკიცებს, რომ 150 პროცენტით შემოკლება ბუნების ყოველივე კანონს აღემატება.

ეს ამბავი გამახსენდა და უნებლიეთ გამეცინა. ჩვენ გამყოლს ამისათვის ყურადღება არ მიუქცევია.

— ჩვენ წერილების დამტარებლებსაც ვთვლით რასაკვირველია, განაგრძო მან. წერილები კი ჩვენ ბლომად მოგვდის. მიღებული და დასარიგებელი წერილები რომ ვიანგარიშოთ, ჩვენ ხელში ყოველდღიურათ 15 მილიონი უბრალო წერილი გაივლის. დაზღვეული წერილები კიდევ სხვაა. ესეც იანგარიშეთ 200.000 ყოველ-დღიურათ: ყოველივე ამის გარეშე გვაქვს გაზეთები, ფასიანი და დაუზღვეველი ამანათები.

— რამდენი იქნება ამანათები? — შევეკითხე მე.

— არც ისე ბევრი. მაგრამ ესეც იქნება დღეში 70—80 ათასი. მე, რასაკვირველია საშვალო რიცხვს ვამბობ. არის მეტი, არის, თუმცა უფრო იშვიათად, ნაკლებიც.

— გაზეთები?

— გაზეთებიც არ არის მაინცა და მაინც ბევრი. საქმე ისაა, რომ გაზეთებს ამერიკელი ხელის-მოწერით კი არ



ლებულობს, ის პირდაპირ ყიდულობს გაზეთს ქუჩაში. ფოსტითაც იგზავნება, რასაკვირველია. მაგრამ შედარებით ცოტა. ჩვენ, ყოველ შემთხვევაში გაზეთებს ცალკეობით არ ვანგარიშობთ. გაზეთებს წონით ვღებულობთ და წონით ვაგზავნით. დღეში გამოვა დაახლოვებით 500—600 ათასი გირვანქა.

ჩვენ ლაპარაკის დროს რამოდენჯერმე აგვიარ-ჩამოგვიარეს გვერდით წერილების დამტარებლებმა. რაზმებათ დადიან, თვითთულს რაზმში უკანასკნელი 200 კაცი მაინც იქნება. როგორც ეტყობა შერჩეული ბიჭებია, ახალგაზრდა, განიერი მხარ-ბეჭი, მაგარი კუნთები. თვითთულს გადაკიდებული აქვს ტყავის ჩანთა. სიმძიმე არ გამისინჯავს, მაგრამ მათ მოხრილ წელს და მძიმე ნაბიჯს ეტყობა, რომ შიგ უკანასკნელი 2-3 ფუთი ტვირთი არის მოთავსებული.

ჩვენი გამყოლი — მოხელე საშუალო ტანის ადამიანია. ვერც სახეზე, ვერც მოყვანილობაში ვერაფერს ვერ უნახავ ისეთს, რომ თვალი შეაჩერო, ყურადღება რომ მიაქციო. ძნელია ასეთი სახის დამახსოვრება. არავითარს კვალს მახსიერებაში ასეთი სახე არ სტოვებს. პირი გაპარსული, აქვს ისე, როგორც თვითთულსა და ყოველს ამერიკელს — არც წვერი და არც უღვაში. თმა ხორცის ფერი აქვს. თმაც იმგვარათა. აქვს მოშვებული და იმ წესზე დავარცხნილი, როგორც თვითთულს ამერიკელს. მოსამსახურე ამერიკელს ვგულისხმობ. მათ აქ „თეთრი საყელოს“ ხალხს ეძახიან. მართლაც, რომ წარმოუდგენელია ამერიკელი მოხელე და მოსამსახურე ისე, რომ თეთრი საყელო არ ჰქონდეს გაკეთებული. თეთრი საყელო (საყელოს ყოველდღე იცვლიან), მოკლეთ მოპარსული თმა, ძირში მოხვისნილი წვერი და უღვაში, ზედაწელის მარცხენა მხარეს ზევითა

ჯიბიდან ორი თითის დადებაზე ირიბულათ თავ-ამოყოფილი თეთრი ცხვირ-სახოცი, ასეთია აქაური მოხელე. ეს თუ გნებავთ, იგივე სტანდარტია მოხელის, როგორც რომელიმე მანქანისათვის განსაზღვრული მოყვანილობის რგოლები და მორგებები.

გამყოლი გველაპარაკება — გვიხსნის აქაურ მოწყობილობას და წესს აქაური მუშაობისას. ლაპარაკობს ისე. როგორც ბეჯითი მოწაფე კარგათ დაზეპირებულ გაკვეთილს. თუ დააცლით ის თვითონ გეტყვით ყველაფერს. თუ შეკითხვებს მისცემთ, გიპასუხებს, მაგრამ აჯობებს თუ თავს დაანებებთ.

არც მეტათ თავდაბალი, არც უზრდელი, არც ცივი, არც ცხელი — ისე საშუალო — ნელთბილია მისი კილო.

— ჩვენ საქმეში მთავარი სიჩქარეა. წერილი ჰიმლებს დროით უნდა მიუვიდეს, ამიტომ ჩვენ მთელი დღის სამუშაოს ერთად არ ვაგროვებთ. წერილებს და ამანათებს დღეში ოთხჯერ-ხუთჯერ ვარიგებთ ხოლმე. დაგვიანება ამ შემთხვევაში შეუწყნარებელია!

— ალბათ, გაქვთ ისეთი შემთხვევა, როდესაც მისატან წერილს მისამართი სავსებით და სწორათ არ აქვს დაწერილი? რას შვრებით ასეთს შემთხვევაში?

— რატომაც არა! მაგისტანა შემთხვევებიც არის, მაგრამ ეს ჩვენ იმდენათ არ გვაბრკოლებს. მთავარი ისაა, რომ სახელი და გვარი მაინც იყოს დაწერილი, მეტადრე გვარი — მისამართს კი ჩვენ თვითონ მოვნახავთ.

ეს დასტურ გასაკვირალი ამბავია. ამერიკაში „მისამართის მაგიდა“ არ არსებობს, პოლიციამ საბუთების მოთხოვა და წერა არ იცის, მაშ საიდან ახერხებენ მისამართის გამორკვევას?

— როგორ ახერხებთ მაინც მისამართის გაგებას?

— ვახერხებთ კი, ოლონდ როგორ; ეს სხვა საქმეა! გამყოლი მეტს არაფერს ლაპარაკობს. სმიტი თავისებურათ ფრუტუნობს. მიხვდა, თქმა უნდა, რაშია ც არის საქმე.

— მარჯვე ხალხია! ცბიერება მთავარი სამკაულია ამერიკული თავისუფალი დემოკრატიის, — ბუზლუნობს მისტერ სმიტი. აქ არავინ კითხულობს პასპორტს, აქ არავინ იძიებს თქვენს გვარსა და სახელს. არ არსებობს ისეთი დაწესებულება, რომელიც ამ საქმეებს იკვლევდეს, მაგრამ, მაგრამ — ვინ იცის რამდენი ათასი კაცი „ქამს პურს“ აი იმით, რომ თვითეული ადამიანი, რომელსაც ერთხელ მაინც დაუდგამს ფეხი ნიუ-იორკის რომელიმე ქუჩაზე. ხელის გულზე ჰყავდეთ დასმული. მეტადრე უცხოელი. მეტადრე საბჭოთა კავშირიდან ჩამოსული.

— მაგასაც სიმარჯვე უნდა!

— ოლონდაც! მაგრამ არც იმდენი სიმარჯვე, რამდენიც ფული; ფულით ყველაფერი კეთდება. თქვენ გახსოვთ როდის იყავით უქანასკნელათ კინოში, — შემომიბრუნდა სმიტი.

— ბეჯითად აღარ მახსოვს; მგონი სამი, თუ ოთხი დღის წინად.

— ქუჩა, სურათის სახელი?

— გამიჭირდება ყოველივე მაგის გახსენება.

— თქვენ გაგიჭირდებათ, და მაგათ კი ზედმიწევნით იციან. სად, როდის, რამდენჯერ ყოფილხართ მთელი იმ ხნის განმავლობაში, რაც აქ ცხოვრობთ.

— ვინ? ფოსტას რა ეკითხება, მე სად დავდივარ და რას ვაკეთებ?

— არა! ფოსტას კი არა!! ის დაწესებულება სხვაგანაა, მას სხვა სახელი ჰქვია ხალხის შესახედავით სხვა საქმეს აკეთებს; მაგრამ....

ამასობაში ჩვენ უკვე შევედით იმ განყოფილებაში, სადაც საფოსტო ყუთებიდან ამოღებულ ბარათებს ანაწილებდნენ და მარკებზე ბეჭედს ასვამდნენ.

ვისაც ჩვენში უნახავს ეს მუშაობა, აქაურ მუშაობის წარმოდგენაც კი გაუქირდება როგორც ყველაფერში, ამ საქმეშიაც მანქანაა პირველ რიგში წამდგარი, მთავარი სიმძიმე მანქანაზეა გადატანილი, ადამიანი ამ მანქანის ხელის-შემწყობი და გზის მაჩვენებელია — მეტი არაფერი.

ჯერ ერთი. რომ მთელს ამერიკაში კონვერტი ერთი ზომისაა. სიგძე და სიგანე ერთხელ და სამუდამთო დაკანონებულია. გარდა ამისა, ამერიკაში ყველამ იცის, რომ მარკა სწორეთ მარჯვენა ყურეში უნდა დააკრა ზემო მხარეს. ეს აადვილებს მუშაობას. ამის გამოა შესაძლებელი მანქანის მუშაობა. მოტანილ წერილებს ერთ ვეებერთელა ყუთში ყრიან, რომელიც თავისთავად ერთი მეტად რთული მანქანის ნაწილს წარმოადგენს. მანქანა თანდათან აძლევს ამ წერილების კიბორჩხალივით აწყობილ ღვედებს, რიგ-რიგობით გაწკაპული წერილები პირდაპირ მიეშურება მანქანის იმ ნაწილთან, სადაც სწრაფად ტრილობს ბეჭედის დამსმელი რგოლი.

— ეს მანქანა საათში 30.000 მარკაზე დაასვამს ბეჭედს, — გვითხრა გამყოლმა. ასეთი მანქანა რამოდენიმე ალაგას დგას, თორემ ერთი და ორი მანქანა, რასაკვირველია: ამ საქმეს ვერ მოილევს.

გული დამწყდა. ჩვენში ამ საქმეს უმოწყალო დრო სჭირდება. ჩვენში ჯერ არ გვიფიქრია, რომ ერთი ზომის კონვერტები შემოვიღოთ. მარკის დაწებება ხომ კიდევ

უარესი. ჩვენში იშვიათად ნახავთ, რომ მარკა მაინცა და მაინც ზურგზე არ დააკრან წერილს, შუა ალაგას, სადაც კონვერტის ზედა ღრანკი ქვედას ეხება. სწორეთ აქ იციან მარკის დაწებება. მომუშავესათვის ეს ნამდვილი უბედურებაა. წერილს საგანგებოთ სკირდება გადაბრუნება, ამაში კი მეტი დრო მიდის.

— ბეკედი აღნიშნავს ქალაქის სახელს, წელს, თვეს, რიცხვს და საათს! — განაგრძობს ჩვენი გამყოლი.

მანქანა ხმაურობს.

როცა ყური ეჩვევა ამ ხმაურს, თითქოს ატყობ, რომ ეს ხმაც ერთგვარ ჰანგზეა აწყობილი. თითქოს სადღაც აღმართს ეძალებაო. ოხრავს და სწუხს მანქანა, მისი ხმაური დაღალული კაცის ქშენას წააგავს. მაგრამ აჰ, თითქოს მიალწია მწვერვალს. და ვაკეს გაუდგა. მანქანაც მოდუნებით წყნარათ ხმაურობს. ბოლოს, აი, დაღმართიც, კვლავ აჩქარებული ხმაური, მაგრამ უფრო იოლი და ადვილი. შემდეგ ყოველივე თავიდანვე განმეორდება. კიდევ და კიდევ.

ამბობენ ღმერთმა ადამიანი რომ გააჩინა. თავისი მზგავსება და ხატება დაატანაო. ჩვენ ვიცით, რომ ეს თქმულება მხოლოდ მაშინ შეიცავს სიმართლეს, როცა მას პირუკულმა შეაბრუნებთ. ბუნების მძლავრი და უცნობი ძალებით შეშინებულმა ადამიანმა ღმერთი გამოიგონა და ის თავის საკუთარი თვისებებით შეამკო.

ეხლანდელი ადამიანი ღმერთს აღარ იგონებს!

რისი მაქნისია დღევანდელი ადამიანისათვის ღმერთი?

მას უკვე ნაპოვნი აქვს ბუნების ძალთა საიდუმლოების გასაღები. ეს გასაღები ღვთაების და ღმერთების დახმარებისა და შემწეობის გარეშე იპოვა მან. მაგრამ გამოგონებისათვის ადამიანს თავი მაინც არ დაუწებებია; ის

დღეს მანქანებს იგონებს, და ამ მანქანებს იქნებ უნებურადაც მშრომელი ადამიანის მსგავსებითა და ხატებით ამკობს.

მე გარკვევით მესმის ამ მანქანის ხმაურში მშრომელი ადამიანის კუნთების დაჭიმვა, სიმძიმით და ტვირთით მოღალული ფილტვების სუნთქვა.

— თქვენ ყმაწვილო, რაღაც ფიქრებს გაჰყევით, როგორც გატყობთ.— შემომეხმაურა. სმიტი— რითმების წველება ოუ გიყვართ, პოეზიისათვის აქ, მართლაც რომ ბევრი მასალაა!

— არ შემარჯვება მაგ ხელობა, თორემ უსათუოდ დავწერდი იმ ადამიანის ქებას, ვინც ეს მანქანა გამოიგონა!

— გამოიგონა და ამ ძაღლთა-პირებს ჩაუგდო ხელში ადამიანის საწვალებლათ, ასე არა?

— არა!! მე მაგ არ მითქვამს. მე მწამს, რომ მანქანამ ადამიანი შრომის სიმძიმიდან უნდა გაანთავისუფლოს!

— ოღონდაც, მაგრამ აქ?

— რა ვუყოთ, სულ მაგრე ხომ არ დარჩება. სამაგიეროთ, იცით, რა იქნება მშრომელი ადამიანი, როდესაც თვით გახდება თავისი ცხოვრების ბატონიცა და პატრონიც?!

— ვიცი, როგორ არ ვიცი, მაგრამ ჩვენ, თუ თქვენც დამეთანხმებით, ჩვენ მგონი ამ სასარგებლო დაწესებულების დასათვალისწინებლათ მოვედით აქ და არა პოეზიისა და პოლიტიკის საკითხების შესახებ კამათის გასამართავად, მით უმეტეს, რომ პოეზია და პოლიტიკა ერთმანეთს არ უდგებო, მე ასე გამიგონია!

— იყო დრო, აგრე ეგონათ. ზოგს დღესაც აგრე ჰგონიათ. რა ვუყოთ მერე?

— ჩვენ მაინც უნდა დავანებოთ მაგ მუსაიფს თავი. ჩვენი გამყოლი — არსება როგორც მოგეხსენებათ, სულიერი და გონიერი, რომელიც, მიუხედავად ამისა, უფრო ჰგავს მანქანას, ვიდრე თვით მანქანა, ამდენს აღარ მოგვიცდის. უყურებთ, ის უკმაყოფილოა, რომ ჩვენ შევჩერდით იმ ადგილას იმაზე მეტს დროს, ვიდრე ეს არის დაკანონებული.

— მე რომ ჰკითხოთ მანქანას დამგვანებულ ადამიანს. ადამიანის უმაღლესი თვისებებით შემკული მანქანა მი-რჩევნია.

გამყოლი გასასვლელ კარებშია ატუზული. ეს იმის ნიშანია, რომ ჩვენ უნდა გავყვეთ მას, რომ აქ მოცდა მეტი აღარ შეიძლება.

— აქ ჩვენ გვაქვს ის განყოფილება, სადაც ვყიდით საჯარო ვაჭრობის წესით იმ ნივთებს, რომლებიც ეწყო იმ ამანათებში...

— უკაცრავად, ჩამოართვა მას სიტყვა სმიტმა, მაშასადამე, ზოგიერთი წერილია; თუ ამანათი მაინც რჩება პატრონისათვის ჩაუბარებელი?

— რასაკვირველია! ჩვენ ასეთს ამანათებს ვინახავთ მთელი ერთი წლის განმავლობაში. ეს საკმარისი დროა, რომ გულმავიწყმა გამგზავნმა გაიხსენოს თავისი შეცდომა და მიიღოს ზომები გაგზავნილის ამოსაგებათ.

— არის, მაშასადამე შემთხვევები, როდესაც სრულე-ბით მისაშართი არ არის, არც სახელი არც გვარი?

— არის, დიალ! აი ასეთი ამანათები ერთი წლის განმავლობაში, თუ არ მოიკითხა პატრონმა, მაშინ ჩვენ იმას ვხსნით და ნივთებს ვყიდით!

— შემოსული ფული?

— შემოსული ფული ხაზინის სასარგებლოთ ჩაირიცხება.

— და ვის ხმარდება?

— რა მოგახსენოთ! მაგ არ ვიცი, აი დღეს სწორედ საჯარო ვაჭრობის დღეა. შევიხედოთ იმ დარბაზში, სადაც ამ ნივთებს ჰყიდიან.

დარბაზი ვიწრო და დაბალ ქერიანი ოთახი გამოდგა. დახლისებურ იმწემის გძელ ფიტრებზე დალაგებული იყო სხვადასხვა საგნები. იყო ბროლის თხელი ჭიქებიც და ძველი ძირ-გაცვეთილი ფეხსაცმელებიც; ათასნაირი საგნები და ნივთები, რომლებიც ერთიმეორეს სრულებით არ უდგება ისინი ალბათ პირველად შეხვდნენ აქ ერთმანეთს ასე პირისპირ ამ ახირებული და უიღბლო მოგზაურობის გამო.

მალალ სკამზე შემდგარიყო ახალგაზრდა, რომელიც ხრინწიანი ხმით იძახოდა.

— გამოცხადებულია 200 დოლარი, ვინ იტყვით მეტს?

— მომიცია 220, — დაიძახა ვილაცამ.

— იძლევიან 220, ვინ ხართ მეტის მომცემი?

ერთხანს სიჩუმე იყო.

— ვინ იძლევით მეტს, თორემ ვთქვი „ერთი!“

— მომიცია 250, მეტი არ ღირს, გადააწვდინა ხმა ჭალარა ებრაელმა.

— ჩვენებურია, თქმა არ უნდა. რუსეთიდან ჩამოსული ებრაელია. არ ეტყობა? წვერი მოშვეებული, თმა აბურძგნული, მაგას ამერიკის არაფერი მოცხებია, — ლაპარაკობს სმიტი.

— იძლევიან 250, ვინ იძლევით მეტს? ვამბობ „ერთი!“ ვინ იძლევით მეტს? ვიტყვი „ორი!“



— ეს ამბავი კარგა ხანს გაგრძელდება— მითხრა სმიტმა, — წავიდეთ!

დავეშვიდობეთ ჩვენს გამყოლს, მადლობა გადაუხადეთ. წავედით.

— მაგ სულ-წაწყმედილმა მეთაუდიც არ გვაჩვენა იმისი. რისი ჩვენებაც შეიძლებოდა. არ ექაშნიკა მაგას დღეს ჩვენი მოქცევა. ასე იციან! ამბობს მისტერ სმიტი.

მოსადამოებულია. ჯგუფ-ჯგუფად ბრუნდებიან დამტარებლები ცარიელი ჩანთებით.

— ესეც ფოსტა. ეს საქმე მართლაც რომ გვარიანათაც და ჩინებულათაც აქვთ მოწყობილი, სიჩქარე მართლაც გასაკვირალია. ეხლა კი არა, მე რაც მახსოვს სულ ასეა! ერთი ამბავი უნდა გითხრათ. მეს შემდეგ დიდი დრო გავიდა. მაშინ მე კიდევ მყავდა ნაცნობები და მეგობრები რუსეთში; წერილებს მიგზავნიდნენ ხოლმე, მეც თავდაპირველად ერთხელ კი მიეწერე მისამართი — მეტი აღარ მიმიწერია. მე თვითონ კი ერთი ათი ბინა მაინც გამოვიცვალე მის შემდეგ, მაგრამ წერილები მაინც მომდიოდა. მოჰქონდათ, მნახულობდნენ. ეხლა აღარავის ვახსოვარ და არც აღარათფერი მომდის — მაგ, ხომ, ფოსტის ბრალი არ არის.

— ერთი ეს მითხარით, მაგალითად ფოსტის მოხელე, ვთქვათ რომ იმსახურა ათი წელი, თუნდა ოცი, ამის შემდეგ მას რაიმე პენსიას დაუნიშნავენ, თუ არა?

— რაც არ ვიცი — არ ვიცი! მგონი რომ არა! საზოგადოთ აქ პენსიები და მაგისტანა რამეები არ არის მოწონებაში. ისინი ასე მსჯელობენ...

— ვინ ისინი, გავაწყვეტე მე.

— ვინ და ისინი, ვინც აქაურ კანონს სწერს, ვინც აქ განაგებს და ბრძანებას იძლევა. ისინი ასე მსჯელობენ,

ვისაც თავის თავის სიყვარულზე აქვს, მან თვითონ უნდა მოიტოვოს და მოირჩინოს, უნდა გამოიზოგოს იმოდენი, რომ სიბერისათვის ეყოსო.

— თუ ვერ მოირჩინა.

— თუ ვერ მოირჩინა და მაშინ მისი საქმეც მორჩენილი და გათავებულა; სიმშვილისა და გაჭირვების მეტი მას არაფერი მოელის!

— მაგეც კარგი იმედია, არა?

— იმედია, თუ უიმედობა, ასე კია და სხვა თქვენ იცოდეთ!

სახლში რომ მივბრუნდი, კარებში ფოსტალიონი შემომხვდა.

— დაზღვეული ბარათი მაქვს თქვენთვის ჩასაბარებელი. ინებეთ, აქვე ხელი მომიწერეთ უწყებაზე!

ოთახის კარი გავაღე, ბარათი ჩამოვართვი, უწყებასაც ხელი მოვაწერე და უკან დავუბრუნე. ცივათ, სიტყვის უთქმელად გამომართვა, სიტყვა არ უთქვამს და წავიდა აშკარა იყო, რომ გულდაწყვეტილი დარჩა.

— რატომ, რა ეწყინა ჩემგან, რისთვის წავიდა ჩემგან ასე გაბუტული? ვეკითხებოდი თავს და მიზეზისათვის ვერ მიმეკვლია.

— უნდა გეჩუქებიათ რამე, მითხრა სმიტმა რამოდენიმე დღის შემდეგ, როდესაც მას ეს ამბავი გადავეცი.

— განა საჭიროა მაგ აქ?

— არის და მერე როგორ! აბა, როგორ ფიქრობთ, მაგათ, განა თავისი ჯამაგირი ეყოფათ? აი სინჯეთ, როდესაც შემდეგში მოგიტანსთ წერილი თუნდა 10 სენტი აჩუქეთ — შეხედეთ, როგორ მხიარულად და გულლიათ მოგეკიდებათ. ასეა, ჩემო კარგო, აკი გითხარით: — არც იმდენი ყუათიანი ხალხია ამერიკელები, ამერიკული ბურ-

ქუაზია. აქ მოწონება და პატივისცემა მანქანას აქვს და მანქანათ გადაქცეულს ადამიანს. ადამიანის პატივისცემა განისაზღვრება და განიზომება იმითი და იმდენათ, რამდენათაც ეს მანქანას ჰგავს, მას არ ჩამორჩება. სწორი ანგარიშია, მაგრამ ერთი იაღლიში მოსდით, ერთი დღეც იქნება მანქანისებური ადამიანიც ამოიღებს ენას, გაანძრევს ხელს. არა, თავის სანუგეშოთ კი არ ვამბობ — მე ეს მწამს, მე ეს მჯერა, მე ამას მოველი.

მეც მგონია, რომ მისტერ სმიტის იმედები უსაფუძვლო არ არის.

— : —

დღეს კვირა დღეა. ეს დღე ჩემს საკუთრებას შეადგენს; როგორც მინდა, ისე მოვიხზარ ამ დროს, საითაც მინდა, იქით წავალ, რასაც მინდა. იმას გავაკეთებ, თუ მინდა სულ არაფერსაც არ გავაკეთებ — წავგორდები ლოგინზე და იმდენს ვიკოტრიალებ, სანამ არ მომწყინდება.

თავისუფალი მხოლოდ მაშინ არის ადამიანი, როდესაც ის თავისუფლად განაგებს დროს. საქმის დღე სხვას ეკუთვნის, უქმე დღე ჩემს საკუთრებას შეადგენს. საკუთრების მოყვარული არა ვარ, მაგრამ საკუთარი დრო ძალიან მიყვარს.

ჩაცმას არც კი ვაპირობდი. საქართველოდან ერთი წელია ბლუზა გამომყვა, მოეძებნე და ის განადვიცივი.

ბედნიერია ის ქვეყანა, სადაც ადამიანს ამდენი მოკაზმვა და მორთვა არ სჭირდება.

დალახვროს კუდიანმა, ვილაც არაკუნებს კარებზე. დღეს კვირაა, დღეს ფოსტას არ არიგებენ. ვინ უნდა იყოს?

— მე გახლავართ, მე მისტერ სმიტი, სხვა არავინ გეგონოთ!

--- მობრძანდით! მე სრულებით არ მოველოდი დღეს თქვენს სტუმრობას.

— ჰო, მართლაც, დღეს უქმეა — კვირაა. მართალი ბქანებაა, მაგრამ მაინც ვარჩიე თქვენთან მოსვლა. არა, ნუ გეშინიათ, ჩემი გამასპინძლება საჭირო არ არის. თავს ნუ შეიწუხებთ. კარგი ამინდია — გავყვეთ ქუჩებს. ეს სასარგებლოც იქნება და სასიამოვნოც.

— მაგას რაღა აჯობებს, დავეთანხმე მეც, მაგრამ არ მინდოდა დღეს საგარეო ტანისამოსის ჩაცმა!

— რას იზამ, ჩემო კეთილო? აქ მაგ თქვენ. ბლუზის ამარა ქუჩაში თავს ვერ გამოჰყოფთ. ჩვეულება კი, აქაც როგორც სხვაგან, სჯულზე უმტკიცესია!

— სჯული და სარწმუნოება კი აქ მტკიცე და ურყე-  
ვია, არა?

— იცოცხლეთ, ის მაგრათ იყოს! ისე სდგას, რომ მისი გაქანება და გარყევა ერთობ ძნელია.

— ნუ თუ ამერიკაში, ამ ტენისის სასწაულის ქვეყანაში კიდევ სწამს ვისმეს ღმერთი, ხატი, ჯოჯოხეთი და სამოთხე??

— ზოგს სწამს, ზოგს არა. მაგის ანგარიში ძნელი გამოსაყვანია. მაგრამ ეკლესია მაინც-პატივსა და მოწონებაშია. აი წავიდეთ, გავყვეთ ქუჩებს გაჩვენებთ. ეკლესიებს — გამოჰქედილია ხალხით!

— მიკვირს, თუ რატომ ვერ წაართვა თავი...

— ნურაფერი გიკვირთ, — გამაწყვეტია სიტყვა სმიტმა, გასაკვირალი არაფერია. ეკლესიაში სრარული აქ არ არის მოსაწყენი საქმე, მეც კი დავიარები ხოლმე ხანდახან.

— როგორ? განა თქვენ, ეკლესია... თქვენ გწამთ? — მიკვირდა და ვერ მომეხერხებია ჩემი განცვიფრების გამოხატვა.

— არაფერიც არ მწამს, თქვენ არ იცით რომ, აქაურ ეკლესიებში რაც ხალხი დაიარება, იმის მეათედიც არ არის მორწმუნე.

— მაშ, რა ეშმაკები—თქვენთან ბოდიში მომიხდია— დაარონიებთ ამ ეკლესიებში?

— ბევრი რამ. ჩემო კეთილო, ბევრი რამ! აი მაგალითად, შე ძალიან მიყვარს მუსიკა, სიმღერა, თანაც ხელმოკლე კაცი ვარ — კონცერტებში სასიარულო გროშები არ ამძიმებს ჩემს ჯიბეს. ერთი მიბძანე, სად წავიდე? — უსათუოთ ეკლესიაში!

— შერე? რას აკეთებთ იქ?

— რას ვაკეთებ?! არაფერს ვზივარ ჩემთვის არხეიმთ და ვისმენ საუკეთესო მომღერლების, საუცხოო მუსიკას.


— ნუ თუ აქ არ არის თეატრები, ოპერა, არ იმართება კონცერტები?

— რამდენიც გნებავთ, მაგრამ ყოველივე ეს ფასიანია --- ფული უნდა გადაიხადოთ, ეს კი უფასოა, მუქთია.

— ეკლესიაც დროს მიჰყვება — განაგრძო სმიტმა. — ღვთის მსახურთ, ეს ჩვენ კარგათ ვიცით, ძალიან უყვართ ტბილი ლუკმა, უდარდელი ცხოვრება. ამას ფული უნდა, ფულს შოვა სჭირდება და ისინიც შოულობენ ისე და იჭვარათ. როგორც ეს დღევანდელს პირობებში და გარემოებებშია შესაძლებელი!

— ეკლესია და სახელმწიფო ხომ არის აქ ერთმანეთს დაშორებული?

— რასაკვირველია! დაშორებული და გაყოფილია. მაგრამ ერთმანეთის შტრები კი არ არიან, არამედ მეგობრები და ერთი-ერთმანეთისათვის ხელის-შემწყობი და დაწმარე. ეკლესია ძირს უშაგრებს სახელმწიფოს — კაპი-



ნიუ-იორკის ყველაზე უფრო დიდი და უფრო მდიდრულად მოწყობილი კინო-თეატრი „როკსი“.

ტალისტურ წესწყობილებას, ხოლო კაპიტალისტურ სახელმწიფოს მესვეურნი ხელს უწყობენ ეკლესიას. რომ მეტი ხალხი ვიიზიდონ, მეტი ხალხი იყოლიონ თავის გაელენის ქვეშ, რაც შეიძლება მეტს ჩაუნერგონ გულში ღვთისა და კერძო საკუთრების სიყვარული და მოკრძალება!

— ეგ მაინცა და მაინც ახალი ამბავი არ არის -- ყველგან მაგრეა!

— ნუ იტყვი, ახალიც ბევრი რამაა ამ საქმეში!

— მაგალითად?

— მაგალითად, თუნდა ის, რომ... მაგრამ რომელი ერთი უნდა ვთქვა. თავიდან დავიწყებ — ასე აჯობებს! პირველი: დღევანდელი ეკლესიის, ასე ვთქვათ, გარეგნული სახე. ამერიკაში სახლები ყაზარმებსაც აღარ ჰგავს — აქაური სახლები ერთი მეორეზე აკოლიკებული კოლოფებია და მეტი არაფერი. სახლი სახლს ჰგავს, ქუჩა ქუჩას.

— სტანდარტის ქვეყანაა, — დავაწიე მე სიტყვა. /

— მართლაც, რომ მაგაა! მაგრამ აბა შეხედეთ ეკლესიებს.

— კეთილი, შეეხედავ! აბა, დღეს ჩვენ ამ ფრიად მაღალი ღმერთისა და ამერიკელი კაპიტალისტის სასარგებლო დაწესებულების გაცნობას მოვანდომეთ!

მშვენიერი ამინდი იდგა. ცა ისე იყო მოწმენდილი, რომ არსად არც ერთი პატარა ღრუბელის ნახევიც კი არ სჩანს. მზეს ჯერ კიდევ არა აქვს ზაფხულის სიმწუთხე, გრილი სიო დარბის ქუჩებში. დღეს ქალაქი ისვენებს, ქუჩებში ხალხი ნაკლებათაა, ხანდახან ნაჩქარევით გამოიღებენს ქუჩაში საშინაო ტანისამოსით ქალი თუ კაცი ქუჩის მახლობელ კუთხეს მიასწორებს, ამოიჯლიავენს რომელი-

მე გაჭეთს და უკანვე მიეშურება. გახეთები კი დღეს იმ-  
ხელა, რომ მოზრდილ ადამიანს ეყოფა საზიდავთ.

— უბედურება ისაა, რომ ჯერ აღრეა. წირვა-ლოცვა  
აქ გვიან იწყება. დილა-ადრიანათ ვინ მიატოვებს თბილ  
ლოგინს, ვინ გაიხდის ფართე ხალათს, ვინ მოშორდება  
დილის საუზმეს, რომელზედაც, უსათუოთ უნდა გადა-  
ჰკრას თვითეულმა ჯიშინამა ამერიკელმა.

— მიუხედავთ იმისა, რომ „გადასაკრავის“ ხმარება  
აკრძალულია?

— მიუხედავთ სწორეთ მაგისა და უფრო, მგონია,  
მაგის გამო. აღკრძალული ხილი მწარეც რომ იყოს, ტკბი-  
ლად მოგეჩვენებათ.

— მაშ, საითკენ არის ჩვენი გზა? — შევეკითხე მე  
სმიტს.

— ფეხით მივდივართ ხომ? კეთილი, მაშ ასე გავწყვეთ  
პირდაპირ აღმოსავლეთისაკენ, მერე ერთს პატარას მო-  
უხვევთ და ბროდვეიზე გავალთ.

არ მეჭაშნიკა ეს წინადადება. ჩვენ ერთხელ ვიყავით  
ამ ქუჩაზე, მაგრამ მთელი საათი მოუნდით თითქმის მი-  
წის ქვეშა მატარებლით სიარულს. ესლა ფეხით ამ სი-  
შორეზე სიარული არაფრათ მომწონს.

მისტერ სმიტს ეშმაკურათ ეცინება.

— გაგვიჭირდება ამდენი სიარული, — ვეუბნები მე.

— არა, ეს სულ ახლოსაა. ბროდვეი მთელი ქალაქის  
გასწვრივ მიდის. ამასწინად რომ ვიყავით, ჩვენ მაშინ ამ  
ქუჩის შუა ადგილი ვნახეთ, ესლა ამ ბოლოდან გავყვებით.  
ეს ქუჩა გრძელია, დაახლოვებით 25-30 ვერსი ექნება  
სიგრძე.

მივყვებით ქუჩებს. ადამიანის ქაჭანება არსად ისმის.  
აქა-იქ მხოლოდ ბავშვები ხელით საგორებელ ავტოებით



ირთობენ თავს, ზოგი ბურთს თამაშობს. ამ თამაშს დიდი სიმარჯვე არ სკირდება რეზინის ბურთი ხედება სახლის კედელს და უკან ვარდება, ბავში ხელახლა ისურის, ხელახლა იჭერს.

— აი ესეც ვაშინგტონის... ვაშინგტონის. დასწყევლოს ეშმაკმა. სახელი გადამავეიწყდა, ბ რ ი ჯ ი; რას ჰქვია ბრიჯი?

— ხიდი, — ვეუბნები მე.

— დიად. ხ ი დ ი. როგორ გადამავეიწყდა. ჰო, ეს ვაშინგტონის ხიდია. აი ამას გავივლით და ჩვენი მისასვლელი ადგილიც გამოჩნდება.

ხიდი დიდია. ქვიტკარის თაღებზე დაბჯენილი. ქვეშ პატარა მდინარე გაულის. მდინარეს კალაპოტი დიდი აქვს თითქმის ერთი ვერსი ექნება სიგძე. ამ სიგძეზეა ეს ხიდი გადადგმული. ქვეშ პატარა გემები დაცურავენ და ვეებერთელა ბარეებს მიათრევენ. მიაქვთ ქვა-ნახშირი. ამ გემებს აქვე ცლიან ნაპირზე. მთელი გემი ისე იცლება. რომ ადამიანის ხელი თითქმის არ ეკარება.

აგერ არის წამიდგმული შავათ შემუშრული მალალი კოშკი. შიგნით რაღაც სრიალი ისმის. კოშკის მწვერვალზე დატანებულია მდინარისაკენ გადაშვერილი ქიმი, აქ არის დამაგრებული ფოლადით ნაქსოვი ბაწარი; ბაწარს გამობმული აქვს კარგა მოზრდილა კალათი. კალათი ლითონისაა, რასაკვირველია. ის პირდაპირ იქ დაეშვება ხოლმე, სადაც გემი არის გაჩერებული. გააღებს პირს და მაგრათ შეიჭრება დაზვავებულ ნახშირში. დატვირთული კალათი ზევით მისრიალობს. კოშკის თავაშდე მიდის. იქ უცბათ გამოტრიალდება და ზევით ამოტანილი ნახშირი სრიალით მირბის ღარზე. ეს ღარი მეორე მხრით რკინისგზის ლიანდაგზე გაჩერებულ თავ-ლია ვაგონში იცლება.

სწრაფად აღის და ჩამოდის კალათი, მარდათ მიეჭანება ლარიდან ნახშირი ვაგონში, ადამიანი თითქმის არ ჩანს. ერთი მუშა გემზე სდგას, მეორე ვაგონზე. პირველი ჩამოშობილ კალათს უმზადებს საკბილოს, მეორე ჩამოყრილ ნახშირის ფენას ასწორებს, თანაბრათ ანაწილებს ვაგონის სხვადასხვა კუთხეებისათვის.

— აბა, წავიდეთ! გაგიყოლიაბა განა მაგ სანახაობის ყურებამ. დღეს უქმეა, მაგრამ მაგათთვის უქმე და საქმე გასწორებულია. გემების გაჩერება არ შეიძლება. გემების გაცდენა ზარალია!

ხიდის თავში და ბოლოში თუჯიდან ჩამოსხმული ამერიკელი სალდათის ძეგლებია; უშნოთა და ულაზათოდ არის ეს ძეგლი რალაც წვირიან ქვაზე შეყუნტებული. სალდათი წელშია მოხრილი, სახეზე მხოლოდ გაღებული პირი და ფართეთ გახელილი თვალები სჩანს, ხელში, თოფი აქვს მომარჯვებული და თითქოს ვიღაც მომავალ მტერს უნდა ჩასცეს გულში წვეტიანი ხიშტი.

ქვაზე არის წარწერა:

— „მათ სამახსოვროდ და მოსაგონებლად, ვინც სამშობლო განსაცდელს გადაარჩინა“.

— „შეიყვარეთ მოყვასი თქვენი, ვითარცა თავი თქვენი!“ — აწერია ამ ქვას ხიდის მეორე თავში.

იქვე არის დახოცილთა სია ლითონის დატაზე ჩამოსხმული. ეს სია უბრალო სალდათების სახელებს. კი არ შეიცავს, აქ მხოლოდ ბატონ აფიცრების სახელებია. ომში, ცოტა არ იყოს. მარცხი იცის. ალბათ ბატონ აფიცრებსაც მოხვდა გერმანელების გამოსროლილი ტყვია. რაც შეეხება სალდათებს, ვინც რომ როკფელერისა და მორგანის სამშობლოს მილიარდები უშოვა, მათი არც სახელი იცის ვინმემ და არც გვარი. ხელისძალათი გარეკეს საომრათ

ამდენი და ამდენი ათასი, ამდენი დაიხოცა ამდენი დასახიჩრდა, ამდენი უკან დაბრუნდა.

მათთვის არც წასვლა უკითხავთ ვისმეს — ძალათი დასვეს გემებზე და გაუყენეს გზას.

მათი არც დალუპვა გაუგია ვისმეს — ვინ იცის სად ყრია მათი ძვლები, რომელი ქვეყნის მიწა სქამს მათ სხეულს.

არც დასახიჩრებულების შესახებ გამოუჩენიათ მზრუნველობა, — რამდენს შეხვდებით დღესაც ნიუ-იორკში, წესის გულისათვის, რომ იაფ-ფასიან კარანდაშებს, ან დაასანთის ცარიელ კოლოფებს „ჰყიდნიან“. ეს „ფეხზე ვაქარი“ — მათხოვარია, ისინი მათხოვრობენ, მაგრამ ვინაიდან მათხოვრობა აღკრძალულია, ამერიკის პოლიცია ფარისევლურათ პირს არიდებს ამ „კანონის დამრღვეველთ“

ხიდის ახლოს მოზრდილა მოედანია თავისუფლად დატოვებული. ამ მოედანს გარს ეკლიანი მავთული აქვს შემოვლებული და ქიშკარი აქვს დატანებული. შიგ რამოდენიმე ალაგას დაწყობილია ძველი გაუქმებული ზარბაზნები.

ამ ზარბაზნებზე დაბლაუქობენ ბავშები, ომიანობას თამაშობენ, მიდიან ერთმანეთზე იერიშით. ერევიან იმ ხელობას, რომელიც შემდეგში იქნებ საქირო შეიქნეს მათთვის.

მისტერ სმიტს არ მოსწონს ჩემი გზა და გზა შეჩერება.

— ვიგვიანებთ, მაგისტანა რამეების ნახვას შემდეგშიაც მოესწრებით. წავიდეთ ბარემ ჩქარა.

მივდივართ. ნელა მიჩოჩავს ტრამვაი. ტრამვაი აქ მოკლილი ხალხის თავის გასართობია. ეხლა ნიუ-იორკისათვის ტრამვაი ძველი დროის ნაშთია. ქუჩებში ისეთი მოძალეებული მოძრაობაა, რომ ტრამვაის ჩქარა გავლა აღარ

შეუძლია. დღეს ხალხი ცოტაა ქუჩაში, მაგრამ ტრამვაი მაინც წელა მიდის. სჩანს გაჭირვება. ჩვეულებათ გადაქცევია.

— ჰო, იმას ვამბობდი გარეგნული მოყვანილობა დღევანდელ ეკლესიას უსათუოთ უკეთესი აქვს, ვიდრე დანარჩენ შენობებს. შიგნიც საუცხოოთ არის მოწყობილი. ამას ხომ ვნახავთ და თქვენ თვითონ დარწმუნდებით ამაში. ესლა შიგნი. უბრალო მღვდელის ყუყუნი ვისლა მოეწონება. ამიტომ ეკლესიაში ყოველ-კვირა ნიუ-იორკის გამოჩენილი მომღერლები გალობენ. ხორრო საუკეთესოა. მუსიკა კიდევ უკეთესი. ამითი იზიდავენ ხალხს.

— მაგ ყველაფერი კარგი, მაგრამ რამდენ ხანს დაგეჭირდება კიდევ სიარული, მე მართალი გითხრათ ფეხით სიარული არ მეზარება, მაგრამ მირჩევნია, თუ კი ფეხებს ნაკლებ ჯაფას მივაყენებ.

— მაგეც შეიძლება, მაგრამ, მოდი ასე ვქნათ — მიწის ქვეშ ნუ ჩავძვრებით. „ელევეიტერით“ წავიდეთ.

— ესე-იგი ჰაერში დაკიდებულ რკინის-გზით, არა?

— დიალ, მაგითი. ცოტა გზის გაბრუნდება დაგეჭობდება, მაგრამ არა უშავს რა. არც ისე ჩქარა მიდის, როგორც სობვეი, მაგრამ კვირისათვის რამოდენიმე წუთს მნიშვნელობა, ხომ არა აქვს?

ეს ჩამოკიდებული გზა დიდი არაფერი სასიამოვნო სემოგზავრო საშვალებაა.

რკინის ბოძებზე დაგებულ ვიწრო ლიანდაგზე მიხრილობს მუქი წაბლის ფერათ შეღებილი ელექტრონიკ ვაგონები. ზევით — სადგურზე ასასვლელი ზოგან ლიფტია, ზოგან მოძრავი კიბე. ეს ჩვეულებრივი კიბეა. შეგიძლიათ საფეხურებს აჰყვეთ, მაგრამ ეს იმდენათ საჭირო

არ არის. ეს საფეხურები თავის-თავად მიდის ზევით და თქვენი ფეხების მუშაობა სავალდებულო არ არის.


კარგა ხანს გეარწია ამ მატარებელმა, სანამ დანიშნულ ალაგას მიგვიყვანდა. ბოლოს, როგორც იქნა მივედით.

--- ეს არის აქ საკათედრო ტაძარი, --- მეუბნებოდა სმიტი, როდესაც ნიუ-იორკის მთავარ ეკლესიაში დაუახლოვდით. — უკეთესი იყო გარედან დაკვირვებით, მაგრამ რასაც თვალთ უყურებთ ესაა და ეს, ეს წაწვეტილი გუმბათები, როგორც ხედავთ ბევრია, ხოლო რომელი სახელი ჰქვია ამ ხუროთმოძღვრებას არ ვიცი, ვერ გეტყვით, მე აქ საქმეში არაფერი მესმის. თაღები და კოშკები ბლომათ აქვს. შნო და სილამაზე არ აკლია შენობას. არამცთუ ამერიკაში, სადაც შენობები ასე ერთი-ერთმანეთს ჰგავს, თითქოს ყველა ერთს ყალიბზე იყოს ჩამოსხმული, არამედ სხვაგანაც ეს ეკლესია უსათუოთ მიიპყრობს ადამიანს. ყურადღებას.

წვედით თვით ეკლესიაში.

ევროპაში ყოფნის დროს მე შემთხვევით ვნახე კელნის დიდი ტაძარი. შიგნი ის თავლას ჰგავს, გძელი, ნახევრათ ჩამობნელებული კედლები. არე დიდია — ჩვენში რომ იტყვიან: — ცხენი გაჰყენდება შიგო, ისეთი. შორს, სადღაც ხუცესი რაღაცას პუტუნობდა. შეიძლება იქ ის ხმა-მალღათაც ლაპარაკობდა, მაგრამ ამ სიშორეზე მისი ხმა აღარ აღწევდა.

აქ სულ სხვა სურათი დამხვდა. პირველი და მთავარი ამ ეკლესიაში, თვალის მომკრელი სიმდიდრეა. იატაკი ნახებიტაა დაფენილი. კედლებზე სამღვთო წერილის შინა არის სურათები. სურათების ღირსების არაფერს ვიტყვი. მათი მხატვრული დაფასება ჩემი საქმე არ არის, მაგრამ



კათედრალური ტაძარი. რომელიც ნიუ-იორკის ცენტრშია  
მოთავსებული.

თვითეული სურათი ძვირფასს ჩარჩოშია ჩასმული, ჩარჩოებს კარბათ აფრია ოქრო და ძვირფასი ქვის სამკაული.

სიმღერა, მართლაც ჩინებული იყო. მღვდელთმსახურის ხმაც გარკვეულად ისმოდა, თუმცა გვარიანა მოშორებულ მანძილით იყო ჩვენგან დაშორებული.

— რადიო ეკლესიასაც ეხმარება. აქ კედლებში დატანებულია ხმის გამადიდებელი და ამიტომაც, რომ ხმა ყველგან კარგად ისმის, — მითხრა სმიტმა — წირვაც, როგორც ჰგავს სხვა რიგზეა მოწყობილი, შენიშნეთ? გალობა მეტია, ვიდრე მღვდელის ლაპარაკი. ერთი სიტყვით ჩინებული კონცერტია. მიიღეთ ისიც მხედველობაში, რომ ამ ეკლესიაში შემავალი მრევლი ფეხზე კი არ არის ატუზული. როგორც ჩვენებურ ეკლესიებში—საეპარქიებში ზიან, რასაკვირველია აქ მარტო ლოცვისა და ღვთის ვედრების გუნებაზე მყოფი ხალხი კი არ დაიარება, არამედ ბევრი სხვაც.

ელექტრონის სანათურები ისეა დატანებული, რომ თვით ლამფები არსად არ სჩანს, თვით ეკლესია კი განათებულია. სინათლე არ არის ბრჭყვიალა, თვალს არ ღლავს, ერთგვარ მოსვენებას ჰგრძნობს ადამიანი. გალობა და მუსიკა ერთი მეორეს ენაცვლება.

— ხომ კარგი მოწყობილობაა? — შეკითხება სმიტი, როცა უკვე ქუჩაში გამოვედით.

— ჩინებული!

— რასაკვირველია, ყველა ეკლესია მაგრე მდიდრულათ არ არის მორთული. არის ისეთებიც, რომლებშიაც ცარიელი გაფხეკილი კედლების მეტი არაფერია. იქ არც მუსიკაა, არც გალობა. ეს ერთი უკიდურესობაა, ის მეორე.

— ეს კიდევ არაფერი. აქაური ეკლესიის ძალა მარტო სიმღერასა და მუსიკაში რადი გამოიხატება. ეკლესიები

ძალიან ეტანებიან საქველ-მოქმედო საქმეებს. ისინი თა-  
ოსნობენ. აწყობენ სხვადასხვა საზოგადოებებს. მდიდარ  
ხალხში მოცლილი და უსაქმურები ბევრი არიან. აი ეს  
უსაქმო ხალხის „საქმე“ ქველმოქმედება გახლავთ. აგრო-  
ვებენ ფულებს, ურიგებენ ვილაც-ვილაცეებს, ხმაურობენ,  
ქაქანობენ. ფარისევლობა და ცბიერობა ბურჟუაზიას, მე-  
ტადრე ამერიკისას მეტის-მეტათ საქირო საქონელად მი-  
აჩნიათ.

— მაგ საქონელს დიდი გასავალი აქვს, ყველგან, სა-  
დაც კერძო საკუთრების ნიადაგზეა აღმოცენებული...

— ფილოსოფიას ნუ გაჰყვებით. ვრცი ყველგანაა, მაგ-  
რამ ამერიკაში მეტადრე და უმეტესად. აი ამას-წინად  
სულ რამოდენიმე დღე გავიდა მას შემდეგ. აქ ასეთი ამ-  
ბავი მოხდა. ერთმა უმუშევარმა (ამერიკას, ნუ დაგავიწყ-  
დებათ, 3 თუ 4 მილიონი უმუშევარი ჰყავს!). — როდესაც  
ყოველივე იმედი და სასოება დაეკარგა, მოჰკიდა თოფს  
ხელი და მთელი ოჯახი ამოწყვიტა. ბოლოს ჭკუაზე შე-  
შლილი გარეთ გამოვარდა და გამვლელ-გამომვლელებს  
დაუწყო სროლა. ისროდა მანამდე, სანამ ტყვიები არ შე-  
მოვლია.

— ელექტრონის სკამს არ ააშორებენ, რა თქმა უნდა  
მაგ საქმისათვის!

-- არ ააშორებდენ, მაგრამ სროლაში ერთი ტყვია  
მასაც მოხვდა და იქვე ქუჩაზე მოკვდა. ეს კიდევ არა-  
ფერი. იყო მეორე შემთხვევა უფრო საშინელი და საზა-  
რელი. ერთმა ქვრივმა-უმუშევარმა ქალმა ღამე გააღო  
გაზის კრანი და მთელი ოჯახი ექვსი სული ბავშვები და-  
იღრჩო: რა გაჭირვება უნდა ადგეს ადამიანს, რომ ამ ზო-  
მამდე მივიდეს, თქვენ თვითონ წარმოიდგინეთ. სიცოც-  
ხლეში ამ უბედურებს არაფერი ღირსებიათ. სიკვდილის



წემდეგ ამ დახოცილებზე მზრუნველობა თავს იღვა ერთი რომელიღაც ეკლესიის ქველმოქმედებმა. მოაწყვეს გასვენება, მაგრამ როგორი, არ იკითხავთ? რაც ის გასვენება დაჯდა, მისი მეათედი რომ სიცოცხლეში ღირსებოდათ იმ უბედურებს, ვინ იცის, ეხლაც ცოცხლები იქნებოდნენ. ინებეთ! ასეთია მეორე ხრიკი და ხერხი, რომლითაც ეკლესია ავრცელებს თავის გავლენასა და ძალას.

სმიტის ხასიათი მე კარგათ ვიცი, როდესაც ის ამერიკული ცხოვრების ასეთს მარგალიტებს გადმოალაგებს თვითონაც გლახა გუნებაზე დადგება ხოლმე. მაშინ მასთან მუსაიფი და საუბარი აღარ შეიძლება. მწარე სიტყვა არ დაგარიდებს.

— გარდა ამისა,—დაიწყო სმიტმა ცოტაოდენი სიჩუმის შემდეგ,—ეკლესიები აწყობენ საკვირაო სკოლებს. ხალხის განათლება მათ არაფრათ ესაჭიროებათ, რასაკვირველია, მაგრამ დიდსა და პატარას, ვისაც ამ სკოლაში დაიმარტოხელებენ, დღე და ღამე ღვთის მორჩილებას ჩასჩიჩინებენ. კაპიტალისტებისათვის ეს სასარგებლო საქმეა, ამიტომ ისინი ბლომით აძლევენ ხუცებს ფულს ასეთ საქმეების მოსაწყობათ.

— დაიარება ვინმე ასეთს სკოლებში?

— დაიარებიან, როგორ არა! დაიარებიან. აქ ყრუ და გაპირვებული ხალხი ბევრია. რა გამოლევს ბრიყვებს, სანამ კაპიტალისტური მანქანა ასე ჩინებულად მუშაობს.

— თქვენი სიტყვები მე არ მესმის. წინააღმდეგობაა თქვენს აზრებში.

— როგორ, რა წინააღმდეგობა?

— თქვენ ამბობთ: თუ კაპიტალისტური წესწყობილება არ მოისპოვ, „ბრიყვები“ არ გამოილევაო. მაგრამ, თუ ეს „ბრიყვები“ არ გამოილია, კაპიტალიზმს რა მოსპობს? კა-

პიტალიზმი ხომ თავისთავად არ მოისპობა. „ბრიყვები“ თუ არ „დაქკვიანდენ“ და არ...

— მივხვდი, მივხვდი, რისი თქმაც გინდათ. მართალია, მართალი, მაგრამ ამ „ბრიყვების“ მორჯულებასაც რომ დრო უნდა ეს ოხერი!

— რა უყოთ, თუ სული არ შეუბერე, ისე ფაფა არ მოდულდება!

— აგრე იყოს. მე კი იმას ვამბობდი, ჰო, საკვირაო სკოლების შესახებ. რომელი საკვირაო სკოლა, საშუალო და უმაღლესი სასწავლებლებიც კი აქეთ გახსნილი. ერთი სიტყვით მარჯვეთ არიან. უქმათ არ ზიან და უსარგებლოთ არ სკამენ მდიდრების ულუფიდან ბოძებულ მოსაკითხებს.

ფეხჩქარებით მივდიოდით. მისტერ სმიტს სიფიცხე თანდათან ემატება, გულისობს. სწრაფათ მიეჩანება წინ. თითქოს ვილაცას უნდა დაეწიოს. ვილაცას ბრძოლაში უნდა შეებასო.

— ცოტა ნაბიჯს მოუკლოთ. თორემ დავიღლებით. — შევბედე როგორც იქნა ბოლოს.

— არა, ჩქარა სიარული სჯობია. ამ ნელა სიარულმა წაიღო ჩემი წუთისოფელი. სიჩქარეა საჭირო, სიმკვირცხლე. სისასტიკე!

სმიტი თავის გულისწყრომას გაჰყვა მისი დამშვიდება და დათათბირება ეხლა ძნელი საქმეა.

— აი აქეთ წავიდეთ. აქ ერთი ეკლესია მეგულება, იქ კვირაობით საჯარო ქადაგება იციან.

— ეს რაღა უბედურებაა — ეს საჯარო ქადაგება?

— მართლაც რომ უბედურებაა. ქუჩაში დგას და ქადაგობს ის წვერ-ძალღი.

— ვინ?

— ვინ და ხუცესი, მღვდელი. პასტორი, რავიცი—ყველა რჯულისა და ყველა სარწმუნოების ძალი და მამა-ძალი!

მართლაც ქუჩის პირას, მალეობ სკამზე შემდგარი კათოლიკების პატერი ქადაგობდა. ხალხი ჩერდებოდა, ერთი ხანს უსმენდენ, ერთი წყება მიდიოდა, მეორე მოდიოდა.

— „უფალი ღმერთი ყოელის მხილავი, და მრავალ-მოწყალე, უფალი ღმერთი ნუგეშის მომცემი და სიცოცხლის მომნიკებელი!...“ — ქაქანობდა მღვდელი. სახეზე ოფლი ჩამოსდიოდა.

— მართლა უტვინო და მართლა გამონიკებული, გამოლაყებული უნდა იყოს ადამიანი, რომ ასეთს სისულელეს ყური დაუგდოს.—სიბრაზით ლაპარაკობს სმიტი, როდესაც ჩვენ იმ ადგილს მოვშორდით.

— ქველმოქმედება, საკვირაო სკოლები, უნივერსიტეტები — ეს ახალ-ახალი ბოძებია ეკლესიის დახვედებული შენობის შესამაგრებლად, — ბუზღუნობს სმიტი.

— ეკლესია — გამართობი, ეკლესია ქველმოქმედი, ეკლესია საიქიოს წინამძღოლი — ასეთია, ჩემო კარგო ჩვენი დალოცვილი ამერიკის ეკლესია.

— ეს მარტო ქრისტიანული ეკლესია ასეთს მუშაობაში, სხვები? სხვები რას აკეთებენ?

— ყველა ჳირს წაუღია. ყველა ერთმანეთს არ ჩამორჩება. ყველა თავ-თავისად მუშაობს, მაგრამ თვითიული მათვანი ცალკე და ყველანი ერთად ერთ მიზანს ემსახურებიან, ერთი საქმისათვის მუშაობენ. ეს დღეც დაილია. ბარემლა სახლისაკენ გავუდგები, — მითხრა მე სმიტმა და გამომემშვიდობა.

მე ვყოფილვარ თქვენში განა!

— სად, საქართველოში?

— არა, საქართველოში კი არა, აი იქ, რა, ჰქვია, მთლად გადამავიწყდა, ლერმონტოვი, რომ სწერს. გახსოვთ, სად მოჰკლეს ლერმონტოვი?

მისტერ სმიტის კითხვამ გამახსენა ის დრო, როდესაც ჩვენ პირდაპირ ჯოხით გვადგენ თავზე, რომ კაქკაქივით ამოგვეზებებინა ზოგ-ზოგი მწერლების ლექსები, მოთხრობები. მათ შორის იყო ლერმონტოვიც. მაშ, მით უარესი ლერმონტოვისათვის. მაშინ მე ისინი ყველა ხელიერთპირად მძულდა. ღრმად ვიყავი დარწმუნებული, რომ ეს პოეტები და მწერლები ჩვენ — მოწაფეების საწვალეზლად იყო გამოგონილი. ეს გრძნობა კარგა ხანს გამომყვა მე და ეხლაც, სიძულვილის რა გითხრათ, და, როდესაც ლექსს დავინახავ რაღაც უსიამოვნებასა და უკმაყოფილებას ვგრძნობ. უნებლიეთ ბავშობიდან გამოყოლილი შიში გამივლის ხოლმე თავში. თითქოს ასე ვფიქრობ: — ამდენ უბედურებას ზეპირად რა დაისწავლისთქო?

სმიტის კითხვამ ყველაფერი ეს გამახსენა, ფიქრმა გამიყოლია და პასუხი დროით ვერ შევაგებე.

— ოჰ, რას ფიქრობთ, განა აღარ გახსოვთ?

— მახსოვს, როგორ არა! მაგის მეტს რას გვასწავლიდენ უწინდელ დროში?!

— მაშ, სთქვით ბარემლა!

— ჩრდილო კავკასიაში, — გავუგძელე მე პასუხი. სულთ ცოდვილო, საგულდაგულოდ იმ ადგილის სახელი, სადაც ლერმონტოვი მოჰკლეს აღარ მახსოვდა—ვაპირობდი დროის მოგებას, გახსენებას.

— ოჰ, მაგ მეც ვიცოდი, ჩრდილო კავკასიაში, ადგილი, ადგილის სახელი? მაგრამ დაანებეთ თავი მაგ ადგი-

ლების გახსენებას. გითხრათ, რისთვის გკითხეთ ლერმონტოვი და ყოველივე ეს ძველი ამბავი. ერთი სიტყვით იქ ვიყავი მთებში, ქალაქია იქ ერთი... დალახეროს ეშმაკმა...

— ვლადიკავკაზი! მართალი ბრძანებაა. სწორეთ ვლადიკავკაზი. დღეის დღესავით მახსოვს: მოძშვივდა და ერთ სამიკიტნოში შევედი. რალაც თქვენებური კალბასი მაქამეს, ცხარი იყო ისე, ისე, რომ მთლად პირი გამომპოტნა. ეს კიდევ არაფერი და ღვინო დამალევიენეს, მაგრამ რა იყო, რა იყო? ჩემს დღეში არ დამავიწყდება!

— მართლაც და, რა იყო ასეთი ზამ?

— გეტყვით აგერ, მისი სახელი მე კარგათ მახსოვს, მას ერქვა სახელად მაქარი! ეს მე ისე კარგათ მახსოვს, რომ, სანამ ვიცოცხლებ, ის ჩემს მეხსიერებიდან არ ამოვა. ასეთია, ჩემო კეთილო ეს ქვეყანა. თქვენ სად სწავლობდით? — სრულებით მოულოდნელად გადახტა ახალ კითხვაზე მისტერ სმიტი. იცის მან ასეთი მოულოდნელი კითხვების მოცემა — ალბათ, ამერიკულ თავისებურობას. საკუთრად სმიტის თანდაყოლილი ახირებულობაც თან მიღდეს.

— ბავშობისას...

— დიად, დიად ბავშობისას!

— სამრევლო სკოლაში.

— არა, შემდეგ, შემდეგ?

— შემდეგ გიმნაზიაში. იყო ძველ დროში ასეთი სასწავლებელი „წარჩინებული“ ხალხისათვის.

— ჰმ, ვიცი, ვიცი, სწორედ წარჩინებულებისათვის. აი სწორედ მაგ სასწავლებელში გამართვეს მეც ტყავი. რამდენს ჩაგვიჩინობდენ თავში; ეს ლერმონტოვიო, ეს პუშკინიო, ეს პეჩორინიო!

— მართალია, მაგრამ პეჩორინი, რომელი და მწერალი იყო?

— პეჩორინი მწერალი კი არ იყო, მაგ მაინც მახსოვს. გვასწავლიდენ, არა, კი არ გვასწავლიდენ, გვაწვალებდენ, მაგრამ ეს ძალის-ძალათი თავში ჩატენილი სიბრძნე ისე უცბად გამოირეკა მეხსიერებიდან, რომ, ესლა გახსენებაც კი მიჭირს ხოლმე.

— შეგევაძულეს კიდევაც და თანაც იმდენათ, რომ ესლა დიდი ძალა უნდა დაატანო თავს, რომ ხელახლა მოჰკიდო ხელი მაგ მწერლებს და წაიკითხო.

— არა, სიძულვილი სხვა საქმეა. შეიძლება რამე. ან ვინმე გძულდეს, მაგრამ გახსოვდეს. სწორედ იმას ვამბობდი, აი მაქარი, მე ისე შემძულდა ისე შემძულდა, მაგრამ სახელი მაინც დამახსოვრდა.

— დასტურ გლახა რამ საქმე დაგმართიათ, როგორც ჰგავს.

— მტრისას, მე დამემართა. მომიტანეს რაღაც მღვრიე სასმელი. სხვა ღვინო იმ დროს იქ არც იყო, ყველა იმას სვამდა, მეც ახალგაზრდა ვიყავი. მეტიჩარობამ ამიტანა. სხვა თუ სვამს, მე რა მიჭირს მეთქი. დავლიე. თავიდანვე არ მომეწონა, მაგრამ თავს ძალა დავატანე. გამოვცალე ის ერთი ბოთლი, როგორც იყო. იქედან ადგომა და გარედ გამოსვლა კი მოვასწარი, მაგრამ რაც მე გადამხდა, რაც მე გაჭირვება გამოვიარე. სიკვდილის პირას მივდექი. მე რა მინდოდა მეთქვა იცით? მეტის-მეტად უსიამოვნო გემო ჰქონდა ამ მაქარს. მეთვე? — არა. არც მთლად მეთვე, ოდნავ სიმწარეც ერია ამ სიმეთვეში, თანაც რაღაც მღვრიე იყო და სქელი, თითქოს ფქვილი ურევია შიგო...

ჩვენ ამ მუსაიფის დროს ნიუ-იორკის სალარო წიგნთ-საცავის ფართე დერეფანში ვიჯექით. ჩვენ ახლო-მახლოს

ადამიანის ჭაქანება არ ისმოდა. სმიტი დღეს კარგ გუნებაზეა. დაბალი ხმით ლაპარაკობს. მის სახეს სიმშვიდის ბეჭედი ასვია. სათვალეებით დაფარულ თვალის კაკლები აღარ დარბის ისე მაცდურათ, როგორც იმ დროს, როდესაც სმიტს მოუსვენრობის ეშმაკები შეუჯდება ხოლმე მხრებში.

— მაჰარს ჩვენ აქ ვინ დაგვალევიანებს ძალიანაც რომ გვინდოდეს, მივუგე 'მე. და ეს საქმე გაუკეთებელი დაგვრჩება. ამ საარაკო სანახაობის დასათვალეიერებლად ადამიანი მოვიდეს და....

— არ დაგვრჩება, ნუ ფიცხობთ. ყმაწვილო. ვინც იჩქარა, რა მოიგო, თუ იცით?

— სხვა რომ არა იყოს რა ამერიკაში ვართ. სიჩქარე და ამერიკა ეს ხომ ცალ-ტყუბი მცნებაა ჩვენს დროში?

— ჯანდაბას ამერიკაცა და მისი სიჩქარეც.

მოსდევს მისტერ სმიტს ძველებური. რუსული... როგორ ვთქვა არ ვიცი: სიზარმაცე? — არა! სიღინჯე. საერთო ტრიალში ისიც ანგარიშ-მიუცემლად მხარ-და-მხარ მოსდევს ცხოვრების გაქანებულ მსვლელობას. ასე იცის, ასეთია კანონი ბუნებისა. ისე ჩაგიძრევს ის, რაც შენს გარშემო სუფევს. რომ. ვერც კი შეატყობ. მაგრამ, როდესაც სმიტი, „თავს წაართმევს“ ამ გაგიეებით გაქანებულ ტრიალს, ის თითქოს დაკარგულს ინაზღაურებს. ესეც მისი თავისებურებაა, თუ გნებავთ. მე კარგათ მესმის ეს მდგომარეობა. ეს სიჩქარე, ეს დაუსვენებელი ფუსფუსი. მეტისმეტათ ლალავს ადამიანს. რამდენჯერ გამხსენებია ხოლმე ის, რაც ჩვენში ხშირად გამიგონია:

— „აჩქარებითა სოფელი  
არავის მოუქამია!“

ეს ჩვენში. მაგრამ ამერიკაში სიჩქარე. სისწრაფე. უკან მოუხედავი გაქანება — ეს მთელი იმ სისტემის ფილოსოფიაა, მთელი აქაური ცხოვრების ბერკეტი. მოადუნეთ აქაური ცხოვრების მაჯის-ცემა და მთელი ამერიკა თავდაყირა დადგება.

— ბზრიალა, იცით რას ჰქვია ბზრიალა?

კიდეე ერთი ახალი ამბავი, საიდან სადაო!

-- როგორ არა, რამდენი მითამაშია კიდეეა!

— Что такое волчек?

— Волчек ёсть игрушка.

— Волчек крутится на ножке.

გამახსენდა გოგებაშვილის „Русское Слово“-დან.

— ტრიალობს ხომ! ტრიალობს განუწყვეტლივ და სანამ ტრიალობს ფეხზე სდგას, მაგრამ რომ გაჩერდება.

— რომ გაჩერდება, — წაიქცევა!

— რატომ გაჩერდება? თუ არავინ გააჩერა. ისე თავისით, მაგრამ არა, გაჩერდება, ჩემო კარგო, გაჩერდება!

— ჩვენ ასე მაინც ნუ დავრჩებით. სანამ ბზრიალა გაჩერდებოდეს, მანამ ბარე ორი ტურა დაიკივლებს და ჩვენ ამ სამკითხველოს დავათვალიერებთ.

— მაშ, შეთანხმებით, რომ მაქარი მყავეა?

-- მართალი ბრძანებაა, ისე როგორც. რომ შაქარი ტკბილია...

— აბა, ეხლა მეც მზათა ვარ. წავიდეთ! არ დაგავიწყდეთ. რომ მაქარი მყავეა. შემდეგ გაგახსენებთ. ეხლა შევეუდგეთ საქმესა ამას ფრიად საქიროსა და სასარგებლოს! — ოხუნჯობს მისტერ სმიტი.

— ეს შენობა არ ჰგავს სხვებს, ხომ?

-- არ ჰგავს. იმ დროს, ალბათ, აქ არ აშენებდენ ამ ბაბილონიის გოდლებს.




— არა, აქ სხვა რამ გარემოებაა. ამას მერე გეტყვით. ეხლა გავიხსენოთ მხოლოდ ის, რომ ეს შენობა თავის მოყვანილობით სხვებს არ ჰგავს. ხუროთმოძღვრების ამბავი რომ იცოდეთ, ალბათ მიხვდებოდით, რომ ეს იტალიანური რენესანსის შნოზე არის აშენებული. არც მე ვარ ამ საქმის დიდი მცოდნე, მაგრამ მცოდნე ხალხისაგან ასე გამიგონია. ეს არაფერი! გარდა ამისა შემოსასვლელში ორი დიდი ლომია წამოწოლილი...

— რომელი ლომი, ლომს რა უნდა აქ?—გამიკვირდა მე.

— ჰო, ლომის ქანდაკება, რასაკვირველია! კიდევ გარდა ამისა, კუთხეებში დატანებული ქანდაკებები და სხვა ასეთი მორთულობა, დიდ საგანძურს არაფერს წარმოადგენს. შნოს გულისათვის არის ყველაფერი ეს. ამას თავი დავანებოთ. წავიდეთ ეხლა ეს დარბაზი დავათვალიეროთ. გაფრთხილებთ. იქ ლაპარაკი არ შეიძლება. ახლოს გამომყევით, მე რასაც განიშნებთ, თქვენც იმას ყურადღება მიაქციეთ, დანარჩენს შემდეგ გეტყვით.

დარბაზი, მართლაც, რომ მოზრდილა იყო. ფართე, გძელი, მაღალი ქერი. ჩამობნელებული. ახლო-ახლოს, ისე, რომ ადამიანი ძლივს აუელის გვერდს. სდგას გრძელ-გრძელი სტოლები; სიგძეზე უფრო ფართო არეა დატოვებული; აქ ორი კაცი თავისუფლად გაივლის ისე, რომ ერთმანეთს არ შეუშალოს ხელი. სტოლების გარშემო სკამებზე ზის ხალხი. თვითუელს მიზომილი აქვს კუთვნილი განსაზღვრული არე. წინ წიგნები უწყვიათ, ყველა თავ-ათულებლივ ჩასჩერებია ამ წიგნებს. ზოგი რალაცეებს იწერს წიგნებიდან. სიჩუმეა ისეთი, რომ, ბუზის გაფრენას უსათუოთ გავიგონებდი, მაგრამ ბუზები ამ ადგილს არ ეტანებიან, წამლად რომ გინდოდეთ, ვერსად ნახავთ.

დარბაზში შესაველთან არის გადატიხრული კედელი, კედელში რამოდენიმე ფანჯარა არის ჭატანებული. ამ ფანჯარასთან მიდიან მკითხველები, რაღაც ეშმაკურათ მოწყობილ ყულაბში აწყობენ წიგნების ნომრებს. ლაპარაკი და მუსაიფი ამისათვის საჭირო არ არის. გაივლის 5 — 7 წუთი და იმავე ფანჯარიდან გამოცოცდება უხმოთ, ჩუმათ პატარა კალათი, რომელშიაც აწყვია მოთხოვნილი წიგნები. თუ რომელიმე წიგნი არ არის, მიცემული ნომერი უკან ბრუნდება წარწერით, რომ ეს და ეს წიგნი ამ ჟამათ არ არის თავისუფალი.



ნიუ-იორკის საჯარო წიგნ-საცავი და სამკითხველო.

— რამდენი კაცი და ქალი არის ამ დარბაზში, როგორ გგონიათ? — მკითხა სმიტმა, როდესაც დარბაზიდან გამოველით.

— რამოდენიმე ათასი, ალბათ! — მივუგე მე.

— სათვალავით არც მე ვიცი და მეც სწორეთ ასე მგონია. მაგრამ წიგნთსაცავში ხომ მარტო მაგ ერთი დარბაზი არ არის. აქ უმთავრესათ, თქვენ რაც ნახეთ, სტუდენტობაა. მეცნიერებისათვის სხვადასხვა სპეციალური წიგნთსაცავებია ქალაქში. ხომ უყურეთ, რა გულმოდგინეთ მეცადინეობენ? ასე. ჩემო კეთილო, ბურჟუაზია ამზადებს თავის ხალხს. თავისუფალი ქვეყანაა, მაგრამ... თავისუფლად მოკედები ქუჩაში, თუ კარგი მაგარი ნალები არ გაქვს დაკრული ჩლიქებზე.

ხომ ბევრი ხალხი ვნახეთ? ვინ იცის, რამდენი კიდევ სხვა ალაგას არის ამავე შენობაში, რამდენი სხვა ალაგას და სხვა ქალაქებში ჩასჩერებია და აკლავს თავს, რომ რამენაირათ შემდეგ მაგრათ დაადგას ფეხი ცხოვრებაში.

— არც იმდენათ, მგონი, იმიტომ რომ. რამდენი უმაღლეს სასწავლებელში სწავლა დამთავრებული მაღაზიებში უბრალო ნოქრათ არიან ატუზული!

— იცოცხლეთ, რამდენიც გნებავთ! — ასეთია კანონი კაპიტალისტური ცხოვრების. დოღია გამართული. ათასში ერთი, შეიძლება ვინმე ვიგინდარა — აქ რომ სელფმემდენებს ეძახიან — გაარღვევს იმ მოჯადოვებულ წრეს და გასცურავს მეორე ნაპირს. სხვები და დანარჩენები ისე უფერულათა და უგემურათ ათავენს თავის დღესა და წუთისოფელს დღიური ლუკმა-პურის მოპოებაში.

— მაგ მაგრე, მაგრამ ეს წიგნთსაცავი მართლაც რომ დიდებულათ აქეთ მოწყობილი!

— არის, მართალია. ხომ შეამჩნიეთ შიგნი და გარეთ კედლები მარმარილოს ქვით არის ამოყვანილი. ყველაფერს რომ თავი დავანებოთ, ესეც გვარჩიანა ბლომა ფულები დაჯდებოდა, რასაკვირველია!

— ვისი ფულებით არის აშენებული. ხაზინის, ღლებათ არა?

— ასე ვთქვათ! აქ სხვა წესია. ასეთ საზოგადო დაწესებულებების ასაშენებლათ ხშირათ მილიონერები და ბილიარდერები იძლევიან ხოლმე შემოწირულებას. ეს წიგნთსაცავიც. რამდენათაც ვიცი, „კერძო“ შემოწირულებით აშენებული ენდა იყოს.

— მაგეც კარგი საქმეა. რაც არ უნდა იყოს, ხალხსა და ქვეყანას წაუდგება, გამოადგება!

— თავი დამანებეთ ერთი, გამიგონია ხალხი და აქაური მილიონერები. ვინ თქვა მაგათი ხალხზე ზრუნვა?!

— მაგას არც მე ვამბობ, მაგრამ ჩვენში იტყვიან:

— „ყვეას რომ ხუმლის კაკალი გააგდებოთ, ისიც კარგიაო!“

— არა, არა! მე ერთი საინტერესო წიგნი მაქვს. იქ არის მოთხრობილი აქაური მილიონერების ისტორია. წაიკითხეთ—ბევრს რამეს საინტერესოს ნახავთ. მე უწინ ხშირად დავდიოდი და ვმეცადინებოდი ხოლმე ამ წიგნთსაცავში. მეც მინდოდა ერთს დროს დოღში გამოსვლა. აქ მინდოდა ნალები დამეკრა, მაგრამ თავი მივანებე.

— რა საკითხებზე. რომელი დარგის წიგნები უფროა აქ თავმოყრილი? — შევეკითხე სმიტს.

— ამერიკის ბურჟუაზიას ყველაფერზე მეტად ის უყვარს, რაც სრულებით არ გააჩნია. ასე იცის ფულის ძალით დამთვრალმა ადამიანმა. ამერიკას არა აქვს ისტორია...

— მომითმინეთ, როგორ თუ არა აქვს?

— მაგათი ისტორია სულ რამოდენიმე საუკუნის ისტორიაა. ამას ხომ ისტორია არ ჰქვია! მაგრამ ამერიკელებს ძალიან უყვართ საზოგადოთ ისტორია და მით უმეტესად

ის, რასაც აქ ამერიკის ისტორიას ეძახიან. ესაა პასუხი თქვენ კითხვაზე. პირველ ყოვლისა ამერიკის ისტორიის შესასწავლი მასალაა აქ თავმოყრილი; წიგნები, რასაკვირველია!

— მარტო მაგ არ იქნება. არ მგონია, რომ ამდენი ხალხი მარტო ამერიკის ისტორიის შესასწავლად იყოს მომცდარი!

— რასაკვირველია არა! აქ ჩინებულად შეიძლება მეცადინეობა, თუ რომ მაგალითად, საზოგადოთ აპირობთ ეკონომიური საკითხების გაცნობას, სოციალური საკითხებისათვისაც დიდი მასალა არის დაგროვებული.

ამ დროს ჩვენ ისეთს ადგილს მივადექით, რომელიც წიგნთსაცავს სრულებით აღარ ჰგავდა. მთელ ვეებერთელა დარბაზში დადგმული იყო შუა სიმაღლის შკაფები, შკაფებს დატანებული ჰქონდათ პატარ-პატარა ოთხკუთხი გძელი ყუდები.

— ეს არის კატალოგების ოთახი. აქ ირჩევს, ვისაც რომელი წიგნი უნდა. თვითეული წიგნი ცალკე კარტონზე არის დაწერილი. აღნიშნულია ავტორი, წელი გამოცემის, ქალაქი, სადაც წიგნი დაიბეჭდა, რამდენი გვერდია წიგნში და სხვ. არის №-იც. უნომროთ წიგნის მიგნება, რა თქმა უნდა, შეუძლებელია.

— აქ არის თითქმის ყველა ეროვნების წიგნები,— მითხრა სმიტმა. — აბა წავიდეთ. აი, აგერ სლავიანური ლიტერატურა, აგერ ებრაული, აგერ სპარსული.

— არც ისე პირწმინდათ ყოფილა ყველა, თორემ ქართულიც იქნებოდა, — შევნიშნე მე გულდაწყვეტით, როცა ვერსად ვერ წავადექი თავზე ქართულ წიგნების სახსენებელს.

— ქართული და საქართველო, არ არის მართალია, მაგრამ გულს ნუ გაიტეხთ. ვაშინგტონის წიგნთსაცავი ამაზე გაცილებით მეტია, იქ უსათუოთ იქნება. იქ დაახლოვებით 4.000.000 ცალი წიგნი იქნება და 100.000 წიგნი ემატება ყოველ-წლიურად.

— ყველა ქვეყნიდან მოდის, ალბათ, ახლად გამოცემული წიგნები, არა?

— რასაკვირველია!

ვნახეთ ის ოთახიც, სადაც უწყევიათ ძველი და თანაც იშვიათი წიგნები. ეს წიგნები მაგრათ არის ჩაკეტილი სქელ შუშაბანდით გამაგრებულ განჯინებში. გარედან დანახვა შეიძლება. ხელის შეხების კი რა მოგახსენოთ!

— აი, გუტენბერგის მიერ დაბეჭდილი ბიბლია, — მითხრა სმიტმა. — ამ ბიბლიაში ვინ იცის რამდენი ფულია დახარჯული. გუტენბერგს, რომ ამ ფულის მეათედი ჰქონებოდა სიცოცხლეში. შეძლებული კაცი იქნებოდა, — ბუზლუნობს სმიტი.

ვნახეთ განყოფილება, სადაც აწყვია სხვადასხვა სახელგანთქმულ მხატვრების სურათები.

— შერჩეული აქ არაფერი არ არის. ნაყიდია მხოლოდ ის, რაც სხვაზე შედარებით უფრო ძვირი იყო. არის ასლები სხვადასხვა ქანდაკების. ასლი დედანზე უკეთესი არ არის. მაგრამ ყოველ შემთხვევაში კარგათ არის გაკეთებული. აი დაათვალიერეთ, ეს გახლავთ — გავყვეთ ამ დერეფანს — ეს გახლავთ ტიტუსი, ეს სოფოკლეა. აგერ სოკრატიც. ის ძველი სოკრატი, ცოლმა რომ ქოთანის ნარეცხი გადაასხა თავზე, ესეც იულიოს ცეზარი, განსოვთ ხომ; გიმნაზიაში, ალბათ. გასწავლიდენ. აქაურებს ძალიან მოსწონთ ეს ყმაწვილი. ამერიკელებსაც უყვართ პირველობა და თავკაცობა.

— ეს ბრუტუსი გახლავთ, ესეც გემახსოვრებათ. ცუ-  
ზარის კარგი მეგობარი იყო, თურმე ცხონებული. სანამ,  
სანამ... ხომ იცით რა მოხდა მათ შორის? ეს, ბატონო,  
დემოსფენი გახლავთ. ენა-მეტყველი კაცი იყო. ამბობენ.  
არა? ტყუილი ამბავია, კარგს დროს ცხოვრობდა. მაშინ,  
აღბათ კიდევ შეიძლებოდა ლაპარაკით ადამიანის მო-  
ქვიანება. ეხლა ლაპარაკს არაფერი გასავალი და დაფა-  
სება არა აქვს. ეს სოლონი — აღარ მახსოვს. მდიდარი  
კაცი იყო, მგონი. მაგის სიმდიდრე და ჩვენი ფორდის  
ერთმანეთთან შესადარებელიც არ არის. მაგრამ ყოველი  
ადამიანი თავის დროის მიხედვით ფასდება, ხომ იცით?

— არა, შეგეშალათ — მივუგე მე — განა სოლონს სი-  
მდიდრეს უჭებდენ? სოლონი ქვიანი კაცი იყო, ასე გა-  
მიგონია, — შევუბრუნე მე სიტყვა სმიტს.

— სულ ერთია, მომიგო მან... სულ ერთია ქვევით  
გაგყვეთ...

უკანასკნელი პომპეუსია, დიდს, რომ ეძახდენ ის...  
სარდალი იყო, თუმცა დღევანდელი უნტეროფიცერი  
უფრო წაუძღვება ჯარს... რა ვუყოთ — მაგასაც თავისი  
დრო ჰქონდა. ხანგადაუვალი არაფერი არაა. ჩემო კარგო:  
ასეთია ეს ცხოვრება. რას იზამთ? -

— სხვა რა არის კიდევ აქ ყურადღების ღირსი?

— მგონი არაფერი. ოჰ, როგორ არა. არის ერთი შესა-  
ნიშნავი კუთხე: — ბრმების სამკითხველო.

— როგორ, ამერიკაში ბრმებიც კითხულობენ?

— რატომაც არა! კითხულობენ, მაშ!

— ბრმები კითხულობენ?! როგორ. ჩანაირათ?

— როგორ კითხულობენ და... არა ისე. რასაკვირვე-  
ლია, როგორც მე და თქვენ. ჩვენ თვალთ ვკითხულობთ,  
ისინი კი თითებით კითხულობენ.

იმ ოთახში, სადაც ბრმები ისხდნენ, საარაკო რამ ამბავი ვნასე. ბრმებს წიგნები სხვანაირი აქვთ. თითქოს ვილაცას თავის გასართობათ დაუჩხვლეთია ქალაქი. ამ ნაჩხვლეთების ამოჭურგულეებულ მხარეს ოდნავ სინჯავენ თითები. ზითი სწრაფათ მიჰქროლავს და ბრმაც. ალბათ კითხულობს. ბრმების წიგნები, რაღაც უწნო და უზომოთ სქელი და ფართია.

— ესენიც... ღმერთო ჩემო, ესენიც აპირობენ დოღში გამოსვლას. უნდათ რაიმე შეისწავლონ. მუშტრისათვის საჭირო საქონელის პატრონი შეიქნენ. ამასაც გაძლება და თავის გართმევა უნდა, — ამბობს სმიტი.

— დავათვალიერეთ, ვითომ ჩვენ, როგორც წესია, ისე ეს წიგნთსაცავი?

— დათვალიერების რა მოგახსენოთ, ვნახეთ კი. შთაბეჭდილებისათვის რაც საჭიროა, იმდენი ჩარჩება მეხსიერებაში. მეტი რა გნებაეთ?

— არა, მე რამოდენჯერმე შემოვივლი კიდეც აქ და მარტო დავათვალიერებ.

— რისი მაქნისია? არ ღირს. მთავარი რაც იყო ჩვენ ვნახეთ. აქაურ დოღში გამოსვლას თქვენ, მგონი, არ აპირებთ?

— დოღი არც აქაური და არც სხვაგან ჩემთვის საჭირო საქმე არ არის.

— მაშ, გავყვით ეხლა ქუჩებს. მაგრამ ჯერ ამ ბაღში ჩამოვჯდეთ.

წიგნთსაცავის ერთს მხარეზე, მართლაც მშვენიერი ბაღია. არ არის დიდი, რასაკვირველია — ბაღისათვის აქ დიდ ადგილს ვინ მოაცდენს — მაგრამ დანარჩენს ბაღებს იმით მაინც სჯობია, რომ აქ ავტოები არ დადიან.

— რა გემო აქვს მაქარს, — კიდეც გაიხსენა სმიტმა.



— მაქარი მჟავეა, — მიუზგე კვლავ მეც.

— აი ესეც მჟავეა, მითხრა მან და ხელი წიგნთსაცაკისაკენ გაიშვირა.

— ესე იგი, არ მესმის ხეირიანათ.

— ესე იგი ის, რომ მჟავეა და მეტი არაფერი.

— მე მაინც არ მესმის.

— აქ გასაგები არაფერია. ამერიკა ისეთი ქვეყანაა, რომელიც ჯერ არ დამდგარა. ჯერ კიდევ ის ბორგავს, კედელ-ყურეს ეხეთქება. დრო უნდა რომ ყოველივე ეს დადგეს — თავის კალაპოტი მონახოს და დაწყნარდეს. მდიდარია ამერიკა და ამ სიმდიდრით უნდა მან შეიძინოს ის, რაც მას არ გააჩნია. ამერიკას არ ჰყავს გამოჩენილი მწერლები და მხატვრები. სამაგიეროთ მას აქვს ფული და ის ყიდულობს ამ მწერლების ნაწერებსა და ნაწარმოებს. ერთი ვიღაც ახირებული კაცი იყო ამერიკაში — გვარი გადამავიწყდა — გამოჩენილი მწერლების ხელთნაწერებს ყიდულობდა. ფულით ყველაფერი შეიძლება — აი ასე ფიქრობს აქაური ბურჟუაზია, რომელსაც ქონი ყელში აწვევა. აქაურ მილიონერებს არა აქვთ წოდების სიგელები, აქაც ფულს ხმარობენ, მიდიან ევროპაში და ვინმე გაქუცულ თავადიშვილს იყიდნიან, მიათხოვებენ ქალიშვილს, სიძეთ შეიყვანენ ოჯახში. წოდებაც ერთ დროს იმავე გზითა და საშვალებით არის ნაშოვნი, როგორც ეს ქონება და მილიონები: ყაჩაღობით, წაგლეჯით, წართმევით, მაგრამ თავადიშვილის წინაპრების საქმენი საგმირონი ისტორიის ბურჟუსით არის მოცული. ამათი ამბავი კიდევანდელი და გუშინდელი დღის სინამდვილეა. ამიტომაც არის, რომ ამერიკის ბურჟუაზია თავის ტყავიდან ძვრება, რომ ისტორიის სამოსელი წამოისხას და თავისი წარსული ისტორიის ბინდით დაჩრდილოს.

— ეგ ყველაფერი კარგი, მაგრამ მაქარი რომ მკავეა?

— ისე როგორც ყოველივე დაუმწიფებელი. ან და ხელისძალათა სასწრაფოთ მომწიფებელი. ევროპის კულტურა კი...

— თქვენ არ იყავით მგონი ევროპის კულტურის თავანისმცემელი?

— არასოდეს! მაგრამ იქ ის, მძიმეა და თავისებურათ შევსებული, თავთავის ალაგასაა დალაგებული ყველაფერი. ეს კი აუქციონის ვაქრობაში შეძენილ ნაგლეჯებია.

— თუ შედარება გნებავთ, ევროპის კულტურა, როგორც მოძველებული კაპიტალისტური ქვეყნის, მოძმარებულია. ღვინო რომ სიბერეში წავა, დაძმარდება ხოლმე.

— შეიძლება მაგრაც იყოს. არც ძმარის სმა ვარგა. მაგრამ მაქარის კიდევ უარესია.

— შედარება სხვა საქმეა, ოლონდ კარგს ჩვენებურ მაქარს მე დიდი სიამოვნებით გაიხლებოდით.

— : —

დღეს მე მიხტერ სმიტის სტუმარი გახლავართ. გადაწყვეტილი საქმეა! ბევრი ვიუარე, მაგრამ არაფერი გამივიდა.

— მართალია, აქ სტუმრობა და მასპინძლობა არ იციან, მაგრამ მე რომელი აქაური ვარ? ჩემი ხორცი აქ არის, ჩემი სული იქ ტრიალებს. არაფერი მადლობელი ვარ თქვენი. თქვენთან შეხვედრა და დაახლოვება ჩემთვის ნამდვილი სატანჯველია!

მისტერ სმიტს ერთი ახირებული თვისება აქვს სხვა ბევრ ახირებულ თვისებათა შორის. მისი აზრი უფრო ჩქარა მუშაობს, ვიდრე ენა. არ უყვარს ერთ საგანზე დიდ ხანს შეჩერება. რაც აქვს სათქმელი, ვერ მოათავებს, ნა-

წყვეტათ მიატოვებს, და, როცა ახალ საგანზე გადავა.  
სრულებით უცხოსა და ახალს რამეს შემოაბრუნებს ენაზე.

მე ვიცი მისი ასეთი თვისების ამბავი, მაგრამ ხშირათ  
ვერ ვწვდები ამ ნაწყვეტების საშვალებით მის აზრთა  
მსვლელობის ძაფს.

— არ მესმის მისტერ სმიტ, რატომ დაგაყენათ ჩემმა  
გაცნობამ თქვენ ასეთი იძულება?

— რატომ და მიტომ... განა ყველაფერს თქმა უნდა?  
თქვენ ვერ მიხვდებით?

— ვერ მიხვდები, მართალი რომ გითხრათ!

— მაშ, მე გეტყვი! თქვენ აქ რჩებით სამუდამოთ?

— რასაკვირველია, არა!

— ბატონს ჭაუმარჯოს! მაგას არ ვამბობ მეც!? წახ-  
ვალთ, ხომ?

— წაფალ, რა თქმა უნდა! მე თქვენი ქვეყნის შემთხვე-  
ვითი და მოკლე ხნის სტუმარი ვარ. ეს თქვენც კარგათ  
იცი, მე თქვენთვის ეს მითქვამს...

— ისაა კიდევაც, რომ გითქვამთ! რატომ უნდა წახ-  
კიდეთ თქვენ და ვერ უნდა წავიდეთ მე? რატომ, მე თქვენ  
გეკითხებით?

— პირიქით, თქვენც ჩინებულად შეგიძლიათ წასვლა.  
როგორც მე. ეს თქვენი სურვილის საქმეა.

— აი, ღმას უყურეთ ერთი. სთქვა და გაათავა! ხა-ხა  
ხაჰ, გამაცინეთ, მე და ჩემმა ღმერთმა. დიდი ხანია ასე  
გუნებიერთათ არ გამიცინია. მე შემიძლია წამოსვლა, არა?

— რატომაც არა?

— რატომ და... რომელი ერთი უნდა ჩამოვთვალო?  
ხელის თითები არ მეყოფა. ნაპოლეონის ომების დროს.  
თურმე ერთი ასეთი ამბავი მოხდა, ერთი რომელიღაც ქა-  
ლაქს მიაღდა ნაპოლეონის ჯარი. ამ ქალაქის აღება არ

უნდა გასჭირვებოდა, მაგრამ გასაკვირალი ის იყო, რომ ქალაქის აღება სულ იოლად მოხდა. მიუხალოვდა თუ არა ჯარი ქალაქის კედლებს, ადგილობრივი ჯარი და მცხოვრებლები გამოეგებენ პურ-მარილითა და მოართვეს ქალაქის ქის-კარის გასაღები კლიტეები.

ამბობენ, ნაპოლეონს გაუკვირდა ეს ამბავი და მაშინათვე ქალაქის ჯარის უფროსი დაიბარა. — ეხლავე აქ მომგვარეთო, გასცა თურმე ბრძანება. მოუყვანეს ეს ჯარის უფროსი.

— რატომ დაგვნებდა ქალაქი ასე უცბათ, რომ ერთი თოფიც არ გაგისვრიათ, — ჰკითხა ნაპოლეონმა.

— შემძლია დაგისახელოთ მიზეზები. მიზეზები ბევრია, სათვალავით ას-ერთი მიზეზის დასახელება შემძლია! — მიუგო უფროსმა.

— სთქვით, — უბრძანა, თურმე ნაპოლეონმა.

— მიზეზი პირველი, — დაიწყო ჯარის უფროსმა: ჩვენ არ გეკონდა ტყვია-წამალი, მიზეზი მეორე...

— საჭირო აღარ არის, — გააწყვეტიაო, ამბობენ, ნაპოლეონმა.

— გაგიგონიათ ეს ამბავია, თუ არაკი? — მომიბრუნდა მე-სმიტი.

არა, არ გამიგონია!

— მით უკეთესი! საქმე ისაა, რომ, როცა მტრის მოსაგერებლად ჯარს ტყვია-წამალი არა აქვს, მაშინ ყველაფერიც რომ ხელს უწყობდეს, მისი — ამ ჯარის — საქმე მაინც დაღუპულია. მე კი არც „ტყვია-წამალი“ მაქვს და ასე სხვა დაბრკოლება მიშლის ხელს. მე, ჩემო კარგო, ტყვია-წამალი გამომეღია. ყოველი სულიერი არსება იზადება, იზრდება, ბერდება და კვდება. ასეთია მიჯნები ჩვენი ცხოვრებისა. მე ამ გზაზე კარგა ხანია ვტყეპნი ტალახს,

დავბერდი და ამიერიდან უკანასკნელ მიჯნისაკენ მიმ-  
ქანებს ჩემი ბედი უწყალო; მივდივარ იქ, საიდანაც აღარ  
არის გამობრუნება, სადაც აღარ ისმის არცა ვიში, არცა  
გოდება!

— გულის გატეხა არ გმართებთ, თქვენ რომ არაფერი  
მოხუცებული ხართ!

— გულის გატეხა და გამთელება რა შუაშია? მიდის  
დრო, დღე-დღეს მიჰყვება, წელიწადი წელიწადს მის-  
დევს — ილევა წუთისოფელი. ასეთია კანონი ბუნებისა  
გარდაუვალი, შეურყეველი! ეს არის ჩემი პირველი მი-  
ზეზი, დანარჩენებზე კი არც კი ღირს ლაპარაკი — ყვე-  
ლაფერი აქედან მოდის, ყველაფერს და ყველა ამ მიზეზებს  
ამ პირველ მიზეზში აქვს სათავე. მქონდეს მე ეხლა ძვე-  
ლებური ახალგაზრდული მოუტეხელი ჯანი და ღონე, გა-  
ვახვევდი ძველ გაზეთის ქაღალდში ორიოდ წყვილ სა-  
ცვლებს და გაუდგებოდი გზას, მაგრამ *quod licet jovis  
non licet bovis* — იცით ხომ, რომაელები ამბობენ ასე.  
არა? მათ ღმერთები სწამდათ და მიტომ ამბობდნენ ღმერთს  
რაც შეშვენის, ის მოზვერს არ დაშვენდებაო.

-- ნუ თუ თქვენ ასე დაძაბუნებულად გრძნობთ  
თავს? — შევეკითხე სმიტს, მინდოდა ამ ბნელ ფიქრებისა-  
თვის მომეშორებია.

— არა, წელი ჯერ კიდევ მაგარი მაქვს, მაგრამ ამ  
ოკეანეს გადასალახავათ, ახალი ცხოვრებისათვის ხელის  
მოსაკიდებლათ კი.... აღარ ვვარგვარ, ეს ცხადია, მერე  
კიდევ ოჯახი, იცით, რა არის აქაური ოჯახი? ან კი რას  
გეკითხებით, დღეს ხომ ჩემი სტუმარი ხართ. თქვენი თვა-  
ლით დაინახავთ და გაიგებთ: მაშ, წავიდეთ, წავიდეთ, —  
მომიჩქარა სმიტმა.

მივდივართ. სმიტი მე თითქოს სრულებით არ მაქცევს ყურადღებას. პირდაპირ იყურება, გამვლელებს თითქოს კერც კი ამჩნევს, თვალები გაურკვეველ სივრცისათვის მიუშტერებია. ორთავე ხელი თავის გრძელი პალტოს ჯიბეებში ჩაუწყვია. მიდის სმიტი და მის სახეზე ათასგვარო ზოლები გადაირბენს ხოლმე, ხან მოიღუშება, ხან გამოიღარებს, ხან დაქანცვის ნიშნებს ვამჩნევ.

— მე რე, რა რიგ უნდა ჩემს სულს იმ ახალი ქვეყნის ნახვა, იმ წვირიანი და დაუბანელი მზეთუნახავის კალთაში თავის ჩადება...

აურია, სადაური მზეთუნახავი და 'ისიც პირდაუბანელი. ვეტყობი რამეს, მაგრამ პასუხს არ მომცემს.

— რუსეთი ჯერ ურმისა და ტალახიანი გზების ქვეყანაა, რუსეთს ჯერ ბევრი რამ აკლია. გაუნათლებელია? ფარისევლებო, ფარისევლებო!! რას ჰქვია განათლება? თქვენ გაქვთ ხელში განათლების ლამპარი, თქვენ? შიეცით გზა, აცალეთ, თავს ნუ დაესხმით და თქვენ დაინახავთ, რა სისწრაფით ჩამოიბანს ის საუკუნოების განმავლობაში რაც წვირე და სიბინძურე სჭირდა მას თქვენივე გამოისობით. — სმიტი ეხლა მრისხანეთ ისერის ნაკვეთებს, სახეზე სიძულვილი და მუქარა სცელის ერთმანეთს.

— ეხლავე მოვა ჩემი ბებერი, — მითხრა სმიტმა. როცა მისას მივედით და მისაღებ ოთახში შემვიძღვა.

სმიტის ბინა ჩვეულებრივი ამერიკელი ხელმოკლე მუშა-მოსამსახურის ბინაა.

ორი ოთახი, სამზარეულო და არის კიდევ ერთი ოთახი. მაგრამ მას რა სახელი დავარქვა არ ვიცი. ეს ის ოთახი გახლავთ, სადაც ყველა ფეხით დაიარება — მიხვდებით ალბათ.

აქვეა ამავე ოთახში ვანა, პირისაბანი. თბილი და ცივი წყალი მუდამ არის ასეთს ბინებზე. გათბობა ასეთს ბინებზე, ორთქლისაა, განათება კი, რასაკვირველია: ელექტრონის.

საუცხოვრთ არის მოწყობილი აქაური სამზარეულოები.

არის ბინები, სადაც სამზარეულო მეცნიერის ლაბორატორიას უფრო ჰგავს. ასეთს სამზარეულოში გაზს ალაო ხმარობენ. გაზი მოძველებული საშეაღებაა და აღარაა მოწონებაში. გაზის ალაგს ელექტრონი იჭერს. დიასახლისი, როდესაც ასეთს სამზარეულოში ტრიალებს, ასე გეგონებათ პროფესორი ქიმიის ცდებს ახდენსო. ხორაგის განმარება საქამანდისათვის. წყალის ჩამატება, სხვადასხვა სანელებლის ჩადება — ყველაფერი ზომითა და წონითაა შეზაეებული. მოდულება. მოხარშვა. შეწვა, ყოველივე ეს ელექტრონის საშეაღებით.

ელექტრონიც არ არის ისე უბრალოთ მოწყობილი, როგორც ჩვენში. დიასახლისს ცალკე სტოლზე დადგმული აქვს რთული რაღაც მოწყობილება. კედელზე მიმაგრებულ დაფაზე სხვადასხვა წარწერებია. ამ წარწერების თანახმათ აამუშავენს ის ელექტრონის ძალას. საქიროა. ვთქვათ, საქამანდის ნელ ცეცხლზე მოდულება, მაშინ ელექტრონის სახელური ერთ რომელიმე წარწერის გასწვრივ უნდა დააყენოთ, საქიროა ჩქარი ცეცხლი. მაშინ ეს სახელური კიდევ სხვა ალაგას უნდა გადასწიოთ და სხვ. და სხვ.

თვითეულ მზარეულს, თუ დიასახლისს, აქვს წიგნი: რომელშიაც არის ნათქვამი, თუ რომელ ხორცს, რომელ საქამანდს რამდენი ხნის დულება, რამდენი ხნით ცეცხლზე დადგმა სკირდება.

ეთქვათ, რომ თქვენ გეჩქარებათ, არ შეგიძლიათ მოუცადოთ, როდის გათავდება საქაზანდის ხარშეა, მაშინ თქვენ წიგნიდან ამოკრეფილი ცნობების მიხედვით დააყენებთ თქვენს აპარატს. მაგალითად 20 წუთზე, ნახევარ საათზე, იმისდა მიხედვით, თუ რამდენია საჭირო, და შეგიძლიათ არხეინათ გზას გაუდგეთ. მანქანა სწორეთ იმდენ დროს იმუშავებს, რამდენიც საჭიროა და ამის შემდეგ თვითონ გაჩერდება.

არც დაიგვიანებს, არც აიჩქარებს.

ასეთია ჩვეულებრივი სამზარეულო. ჰო, დამავიწყდა, თვითეულ სამზარეულოში არის აგრეთვე საყინულე, რომელიც იმავე ელექტრონის საშვალეებით თვითონ ამზადებს ყინულს.


მისტერ სმიტის ბინა ვერ არის ასე ჩინებულად მორთული და მოკაზმული. მას არა აქვს ელექტრონის სამზარეულო — ჩვეულებრივი გაზით სარგებლობს. გარდა ამისა, ის ამ უბანში თითქმის ერთი „თეთრი“ ადამიანია, რომ ცხოვრობს.

ამერიკელებს არაფრათ უყვართ ზანგები. გაურბიან მათთან კავშირსა და მეზობლობას. ქარხნებში კიდევ ნახავთ, რომ „თეთრი“ და „შავი“ მუშა ერთმანეთთან კავშირს არ ერიდება, მაგრამ ისე — ქალაქში ათნსში ერთი მაგალითი უნდა ეძიოთ. რომ ქუჩაში თეთრსა და შავს ერთად გამვლელსა და მოლაპარაკეს გადაეყაროთ. იმ უბანში, სადაც შავები ცხოვრობენ, თეთრი ბინას არ დაიქვრს. სმიტი ამ შემთხვევაშიაც გამონაკლისს შეადგენს, გამონაკლისს მეტის-მეტად იშვიათს და თითოთ საჩვენებელს.

— არ მოგწონთ განა ჩემი ბინა? — მეკითხება სმიტი.

— რატომაც არა, ჩინებულია!





ვახუთი „ნიუ-იორკ ტაიმს“-ის რედაქციის შენობა.

— აქაურ პირობების კვალობაზე ეს ბინა კი არაა...  
სომ იცით, რომ ეს „შავეების“ უბანია. ამიტომაცაა, რომ  
ეს ბინა შედარებით უფრო იაფია. თეთრი აქ არ დადგება.  
თუ არა ჩემსავით თავზე ხელ-აღებული.

სმიტი ვერ არის კარგს გუნებაზე. წალმა-უკულმა გადის  
და გამოდის სხვადასხვა ოთახებში.

— რალაც დააგვიანდა ჩემს ბებერს. დღეს ის გალმა  
უნდა წასულიყო...

— სად გალმა? — გამიკვირდა მე.

— ჰუდსონის გალმა, იქ მეორე ქალაქია, ყოველ შემ-  
ოსვევაში, სახელი სხვა ჰქვია ნიუ-ჯერსი. იქ უფრო იაფია  
ცხოვრება, არ არის ასეთი სივიწროვე მიწის. იქ ჩემი უფ-  
როსი ვაჟი ცხოვრობს. ოჯახს მოეკიდა, ჩემთან აღარ მო-  
ისურვა ცხოვრება.

— მსახურობს, ალბათ? — შევეკითხე მე. ეტყობა, რომ  
სმიტი ამ თავის ვაჟის მადლიერი არაა. არ მოსწონს რო-  
გორც ჰყავს მისი ცალკე წასვლა საცხოვრებლად.

— მსახურობს, როგორ არა. როგორ გეკადრებათ,  
„თეთრი საყელოს“ ორდენის წევრი გახლავით. იკადრებს  
ის ამ „შავეების“ უბანში ცხოვრებას?!

— დიდი ხანია, რაც ცოლი შეერთო?

— არა, აგერ ექვსი თვე იქნება. მისი ცოლი აქაური  
მასწავლებელი ქალია. იქ თქვენში მასწავლებელი ქალი  
მოწინავე ადამიანია, აქ კი ქალები საზოგადოთ მეტის-  
მეტად ჩამორჩენილი ხალხია. მით უმეტეს მასწავლებელი-  
ქალები. სინდისის — გაიგონეთ — სინდისის და არა შიშის  
ქვეშ ზრდიან და ამზადებენ ისინი კაპიტალისტური სამ-  
ყაროსათვის საჭირო და გამოსადეგ მონებს.

— გასაკვირალაია... — წამოვიწყე მე. მაგრამ სმიტმა  
არ დამაცალა.

— არაფერიც არ არის გასაკვირალი, რომ აქაური ქალები ასეთები არიან. ამას ბევრი მიზეზები აქვს. გასაკვირველი და სატირალი ისაა, რომ ჩემი — გესმით ჩემი შვილი სულით, გონებით. რწმენით, მიმართულებით, ჩემი კი არ არის, არამედ იმათია, იმათი, ვის წინააღმდეგ ბრძოლას შევალე მე ჩემი ახალგაზრდობა. ჩემი ცხოვრება, ჩემი ჯანი და ღონე.

აღბათ, ბევრს ილაპარაკებდა ამის თაობაზე სმიტი. მაგრამ ამ დროს მისი მეუღლეც მოვიდა.

— სალამი ჩემო მზეთუნახავო! სად დამეკარგე? სად იყავი ამდენ ხანს?

— ხომ იცი, სადაც ვიყავი. შვერჩი. შენი ვაჟი და ჩემი რძალი კარგათ არიან, მოგიკითხესთ ორთავემ. ვოლოდია იქნებ მოვიდეს ამ სალამოს, რძალი კი....

— ოჰ?! სტეჟი ბარემლა ნუ გეშინია. რასი გერიდება? ვერ მოვა. არა? ჰო და ნუ მოვა. ოუნდ ნურც შენი ვაჟი მობრძანდება. არ ვიტირებ, შავებს არ დავიღებავ. თავზე ნაცარს არ დავიკერი მავის გულისათვის.

— ნუ იცი. ადამიანო. გადარევა! რა ვოყოთ, ახალგაზრდა ხალხია. გაიხსენე შენი ახალგაზრდობა, — უყვავებდა ცოლი.

— ჩვენც ვიყავით, ჩემო კარგო. ვიყავით ახალგაზრდა. მაგრამ ჩვენი ახალგაზრდობა ზვარაკათ მიტანილი მსხვერპლი იყო. პირადი. საკუთარი კეთილდღეობა. თავის-თავზე ფიქრი, აღარ გახსოვს, როგორ გვძულდა ჩვენ ეს ყველაფერი? ციხე. გადასახლება. უცხოეთში ხეტიალი, რომელი ერთი ვთქვა. დაგავიწყდა. განა?

— არაფერიც არ დამვიწყებია, მაგრამ. რას იზამ. ის სხვა დრო იყო, ეს სხვა დროა. იქ სხვა პირობები იყო. აქ სხვაა,

სმიტის მეუღლე სიბერეში წასული ადამიანია. თმაში კიდევ ურევია იქი-აქ შავი, ქალაოა ძატობს. ჩამომხმარ სახეზე ფაყვეთ აქვს გადაკრული ციბერი ხმელი კანი თვალეები ღრმათ უზის უბეებში. საოვალეები კიდევ უფრო აბერებს ამ სახეს. ეტყობა გულკეთილი ადამიანია. ქმარს ისე ელაპარაკება, თითქოს დიდს ბავშს, რომელსაც მოფერებიდა და დაყვავებით უნდა მოაშლევითს ახირებული ზნე.

— სხვაა, რასაკვირველია, დიალაც რომ სხვაა. იქ ველური იყო უხეში და ტლანქი ძალადობა. თავპირში გინათქუნებდენ. ჩვენც პირდაპირ ვებრძოდით. არ იყო დანდობა და შებრალება...

— შებრალება არც აქ იციან. ნუ გეშინია მორიდებასა და ბოდის არავინ დაგიწყებს, — გააწყვეტია ცოლმა.

— განა არ ვიცი, რომ არ მოგებოდიშებიან, ვიცი! მე მაგას კი არ ვამბობ. მე იმის თქმა მინდა, რომ აქ ძალადობა ათასნაირ სამოსელშია გამოხვეული. ადამიანს აქ შვილი ვერ გაუზრდია თავის ქკუაზე. ჩემი შვილი, ადამიანის, რომელმაც მთელი თავისი სიცოცხლე შეალია ბრძოლას, რომელიც არ დაინანებს თუნდა თავისი უკანასკნელი დღეები შესწიროს კაპიტალისტურ ჯოჯოხეთის წაქცევას. ჩემი შვილი კაპიტალისტური წესწყობილების მოტრფიალე და მოყვარულია. მერე რისი მქონე? უბრალო მოსამსახურე. ყოველივე საკუთრებას მოკლებული. ღარიბი და ღატაკი, რომელიც ვერასოდეს ვერ გახდება სიმდიდრის პატრონი...

— ჯერ ახალგაზრდაა, თავმოყვარეა, უნდა რომ თავისით დამოუკიდებლათ გაიკვლიოს ცხოვრების გზა. ნურც მაგრე დაძრახავ...

— ახალგაზრდაა, არა? რა ვუყოთ რომ ახალგაზრდაა? ამ შენ ახალგაზრდას უკვე ახველებს და სისხლს ალუბინებს, ხომ? მერე რისათვის? რომ ბატონ ხაჭეინს ასიამოვნოს.

მე უხერხულად ვგრძნობდი თავს. არ მინდოდა ამ შინაურ უსიამოვნებას მოწმეთ დავსწრებოდი, მაგრამ რალაც მარცხათ იქ ვიყავი და მთლად მუნჯივით ყოფნას ისევ ვარჩიე. რომ ლაპარაკში მიმელო რაიმე მონაწილეობა.

— უკაცრავად, სად მსახურობს თქვენი ვაჟი? — შევეკითხე მე.

— ბანკში მსახურობს, ბ ა ნ კ შ ი. რა თანამდებობაზეა?

— არ ვიცი ვერ გეტყვით. მაგ არაფერი. სამსახურში უნდა შევიდეს, რასაკვირველია! აბა თავს რითი ირჩენს? მე მაგას კი არ ვუწუნებ, იმ მამაცხონებულს გადაუწყვეტია, რომ რამენაირად უფროსების „ყურადღება“ და „პატივისცემა“ დაიმსახუროს. ამიტომ თავს აკლავს.

— ნუ იცი, კაცო, შენც გაზვიადება! — შეუტია ცოლმა.

— გაზვიადება?!

— აბა, რა ამდენი სალაპარაკოა ესლა მაგ ამბავი! ცდილობს, რომ დაწინაურდეს, რა არის მაგაში დასაძრახისი?

— შენ ეს მითხარი, ესლა როგორ არის? აღარ ავადმყოფობს?

— ვერ არის კარგათ. მე რა დაგიმალო, მოვა და შენ თვითონ დაინახავ...

— მე არ მიკვირს, არ მიკვირს. თქვენ წარმოიდგინეთ, უნდა ადგეს ყოველ დღესათის ხუთზე. საუზმე უნდა მოამზადოს თავისათვის და თავის მეუღლისათვის. ასეთი ყოფილა წესი. ქალბატონი ლოგინში მიირთმევს საუზმეს. შემდეგ იქედან მორბის თავ-ქუდ გადაგლეჯილი სამსახურში.

— ასე ადრე?

— ადრეა, რასაკვირველია, მაგრამ მას, აკი მოგახსენეთ, თავის გამოჩენა უნდა, დაწინაურება. ადრე შოვა ერთი ან ორი საათით, ჩაუჯდება და ჩაკიტიკიტებს იმ ქალღებებს. ასე იციან აქ. ამ დალუპულსა და დაწყველილს ქვეყანაში.

— სავალდებულოა ასეთი ზედმეტი მუშაობა?

— სავალდებულო არ არის. რასაკვირველია, მაგრამ ვინც ამ წესს დაარღვევს ის, ისე იქნება ერთსა და იმავე ალაგას რამოდენიმე წელიწადს, რომ ჯამაგირის მომატებაზე ან სამსახურის საქმეში დაწინაურებაზე ფიქრიც კი უნდა დაივიწყოს.

— თუ აძლევენ მაინც რამეს ამ ზედმეტ მუშაობაში?

— არაფერს. ერთს გროშს. ყურგახვრეტილ ფარას არავენ მიაშავენს. ამას თავი დაანებეთ. როგორც დილით, ისე საღამოთი: ერთი ან ორი საათი ზედმეტათ ზის და აკლავს თავს მუშაობას.

— სამაგიეროთ. — უნდოდა ჩარეოდა ლაპარაკში სმიტის ცოლი.

— სამაგიეროთ, როცა ჯანი მოტყდება და დაავათ-მყოფდება, საკმარისია რამოდენიმე დღე გააცდინოს ზედიზედ და პანღურის ცემით გამოისტუმრებენ, — არ დანება სიტყვა სმიტმა.

— არც სულ მაგრეა, გადამლაშება არ ვარგა. ამასწინათ ავათ არ იყო, მთელი ერთი კვირა რომ ლოგინში იწვა, აღარ გახსოვს?

— მახსოვს. მერე? შე კაი ქალო, ადამიანი მუაშობის დროს პირდაპირ რომ იჯდა და მუშაობდა. მაშინ წაიქცა და პირიდან სისხლი წასქდა...

— ჰო? და ხომ არავის დაუთხოვია სამსახურიდან?

— მაგას-ლა ემართლებოდენ! შენ ერთი ეს მითხარი. ეხლა როგორაა. კარგათაა ჯანზე?

— აკი გითხარი როგორაცაა!

— მაგას არ ვამბობ მეც? ვინ მისცა მაგათ სამართალი და შებრალება ადამიანის, თორემ ის ეხლაც ლოგინში უნდა იყოს და თავს უნდა უვლიდეს. იმისათვის ეხლა საჭიროა მოვლა და დასვენება.

— ჩვენი მოსვენება. აი იქ რომ წავალთ, — სადღაც გაურკვეველათ გაიქნია ხელი. --- იქ იქნება. იქ არც სამსახური გვექნება და არც სამუშაო. --- მწარეთ პუტუნობს თავისათვის ქალარა ქალი. თვალებს ცრემლები აწევება.

— კარგი, კარგი. სადილი. ვჭამოთ და მერე იყოს ყოველივე მაგის ლაპარაკი. — თითქო დაწყნარდა მისტერ სმიტი.

სმიტის მეუღლე სამზარეულოსაკენ წავიდა. ჩვენ მარტო დავრჩით.

-- არა, მესმის ეს სასტიკი და საშინელი ქვეყანაა. აქ გრძნობა არ მუშაობს. ყველაფერი ანგარიშზეა აშენებული. რა არის აქაური კაპიტალისთვის ადამიანი-მოსამსახურე? მანქანა. რომელმაც ამდენი და ამდენი საათი უნდა იმუშაოს. არც მეტი არც ნაკლები! წახდება მანქანა? როდესაც ნამდვილ უსულოთ რკინისა და ფოლადის მასალით გაკეთებული მანქანა წახდება-მოიშლება, მაშინ მისი პატრონი მას კიდევ, რემონტის გასაკეთებლად გასცემს. ეს მანქანა ნაყიდია, მისი ადრე გაფუჭება — ზარალია. მაგრამ. როცა მანქანა-პლამიანი ცვდება. ფუჭდება, მის შეკეთებაზე არავინ ზრუნავს. ის კი არ არის ნაყიდი. ეს მანქანა მხოლოდ დღიური ნამუშევარის ქირას ღებულობს. ასეთია აქ ცხოვრება. სისასტიკეა ეს? — არა! ეს უბრალო ანგარიშია, მეტი არაფერი. სასტიკი ადამიანის

შესახებ ითქმის, მაგრამ თვით კაპიტალისტებიც ხომ იგივე მანქანებია და მეტი არაფერი.

ბორგავს მისტერ სმიტი, ცალი თვალი კარებისაკენ აქვს. ვატყობ, არ უნდა გააგონოს თავის მეუღლეს. თავს იკავებს, მაგრამ ვერ ახერხებს.

— ეს ყველაფერი ასეა, მესმის, მაგრამ სიყვარული ამ საშინელების. გიყვარდეს და მიგაჩნდეს ადამიანის ღირსეულ ხვედრათ ასეთს უბედურებაში ყოფნა, აი ამასაა, რომ ვერ შევრიგებივარ მე.

კარები გაიღო და შემოანათა წითური თმით შემოსილ-მა თავმა.

— პატარა გარის ვახლავართ, ვახლავართ, მოდი აქ, მოდი, ნუ გეშინია, მოდი ბაბუასთან.

შემოვიდა პატარა 10 წლის ბიჭი.

— მარტო მოდი? — ჰკითხა მას სმიტმა.

— ჰო, მარტო, სულ მარტო!

— რატომ ამხანაგებს არ წამოჰყევი?

— ეს ჩემი შვილი-შვილია. უფროსი ქალი მყავდა აქ გათხოვილი. ქმარი რალაც უცნაურათ დაიღუპა. ცოლიც აქ, ქუჩაში ავტომობილმა დააშავა, მთელი ექვსი დღე იწვა-ლა, მაგრამ... ისიც დაიღუპა.—მწარეთ ჩაიქნია ხელი სმიტ-მა. — ეს ბიჭი დამრჩა სამახსოვროთ.

— არა, რუსული ერთი სიტყვაც არ აცის! გარი, მოდი აქ. მოდი ბაბუა. აი მოდი გაიცანი ეს ძია. ეს იმ ქვეყნიდან არის, მე რომ მითქვამს ხოლმე შენთვის, გახსოვს?

— იმ ქვეყნიდან, სადაც ლენინი ცხოვრობდა?

— ჰო. ბარაქალა, სწორეთ აქედან. არ დაგვიწყებია, კარგი ბიჭი ხარ. მოდი ერთი გაკოცებ.—ბავში სმიტმა მუხ-ლებზე დაიჯინა.



აბა. მითხარი გარი. რატომ მოდი შენ დღეს მარტო, რატომ არ გამოიყევი სხვებს?

— არაინ არ გამოიყოლა და მიტომ!

— რატომ მოხდა ასეთი ამბავი? მატყუებ მე შენ, მართალი მითხარი!

— მართალს ვამბობ. დღეს მასწავლებელმა სკოლაში ასეთი კითხვა მოგვცა. რომელი ქვეყნის ჯარია ყველაზე უკეთესიო? მეც უთხარი საბჭოთა კავშირის წითელი ჯარი ყველაზე უკეთესია მეთქი!

— მერე, მერე. ჩაეკითხა სმიტი.

— რატომო, — მკითხა მასწავლებელმა...

— მერე შენ რა უთხარი?

— რატომათქო ვუთხარი მე და იმიტომათქო, რომ წითელმა ჯარმა მეთქი ბურჟუაზია მოსპო და....

— აი ვენაცვალე ჩემს გარის, აგრე, ბაბუა, აგრე!

— აგრე და მე ჯერ მასწავლებელი გამიწყრა და შემდეგ. გაკვეთილის გათავების შემდეგ ბავშვები დამესიენ და იმდენი მცემეს. იმდენი მცემეს — წადი და შენმა წითელმა ჯარმა გიშველოს ახლაო.

— მერე რა მოხდა?

— მერე სთქვეს. ჩვენ მაგ აღარ გავიკაროთ შორი-ახლოს არც თამაშშიო და არც სხვა რამეშიო. — ბავშს გული ამოუჯდა და ტირილი დაიწყო. /

სმიტმა ბავში ძირს დასვა, მან მაშინათვე მოკურცხლა სამზარეულოსაკენ, სადაც ბებია ეგულებოდა.

— მაინც არ დავანებებ, მაგ ჩემ გარის იმ საძაგლებს. თუ ჩემი შვილი მაგათი ქკუის გამოვიდა, ეს პატარა გარი მაინც უნდა გავზარდო ჩემი ქკუის. ასეთია აქაური ცხოვრება ჩემო კარგო. არ მეყოფა ტყვია და წამალი რომ

ახალი ცხოვრება დაეიწყო, მაგრამ ამ ერთ პატარა ბიქს მაინც ჩავუნერგავ გულში მათ სიძულვილს.

— ქართველები, როგორ არა, არიან, ცხოვრობენ ამერიკაში, მაგრამ მე მაინცა და მაინც მათთან დიდი არაფერი კავშირი მაქვს, — მითხრა მისტერ სმიტმა, როდესაც შევეკითხე:

— ქართველებს ხომ არავის იცნობთ მეთქი?

— ქართველები, — განაგრძო სმიტმა, — ერთს დროს დიდს მოწონებაში იყვენ აქ. ცირკში გამოდიოდნენ. ცხენებზე კისრის მოსატეხს რალაცას თაძაშობდნენ. ეს კარგა ხნის ამბავია. ეხლა მათი ასაველ-დისაველი გაჰქრა. არ ვიცი. იქნებ ისევ უკან დაბრუნდნენ. თითო-ოროლა იქნებ ეხლაც არის სადმე. მაგრამ მათი ცნობა არა მაქვს.

— ნუ თუ ამ ვეება ქალაქში ამ 7-8 მილიონ ხალხში ათიოდე ქართველი არ უნდა იყოს? არ მჯერა.

— შეიძლება იყოს კიდევაც, მაგრამ ნახვა არ უნდა? ეძიე შენ ამოდენა ხალხში ქართველი კაცი. ჰო, როგორ არა. ვიცნობ. ვიცნობ ერთს ახალგაზრდას. აქ ცხოვრობს. ამასწინათ ჩემთან მოესწავლებიათ, იყო მართლაც ჩემთან. მისამართი და ტელეფონის ნომერი დამიტოვა.

— იქნება მომცეთ ეს მისამართ, მოვძებნი.

— კეთილი და პატიოსანი, მაგრამ ეგ რა საჭიროა. სახლში რომ გავბრუნდები, მოვნახავ იმ ქალაქს და მე დავეურეკავ და გადავსცემ რომ მან თითონ მოგინახულოს.

ამაზე შევთანხმდით. ამის შემდეგ რამოდენიმე დღემ გაიარა. მე სრულებით გადამავიწყდა ეს ამბავი და ერთს საღამოს, როცა სახლში ვიჯექი და ინგლისურ სიტყვების

გაზეპირებით ვირთობდი თავს, ეს ქართველი ახალგაზრდა სრულებით მოულოდნელად დამეცა თავზე.

— კი, რასაკვირველია, მე თქვენ კარგათ გიცნობთ. თქვენ გაზეთებში სწერდით ხოლმე. — მეუბნება ეს ახალგაზრდა.

— სადაური ბრძანდებით? — ვეკითხები მე.

— ქუთაისელი გახლავართ.

— დიდი ხანია, რაც საქართველოში აღარ ყოფილხართ?

— კარგი ხანია.

— მაინც?

— იქნება ასე ცხრა წელიწადი.

გამიკვირდა, რომ ეს ახალგაზრდა პირველად გერმანიაში ყოფილა სასწავლებლად წამოსული ჯერ კიდევ მენშევიკების დროს. იქ აღარ მოუცდია და ამერიკაში გადმოხვეწილა. ამერიკაში სულ რაღაც ოთხი წელიწადია რაც ვარო, მითხრა.

— არ აპირობ საქართველოში დაბრუნებას?

— როგორ არ ვაპირობ, მაგრამ... — გაუქირდა მეტის თქმა.

— მაგრამ, რა? — ჩამოვართვი მე სიტყვა.

— ვინ გამიშვებს? ვინ მომცემს იქ წასვლის უფლებას?

— რას გემართლებიან? დანაშაული ხომ არაფერი მიგიძღვით?

— არაფერი, მე ჯერ კიდევ მთლად ბავში ვიყავი იქედან რომ წამოვედი. არც არაფერი დამიშავებია და არც არაფერი გამიკეთებია — ვსწავლობდი.

— ეხლა აქ რას აკეთებთ?

— მე ჯერ გერმანიაში ვიყავი, იქ სამეურნეო სწავლა დავათავე უმაღლეს სასწავლებელში. მასუკან აქ ვარ და

აქ პრაქტიკულად ვეცნობი ამ საქმეს. დიდი გამოცდილება შევიძინე.

ჩვენი მუსაიფი კარგს ხანს გაგრძელდა. დღევანდელ საქართველოს შესახებ მას რაღაც ველური წარმოდგენა აქვს როგორც ჰგავს ჩვენს შესახებ მხოლოდ ის იცის, რასაც პარიზის რომ „დამოუკიდებელ საქართველოში“ ამოკითხავს. ჩემი წათქვამი სანახევროთ სჯერა. იქვინობა ალბათ, დარწმუნებულია საგანგებოთ შემოჩენილი ვინმეა, უნდა გზა და კვალი ამიბნიოსო.

მისი „მორჯულება“ არ შეადგენს ჩემს მიზანს. ვიცი, რომ, რამდენსაც მიეძალები, იმდენათ „ფეხს გაიდგამს“. როგორც ერჩიოს. მინდა მაინც ის გამოვიყენო აქაური ქართველების მოსაძებნათ.

მისგან მე მართლაც მივიღე ერთი აქაური ქართველი ოჯახის მისამართი. ვეცდები ვნახო და გავეცნო მათ აქაურ ყოფა-ცხოვრებას.

— თქვენ გაგიჭირდებათ მათი მიგნება. მე ესლავე და ურეკავ, ვკითხავ, როდის შეიძლება მათი ნახვა და დანიშნულ დროზე ერთად წავიდეთ.

დანიშნულ დროს მე და ჩემი ახლად გაცნობილი ქართველი (— რა ხელობის არის მე თვითონ არ ვიცი, თქვენ რა გითხრათ —) ერთი სიტყვით ეს ქართველი ახალგაზრდა და მე უკვე ვიყავით იმ კარებთან, რომელსაც ინგლისურათ ეწერა მისტერ ჩ ე ლ ი“.

— შეგვეშალა, ალბათ, აქ, როგორც ჰგავს ვიღაც ამერიკელი ცხოვრობს, ისე ჰგავს.

— არა, არა, ეს არის, ჩვენებური კაცია, რაჭველი უნდა იყოს. ვყოფილვარ რამოდენიმეჯერ. — დაძაბებდა ჩემმა გამყოლმა.

კარებში თვით მისტერ ჩელი გამოგვეგება. ერთი შესხედვით ნამდვილი ამერიკელია. წვერ ულვაში ძირში აქვს მოსისნილი; ძალიან მარჯვე რწყილი უნდა, რომ ფეხი მოიკიდოს. გამაცნო თავისი მეუღლე მისის მერი ჩელი. ესეც ნამდვილი ამერიკელი მანდილოსანია. ნებივრათ ცხოვრობენ, როგორც ჰგავს, ეს გაამერიკებული ქართველები. ეს მეტადრე ამ ქალს ეტყობა. ტანისამოსი. მართალია, აცვია, მაგრამ იმდენათ და იმდენი. რომ ტიტველი ტანის ზოგ-ზოგიერთი ადგილი დაიფაროს და სხვა და სხვა სამკაულები ჩამოიკიდოს.

ჩვენი თითქმის ნაძალადევი სტუმრობა საწყენათ აძარჩენიათ. გულლიათ მიგვიღეს. ეს პირველია, რითაც ეს ცოლ-ქმარი არ ჰგვანან ამერიკელებს.

ქმარი ჯარგვალა ბიქია. მართალია, რქის ფართე და და მსხვილ რგოლებში ჩაყენებული სათვალეები აქვს თვალეებზე აფარებული. ეს თითქოს აქაურ ამერიკელ იერს ჰგვრის მის სახეს, მაგრამ, ქცევად მიხერა-მოხერა და სიტყვა-პასუხი. ეს სულ არ ჰგავს ამერიკელისას — ნამდვილი ჩვენებური ქალაქელი ავრა-ბიქია.

მისი მეუღლე მერი კი უფრო ნაკლებათ ჰგავს ამერიკელს. ტყვილა დაუშიშვლებია გულ-ბოყვი და მკლავები — ნამდვილი რუსის მათჟშკაა. ერთად ერთი რაც ორთავეს ნამდვილი ამერიკელი აქვს, ეს მათი სახელი და გვარია.

„მისტერი“ უფასო დამატებაა ყოველი სახელისა და გვარის. ამ სიტყვას დიდი გასაეალი აქვს და არავითარი ფასი: მისტერია თვით ჰუვერი. მისტერია ქუჩის დამგველიც. სახელი ჩემს ნაცნობს გარი, ანუ კიდევ ჰარი ჰქვია. გადაკეთებულობა, რასაკვირველია ჩვენებური სახელიდან. ეს აქ დასაძრახისი ან და აღკრძალული რამ საქმე არ არის.

ვისაც რა სახელსა და გვარს მოისურვებს, იმას დაირქმევს ჩვენში ის ალბათ, გრიგორი, გრიშა ან სხვა რამ ასეთი სახელის პატრონი იქნებოდა, აქ პარი, თუ გარი გამხდარა.

რატომ მოხდა ეს ცვლილება?!

ამის პასუხი თვით მისტერ ჩ ე ლ ი ს ა გ ა ნ არ გამიგონია. არც კი იყო საჭირო ამის გამოკითხვა.

ჩამოვიდა, ალბათ, ამერიკაში — 1905 წლის შემდეგ. პოლიცია დაჭირვას მიპირობდაო, ასე 'ამბობს თვითონ — როგორ ჩამოაღწია აქამდე, ღმერთმა იცის, თანაც მარტო ხომ არ ჩამოსულა, მეუღლეც თან ჩამოუყვანია. ხელობა რაღაც სცოდნია.

ეს უენო და უფულო ადამიანი დახეტილობდა, როგორც ჰგავს, ამერიკის სხვა და სხვა ქალაქებში ლუკმა პურის საშოვნელად. ისიც, ალბათ, როცა სახელს ჰკითხავდენ, თავის ნამდვილ — რაქაში რომ მღვდელმა ამოუკითხა ნათვლის დროს — იმ სახელს ეუბნებოდა.

ძნელია უცხო ქვეყანაში შენი კუთხის ქუდითა და სამოსელით გამოჩნდე, უფრო ძნელია, როდესაც ამერიკელს რაღაც უცხო და უცნაურ სახელს ეუბნები, რომლისათვისაც მას გაუჭირდება ყურის შეჩვევა, დამახსოვრება და გამოთქმა.

გამოჩნდა, ალბათ, ვიღაც მაღლიანი ადამიანი, შეიძლება, ისიც იმავე წესით ჩამოსული ამერიკაში, და ურჩია სახელი გამოიცვალეო.

მაგრამ რას ნიშნავს ეს ჩ ე ლ ი? ეს უნდა ვკითხო.

— ჩემი ნადვილი ქართული გვარი ქ ე ლ ი ძ ე არის — მითხრა მისტერ ჩელიმ. რაქველი ვარ. ქრებალოს ახლოს ვცხოვრობთ. ლეჩხუმის საზღვარზე. აქ მოკლე გვარები იციან და მეც ჩემი გვარი ასე გადავაკეთე.

ამერიკაში დრო ფული ღირს. ვის სცალია შენი რალაც უცნაური გვარის დასასწავლად? ვინ შეიწუხებს თავს, რომ ისეთი რამ სიტყვები ისწავლოს, რომლის მზგავსი თავის დღეში არ გაუგონია?

ეს რაქველი ქელიძე, როგორც ჰგავს, ბუნებრივ ნიქს მოკლებული ადამიანი არ უნდა იყოს, გვარი შუაზედ გადაუჭრია, შემდეგ ქარ-ის მაგივრათ ჩინი ჩაურთავს გვარისათვის თავში და გამოსულა შენი მოწონებული ჩელი.

მაგრამ მარტო გვარი და სახელი რომ არ შევლის ადამიანს?

აქაც ყუათი გამოუჩენია ქრებალოდან წამოსულს ქელიძეს. დაუდევს სამართებელი და ისე პირწმინდათ „გაუხვისნია“ პირისახე, რომ ბუმბლი აღარსად დაუტოვებია. ვინ იცის, ეს სამართებელი, იმას, შეიძლება, ქუთაისში ჰქონდა ნაყიდი „ებრაელების ბაზარში“ — იქ, სადაც მანეთად რომ საგანს დაგიფასებენ, შემდეგ ორ უზალთუნად შემოგაძლევენ ხელში. ვინ იცის, ეს სამართებელი იმას ვხლაც აქვს სადმე შემონახული.

ამერიკელია ჰარი ჩელი, თანაც მისტერი. გვარი და სახელი ისეთი აქვს, როგორც საზოგადოთ არის წესათ შემოღებული ამერიკაში. გამოწყობილი და მოკაზმულიც ისეა, როგორც შეშვენის ამერიკას.

— ქართული გახსოვთ, შევეკითხე მას. როდესაც სასტუმრო ოთახში შეგვიპატიუა და რალაც რუსულ. ინგლისურ-ქართულ ნარევით დაიწყო ბოდის მოხდა. თითქოს იმის თქმა უნდოდა, მე თვითონ უნდა მოვსულიყავი და უნდა მენახეთო. თუ სხვა რამ ამის მზგავსი.

— ქართული? ძალიან ცოტა, ძალიან ცოტა!!! მე აგერ დევიატსოტ-პიატი გოდანს შემდეგ აქ ვცხოვრობ.— რაქველ კაცს რომ კილოზე არ შეეტყოს, არ შეიძლება. თვითეუ-

ლი რაქველი მეტ-ნაკლებათ იმავე კილოთი დაპარაკიბს.  
როგორც შამშე ლეუავა.

ქართული იმდენათ დავიწყებული არ ექნება, მაგრამ, როგორც ჰგავს, არ უნდა გაამხილოს—იქნებ ეშინია ამერიკული „ფასონი“ წამიხდებო.

— ამერიკაში რა ენას ხმარობთ?

— ანგლიცურს.

ვერატფერი ნათქვამია ეს „ანგლიცური“, მაგრამ რას მოჰკითხავ მისტერ ჩელის, როდესაც მას ქართული დავიწყებია და ეს „ანგლიცური“ ალბათ ისე იცის, ჩვენში რომ იტყვიან „საპრაზნიკოთო“.

— ცხოვრობენ კიდევ ქართველები ამერიკაში?

-- არიან, როგორ არა! არიან, მაგრამ ბევრს მათგანს ვერ ვცნობ. შორს არიან მისვლა-მოსვლა გვიჭირს.

მისის მერი ჩ ე ლ ი, მისტერ ჰარი ჩელის მეუღლე თავისუფლად დაპარაკობს რუსულს.

— ჩვენ, მე და ჩემი ქმარი ვაპირობთ ამერიკიდან რუსეთში წასვლას, მაგრამ ძალიან გვეშინია; არ ვიცით, მოგვცემენ ნებას. თუ არა?

— მინდა ერთი ჩემი ქვეყანა ვნახო, თანაც კარგი რამე საქმეების გაკეთება შემიძლია ჩვენი ქვეყნისათვის, თუ რომ მთავრობაც დამეთანხმება.

ამერიკელი-ამერიკელია, თუნდაც რომ ქრებალოდან იყოს ერთ დროს წასული. ის ვაგლახათ არ იკადრებს ჩვენში ჩამოსვლას. ყოველ შემთხვევაში, თუ გაგვაბედნიერა და ჩამოვიდა, მაშინ პირდაპირ მთავრობის თავმჯდომარესთან თუ გაპარტავს მასლაათს, თორემ უბრალო ჩვეულებრივ ადამიანებთან საქმის დაჭერას, როგორ იკადრებს!? მისტერ ჰარი ჩელი—ერთ დროს გრიგოლა ქელი-



ძე — დღეს ამერიკელი მოქალაქე გახლავთ და ის უბრალოდ არ იკადრებს საქმის დაქერას ..ვინმესთან“.

— რაში გკვირდებათ მთავრობის დანხარება?

— მე შემძლია ისეთი ქარხანა გავხსნა, რომელიც სრულებით არ არის საქართველოში!

— სახელდობრ, მაინც?

— მე კარგათ ვაკეთებ ელექტრონის ლამფუჩქებს. ეს გამოსადეგი საქმეა ჩვენში!

— ოღონდაც. რატომაც არა, მაგრამ მაგნაირი ქარხნები ჩვენ საქმარისათ გვაქვს.

— სად, საქართველოში?

— არა, საბჭოთა კავშირში!

— ასე იგი, მთელ რასეაში, არა?

● — დიალ, უწინ მაგ სახელი ერქვა, ეხლა ჩვენში წესებიც სხვანაირია და სახელიც.

— მაშ, ჩვენში მაგისტანა რამეები საქირო არაა, რალა?

— ვერ გეტყვით დაბეჯითებით. აი თქვენ თვითონ ჩახვალთ, მოელაპარაკებით იქაურს ხალხს, იქ გაიგებთ დაწერილებით ყველაფერს.

— მაშ. თქვენ მირჩევთ წასვლას, არა?

— ეს თქვენი საქმეა. მე შემძლია მხოლოდ იმის თქმა, რომ იქ საშიში და სახიფათო არაფერია.

— ჰო, ხომ გითხარი მე შენ, — მიუბრუნდა მისტერ ჩელი თავის მეუღლეს, — რა უნდა იყოს საშიში. აი ეს ადამიანი აკი ლაპარაკობს.....

მისის ჩელი ნერვიულად აპარპალებს თვალებს, ეტყობა, მართლაც ეშინია. ჩემი ნათქვამი მისთვის არც იმდენათ ურყევი საბუთია. მინდა დამწვარზე მღუღარე დავასხა. მინდა დაუფეთო ანგელოზები.

— ჩვენ აქ რას გვეუბნებოდენ. რუსეთში ადამიანის ხორცს სჭამენო.

— მე კვერი დავუკარი.

— მართალია!

სიჩუმე ჩამოვარდა. მისის ჩელიმ თავის ქმარს ისეთი თვალით გადახედა, თითქოს ეუბნებოდა. — რას მიჰქარავ, აკი მართალი ყოფილა ყველაფერიო. მე არ ვუჩქარი ამ სიჩუმის დარღვევას.

— იყო დრო, — ნელა წამოვიწყე მე. — როდესაც... — ვაგრძელებ განგებ სიტყვას.

ქრებალოელი ქელიძე, ანუ მისტერ ჩელი გლახათ აიწურა. არ ესიამოვნა....

— არა, სულ მაგრე კი არ ყოფილა. ჩვეულებათ კი არ ყოფილა გადაქცეული მაგ ამბავი. იყო დრო, მასუკანაგერ რვა წელიწადი გავიდა — ეს 1921 წელს იყო, როდესაც მთელს საბჭოთა კავშირში დიდი სიმშვილობა....

— ჰო, იმ სიმშვილობის დროს. რალა, — ცოტა არ იყოს, მოეშვა გულზე მისტერ ჩელის.

— არა. დამაცალეთ, გეტყვით ყველაფერს... აი იმ სიმშვილობის დროს, დასტურ იყო მაგალითები, მართალია იშვიათი, როდესაც სიმშვილით გაბოროტებული და გონება დაკარგული ადამიანი....

— საშინელებაა, საშინელება! — აკანკალდა მისტერ ჩელის მეუღლე.

— მართლაც რომ საშინელებაა! მაგრამ, რატომ იმას არ იკითხავთ, ვინ ჩააგდო ჩვენი ქვეყანა იმ დროს ასეთს გაჭირვებაში....

— მაგას რა კითხვა უნდა — ცხადია. ყველამ იცის! — ბრძანებს მისის ჩელი.

— მართალი ბრძანებაა, მეც ჩინებულად ვიცი, მაგრამ ჩვენ, ალბათ, სხვადასხვანაირათ ვიცით, ვისი ბრალი იყო, თქვენ როგორ იტყვიან?

— ვისი და ბოლშევიკების, რასაკვირველია!

— არა, სცდებით, ეს თქვენი ბრალი იყო!

— როგორ თუ ჩვენი, ვის ჩვენი, ჩვენ აქ რა ჭეშიაში ვართ.

— პირადათ თქვენც მიგიძღვით წილი იმ ცოდვისა და დანაშაულის, რომელიც ჩაიდინა ყველა ქვეყნის ბურჟუაზიამ საბჭოთა კავშირის წინააღმდეგ. თქვენ ხომ ბურჟუაზიულ-კაპიტალისტურ კლასს ეკუთვნით?

— რას ამბობთ, მე ტისიჩი პიატი გოდაში ახალ თაობის კაცი ვიყავი, განა მისთვის არ გამოვიქეცი იქიდან!! — ცხარობს მისტერ ჩელი.

— მაგ იყო, და თქვენი ჭირი წაიღო.

— რატომ, მე აქ ჩემი ყაირათობით ფული გავაკეთო, განა მიტომ ბურჟუა უნდა დამერქვეს? რატომო? მე და ბურჟუა?! მახლას!!

პოლიტიკური ანბანის სწავლება ჩემს განზრახვას არ შეადგენდა. მერე ასეთი მოზრდილა მოწაფეების სწავლება საზოგადოთ ძნელი საქმეა, მით უმეტეს ამერიკაში და მით უმეტეს მაშინ, როდესაც ამერიკელ მოქალაქეს მისტერ ჩელის საქართველოში წამოსვლის წინ სრულებით, არ ეხალისება ამ ბურჟუის სახელით გასეირნება იმ ქვეყანაში, სადაც ბურჟუაზია არავის უყვარს.

კარგა ხანს გავყევით ლაპარაკს. მისტერ ჩელის მართლაც იმდენი აღმოაჩნდა ქართული ენის ცოდნა. რამდენსაც მე მოველოდი. ლაპარაკობს ისე. როგორც სოფელს ადრე მოშორებული და ქალაქებში ნახეტილები ხალხი.

სადილათ მისტერ ჩელი კარგი მასპინძელი დაგვხვდა. აქ ღვინო აღკრძალულია, მაგრამ ღვინოსა და მაგარ სასმელებს ყველა სვამს. როგორც ეტყობა არც მისტერ ჩელი არის შუმი წყალის მოყვარული.

— ღვინოს მე აქ თვითონ ვაკეთებ. ყურძენს ვყიდულობ, დაეწურავ ხოლმე და იმას ვსვამ. ისეთი დაგალევი ნოთ. ნამდვილ ყიფიანისას ჰგავდეს.

ღვინო მართლაც კარგი გამოდგა. ეტყობოდა სიმამრისათვის სპრიტივ გაერია, ამიტომ მეტად მაგარი იყო და მისტერ ჩელის ჩქარა დაეტყო შეზარხოშება.

გადაკრულს მისტერ ჩელის ახალი თვისებები გამოაჩნდა. გადაუკიდა ქართული დუქნური სიმღერები.

— თქვენ ხომ ახალი ჩამოსული ხართ საქართველოდან, ხომ? აბა, თქვენ თუ გეცოდინებათ ჩემოდენი ქართული? არ გეცოდინებათ. მე და ჩემმა ღმერთმა: მე სულ ზეპირად ვიცი ავთანდილის ლექსი.

დაიწყო:

„ავთანდილ გადინადირა მინდორ მაღალი ტყიანი  
„ასი ჰკრა და ოცი მოჰკლა, ერთი ნადირი რქიანი.  
„იქვე ხის ძირში ჩამოჯდა წვადი ააგო-მცერიანი,  
„ლურჯამ კაცი დაინახა თოფით მხარზე მომავალი  
„ჩაუსაფრდა ესროლა სისხლი ადინა ძმრიანი.....“

— ხომ მცოდნია, ხომ?

— სად ისწავლეთ, გაქვთ აქ ქართული წიგნები?

— არა. აქ არა მაქვს: მე ეს იქ მქონდა ნასწავლი. რაც მართალია—მართალია, მე ეს ლექსი ბავშობისას „დედაენაში“ მისწავლია, მაგრამ ალბათ იქ სხვანაირათ იყო მოთხრობილი ავთანდილის ნადირობის ამბავი. — მისტერ ჩელის, ალბათ, სხვა წიგნში ამოუკითხავს ეს ამბავი.

მოგვიანებული იყო, როდესაც მისტერ ჰარი ჩელის გამოვეთხოვე. დამშვიდებისას მითხრა:

— საქართველოში, თუ ჩავედი, ერთი ჩოხა ახალოხი უნდა შევაკერიო, კობტათ უნდა გამოვეწყო და ისე უნდა ავიდე ჩვენს სოფელშიო.

— ჩვენ შეიძლება წავიდეთ საქართველოში, მაგრამ იქ დიდ ხანს არ დავრჩებით, ჩვენ უკვე ამერიკელი მოქალაქეები ვართ, წამომავოლა დამშვიდებების დროს მისი მერი ჩელიმ.

მასუკან მე ისინი აღარ მინახავს. არც სხვა ქართველების შესახებ გამოგონია რამე. ბოლოს, შემთხვევით — შემთხვევას რა შეუძლია — გადავეყარე. ერთს ქართველ მანდილოსანს.

— თქვენი მისამართი ერთმა ჩემმა ნაცნობმა მომცა. მისტერ ჩელიმ, იცნობთ ალბათ. თქვენთან საქმე მაქვს; თქვენთვის ეს საქმე ძნელი შესასრულებელი არ იქნება, ჩემთვის კი... იცოდეთ დიდად დამავეალებთ.

ეს მანდილოსანი ქალარა შერეული ქალი გახლდათ “ე წელს გადაბიჯებული.

— მიბრძანეთ, თუ კი რამე შემიძლია, მე დიდი სიამოვნებით.

— მე დიდი ხანი არ არის რაც აქ ვარ. ან კი რა მინდოდა მე ამ სიბერის დროს ამ დაწყვეტილს ქვეყანაში, მაგრამ გაკირვება რას გაქნევინებს ადამიანს.

— რატომ. ბერს ძალიან მოსწონს და თავს იკლავენ აქ მოსვლისათვის.

— მართალია, ბატონო, მართალი, მაგრამ, იმათ რა იციან რა ჯოჯოხეთია აქაური ცხოვრება. ჩამოვედი აქ მე... თვითონ. კი არ ჩამოვსულვარ შვილებს ჩამოვყვეო, ისინი წამოვიდნენ და მეც მარტოს სხვაგან რა გამაჩერებდა.

ვკამთ გაძალღებულ ლუკმას. ისინი მსახურობენ, მე კი საათობით დავდივარ და სხვის ბავშებს ვუვლი. საცოდავ ორიოდ გროშს ვიღებ ჩემთვის, იცოდეთ, რომ ძალიან ძნელია ყოველივე ამის მოყოლა, მაგრამ ესეც გაჭირვებით მომდის.

— რითი და როგორ უნდა დაგეხმაროთ მე თქვენ?

— საქმე ისაა, რომ იქ საქართველოში, ალბათ რუსეთშიაც, იქაურ ხალხს ასე წარმოუდგენია, რომ აქ ოქროში ისე ურევთ ხელს, როგორც ნაცარში, რომ აქ ყველა მილიონის პატრონია, რომ აქ ფული ქუჩაში ყრია და თუ კი ვინმემ არ დაიზარა ალება და ჯიბეში ჩადება.....

— გამიგონია; მართალია, აგრე იციან, ასეთი წარმოდგენა აქვთ აქაურობის შესახებ.

— ეს არაფერი. ბატონო, მაგრამ მე ამ წარმოდგენამ წელში გამტეხა. იქ — საქართველოში გეყავს ნათესაგები. უჭირთ, ალბათ იმათაც, რასაკვირველია, მაგრამ იქაური ცხოვრება რომ გამახსენდება, სამოთხეთ მეჩვენება ხოლმე აქაურთან შედარებით. ჰო, იმას ვამბობდი, მოიდგეს ბატონო ჩვენზე კიბე და ყოველ თვეში გვწერენ:

— „არიქა გვიშველეთ, ფული გამოგვიგზავნეთო!“

— თქვენც უგზავნით, არა?

— უგზავნით ცოტ-ცოტას, მაგრამ ეს ცოტაც მძიმე ტვირთია ჩვენთვის. მინდოდა მიმეწერა აქაური ამბები, გამეგებინებია ყოველივე რაც აქ ხდება, რა უბედურებაშიაც ვართ ჩავარდნილი, მაგრამ შვილები არ მიშვრებიან. მოგეხსენებათ, ახალგაზრდობა, თავმოყვარეობა და სხვ. არ დამანებეს. მეც მინდა ესლან თქვენ გთხოვოთ, იქნებ თქვენ თქვენდა თავათ მისწეროთ ჩვენი აქაური გარემოება და რაღა დავიჯერო, ვერ მიხვდენ და არ დაგვანებონ თავი თორემ გავწყდით წელში...

— თქვენ თვითონ რატომ ვერ მისწერთ? არა სჯობია თქვენ რომ მისწეროთ, მე გარეშე პირი რატომ უნდა გვეერიო თქვენს საქმეში?

— მე რომ მივწერო, შვილები სახლში აღარ დამაყენებენ, სახელი გაგვიტეხე, თავი მოგვეკერიო.

— რას აკეთებდენ თქვენი შვილები საქართველოში?

— რა ვიცი, რომ გითხრათ, თქვენ იქნებ არც კი მოგწონოთ, მაგრამ ჩემი შვილები არაფერში დამნაშავე არ არიან... ჯარში მსახურობდენ იმ მთავრობის დროს...

— იმ მთავრობის დროს, რომელიც ეხლა პარიზში ცხოვრობს, არა?

— ჯანდაბის ორლობემდი, ბატონო, სადაც უნდა იქ ცხოვრობდეს, ჩვენ კი ამ ცეცხლში და უბედურებაში გადავვარდით. ჩემი შვილები ახალგაზდები არიან, მაგრამ მე ამ მოხუცებულს ადამიანს, რა მემამერიკება უენი ჭირიმე.....

გარკვეულად შეპირება არ მიმიცია. ვუთხარი „ზომებს-მივიღებთქო“. არ ვიცი დაწყნარდა ამით, თუ არა. გამომეთხოვა და წავიდა.

ამის მეტი ქართველი მე ამერიკაში არ მინახავს. ამითი მაინც სჯობს ამერიკა სხვა ქვეყნებს. მაგრამ სხვა ქვეყნის ქართველებზე, სხვა დროს იყოს.

13 ივლისი 1929 წ.

## რა უჭირს და რა ულხინს ჩრდილო ამერიკის შეერთებულს შტატებს.

7 აპრილი 1929 წ.

ამერიკა, პირველ ყოვლისა, შეერთებული შტატებია! ამერიკაში ათი, თუ ხუთმეტი წვრილ-წვრილი სახელმწიფო არსებობს, მაგრამ ეს სახელმწიფოები ამერიკის —

დიდი ამერიკის — შეერთებულ შტატების უუასო და უიღბლო დამატებაა.

ძერასავით დასტორიალებს თავზე შეერთებულ შტატებს ყოველის შემძლე ხელი ამ პატარ-პატარა სახელმწიფოებს. მთელი ეს შუა და სამხრეთ ამერიკის არე-მარე ქაღრაკის სათამაშო ფიცარივით სძევს ამ ძლიერი ხელის გამგებლობის ქვეშ.

დღეს რომ ერთ რომელიმე სახელმწიფოს უბრალო ნაფოტივით იქით გადატყორცნის, ხვალ აქეთ გამოსწევს. დღეს ორ ასეთ პატარა ყვინჩილას ერთი მეორეს გადაჰკიდებს, ხვალ ორთავეს ქოჩორში წასწვდება და ორთავეს დატუქსავს — გაურისხდება.

ზოგს შინაურ წესრიგს უწუნებს და კკუის სასწავლებლათ ან შიგნიდან მოუწყობს აჯანყებას, ან გარედან შეურთავს ცეცხლს. ზოგს მოიმაღლიერებს ხმელა ლუკმას გადაუგდება სულის მოსაბრუნებლად.

ამერიკის სრული ბატონი და მბრძანებელი ჩრდილო ამერიკის შეერთებული შტატებია. ჰყავს მას აქ ვინმე მოცილე და მოღავე?

ჰყავს უსათუოთ. ეს ძველი ინგლისია. თვით ამერიკის იმ ნაწილის უწინდელი ბატონი. სადაც ამ უამათ შეერთებული შტატები სუფევს.

შეერთებულს შტატებს არაფრათ მოსწონს ბებერი ინგლისის წყალ-გამოღმა შემოღავება. ამერიკის კაპიტალიზმის მოქარბებული ძალა თავის კანში აღარ ეტევა და ჯერ კიდევ, ვინ იცის, რითი გათავდება ამ ორ მეზობლის ძველი და ახალ ანგარიშების გასწორების საქმე.

მაგრამ, რამდენადაც შტატები ბატონობს ამერიკაზე, იმდენათვე და კიდევ უფრო მეტათ ამერიკაზე გაბატონებულია ნიუ-იორკი. შტატებში ნიუ-იორკისა პირველობა.



ნიუ-იორკი არ არის სატახტო ქალაქი, პრეზდენტის თეთრი სასახლე ვაშინგტონშია. იქ ზის შტატების პარლამენტი — (კონგრესი); ვაშინგტონშია ადმინისტრაციის ცენტრი. ვაშინგტონი მთავრობის სამყოფი და სამუშაო ადგილია.

ოფიციალურათ პირველობის კვერთხი ვაშინგტონს აბარია!

ნიუ-იორკი არამც თუ სატახტო ქალაქი არ არის, ის თვით საკუთრად ნიუ-იორკის შტატშიაც კი არ ითვლება მთავარ ქალაქად. ნიუ-იორკი უბრალო ქალაქად ითვლება; მაგრამ ყველასათვის უეჭვო და უდაოა, რომ პირველობა ნიუ-იორკს ეკუთვნის; ამაში მას ვერაფერ შეეცილება.

ეს პირველობა მან დაისაკუთრა თავისი ბანკებით, თავისი ბირჟით, თავისი კაპიტალით.

მაგრამ მთლად და მთელი ნიუ-იორკიც არ არის ამ პირველობის განმახორციელებელი.

საზოგადოთ ნიუ-იორკი იმ ვეებერეთელა ქალაქს ჰქვია, რომელშიაც სათვალავით შეიდი მილიონი სული მოსახლე ცხოვრობს. თვით შტატებში კი ნიუ-იორკს ამ ქალაქის ერთს განსაკუთრებულ ნაწილს ეძახიან. რომელიც ერთს გაცილებით პატარა კუნძულზეა დაბჯენილი. ნიუ-იორკის მიდამო ერთი ზღვიდან ამოშვერილი კლდეა. რომელსაც სამი მხრით ზღვა უვლის და ერთი მხრით მდინარე ჩაუდის. აქაა დიდი ნიუ-იორკის გული: ამ ადგილს ჰქვია აქ — შტატებში — საგულდაგულოთ სახელი ნიუ-იორკი.

ამ საკუთრად ნიუ-იორკსაც აქვს საკუთარი დიდი საქმეების საკეთებლად აჩენილი ერთი განსაკუთრებული უბანი — ეს სახელოვანი ვოლ სტრიტია.

ეს მილიარდერების უბანია.

აქაა ნიუ-იორკის ბირჟა.

აქაა ის რამოდენიმე მთავარი ბანკი, რომელსაც უკავია ხელში უთვალავი სიმდიდრე. ამ პატარა უბნით არის სახელგანთქმული ნიუ-იორკი, ნიუ-იორკით შტატები, შტატებით ამერიკა.

ამერიკის სახე საუცხოვრით სჩანს შტატებში.

შტატების ბერკეტი ნიუ-იორკია,

ნიუ-იორკის მაჯა ვოლ სტრიტში ფეთქავს.

არსად ისე შიშვლად; ისე აშკარად არ სჩანს მთავრობის დამოკიდებულება გაბატონებული კლასის ნება-სურვილისაკენ, როგორც ჩრდილო ამერიკის შეერთებულ შტატებში.

პრეზიდენტს „ხალხი“ ირჩევს. შტატების კონსტიტუცია უადრესად დემოკრატიულია, მაგრამ დღეს ბევრი აღარ არის ისეთი ბრიყვი და გულუბრყვილო, რომ არ იცოდეს, თუ ვინაა ნამდვილი ამომრჩეველი: ეს უსახო და უსახელო ხალხი, თუ ვოლ-სტრიტის მთავარი შტაბი.

იქ ბებერ სასახლეში ზის ვოლ-სტრიტის დაყენებული: თუმც ვითომც არჩეული კაცი, მაგრამ

„იგი წავა და სხვა მოვა,

ტურფასა საბალნაროსა“,

ხოლო ვოლ-სტრიტის შტაბს არჩევნები არ სჭირდება, ის ჯერ-ჯერობით მაგრად ზის, ზის და მართავს ამერიკის შეერთებულს შტატების ბედსა და იღბალს.

როგორ მართავს ვოლ-სტრიტი?

რა უჭირს და რა უღხინს ჩრდილო ამერიკის შეერთებულს შტატებს?

---

ომის შემდეგ ჩრდილო ამერიკა ძალუმათ იზრდება და მატულობს. ამერიკის ბურჟუაზია თავის ტყავში აღარ

ეტევა, ის წინ მიიწევს, მას უცილობელი პირველობის და საკუთრება აქვს გადაწყვეტილი.

მართლაც, დღეს-დღეობით შტატების მეურნეობა მსოფლიო წარმოების ბევრს მნიშვნელოვან დარგებში თითქმის მონახევრეა. მას ეკუთვნის:

ქვა-ნახშირის ამოღებაში 50%-ტი, ნავთის წარმოებაში 70%-ტი, ფოლადის ჩამოსხმაში 46%-ტი. (ზოგიერთი წყაროების მიხედვით ფოლადის ჩამოსხმის 50% ან-გარიშობენ). თუჯის ჩამოსხმაში 40 — 50%-ტი. შტატების სავაჭრო გემებს შეუძლიათ მსოფლიოს საზიდი ჰვირთის 22%-ის აწევა. შტატები ხმარობს ბამბის მსოფლიო მოსავალის 26%-ს. მსოფლიო საგარეო ვაჭრობის 15%-ტი შტატების ხელშია.

ეს ცნობებიც საკმარისია შტატების სამეურნეო ძლიერების გასაზომავათ. გაეხსენოთ ისიც, რომ შტატების საერთო ავლადიდება შეადგენს 320,8 მილიარდ დოლარს. ეს იმდენივეა, რაც მთელი ავლა-დიდება: ინგლისის, საფრანგეთის, გერმანიის და იტალიის ერთნახევარჯერ აღებული.

თუ თვითეულს ამ სახელმწიფოს ჩრდ. ამერიკის შეერთებულ შტატებს შევადარებთ, შემდეგს სურათს დავინახავთ:

აქვს ჩრდ. შტ.-თან შედარებით:

ინგლისს	28 პროცენტი.
საფრანგეთს	21 „
გერმანიას	11 „
იტალიას	8 „

ამრიგათ. ჩრდილო ამერკის შეერთებული შტატების სიმდიდრე თითქმის 4-ჯერ მეტია, ვიდრე ინგლისის; 5-ჯერ

მეტია, ვიდრე საფრანგეთის; 9-ჯერ მეტია, ვიდრე გერმანიის და 12-ჯერ მეტია, ვიდრე იტალიის.

კაპიტალისტური ქვეყნის ასეთი დაწინაურება, პირველყოვლისა მსხვილი კაპიტალის განვითარებას ნიშნავს. უწინარეს ყოვლისა ამ მსხვილი კაპიტალის წონა და გავლენა იზრდება.

ჯერ კიდევ 1926 წელს კაპიტალის პატრონი ხალხის ერთი პროცენტი ჰვლობდა საწარმოო და საფინანსო დაწესებულებათა თანხების 80 პროცენტს. მას შემდეგ ეს ერთი პროცენტიც დახურდავდა, ამ რიცხვს მოაკლდა. მაგრამ მათი ხვედრითი წონა კიდევ მეტი შეიქნა, მათ ავლადიდებას კიდევ მოემატა.

საფინანსო და საწარმოო კაპიტალის ასეთი უზომო ზრდა სულ ახალ მდგომარეობას ჰქმნის შეერთებულს შტატებში და ამ მდგომარეობის მიხედვით მთელი რიგი ახალი ამოცანები დგას მის წინაშე.

პირველი, რასაც არ შეიძლება ყურადღება არ მიაქციო, როცა აქაურს მდგომარეობას დაუკვირდები, ესაა ქალაქისა და სოფლის შორის დამოკიდებულების გამწვავება. მრეწველობა და სოფლის მეურნეობა დღეს ერთი მეორის წინაა წამდგარი ვითარცა სასტიკი და შეურიგებელი მტერი.

კაპიტალისტურ ურთიერთობაში ქიშპობა და მეტოქეობა სწყვეტს გამარჯვება-დამარცხების საკითხს. სოფლის მეურნეობა ვერ უძლებს მრეწველობის შემოტევას. ის იძულებულია უკან დაიხიოს.

სოფლის ქირნახულის ფასი შორს ჩამორჩა ქალაქის მრეწველობის ნაწარმოების ფასს.

ამ ჩამორჩენის მიზეზების გამოკვლევა შორს წაგვიყვანს. ყველა მიზეზების გამოჩენა და გამორკვევა — მე-

ტად რთული საგანია და იმის გაშუქება სასახვათაშორის-  
სოთ, გზა-და-გზა, ასე ვთქვათ — შეუძლებელია. არის ერ-  
თი გარემოება, რომელსაც დიდი გავლენა აქვს სოფლის  
ქირნახულის ფასების დაცემაზე.

შევჩერდეთ იმაზე.

ქალაქის წარმოება — მრეწველობა ელვის სისწრაფით  
მიდის წინ. ერთი და იმავე საგნის დამზადებას, სულ უფ-  
რო და უფრო მცირე დრო და ადამიანის ნაკლები ჯაფა  
სჭირდება. თანაც მოქარბებული საქონელი ქალაქის მრე-  
წველობის უფრო ფართო ბაზრით, სარგებლობს, რასაც  
შინა მოთხოვნილება ვერ ერევა; ის სხვა და სხვა ქვეყნებში  
გააქვთ და იქ შოულობს მუშტარს.

სოფლის მეურნეობის საქმე უფრო სხვანაირათ არის.

ტენნიკა ისე ჩქარი ნაბიჯით ვერ მიდის წინ სოფლათ,  
როგორც მრეწველობაში. ქირნახულის მოყვანას შედარე-  
ბით მეტი ჯაფა სჭირდება, მეტი მუშა ხელის დაბანდე-  
ბა. ეს თავისთავათ აძვირებს ქირნახულის თვითღირჯ-  
ბულებას.

ამავე დროს ქირნახულის ბაზარი არც ისე ფართე და  
ულევია, როგორც სამრეწველო საქონლის. ამერიკელი  
სოფლის მეურნის ნაწარმოებს დიდი მეტოქე ჰყავს: კა-  
ნადა, არგენტინა, ავსტრალია, სადაც მოსავალიც კარგ-  
იციის და მუშა ხელი გაცილებით უფრო იაფათ ფასობს.

ყოველივე ამის შედეგი ისაა, რომ სოფლის მეურნეს  
აჯვის, ვთქვათ ერთ უფთ ხორბალში არ შეუძლია იმდენი  
ფული ამოიგოს, რომ შეიძინოს მრეწველობის ისეთი სა-  
განი, რომლის დამუშავებაში სწორეთ იმდენივე დროა და-  
ხარჯული და იმდენი მუშა არის მომცდარი, რაც მის ფუთი  
ხორბლის მოყვანას მოუნდა.

სხვანაირათ რომ ვსთქვათ სოფლის ქირნახულის ფასები ძალიან შორს ჩამორჩა ქალაქის მრეწველობის საქონელზე დადებულ ფასებს.

იყო განსხვავება: ჩამორჩენილი იყო სოფლის ნაწარმოების ფასები ქალაქის მრეწველობის საქონელის ფასებთან შედარებით: 1922 წელს 22 პროცენტით, 1925 წ. 11 პროცენტით, 1927 წ. 14 პროცენტით.

რას ნიშნავს, რისი მომასწავებელია ეს გარემოება?

პირველ ყოვლისა, თუნდა იმისი, რომ სოფლის მეურნე თავის ნაშრომის თითქმის ერთს მეშვიდედს მუქთად უნდა შეეღოს და თავის მოთხოვნების ასეთივე ნაწილი სხვა რამე „გარეშე“ შემოსავლით უნდა დაჰფაროს.

არის ისეთი მაგარი — სულჩადგმული მეურნეები, რომლებსაც აქვსთ იმის საშუალება, რომ ამ ფასების დანაკლისს გაუძლონ, მაგრამ ის მეურნე, რომელიც თავის ქირნახულის გასაღებამ უნდა არჩინოს და ამის გარეშე არაფერი არ გააჩნია, ის იძულებული ხდება, რომ ქირნახულიდან ამოგებულ ფულს თავისი „უძრავ-მოძრავი“ ნელა-ნელა უკან გააყოლოს. ეს კი თავის-თავათ, უფრო აძლიერებს მეურნეობის დაძაბუნებას, დასუსტებას და განიავებას.

ჩრდილო ამერიკის შტატებში ეხლა ყოველდღიურ მოვლენათ გადაიქცა სოფლად მეურნეობის (აქ მათ ფერმერებს ეტყვიან) - აყრა და ქალაქისაკენ სამუშაოს საძებნათ წამოსვლა.

აქური სტატისტიკის მიხედვით თვითეულ 100 სოფლის მეურნეში მხოლოდ 14 მუშაობს ისე, რომ ქირნახულის გაყიდვაში ამოგებული ჯულით თავის ნაწარმოების თვითღირებულებას ჰფარავს და ცოტაოდენი მოგებაც

რჩება. დანარჩენებიდან, ნაწილი სანასეუროთ კიდევ ლაფავს სულს, ნაწილი გაპარტახების პირასაა მისული.

სიკვდილი და გაქრობა არავის არ ეხალისება. არც აქაური სოფლის მეურნეები არიან გახარებული და დალხინებული თავიანთი მდგომარეობით. სცდილობენ და მეცადინეობენ რაც გაეწყობათ, რომ სოფელს შერჩენ, მიწა ხელიდან არ გაუშვან და ქალაქში დღიურ სამუშაოზე ხეტიალი არ დასჭირდეთ.


ამ გაჭირვებიდან გამოსავალი საშვალეა, საზოგადოთ, ძნელი მოსანახავია. სხვაგანაც ყოფილა ასეთი მდგომარეობა და სხვაგანაც უძებნიათ ასეთი საშვალეები. ამ შემთხვევაში თითქმის ყველგან ერთი ხერხით, ერთი და იგივე ზომებით აპირობენ ფონს გასვლას.

— მოუმატოთ მაზანდა სოფლის ჭირნახულს. გარედან ნუ შემოვუშვებთ სოფლის მეურნეობის ნაწარმოებს. საამისოდ შემოვიღოთ მაღალი ბაჟები; ამითი ვიპატივებთ თავს გარედან შემოტანილ ჭირნახულის მეტოქეობიდანო, — იძლევიან წინადადებას ფერმერები.

მაგრამ ეს ვერ შველის მაინც მდგომარეობას, ვინაიდან შტატების სოფლის მეურნეების მოსავალს ადგილობრივი — შინაური ბაზარი ვერ მოერევა; მთელ ამ მოსავალს შინა ბაზარზე ვერ გაასაღებენ აქაური სოფლის მეურნეები.

— რაც მოგვრჩება, რასაც შინა ბაზარი ვერ მოერევა, ეს ჭირნახული მთავრობამ შეიყიდოს შინაური ბაზრის ფასების კვალობაზე და თვითონ გაიტანოს გარეშე ბაზარზე გასასაღებლადო, — იძლევიან რჩევას სოფლის მეურნეები.

ასეთია აქაური ფერმერების მოთხოვნა, მაგრამ მთავრობის შესყიდვლება ამ საგანსე, რომ მეტი არ ეთქვათ, ცოტა სხვანაირია.



ერთი მთავარი სადგური ნიუ-იორკში. აქედან იწყება პენსილვანიის რკინის გზა.

ქირნახულის ფასების აწევა, უსათუოთ მრეწველობაში გამოიწვევს ქალაქის ერთგვარ ცვლილებას. გაძვირდება ქირნახული. მომმატებს ხორაგეულის ფასი ქალაქში და მრეწველებიც იძულებული იქნებიან ისევ მოუმატონ მუშის ხელფასსაც. ხელფასის მომატება კი აუცილებლათ თან მოჰყვება მრეწველობაში დამზადებული საქონლის ფასის მომატებაც.

ასე და ამრიგათ, სოფლის მეურნეებს ამგვარი ზომების განხორციელებით დიდი და ხანგრძლივი შეღავათი არ მიეცემათ.



აი. ამიტომაც არის, რომ სოფლის მეურნეები მოითხოვენ: — ჩვენი ჭირნახული მთავრობამ შეიძინოს მაგრამ მაშინ ეს საკითხი უკვე პოლიტიკური საკითხის ხასიათსა ლებულობს და პოლიტიკური შინაარსით იმოსება.

შტატების მთავრობა დღეს იმპერიალისტურ ყოყოჩობის გუნებაზეა. აშენებენ სამხედრო გემებს.. ხუთი გემის შენება უკვე დაიწყო. ამ მახლობელ სამ წელიწადში 15 საომარი გემი უნდა ააშენონ. არის დიდი მზადება და თავდარიგი. ეჭვი არაა, რომ ადრე იქნება, თუ გვიან შტატები ამ გემებსა და ამ ზარბაზნებს საქმეს გაუჩინენ, უეჭველია ამ გემებს ზღვაზე სასაფრთხო არ ამზადებენ და ამ ვეება ზარბაზნებით ბელურებზე ნადირობას აწ დაიწყებენ.

ამკარაა, რომ მომავალ ომში სოფელმა უნდა მისცეს ამერიკის მთავრობას ზარბაზნების გასატენი ხორცი, ჯარი, სალდათი. ეს კარგათ იცის მთავრობამ, ამ გარემოებას უწევინ ანგარიშს სოფლის მეურნეებიც.

ამის შესახებ ხმა მალლა ლაპარაკი არ არის, მაგრამ ეს უსათუოთ არის ჩაგდებული ანგარიშში მთავრობისა და სოფლის მეურნეობის მოლაპარაკებაში.

— ომის სიმძიმე ჩვენ დაგვაწვება კისერზე. ჩვენ საჭირო ვიქნებით, ეხლა საჭირო ვართ. მაშ მოგვეცით საშუალება. რომ გავძლოთ და ვიკხოვროთ, რომ ჩვენთვისაც საჭირო და საინტერესო იქნეს ამ ქვეყნის დაცვა და მისი ძლიერების განმტკიცებაო.— ასეთია ფერმერების მოთხოვნის დასაბუთება.

ვაჭრობა და მოლაპარაკება აქ უკვე მარტო სხვა და სხვა საქონელის ერთი მეორეში გაცვლა-გამოცვლაზე კ აღარ არის. არამედ სოფლის ჭირნახულს სათავეთ სოფლის ახალგაზრდა სალდათის ფორმაში გამოწყობილი.

„შინაგანი და გარეშე“ მტრების „შეტევა და თავდაცვისათვის“ შეიარაღებული ფერმერიც თან მოსდევს.

თუ ამ გარემოებას გავითვალისწინებთ, მაშინ საჭიროა იმის თქმა, რომ ეს საკითხი მართლაც რომ მეტად რთულია. ჰნელად გადასაჭრელი.

საქმე ისაა, რომ ფასს შეაძლებს მტატების ბურჟუაზია მთავრობის პირით სოფლის მოსახლეობას, ამ სათავეთ გამოყოლებულ „დამატებაში“?

ბჭობა და ლაპარაკი ამის შესახებ ჯერ არამც თუ არ გათავებულა, არც კი დაწყებულა ხეირიანათ. -

ეს საკითხი შარშან ძალიან გამწვავებული იყო, ამიტომ არჩევნების დროს როგორც ჰუვერი, ისე სმიტი დიდსა და მრავალს იმედებს აძლევდნ ამრჩევლებს — ფერმერების საკითხების მოგვარებას დიდს ყურადღებას მივაქცევთო!

არჩევნებში ჰუვერმა გაიმარჯვა და ნისიათ გაცემული თამასუქების განაღდება იმას შეხვდა წილათ.

ჰუვერი აირჩიეს, ჰუვერი ავიდა პრეზიდენტის ტახტზე.

თეთრ სახლში დაბინავებამდე — ასეთია წესი და ადათი — პრეზიდენტმა სიტყვა უნდა წარმოსთქვას და ამ სიტყვაში უნდა გადმოაღაგოს თავისი მრწამსი, თავისი მომავალი მუშაობის გეგმა და შინაარსი. ასეთია წესი — ასე ჰქნა ჰუვერმაც.

ყურებ დაცქვეტილი შესჩერებოდენ ხანაში ჰუვერს სოფლის მეურნების ხალხი, ფერმერები. მოელოდენ მისგან გაკეთებას, გაბედნიერებას, მაგრამ ჰუვერის სიტყვა არ იყო მაინცა და მაინც საიმისოთ მომართული, რომ ცხადათა და ნათლად გამოეაშკარაებინა მომავალი მუშაობის ხაზი და მიმართულება.

ბუნდოვანი ქარაგმები ჰუვერს ბევრი შემოეხარჯა. მაგრამ გარკვეული არაფერი უთქვამს. სოფლის მეურნეების დასაშოშმინებლათ მას მაინც დასჭირდა ბარე ორი ახალი შეპირების მიცემა.

— მე მივიღებ ზომებს, რომ სოფლის მეურნეობაში ფეხი ამოიკვეთოს შეამავალმა, ჩარჩმა, დალაღმა, მის მაგივრათ მე ხელს შევეუწყობ კოოპერაციის განვითარებას. ამიერიდან სოფლის მეურნეობის სრული ფასი თვით მეურნეებს დარჩებათ ხელში და ამითი, რასაკვირველია, მათი მდგომარეობა გაუმჯობესდებაო, — წარმოსთქვა ჰუვერმა სოფლის ხალხის გასაგონათ.

მაგრამ, ალბათ, თვითონვე შეატყო, რომ ეს ზომა სრულებითაც ვერ შეანელებს სოფლის გაჭირვებას და ვერ გამოიწვევს მეურნეობის დაკმაყოფილებას, ამიტომ შემოთ ნათქვამს კიდევ დაუმატა შემდეგ:

— ჩემი მართველობის დროს, მე მოვაწყობ და დავამწყესებ მუდმივ სათათბიროს სოფლის მეურნეობის საკითხების შესასწავლად და მოსაგვარებლადო.

ჰუვერი ეხლა უკვე კარგი ხანია, რაც მოკრძალებითა და სასოებით ეწევა პრეზიდენტის ქაპანს, სცდილობს მუშაობს, რა გაეწყობა.... მაგრამ სოფლის მეურნეობის საკითხი პირდაღებული აჩრდლივით სდგას, მისთვის ჯერ არავის მოუცლია სოფლის მეურნეობის და მეურნეების მდგომარეობის გასაუმჯობესებლად ჯერ-ჯერობით ჩხირიც კი არავის გაუტეხია.

გაზეთებში წარა-მარა სწერენ თვითეულ წერილმანს. რაც კი ჰუვერის მუშაობას ეხება. არამც თუ თვით ჰუვერი, არამედ ჰუვერის მეუღლეს რამდენჯერ დააცემინა ცხვირი რომელიმე ორშაბათს, ან პარასკევს, ეს არამც და არამც არ გამოეპარება აქაურ გაზეთებს. მაგალითად 6

აპრილის გაზეთებში ასეთი ცნობებია ჰუვერისა და მისი მეუღლის შესახებ:

„წარსულ ოთხშაბათს ჰუვერი ღებულობდა თეთრ სახლში მთხოვნელებსა და მნახველებს. ამ დღეს მან 1757 კაცს ჩამოართვა ხელი. ამით ბატონს პრეზიდენტს ისეთი ჯაფა დაადგა, რომ სტუმრების წასვლის შემდეგ მას მარჯვენა ხელი გაუსივდაო“.

ამის შემდეგ დაწვრილებით არის ჩამოთვლილი ყველა ის ზომები, რაც საჭიროა იმისათვის. რომ ჰუვერს ამდენი ხელის ჩამორთმევა არ დასჭირდეს და ხელახლა არ გაუსივდეს ხელი.

იქვე იმავე დღეს და იმავე გაზეთებში ქალბატონ ჰუვერის შესახებაც არის შემდეგი ცნობა:

„ქალბატონი ჰუვერი თვითონ დადის თავის ავტომობილით, შოფერი მას არ ჰქირდება. ამ ჩამოდენივე დღის წინათ ვაშინგტონში ერთმა მგზავრმა ვერ იცნო ქალბატონი პრეზიდენტის მეუღლე და მკაცრათ მოსთხოვა, რომ ავტო შეეჩერებიაო“.

ეს ერთი დღის ამბავია. მაგრამ ასეთი ამბები ყოველ დღეა აქაურს გაზეთებში. შტატების მცხოვრებლებმა საუცხოვოთ იციან, რამდენი წევარი და მეძებარი ჰყავს ბატონს ჰუვერს, სად რომელი ძაღლია დაბინავებული. გუშინ რა მიირთვა და ხვალ რას გეახლებათ. მაგრამ არავინ არ იცის თუ რას აპირებს ჰუვერი სოფლის მერწნობის მდგომარეობის გამოსასწორებლად.

სოფლის მეურნეები?

სოფლის მეურნეები, უცდიან. კოტრდებიან, თავს ანებებენ სოფელს და ქალაქს აწევიან სამუშაოს საშოვნელად. ქარხნებისა და ფაბრიკების კარებთან არიან ატუზული.

მთავრობა არ ჩქარობს ამ საკითხის გადაჭრას. სკდინო-  
ლობს მის გაქიანურებას მაგრამ როდემდე?!

მეორე რთული და მძიმე საკითხი შეერთებული 'მტა-  
ტებისათვის არის უ მ უ შ ე ვ რ ო ბ ი ს საკითხი.

შეერთებულ 'მტატების მრეწველობა დაქვეითებისაკენ  
არ მიდის, პირიქით. მისი მრეწველობა საარაკო სისწრა-  
ფით ვითარდება, მიუხედავად ამისა. შეიძლება სწორეი,  
ამის გაშლისობით, უმუშევართა რიცხვი რასაც მარტულობს.  
თორემ არ იკლებს.

ამ უამათ შეერთებულ შტატში 4.000.000 უმუშევა-  
რია ანგარიშში გატარებული. უმუშევართა ნამდვილი  
რიცხვი კი ამაზე მეტია.

რითი აიხსნება უმუშევართა რიცხვის ასეთი მოჭარ-  
ბება?

მიზეზი ბევრია. ერთი მათგანი ისაა, რომ მრეწველო-  
ბაში ტენხიკა მეტად ჩქარის ნაბიჯით დაწინაურდა. მრეწ-  
ველობის ზრდა ვერ გაჰყვა მხარ-და-მხარ ტენხიკის განვი-  
თარებას. ამიტომ დღეს შტატებში ასეთს სურათს ვხედავთ.  
ეთქვით იზრდება მრეწველობის რომელიმე დარგი და თან  
ამ დარგში ჩაბმული მუშების რიცხვი კი კლებულობს.

ავილოთ რამოდენიმე დარგი და შევადაროთ მათი ზრ-  
და და მუშათა რიცხვი 1923 და 1925 წლის ერთი-მეო-  
რესთან დაპირდაპირებით.

მრეწველობის დარგი	გაზრდა	მუშათა ხელს მოაკლდა
ნავთის წარმოება	84 პროც.	5 პროცენტით,
თამბაქოს წარმოება	53	13 "
მშენებლობის დარგი	11	15 "
ავტომობილების წარმოება	70	48 "
ფოლადის წარმოება	8	9 "

ამჟამად, მრეწველობა იზრდება, მატულობს, მუშათა რიცხვი კი მცირდება. უმუშევრობას სოფლიდან აყრილი და ქალაქისკენ წამოსული სოფლის მეურნეობის მუშები და გაკოტრებული მეურნეებიც აძლიერებენ.

აი მეორე სატკივარი, რომელსაც ზერელეთ მალამოს წაცხება ვერ მოარჩენს, საჭიროა მაგარი წამალი. საჭიროა სწრაფი და ძირითადი ზომების მიღება!

როგორ უპირებენ ამ სატკივარს მოშუშებას, რა გეგმა აქვს ამის შესახებ ჰუვერის მთავრობას?

1. ამერიკის კარების ჩაკეტვა სხვა და სხვა ქვეყნებიდან წამოსული ხალხისათვის, ასეთია პირველი ზომა.

იყო დრო, როდესაც ამერიკულ მრეწველობას არ ჰყავდა საკმარისათ მუშა ხელი. ამიტომ ამერიკა არამც თუ აბრკოლებდა, პირიქით ხელს უწყობდა უცხოეთიდან ამერიკაში ხალხის გადმოსახლებას.

ენლა ამერიკას ჭარბათ ჰყავს მუშები, ამიტომ ხალხის შემომატება მას აღარ ესაჭიროება. ამითია გამოწვეული ის კანონი, რომლითაც ამერიკას უნდა თავი დაიციოს სხვა და სხვა ქვეყნებიდან, ხალხის შემოსვლისაგან. ეს კანონი ამ რამოდენიმე წლის წინათ შემოიღეს, მაგრამ ამ უკანასკნელ წლებში მას უფრო და უფრო უჭერენ მუხრუქს. წლიურათ შემომსვლელთა რიცხვს სულ თანდათან აკლებენ და ამერიკაში გადმოსახლებას უფრო და უფრო აძნელებენ.

ჰუვერიც ჰპირდება ამომრჩევლებს:

— ამერიკაში შემოსასვლელ კარებს კიდევ უფრო მაგრად დავჯორგავ. ურდულს კიდევ უფრო მძლავრათ გავამაგრებო!

ეს პატარა საკერველია და იმისი საშვალეებით ამოდენა ნარღვევის გამრთელება შეუძლებელია.

აქაც ჰპირდება ჰუვერი სხვა და სხვა ზომების მიღებას.

აპირებენ, მაგალითად საზოგადო სამუშაოების მოწყობას, ზოგიერთი მდინარეების ნაპირების გამაგრებას, ჯებირების აშენებას. ამ საქმეს, მართალია, ბევრი ფული დასჭირდება და უმუშევრობაც შენელებს, მაგრამ ეს სამუშაო დროებითია და ამ მოკლე დროშიაც ვერ მისცემს ყველა უმუშევარს საზრდოსა და სარჩენს.

ეს საკითხი მაინც გადაუჭრელი რჩება.

თეთრ სასახლეში სხვანაირი წამლის მზადება არ იციან. ხოლო იმათ, ვისაც ეს და ბევრი ამის მზგავსი სატიკივარი აწუხებს, თვითონ ჯერ არ მოუყიდიათ ხელი ამ საქმისათვის.

## სოფლის მეურნეობა ჩრდილო ამერიკის შეერთებულ შტატებში.

4 მაისს 1929 წ.

(ზოგიერთი ციფრები და დასკვნები)

დღეს ჩრდილო ამერიკის შეერთებული შტატები უაღრესათ განვითარებული მრეწველობის ქვეყანაა.

აქაური მრეწველობა თანდათან ანებებს თავს ორთქლის ძალას, და ძალუმათ აწევა ელექტრონის ენერგიას. ჩრდილო ამერიკის ელექტრო-სადგურების ძალა რომ ერთად მოვაქციოთ, რალაც საარაკო რიცხვს მივიღებთ: ეს ძალა უდრის 26.830.000 კილოვატს. რამდენათ დიდია ეს რიცხვი თუნდა იქედანაც სჩანს, რომ „გ ო ე ლ რ ო ს“ პროგრამა 30 დიდი სარაიონო სადგურის დადგმა და გადაკეთება ჩვენ მხოლოდ 1.750.000 კილოვატს მოგვცემს.

ჩრდილო ამერიკის შეერთებული შტატები თავის მრეწველობით დღევანდელ პირობებში, ადვილად გადაიწონის მთელი ევროპის მრეწველობის ბევრს დარგებს.

ევროპის მრეწველობა გაცილებით უფრო ხნიერია — ხანმოთეულია. ჩრდილო ამერიკის მრეწველობა სულ ახალგაზრდაა.

რ ა ი ყ ო ჩ რ დ. ა მ ე რ ი კ ა ა მ თ უ ნ დ ა 50 წლის წინათ? მას თითქმის სრულებით არ გააჩნდა საკუთარი მრეწველობა. მოსახლეობის 90-95 პროცენტი სოფლის მეურნეობით ირჩენდა თავს. ჩრდ. ამერიკის შტატები მაშინ სხვისი ხელში შემყურე იყო; მრეწველობის ნაწარმოები უცხოეთიდან შემოიღოდა. თვით სახელმწიფო ვალებით იყო სავსე: ამ ვალებს, თუ ემატებოდა, თორემ არ აკლდებოდა.

დღეს სოფლის მეურნეობაში დასაქმებულია მოსახლეობის მხოლოდ 28 პროცენტი.

ვინც აქაური ეკონომიური ცხოვრების მაჯის ცემას უკვირდება და სწავლობს. ისენი ამტკიცებენ, რომ ამ 28 პროცენტსაც უნდა ჩამოაკლდეს საგრძნობი ნაწილი.

აშკარაა. რომ მრეწველობა საბრაკო სისწრაფით განვითარებულა უკანასკნელი ნახევრი საუკუნის განმავლობაში. რას მოასწავებს ეს სოფლის მეურნეობის შესახებ. განვითარებას — დაწინაურებას. თუ ჩამორჩენას — დაქვეითებას?

პასუხი ერთია — პირველს და არა მეორეს — დაწინაურებას და არა დაქვეითებას!

თუ ერთ დროს ჩრ. ამერიკაში იმისი შიში ჰქონდათ. რომ ჩვენმა მოსახლეობამ 150 მილიონამდე რომ მიაღწიოს. სურსათი და ქირნახული აღარ გვეყოფაო. — დღეს ეს საკითხი სრულებით აღარ არსებობს. მართალია დღეს



მოსახლეობა მხოლოდ 110 მილიონს უდრის, მაგრამ ჩრდ. ამერიკაში მოყვანილი ჭირნახული არამც თუ ყოფნის, მოსახლეობას, არამედ აქაურმა სოფლის მეურნეებმა აღარ იციან სად გაასაღონ თავიანთი მოსავეალი, ვინაიდან შინაური ბაზარი ამოდენ საქონელს ვერ იტევს და გარეთ გატანა კი სხვა და სხვა მიზეზების გამო ძნელი შეიქნა.

ამ 75 წლის წინათ, კანზასის (შტატია) სასოფლო მეურნეობის ინსტიტუტის პროფესორი ვოკერის გამოანგარიშებით, საშვალო თითო ფერმერს შეეძლო მოეწყო და დაემუშავებია მხოლოდ 12 აკრის (აკრი თითქმის ერთს ქცევას უდრის) ეხლა კი თვითეული ფერმერი სულ ადვილად მოერევა 34 აკრის დამუშავებას. ეს იმას ნიშნავს, რომ ფერმერის შრომის ნაყოფიერება თითქმის გასამკეცებულა.

კიდევ უკეთესი მაგალითი. კემპბელი (სწორეთ ის, რომელიც ამ წლის დამდეგს საბჭოთა კავშირში იყო) თავის 47.000 აკრი პურეულის მოვლას მხოლოდ 250 მუშას ანდომებს, ესე იგი თვითეული მუშა აქ 188 აკრის დამუშავებას ერევა.

ეს „სასწაული“ სასოფლო მეურნეობაში მანქანების შესვლის გამოისობითაა, რასაკვირველია, მომხდარი.

ჩრდ. ამერიკის შტატების შრომის ბიუროს ანგარიშით, ხელითა და მანქანით დამუშავება ასეთს განსხვევებას იძლევა თვითეულ აკრზე. (იხ. ცხრილი 194 გვერდზე).

იმავე შრომის ბიუროს ანგარიშით მარტო ამ რვა თავი მცენარეულის დამუშავებაში მანქანების მუშაობა იძლევა ზედმეტათ 1,432.866,135 სამუშაო დღეს, რაც დაახლოვებით ღირს თითქმის 4 მილიარდი დოლარი. ანუ 8 მილიარდი მანეთი.

	უ ნ დ ე ბ ა	
	ხელით დამუშავება	მანქან. დამუშავება
ხორბალი . . . . .	61 საათ. 05 წ.	3 საათი, 19, 2 წ.
სიმინდი . . . . .	38 " 45 "	15 " 07 "
შვრია . . . . .	66 " 15 "	7 " 05.8 "
ქერი . . . . .	63 " 35 "	2 " 42,8 "
ბამბა . . . . .	167 " 48 "	78 " 42 "
თივა . . . . .	21 " 05 "	3 " 56,5 "
კართოფილი . . . . .	108 " 55 "	38 " 00 "
კვავი . . . . .	62 " 58, 9 წ.	25 " 10 "

„მ ე ტ ი მ ა ნ ქ ა ნ ა, ნ ა კ ლ ე ბ ი მ უ შ ა!“ — აი ასეთია ჩრდ. ამერიკის შეერთებული შტატების სოფლის მეურნეობის განვითარების მთავარი მიდრეკილება!

„ადამიანი — მუშა, როგორც მამოძრავებელი ძალის გამომჩენი, მეტათ უბადრუკი და სუსტი არამც თუ მანქანასთან შედარებით, ის მუშა-საქონელსაც ძალზე ჩამორჩება“ ასე ამბობს დ ე ვ ი დ ს ო ნ ი, რომელიც აიოვას (აიოვა შტატია) სასოფლო მეურნეობის ინსტიტუტში ტექნიკურ განყოფილებას განაგებს.

დევიდსონი ასე ანგარიშობს: „დაუპირდაპირეთ კარგი ჯანმრთელი მუშის ძალა, ცხენის ძალას და თქვენ დაინახავთ, რომ რვა მუშის ძალა, ერთი ცხენის ძალას არ აღემატება. რა ღირს ცხენის ძალა საათში? დაახლოვებით 20. კაპიკი, მაშასადამე მუ-

შა-ადამიანის ძალა საათში 3 კაპიკზე ნაკლები ღირებულა!”

მაგრამ მანქანა მაინც მანქანაა, ის უქმი და უძრავია, თუ მას ცოცხალი მუშის ძალა არ შეხო, არ ამოძრავია. ადამიანი მუშა ფასობს არა მხოლოდ, როგორც უშუალო მომუშავე ძალა, არამედ, როგორც მანქანების მოძრაობის მიმცემი, ამ მანქანების, ასე ვთქვათ „სულის ჩამდგმელი“.

აი ამ ორი ძალის ერთმანეთში შეკავშირება, მათი ერთმანეთთან შეუღლებაა, რომ ჰქმნის „სასწაულს“: ამრავლებს და აძლიერებს შრომის საერთო ნაყოფიერებას. რ ა ც უ ფ რ ო მ ე ტ ი ა მ ა ნ ქ ა ნ ი ს ძ ა ლ ა მ უ შ ი ს ძ ა ლ ა ს თ ა ნ დ ა კ ა ვ შ ი რ ე ბ უ ლ ი , მ ი თ უ ფ რ ო მ ე ტ ი ა მ ა თ ი ს ა ე რ თ ო მ უ შ ა ო ბ ი ს შ ე დ ე გ ი .

აი ერთი პატარა ცხრილი იმავე დევიდსონის მიერ დამუშავებული.

ქ ვ ე ყ ნ ე ბ ი	რამდენ ცხენის ძალას განაგებს თვით. მუშა	ამ შრომის საფასური მთელ წლ. მოსავალში
იტალია . . . . .	0,19	90,00 მან.
საფრანგეთი . . . . .	0,37	180,00 ”
გერმანია . . . . .	0,55	238,00 ”
ინგლისი . . . . .	0,88	252,00 ”
ჩრდ. ამერიკის შეერთ. შტატები .	2,05	584,00 ”

ამ ცხრილიდან აშკარაა, რომ ყ ვ ე ლ ა ზ ე ჩ ა მ ო რ - ჩ ე ნ ი ლ ი ა ი ტ ა ლ ი ა , იქ თვითეული მუშის განკარგულებაში მხოლოდ 0,19 ცხენის ძალაა, ამიტომ ასე-

თი მუშის წლიური მოსავლის საფასური მხოლოდ 90 მანეთს შეადგენს.

ყველაზე დაწინაურებულ ი ჩ რ დ ო ლ ო პ მ ე რ ი კ ი ს შ ტ ა ტ ე ბ ი ა. აქ თვითეული მუშის განკარგულებაში 2,05 ცხენის ძალაა. სამაგიეროთ მისი ნაშრომი გაცილებით მეტი ღირს. ამ შრომის ნაყოფი თითქმის 600 მანეთს აღწევს.

მაგრამ თვით შტატებში შიგა და შიგ როდია ყველგან თანაბრათა და თანასწორათ მუშა. და-მანქანა ერთმანეთში დაკავშირებული. მეტ-ნაკლებობა აქაც ჩანს და, ამის კვალობაზე, მეტ-ნაკლებია შრომის შედეგი და ამ ნაშრომის საფასურიც.

შ ტ ა ტ ე ბ ი	ცხენის ძალა თვით. მუშაზე	შრომის საფასური მთელ მოსავალში
შტატი ალაბამა . . .	0,81	224,00 მან.
„ ნიუ-იორკი . . .	1,69	500,00 „
„ აიოვა . . . . .	3,86	1190,00 „
„ ნებრასკა . . . . .	4,71	1820,00 „

სურათი აქაც იგივეა, სადაც შედარებით ნაკლებია მექანიკური ცხენის ძალა მუშასთან დაკავშირებული (ალაბამა), იქ შედეგიც მცირეა; სამაგიეროთ, სადაც ცხენის ძალა კარბობს, იქ შედეგიც გაცილებით მეტია (ნებრასკა).

მაშასადამე, „მ ე ტ ი მ ა ნ ქ ა ნ ა დ, ა ნ ა კ ლ ე ბ ი მ უ შ ა“ უსათუოთ სწორი გზაა; შრომის ნაყოფიერების გადიდება ჩრდ. ამერიკაში სასოფლო მეურნეობის მანქანების მოკარბებით ხმარების განუყრელი და აუცილებელი შედეგია.

კემპბელი. რომელსაც მონატანაში 47,000 აკრი ხორბალი უთესია, ასე ახასიათებს თანამედროვე სოფლის მეურნეობას ჩრდ. ამერიკის შტატებში:

„თ ა ნ ა მ ე დ რ ო ვ ე ს ო ფ ლ ის მ ე უ რ ნ ე ო ბ ა ღ ა მ ყ ა რ ე ბ უ ლ ი ა ტ ე ხ ნ ი კ ა ზ ე. ს ო ფ ლ ის მ ე უ რ ნ ე ო ბ ის კ ა რ გ ა თ მ ო წ ყ ო ბ ა ის ი ქ ნ ე ბ ა, რ თ დ ე ს ა ც ს ა მ უ შ ა ო ს 85 პ რ ო ც ე ნ ტ ი ტ ე ხ ნ ი კ უ რ ი ძ ა ლ ი თ შ ე ს რ უ ლ დ ე ბ ა“.

ჩრდილო ამერიკა არამც თუ იკმაყოფილებს მოთხოვნილებას თავის სოფლის მეურნეობის მოსაველით, არამედ დიდი ნაწილი ამ მოსავლის უცხოეთში უნდა გაიტანოს და გაასალოს. მსოფლიო ბაზრის კანონი კი ასეთია. ვინც უფრო იაფსა და უკეთესი ხარისხის საქონელს გამოიტანს, მუშტარსაც ის უფრო ადვილად იშოვის.

ამ ამოცანის გადაწყვეტა ამერიკელ სოფლის მეურნეებს ავალებს ანგარიში გაუწიონ თავის მოქიშპეს. ამერიკის შტატების გარდა მსოფლიო ბაზარზე სოფლის მეურნეობის ნაწარმოები გამოაქვს: კ ა ნ ა დ ა ს, ა რ გ ე ნ ტ ი ნ ა ს, ა ვ ს ტ რ ა ლ ი ა ს, და ს ა ბ ჯ ო თ ა კ ა ე შ ი რ ს. რა უპირატესობა აქვს თვითეულ ამ ქვეყანას შტატებთან შედარებით?

1. კ ა ნ ა დ ა. აქ მიწის ფასი შედარებით უფრო იაფია, ნიადაგიც უფრო ბარაქიანია და მეტს მოსავალს იძლევა.

2. ა რ გ ე ნ ტ ი ნ ა. აქაც უფრო იაფია მიწის ფასი, გარდა ამისა უფრო იაფი ჯდება სოფლის ნაწარმოების ზიდვა.

3. ა ვ ს ტ რ ა ლ ი ა. ავსტრალიასაც დაახლოვებით იგივე უპირატესობა აქვს რაც არგენტინას.

4. ს ა ბ კ ო თ ა კ ა ვ შ ი რ ი. აქ შედარებით უფრო იაფია მუშა ხელი.

ამ უპირატესობის გაბათილება და მეტოქეობაში დაწინაურება ჩრდილო ამერიკას შეუძლია მხოლოდ ტექნიკის კარბათ მოხმარებით და მით ნაწარმოების გაიაფებით.

იგივე კემპბელი ასე სწერს ამის თაობაზე:

„ხორბალის ფასი სრულებით არ არის დამოკიდებული მწარმოებლის ნებასა და სურვილზე. ჩვენი ხორბალი მხოლოდ მაშინ გაუძღებს სხვა ქვეყნებიდან მოტანილ წარმოების მეტოქეობას, როდესაც ჩვენ შევძლებთ ჩ ვ ე ნ ი ს ა ქ ო ნ ე ლ ი ს დ ი რ ე ბ უ ლ ე ბ ი ს შ ე მ ც ი რ ე ბ ა ს. ამ შემთხვევაში ჩვენ სოფლის მეურნეობას სხვა გზა და გამოსავალი არ აქვს; თუ არა ის, რითაც მრეწველობა სარგებლობს, ესე იგი, რაც შეიძლება მეტი მექანიკური ძალის გამოყენება. მე ჩემს მეურნეობაში იმ დროსაც კი, როდესაც ძალიან მოძალებული სამუშაოები გვაქვს, 250 მუშაზე მეტს არ ვსაჭიროებ“.

ეს არც გასაკვირალია, ვინაიდან კემპბელი თავის მამულში ხმარობს, თუნდა მაგალითად, რომ ვთქვათ ისეთს მანქანას, რომელიც ერთსა და იმავე დროს ვარგა, როგორც სამკელად, ისე საღეწად. ერთს ტრაქტორს და ერთს ასეთს სამკელ-საღეწი მანქანის მოვლას სჭირდება ს ა მ ი მ უ შ ა, ხოლო ამ მანქანებით გაკეთებული საქმე უდრის 28 მ უ შ ი ს ა, და 32 ც ხ ე ნ ი ს ნ ა მ უ შ ე ვ ა რ ს.

მანქანის მნიშვნელობა მარტო შრომის ნაყოფიერების გადიდებაში, (რაც თავის თავად გაკეთებული საქონლის გაიაფებასაც ნიშნავს), კი არ გამოიხატება. არის სამუშაო, რომელიც ალოსზე ჰკიდია, აქ საჭიროა სიჩქარე, სისწრაფე; თუ ალოს გადააცილე — შრომის ნაყოფი გაგინახევრდება, ან და სრულებით დაგელუდება.

ამ შემთხვევაშიაც მანქანის მნიშვნელობა დაუფასებელია. ადამიანის შრომა და მანქანის მუშაობა ამ მხრივაც შეუდარებელია ერთი მეორესთან.

მე არ შემიძლია ჩამოვთვალო ყველა მანქანები, რასაც ჩრდ. ამერიკის სოფლის მეურნეობაში ხმარობენ, დავასახელებ მხოლოდ ზოგიერთებს და აღვნიშნავ, თუ რა შეღავათს აძლევს თვითეული მათგანი სოფლის მეურნეს.

პირველი და მთავარი მანქანა სოფლის მეურნეობაში, რასაკვირველია ტ რ ა ქ ტ ო რ ი ა. რა მნიშვნელობა აქვს ტრაქტორის მუშაობას, ამაზე შეჩერება არ ღირს — ეს უდაო და აშკარაა, მხოლოდ საქართველოა, მგონი, ის „ბედნიერი“ ქვეყანა, სადაც ტრაქტორის მნიშვნელობა საექვეო და სათუთო მიაჩნია ზოგიერთ სწავლულებს. აქ კა არამც თუ უდაოა ტრაქტორის უპირატესობა „გუთნეულთან“ შედარებით, რასაც ასეთს აღტაცებაში მოჰყავდა ერთი ჩვენი მეცნიერი (ჰმ!!), არამედ თვითეულ ფერმერის 12 წლის ბავშმაც კი იცის მისი მოვლა და ხმარება. 40 აკრი ყანა აქ არ ითვლება დიდ მამულად, მაგრამ თითქმის თვითეულ ასეთი მამულის პატრონს ერთი ტრაქტორი მაინც უდგია სამუშაოთ. არის ფერმერი, რომელიც 10-15 ტრაქტორს ხმარობს.

ტრაქტორს მარტო პურეულის ყანების სახნავათ კი არ ხმარობენ. ტრაქტორს ხმარობენ აგრეთვე ბალისა და ბოსტნის დასამუშავებლად, ხმარობენ აგრეთვე იმ ადგილებში, სადაც მოჰყავთ ს ი მ ი ნ დ ი, კ ა რ ტ ო ფ ი ლ ი, ს ე ლ ი, შ ა ქ რ ი ს გ ა მ ო ს ა ხ დ ე ლ ი კ ა რ ხ ა ლ ი და სხვა.

არის ალაგ-ალაგ ისეთი ნიადაგი, რომლის დამუშავება მხოლოდ ტრაქტორის შემწეობით შეიძლება, „გუთნეულით“ იქ ფონს ვერ გახვალთ.

ტრაქტორის რიცხვი საარაკო სისწრაფით იზრდება. იშვიათია ისეთი მეურნე, რომ ერთი ტრაქტორი არ ჰქონდეს. 1925 წლის დამდეგს ჩრდილო ამერიკის სოფლის მეურნეობაში მუშაობდა 506,745 ტრაქტორი, მაშინ, როდესაც 5 წლის წინათ ესე იგი 1920 წლის დამდეგს ტრაქტორების რიცხვი მხოლოდ ამის ნახევარს შეადგენდა. იყო სულ 246,083.

ყველაფერს რომ თავი დავანებოთ, ტ რ ა ქ ტ ო რ ი გ ა ც ი ლ ე ბ ი თ უ ფ რ ო ი ა უ ა დ მ უ შ ა ო ბ ს, ვ ი დ რ ე ც ხ ე ნ ი, ტ რ ა ქ ტ ო რ ი ს ' ნ ა მ უ შ ე ვ ა რ ი ა ქ ა უ რ ი მ ე ც ნ ი ე რ ე ბ ი ს ა ნ გ ა რ ი შ ი თ 4-ჯ ე რ. უ ფ რ ო ი ა ფ ი ა, ვ ი დ რ ე ც ხ ე ნ ი ს. მ უ შ ა ო ბ ა.

მეორე მანქანა. რომელიც მეტად გავრცელებულია საზოგადოთ ჩრდილო ამერიკაში და სხვათა შორის სოფლის მეურნეობაშიაც — ესაა ა ვ ტ ო მ ო ბ ი ლ ი. ამბობენ თვითეულ ექვს სულს ამერიკელს ერთი მანქანა მაინც ჰყავსო.

ეს საერთო ანგარიშია. ბარე ორია ამერიკაში ისეთი, რომ ავტო არ გააჩნია და არამც თუ ავტო, დღიურათ ჰურის საკმელი ფულიც არ ეშოვება, სამაგიეროთ სოფლად, სოფლის მეურნეობაში ავტო აუცილებლათ საჭიროა და ვერც ნახავთ ისეთს მეურნეს, რომ ერთი ავტო მაინც არ ჰყავდეს. კარგა ხანია გადაეარდა ის დრო, როდესაც ამერიკელი ფერმერი თავის ნაწარმოებს ურმებით ეზიდებოდა; დღეს ურემის მაგიერობას ავტო ეწევა.

დიდი შელავათია აგრეთვე აქაური მეურნისათვის. ს ა ლ ე წ - ს ა მ კ ე ლ ი მ ა ნ ქ ა ნ ა. ეს მანქანა მითაა საინტერესო, რომ ის სალექსათაც ვარგა და სამკელათაც.



ხშირია სოფლის მეურნეობაში ისეთი შემთხვევებ, რო-  
დესაც საჭიროა სამუშაოს სიჩქარით მოღვევა, ასეთი შემ-  
თხვევები უჯრო ხშირია მკის დროს. საღეწ-სამკელი მან-  
ქანა ამ შემთხვევისათვის შეუდარებელია. ი ს დ ი დ ი  
ს ი.ს წ რ ა ფ ი თ მ უ შ ა ო ბ ს. ეს მანქანა დიდი არ  
არის, არც ისე ძვირია და ერთ პატარა მამულში (დაახლო-  
ვებით 160 აკრზე) ეს მანქანა 4 წლის მუშაობით თავის  
თავს გამრიყიდის.

არის კიდევ ერთი მანქანა, რომლის დასახელება. ცოტა  
არ იყოს, მეთაკილება.

ეს მანქანა, თქვენთან ბოდიში მომითხოვია, ლ ო რ ი,  
ჩ ვ ე უ ლ ე ბ რ ი ვ ი ლ ო რ ი გ ა ხ ლ ა ვ თ.

საქმე ისაა, რომ ჩრდილო ამერიკაში აუარებელ სი-  
მინდს სთესავენ. სიმინდის მოსავალი წლიურათ იძლევა  
დაახლოვებით 180 მილიარდ ფუტს. საქმელათ სიმინდს აქ  
თითქმის სრულებით არ ხმარობენ და ამ მოსავალის 55-60  
პროცენტი ღორების საკვებს უნდება. სიმინდს ხმარობენ  
სხვა და სხვა ტექნიკურ საჭიროებისათვის. სიმინდი მხო-  
ლოდ ნედლი მასალაა სხვა და სხვა დარგებში სხვა და სხვა  
საქონელის დასამზადებლად. მანქანებში გატარებული სი-  
მინდი გამოდის, როგორც სხვა და სხვა დასრულებული  
საქონელი. საამისოთ ამერიკის მრეწველობას ბევრი სა-  
გულდაგულოთ მოწყობილი ქარხნები აქვს და აუარებე-  
ლი საგანგებოთ დადგმული მანქანები მოეძებნებათ. მაგ-  
რამ არის ერთი დარგი, სადაც არავითარი მანქანა არ უდ-  
გება. არ არის და არავის გამოუგონია ჯერ ისეთი მასა-  
ლა, რომ სიმინდი ხორცათა და ქონათ გადაამუშაოს. ამას  
ლორის მეტი, არაფერი მანქანა არ უდგება. ანგარიშით  
ლორი ჩინებულად ასრულებს ამ დანიშნულებას, ლორი.  
ან როგორც აქ მას ეძახიან corn on the hoof — ჩ ო რ ი

ქ ე ბ ზ ე · შ ე მ დ გ ა რ ი ს ი მ ი ნ დ ი“ ჩინებულ საქონელს იძლევა. ამ საქონლის ფასი უფრო მაგრაათ დგას და მუშტარის ძებნა მას არ სჭირდება.

ჩრდ. ამერიკის სათიბები საერთოდ 6 მილიარდ ფუთ თივას იძლევა. ამ საუშაოს შედარებით მეტი მუშა ხელი სჭირდებოდა. ს ა თ ი ბ ა ვ ი მ ა ნ ქ ა ნ ა კ ა რ გ ა ხ ა ნ ი ა , რ ა ც ი უ ო გ ა მ ო გ ო ნ ი ლ ი და მას კიდევაც ხმარობდენ, მაგრამ არ იყო სხვა მანქანები და ამიტომ თივის, თავის მოყრა, დაჩერგილება ზვინათ დადგმა — ყველაფერს ამას ადამიანის ხელი სჭირდებოდა. ეხლა აქაც შემოღებულა მანქანები. რომლებიც არამც თუ აადვილებენ, აჩქარებენ მუშაობას, არამედ ცოცხალი მუშის მონაწილეობას ძალზე ამცირებენ.

რამდენს სთესავს და რა შემოსავალი აქვს შტატებს? ავიღოთ რამზღენიმე მცენარე.

მ ც ე ნ ა რ ე	რამდენი 1000 აკრი ითესება	რამდენი ბუშელი მოდის თითო აკრზე	რამდენი 1000 დოლარია ამოგებული მთელი მოსავლიდან
სიმინდი . . . . .	101,631	28,5	1,956,326
ხორბალი	52,200	12,8	947,993
შვრია . . . . .	45,160	33,3	571,768
ქერი . . . . .	8,243	26,4	127,653
კვავი . . . . .	4,088	11,9	38,026
უგრეხელი . . . . .	776	18,9	13,058
ბრინჯი . . . . .	904	37,6	32,246
სულ . . . . .	213,002		3,707,070

ესაა 1925 წლის ციფრები.

1913 წელს დათესილი მოედნის სივრცე უდრიდა 206.091 ათას აკრს, ესე იგი, 1925 შედარებით 6.911 ათას აკრით ნაკლები. იმავე 1913 წლის იმავე მცენარეულების მოსავლის ღირებულება შეადგენდა 2,892,204, ესე იგი 1925 წლის მოსავალთან შედარებით 814,866 ათასი დოლარით ნაკლები.

მე არ შემეძლო შეეხებოდი სოფლის მეურნეობის მრავალ სხვა დარგებს, საგაზეთო წერილში. ამ რთული საგნის გარჩევა შეუძლებელიცაა, მაგრამ, რაც ითქვა. ისიც საკმარისია ზოგიერთი საგულისხმო დასკვნის გამოსაყვანათ.

1. „მ ე ტ ი მ ა ნ ქ ა ნ ა და ნ ა კ ლ ე ბ ი მ უ-  
შ ა!“ მხოლოდ ამ გზით შეიძლება სასოჯლო მეურნეობის დაწინაურება და მრეწველობის სოფლის მეურნეობასთან იმრიგათ დაკავშირება, რომ სოფლის ნაწარმოები მრეწველობის ნაწარმოებით არ დაიჩაგროს და არც თვით დაიჩაგროს მრეწველობის ნაწარმოები.

2. ჩვენი ქვეყნის სოფლის მეურნეობისათვის ცივ-ცივით ამერიკის მაგალითის აწევა და გადმოტანა არ გამოდგება. ეს შესაძლებელიც რომ იყოს ჩვენ იმდენ სარგებლობას არ მოგვიტანს.

ამერიკა ფართოთ გაშლილი ქვეყანაა. სახნავ-სათესი მიწა აქ ძალზე მეტია. ჩვენში კი (მე ამ შემთხვევაში კერძოთ და საგულდაგულოთ საქართველოზე ვლაპარაკობ!) მიწის სივრცოვია. ამიტომ ჩვენში მანქანების ხმარებასთან ერთად არ უნდა დავივიწყოთ თვით ნიადაგის მოვლა. მისი თვისებების შესწავლა. თვითეული ნაქერი მიწა იმ მცენარეულისათვის, ან და მეურნეობის იმ დარგისათვის

უნდა გამოვიყენოთ, რომელიც მეტ ხეირს მისცემს სოფლის მეურნეს.

არც ეს საქმეა აქ მიტოვებული, მაგრამ ამერიკაში თავი და თავი ყურადღება უსათუოთ სოფლის მეურნეობაში მანქანების მომარჯვებას და მოხმარებას აქვს მიქცეული.

ჩვენ ამ ორ ხაზს ერთი მეორეს ვერ დავაშორებთ, ვერც ერთს მეორესთან შედარებით უპირატესობას ვერ მივაჩვენებთ.

ეს, რასაკვირველია, სრულებითაც არ ნიშნავს იმას, რომ საქართველო რაღაც სრულებით განსხვავებული კუთხეა დედამიწის ზურგზე, რომ მისთვის არ არსებობს მრეწველობისა და სოფლის მეურნეობის საერთო განვითარების კანონები.

რაც ჩქარა და საბოლოოთ გამოეთხოვებიან ამ „მამულიშვილურ“ ბაიათებს ზოგიერთი ჩვენი მეცნიერები და მათი ფეხის ამყოლი უმეცრები, მით უკეთესი რჩნება საქმისათვის.

4 მაისი 1929 წელი.